

COMMENTARIVS
DE
INTER REGNIS
IN REGNO
POLONIAE

A

M. MARTINO BOEHMIO,
PROFESSORE GYMNASII
THORVNENSIS,

CONCINNATVS,

NVNC

E MSto EDITVS,

AC


QVIBVSDAM ADDITAMENTIS

AVCTVS.



T H O R V N I I

Impressit Io. Nicolai NOBIL. SENAT;
& GYMN. Typographus,



LECTORI S.

Quem foetum ipse B. Auctor ante
aliquot annos evulgare destina-
verat (vid. Bücher, Saal Tom. I. p.
726.) iam Tuo commodo amplius no-
luimus invidere. Succincta in eo in-
venitur enarratio modi, quo Reges e-
ligi & coronari in Regno Poloniae so-
lent, neq; minus series rerum eo tem-
pore gestarum, quo Reges mortui &
vacuefacto solio, de novo eligendo a
Proceribus deliberationes sunt institu-
tae. Non iniucunda lectu sunt, quae
ex variis scriptoribus decerpta, &
ad



~~Pol. 811 14082~~

ad illustrandam Poloniae historiam
congesta in unum corpus reperiuntur.
Haud enim aliud notabilius solet esse
in Polonia tempus, quam ubi capite suo
caret. Facile multorum tunc in se
convertit oculos, allicitq³ aliorum co
tiam, qui extra Poloniam sunt. Alio
rum accenduntur aemulantium inter
se animi, qui procorum instar, re
gni capeffendi cupiditate ducti, spon
sam deperierunt: aliorum, anxia ex
pectatione advertentium, cui demum
post multas concertationes regnandi
felicitas obtingat. Putares, tum pla
ne sine Lege vivere Polonos, cum sine
Rege sint, sed alia prorsus apparent,
cum scriptores consulimus, ac consue
tudines per bonas leges introductae
accuratius observantur. De his, quae
compilata in hoc tractatu inveniun
tur, multa possunt esse documento, de
pingentia nationis ingenium, animum,
mores, tum & errores ac naevos, il
lo prae

lo praesertim tempore solitos & frequen-
tes. Vt plurimum enim, uti rela-
tum legimus, sub id tempus omnia
inquieta, miles spe veniae aut criminis
non puniendi licentiosius se gerere
solitus, sibi licere omnia temere ratus,
suo arbitrato & sponte militiam in-
gressus. Cum sine maleficio & scelere
oppida & villas praeterit non eius
bonitati & ingenio tribuendum, sed
aut Ducis industriae & integritati,
aut sigillatim indulgentissimi Dei tus-
telae. Ambitioni, avaritiae, libidini
& licentiae nulla non patebant, cum
omnes legibus vivere debuerunt, pau-
ci volunt, paucissimi possunt. Omnia
se rectius haberent, si maiorum cla-
rissimae gentis institutis, saluberrimarum
legum auctoritate & iustitiae
regulis accurate omnes niterentur.
Conquesti de his olim ipsi Proce-
res regni & medelam inter inanes co-
natus optarunt. Neq. mores hi fuerunt
eorum.

eorum, qui antiquitus asperrimis illis temporibus vixerunt, & paullo remotiores a cultu & humanitate fuerunt, sed & recentissima aetate non mitiori ingenio in patriam fuisse ex Epistolis ZALVSKIANIS ac speciatim XXXV II. liquet. Vlcus hoc est, quod tangimus, dum tristi memoria repetimus ea, quae reminiscendo multis dolorem augere possint. Sed corrigendis illis malis compescendisq; quomodo suam invigilare solent curam Proceres, ex hoc libello aliquantum videre potes, neq; minus industriam in tutandis iuribus conservandisq;. His ipsis speciatim cavent per pacta conventa, quibus voluntatem neo-electorum circumscribunt, ac, praestito super illa iureiurando, suae prospiciunt libertati. Quam facile enim per maiestatis & fortunae licentiam ea convelli solet, discere ex aliorum possumus exemplis. De his frequens &

fere quotidianus in Polonia sermo, nec
ullum de cura illa, qua agitantur, du-
bium. Ceterum hoc interregni tem-
pore, in quo vivimus, Dei gratia sa-
tis adhucdum omnia sunt tranquilla.
Neq̃ iam, uti olim militi vago, sub prae-
textu exigendi incerti stipendii o-
mnia licent, sed constituto solutoq̃ sti-
pendio intra ordinem de industria le-
ctus miles continere se debet. Prae-
terea cordi id sibi esse quam ma-
xime vult Celsissimus Primas, ad quem
illa curarum moles devoluta, ut, sal-
vo cuiusq̃ iure & quiete, Republi-
cae salus conservetur. Optamus iam,
ut Princeps consilio & gravitate ple-
nus aequabili fortuna & integra va-
letudine grave negotium feliciter &
ex commodo patriae perficiat, id quod
ingentis prudentiae documento ipsum
posteritati admirabilem reddet. Sed
redeo iam ad libellum. Mul-
tum quidem non raro pretii dece-
dere

dere solet operi posthumo, quando ultimam manum non valuerit adhibere auctor, aut gratia caret quadam foetus, quem lambendo quasi non cultiorem reddidit, tamen de hoc confirmare audeo, nec demere auctorem, nec addere, nec mutare quicquam, quoad esset in vivis, voluisse. Vnde prorsus totum eundemq³ habes, Lector Benevole, his argumentis, quibus prodire eum destinaverat Collega noster pie defunctus. Tantum distinximus ea in paragraphos, quae Auctor quaestionibus incluserat. Proinde nihil mihi arrogo insolenter, nisi quod curarim, ne plane ad neglectas condemnaretur schedas. Neq³ hoc adeo negotii prorsus mihi tribuo, sed participem huius curae vel honoris causa etiam nominare debeo Beati olim BOEHMII auditorem diligentissimum, Isaacum Godofredum Goedtkium, Conicensem, virum non modo patriae interioribus commentariis fideliter intentum, sed

Et rebus scrutandis in Polonia Et Prussia olim gestis. Cuius beneficio factum, ut in plura exempla typis Et hic commentarius exscriberetur. Neque hic reticere debeo operam eruditi viri, Ioannis Dan. Hoffmanni Gymnasii Collegae, quam in corrigendis praeter vitiis, tum Et aliis in latinum ex polonico reddendis voluit adhibere. Breves inter legendum Et meditandum subortas annotatiunculas boni consule, longiores ex scriptoribus addere nolimus, ne in nimium excresceret labor, qui brevis Et succinctus debbat esse. Quin imo iuxta illud Marcialis, minime decebat ingeniosum esse in alieno libro!

Faxit interim Deus, ut felici consiliorum eventu constet praesens electio, quo pacto malorum superiorum poterimus oblivisci ac nova rerum felicitate quodammodo laetari. Thorunii, d. 9. Aug. A. cl. l. CC XXXIII.

P. I.

M. MARTINI

M. MARTINI BOEHMII
DISSERTATIO HISTORICA
DE INTERREGNO REGNI POLONIAE
ET IIS
QVAE HVC FACERE VIDENTVR.

CAP. I.

de Interregnis in genere

- § 1. *Interregna quid sint?*
- § 2. *An detur extra Regnum Polon, Interregnum?*
- § 3. *Annon conducibilius regnum successivum, quam in electio inter regnum pati?*
- § 4. *Cur Poloni electionem successioni praeferant?*
- § 5. *Quare Piastus regno excludatur?*
- § 6. *Rationes pro Piasto, cur sit eligendus?*
- § 7. *Quod Regia proles nunquam excludatur a fascibus regni.*
- § 8.

-
- §. 8. *Vivente Rege novus Rex & successor an denominari queat?*
- §. 9. *Causae Interregnorum tres in Polonia.*
- §. 10. *Rex defunctus demum funebri pompa effertur, cum novus adest.*
- §. 11. *Quod non eo loco sint Reges multi mortui, ubi sunt electi.*
- §. 12. *An Rex deponi & exauctorari possit?*
- §. 13. *De spontanea abdicatione regni.*
- §. 14. *Exemplum lo. Casimiri sponte se abdicantis.*
- §. 15. *Qui statum interregni moderatur?*
- §. 16. *Munia & officia interregis quaecnam?*
- §. 17. *Capturale iudicium quid?*
- §. 18. *De cessantibus iudiciis tempore interregni.*
- §. 19. *De convocatione generali.*
- §. 20.

- §. 20. De loco electionis, & quae ante electionem peragi solent.
- §. 21. Electio quomodo peragitur?
- §. 22. Quorum potestas est eligendi Regem?
- §. 23. De Candidatis Regni Poloniae quinam esse possunt?
- §. 24. Quae post electionem fieri solent?
- §. 25. De formula iuramenti a recens electo praestandi.
- §. 26. Quae vulgo ante coronationem fiunt?
- §. 27. Descriptio actus coronationis.
- §. 28. Preces Archi-Episcopi Coronatoris.
- §. 29. De iuramento a Mareschalco equestris ordinis praescripto & a Rege praestando.
- §. 30. Quid post coronationem fieri soleat?

§. I.

Interregnum est tempus, quo Regnum Rege suo caret, sive ille mortuus fuerit, sive exautoratus, sive se ipsum Regno abdicaverit.

§ II. Dantur etiam extra Regnum Poloniae interregna tam in Successivis quam in Electis Regnis & Principatibus, in iis tamen minor tumultus oritur, quam in his. Mortuo Imperatore in Imperio Romano-Germanico Interregnum, sive Vacantia, ut in *Aurea Bulla Caroli IV.* vocatur, per Archiepiscopum Moguntinum Statibus Imperii denuntiatur. Tale Interregnum olim Seculo XIII. fuit, & magnum dicitur, quia XIX. secundum alios XXIII. annos duravit. Vicariatum illo tempore Dux Saxoniae & Palatinus Rheni administrare solent, vel etiam Rex Romanorum, qui hodie est Iosephus Iacobus Ignatius Ioannes Antonius Eustachius, Leopoldi Caesaris filius, An. 1678. d. 26. Iulii natus, An. 1687. Poloniae Rex Hungariae coronatus, & Augustae Vindelicorum An. 1690. d. 26. Ianuarii Rex Romanorum creatus. * Olim Vicarii Regum Romanorum dicebantur Praefecti Urbi, antiquorum Imperatorum vero Praefecti Praetorio: hodie dicuntur Procuratores & Mandatarii, sicut apud Francos, Maiores Domus & Comites Palatini. Vid. CHRISTOPH. LEHMANNVS in
Chron.

Chron. Spiren. lib. 3. cap. 17. 19. MARQVARD. FREHERVS ad Petri de Angelo lib. 1. cap. 10.
 Sic mortuo Pontifice Romano, defuncto Duce Veneto, Interregnum quoddam promulgatur.

§. III. Primis quidem Reipubl. Polonae temporibus Regnum Successivum in Polonia obtinuit, nec unquam Electio valuit, nisi Ducalis & Regalis sanguis plane extinctus esset; hinc partim in prima, partim in secunda & tertia periodo, in primis vero in Piastea & Jagellonica stirpe successivo ordine diu praefuerunt summae rerum Polonicarum masculi, quin & ad foemineum sexum Regnum fuisse devolutum ex Historia Polona manifestum est. Imo & Regiae prolis in ordine successionis habebatur ratio. Cum Casimirus I. Mieceslai II. filius, seculo XI. a Polonis cum Rixa matre, impotenti regiminis foemina, e Polonia pulsus, & in Gallia Monasterium Cluniacense ingressus jamque Diaconus factus esset, miserunt Sarmatae, Oratores suos ad Abbatem hujus Monasterii, humillime precantes, ut Casimirus claustris emissus, Regnum Polonicum adiret; cum vero is ipsorum petitis assurgere se non posse diceret, recta Roma contenderunt, et a Benedicto IX. P. R. sub his conditionibus Casimirum e Monasterio liberarunt, Regioque throno admoverunt, [1] ut censum Pontifici Romano solverent, ex quo In-

A. 3

cerna

cerna D Petro Romae arderet. (2) ut morem prolixos capillos gerendi, tanquam gentilem, abjicerent, illosque more Monachorum tonderent. [3] ut festis solennibus candidam stolam e collo suspensam singuli Equites gestarent. Etiam hoc seculo Ioannes Casimirus, Sigismundi III. ex altera Caroli Ducis Austriae Anna Constantia filius ordinem Iesuiticum professus, et ab Innocentio X. P. R. in numerum Cardinalium cooptatus, Rex electus, & Vladislao IV. successus est. Praeterea divisio Regni inter filios in Regnis Electis locum non habet: jam vero seculo XII. Boleslaus III. sive Krivouktus inter filios suos moriturus Regnum Poloniae dividerat, ita ut Vladislao II. sive Sputatori, ut Regi, tractus Cracovienfis, Siradienfis, Lancicienfis et Silesia; Boleslao IV. sive Crispo, Cujavia Masovia, Culmenfis et Dobrinefis provinciae; Miecslao seni, Gnesnensis, Posnaniensis, Calissienfis tractus cum Pomerania orientali; Henrico, Sendomirienfis & Lublunenfis; Casimiro II. denique terrae inter quatuor horum filiorum partes jacentes attributae sunt, ut non modo IOANNES DLUGOSSUS TOM. I. *Hist. Polon.* ad An. 1139. sed & Martinus Cromerus lib. 7. de ortu & rebus gestis Polonorum tradit. ut sileam testimonia a scriptoribus Polonicis passim hac de re sparsa, quae videri possunt apud VIN-

VINCENTIUM KADLUBKONEM lib. 1.
Chron. Polon. epist. 1 lib. 3 epist. 27. & lib. 4.
epist. 21. 26. apud citatum DŁUGOSIUM ad
 A. 1173. 1200. 1201. CROMERUM lib. 2 §. 10.
 II. de O. & R. G. P. IOANNEM IANUSZOVI-
 UM lib. 3. *Constit. Regn. Polon part. 1 tit. §.*
 SALOMONEM NEUGEBAUERUM lib. 2.
Hist. Polon p. 46. Utut vero Regnum Poloniae
 antiquis temporibus haereditarium fuerit, ut
 haecenus probatum est a nobis, malunt tamen
 Poloni in Regno Electio vivere, existimantes
 quod libertates & Privilegia sua in eo tutius
 defendere possint quam in Regno successivo, id
 quod ex sequentibus pluribus patebit.

§. IV. Poloni Electionem Successioni
 ideo praeferunt, quia electio libertati Polo-
 nicae magis convenit quam successio, ideo
 post excessum Henrici I. lex plurimorum Re-
 gum Capitulationibus, utpote Stephani Bathori
 Sigismundi III. Vladislai IV. Ioannis Casimiri,
 Michaelis Koributi, & Ioannis III. inserta est,
 ne Rex vivus ullo modo successorem denomi-
 naret, neque in posterum titulo Haeredis utere-
 tur. cum uterq; hic modus liberae electioni mul-
 tum derogaret. * Atq; ex Capitulationibus illam
 tempore Io. Casimiri A. 1662. in Comitibus Varša-
 viensibus promulgatā suppeditabo, quae est huius
 tenoris;

enoris "Iura omnia & constitutiones pro libera-
 "electione conservanda, a Serenissimis Regibus
 "Antecessoribus nostris, Republica, et nobismet
 "ipsis constitutas & pactis conventis confirmatas
 "in omnibus punctis ex paterno erga Rempubli-
 "cam amore reassumimus. " Et cum in Comi-
 tiis Thorunensibus A. 1616 unus e Senatori-
 bus iniecisset mentionem, ut Respublica in sta-
 tu suo periculoso Regni successorem designaret,
 exhorruerunt omnes, & fremitu concitato, ad
 poenas legum deposcere auctorem vo-
 lebant nisi difficilioris temporis rationes silen-
 tio potius tunc illam premere coegissent,
 ut refert PAULUS PIASECIUS in *Chron. ad*
Annum praedictum. Insuper putant Poloni, "ad
 "securitatem imperantium & obtemperantium
 "constantiam conferre, Regem per omnes eligi,
 "bonos namque malosve elegerint, non aliis sed
 "sibi imputaturi et sine murmure laturo, ut scri-
 "bit ANDREAS MAXIMILIANUS FREDRO
 "in *Historia Henrici Valesi*. Hinc ulu venit, ut
 "tempore Interregni nullus certus electionis mo-
 "dus definiatur. Forma, scribit IACOBUS PRI-
 "LUSIUS *lib. I. Constit. Regn. Polon. cap. 30. art.*
 "3 eligendi Regis a maioribus nostris praetero-
 "missa est, modo ut sit Nobilitati aeqve ac Pro-
 "ceribus libera, cautum est. " Haec ille.

§. V. Non tam lege publica quam consuetudine observatum est, Piastum, hoc est, indigenam et nativum in Regem Poloniae non eligi ob nullas alias causas, quam ut (1) factiones cohiberentur: acerbum quippe est, sibi aequalem, subito ad fastigium Regium evectum, dominum suum appellare, ex quo bella intestina non raro oriri solent. (2) ut optimo daretur diadema regium. (3) ut voces eligentium liberae non manciparentur. Ideo cum post mortem Sigismundi Augusti de Rege indigena in Interregno injecta fuisset mentio, Ioannes Zamolcius Magnus Regni Cancellarius consilia multorum subtili ratione elusit, his fere verbis perorans: cum ceterorum Principum Oratoribus absentibus ad dicendas de Rege sententias nullus daretur locus, aequum esse censebat, ut abessent quoque Cives, qui Regnum peterent ita cum nemo petito rem Regni, addit ANDREAS MAXIMILIANUS FREDRO in *Historia Henrici*, se palam fateri, ob verecundiam & invidiae metum auderet, omnis de indigena Rege eligendo deliberatio sponte sua concidit. Quin cum tempore Sigismundi III. quaestio ista moveretur, an Piastus eligendus esset Rex? Stanislaus quidam Stadnicki apud PAULUM PIASECIUM *ad An. 1591*, respondisse legitur, se vereri, ne via tali ad dignitatem

„Regiam patefacta, auriga quoque suus ageret
„Piaſtum, & Regnum affectaret.“

§. VI. Sunt autem plurimae cauſae & rationes, quae pro Piaſto in Regium Regni Poloniae thronum evehendo militant. In Interregno poſt Ioannis Caſimiri abdicationem haec ſunt prolatae rationes. [1] DEus ipſe mandavit Iudaeis Deut. XVII. 15. non poteris alterius gentis homines facere Regem, qui non ſit frater tuus. (2) Bruta a diſſimili non reguntur, ſed a ſimili ſui ſexus. [3] Indicium eſt nimis ſervilium ingeniorum non admittere e gente ſua, qui regere poſſit. (4) In Germania Germanus eligitur Caefar; Romae Pontifex ex Italia, in Hiſpania Hiſpanus Rex, neq; in aliis Regnis alius mos. [5] Piaſtus morum Polonicorum maxime gnarus, ejuſdemque certior fides eſt, quam alienigenae. [6] Peregriniſ magiſtratibus & dignitatibus in Polonia excluduntur, cur etiam non a Regno? Poſt obitum Michaelis Koributi haec inter alia pro Piaſto eligendo proponebantur argumenta. (1) Dedecus ſummum eſſet apud exterarum gentes, non eſſe inter Polonos idoneum ad Sceptra virum [2] Exteri juſ aliquod in Regnum Poloniae ſibi praetenderent. (3) Coarctatio haec eſſet liberae vocis in electione. [4] Dicerent alienigenae, Polonicam gentem ad ſervitutem natam,

tam, parere scire, regere nescire. *Vid. Auctor
Censurae Candidatorum Sceptri Poloniae A. 1699
edit. & PAULUS PIASECIUS in Chroni. 9 ad
An. 1584 **

§. VII. Nunquam etiam Regia proles, quod
ex §. 3. liquet a Sceptro Polonico exclusa, imo
aliquando e Claustris Monasticis Regni fasci-
bu tractandis admota fuit, uti quoque ex infe-
rioribus magis patebit. Sunt enim Poloni
memores factorum ab antecessoribus praecep-
torum. ut proximos sanguine non facile prae-
tereant. sed eis, Rege defuncto, diadema
Regium imponant, Clarissimum in sententiam
nostram habemus testimonium FIRLEI
Episcopi Premisliensis in Oratione, quam
habuit, cum electio Vladislai IV. A. 1634. post
obitum Sigismundi III. ageretur, ubi inter ce-
tera inquit: "Quod quantumvis isti clarissimae
liberaeque genti (intelligit Poloniam) Reges
non dominantur, sed praesint, nec nascuntur,
sed per libera Ordinum suffragia eligantur,
innatam tamen ei fuisse semper talem erga Re-
gium sanguinem observantiam, ut nunquam
prolem superstitem Regiam in eligendo novo
Rege praeterierit, imo etiam semper omnibus a-
liis Competitoribus praetulerit, "Cui nomine Se-
natus Archiepiscopus Gnesnensis inter alia respon-
dit his verbis: "Ordinem istum (nempe Sena-
torium

torium) patrium morem colendi Regiam progeniem non ignorare, eumque sequi velle, " tantoque magis. quod parentum virtutes in filiis agnoscat, speratque istos vestigia illorum imitatu-
 ros. Ceterum cum praescriptis legibus huius Regni electionis Regis modus exposcat, " ut non nisi collatis suffragiis unanimi consensu de sufficiendo Rege Ordines decernant, ista " necessario praecedere debere, " ut est apud
 PIASECIVM *in Chronic. ad A. 1632.* Quin & saemineae proles Regiae a Polonis habita fuit ratio. Sic, Vladislaus Iagello, Magnus Lithvaniae Dux, Rex in Polonia Seculo XIV. creatus, non modo quod baptismo & Sacris Christianorum cum omnibus Lithvaniae & Samogitiae tribubus Regno Poloniae iungendus, se initiari passus fuerit, sed etiam quod Hedvigen Ludovici Poloniae & Hungariae Regis filiam connubio sibi adiungere uxorem voluerit. Vid, MARTINVS CROMERVS *lib. 5. Hist. Polon.* Quod Stephanus Bathori superiori seculo Princeps Transylvanise Annam Sigismundi Augusti sororem, quamvis deinde inutilem, expetiverit, Rex Poloniae est proclamatus. NEVGEBAYER *lib. 10. Hist. Polon.* Inter alias rationes, quae pro Sigismundo III. Ioannis III. Sveciae Regis Filio, in Regem Poloniae eligendo militabant, erat etiam haec, quod esset natus e Ca-

tharina Jagellonia Sigismundi I. filia. Vid. IOACH. PASTORIVS DE HIRTENBERG *in Flore Polon. lib. 5. num. 2.* Cur vero b. m. Ioannis III. filios superstites Comitia electionis nuperrimae praeterierint, inter arcana & occulta Dei consilia, Reipublicaeque Polonae fata merito numeramus.

§. VIII. An vivente adhuc Rege novus Rex & Successor in regno Poloniae denominari possit, negat quidem FVNCCIUS *in breviario Orbis hodie imperantis*, & FRANCISCVS MARINIVS *in scopo Reipublicae lib. 4.* Exemplum tamen idem Marinius de Vladislao Jagellone adfert, cui praeter mores Regni indulserunt Poloni, ut Successorem sibi vivo designaret filium Vladislaum cognomento Jagellonidem. Verum non unicum hoc exemplum solum, sed & plura ex Historia Polona peti possunt, quibus probatur, vivente adhuc Rege novum Regem vel Successorem in Regno Poloniae esse denominatum, non obstantibus *Constitutionibus*, de quibus §. 4. dictum. Sic, Casimirus Magnus, Vladislai Lothici seu Cubitalis filius, se vivo Successorem denominavit Ludovicum, Caroli Regis primogenitum filium, Hungariae Regem, qui post obitum Casimiri Poloniae Rex coronatus, utrumque Regnum non sine turbis administravit. Vid. CROMERVS *lib. 12.*

lib. 12. de O. & R. G. P. & ARNOLDVS MYLIVS in Principum & Regum Poloniae imaginibus historicis succinctis illustratis, in Casimiro M. & Ludovico Hungaric. Deinde Ludovico Hungariae & Poloniae Rex natu maiorem filiam Mariam Sigismundo Caroli Caesaris filio despondit, cum Polonis certis conditionibus pactus, ut post mortem sibi Regiam reciperent. CROMERVUS lib. 13. & MYLIVS in vita Ludovici. Denique Sigismundus filium Sigismundum Augustum, puerum decennem, (alii novennem suum dicunt) consentientibus Polonis, Regem coronari fecit. Attamen lege in posterum post Sigismundi Augusti obitum in Polonia cautum est, ne Reges vitae suae tempore alium Successorem nominarent, ut post eorum decessum libera & illaesa electio Regis Statibus & Ordinibus Regni supermaneret, ut recenset ANDREAS MAXIMILIANVS FREDRO in Hist. Henrici I. p. 55.

§. IX. Causae interregnorum in Regno Poloniae sunt tres. Prima est mors Regis, secunda est exactoratio seu remotio, tertia est resignatio ultiones. Quibus quartam addere licet, quando duobus Regibus electis impotens potentiorri cedit, & potior tempore potior iure esse dicitur. Quod mortem Regis concernit, (nam de aliis causis in sequentibus §. §. videntur)

dendum) defuncto eodem, Senatoribus ecclesiasticis & politicis, Officialibus omnibus, cura Regii corporis committitur, & saepe ad illius exuvias honorifice sepeliendas impensae e thesauro publico erogantur. Ne mireris, quare nos addidisse causam, nam revera post electum iam Regem manet adhuc Interregnum in Regno, illudque demum post coronationem cessat. Vid. B. HARTKNOCH. *in Republ. Pol. lib. 3. cap. 1.*

§. X. Communiter quidem observari solet, ut Poloni non prius defunctum Regem hument, donec novus fuerit electus, proximo die post funus curatum coronandus. Sic, cum Ioannes III. p. m. d. 20. Maii A. 1674. Rex esset electus, & d. 2. Februarii A. 1675. coronatus, d. 31. Ianuarii eiusdem anni, non praecedenti alio more in Polonia usitato, Cracoviae sepultura Regum Michaelis & Ioannis Casimiri simul celebrata fuit. Epitaphium utrique Regi scriptum, ut ex Comitibus Coronationis illius anni notum est, in mausoleo conspiciebatur tale:

Ioanni Casimiro & Michaeli I.
Poloniae Regibus,
Illi Regium genus,
Huic a Ducibus Lithvaniae,
Ille pluribus triumphis insignis,
Huic clarissimae victoriae immortalis,

Alter

Alter Regno sœtus purpuram nolens exiit,

Alter in privata sorte oblatus non horruit,

Ille satur dierum & sœtus regnandi,

Hic vix degustato imperio & annis,

Extremos dies alter Deo dicavit,

Alter patriæ.

Cineres quoque ille melior Africano, patriæ

non invidit,

Hic non extulit.

Sic dispares

Suffragiis populi iisdem sceptris dissidiis civilibus

Denique hoc tumultu aequantur,

Aeternum lugendi,

Nisi meliori locum fecissent.


Non negamus tamen. in Historia Polonæ reperiri exempla eorum Regum, qui post sepultos antecessores demum creati sint Reges. Ita seculo XIV. Casimirus Magnus & ultimus Piastidarum demum Rex creatus est, cum Vladislao Lodovico iust. tenebria essent persoluta Vid. MARTINVS CROMERVS Episcopus quondam Varmienſis, *lib. 12. de O. & R. G. P.* Eodem seculo post coronationem Ludovici Regis Casimirus M. sepulchro illatus est, teste NEVGEBAYER *Hist. Polon.* seculo XV. Ioannes Albertus, sepulto iam Casimiro IV. Iagellonide, electus est in Regem CROMERVS *lib. 30. de O. & R. G. P.* Alexander denique Rex circa

circa initium seculi XVI. clavo Reipublicae Polonae regendo admotus est, cum Ioanni Alberto, hic Thorunii mortuo. Cracoviae iusta peracta essent. Vid. CROMERVS *loc. cit. fol. 324.* Ioannes III. d. 20. Decembr. A. 1697. post electum & coronatum Regem Augustum II. apud Patres Capucinos Varlaviae humatus est, quamvis funebria solennia ante ipsam coronationem Regis hujus Cracoviae fuerint peracta. •

§ XI. Cum dubii antiquissimorum Regum sunt annales, a Vladislao Iagellone ad Ioannem III. duo tantum sunt Reges, qui ibidem vales dixerunt mundo, ubi Respublica eos dixit Reges, Varlaviae scilicet, utpote Sigismundus III. d. 30 Aprilis A. 1632 & Ioannes III. A. 1696. vigilia Festi S. S. Trinitatis. Alii extra locum electionis a seculo XV. fati defuncti sunt, ut ex historia Polonica notum est. Iagello Cracoviae electus, in Castello Russiae Grodek mortuus est. Vladislaus Iagellonides Brestiae in Cujavia electus, ad Varnam periit. Casimirus IV. Rex declaratus Brestiae Grodnae in Lithuania decessit. Ioannes Albertus electus Petricoviae, mortuus Thorunii, cuius Epitaphium in Templo Ioannitico simul Nicolai Copernici visitur, & posita supra ejus effigiei haec infra sunt verba scripta: Illustrissimus Princeps & Dominus Albertus Rex Poloniae hic Thorunii

B

A. 1501.



A. 1501. d. 17 Iunii apoplexia moritur, cujus viscera hic sepulta, corpore Cracoviam translato, Anno Regni 8. Alexander electus Petricoviae, obiit Vilnae. Sigismundus I electus Petricoviae, fatis functus est Cracoviae. Sigismundus Augustus Rex Cracoviae salutatus, Knisni in Lithvania supremum diem clausit. Henricus Valesius Varsoviae electus, & ut Rex Galliae ad S. Clodoaldum, quod duabus leucis ad Seqvanam situm est oppidum, a sicario interemptus. Stephanus Bathori Varsoviae electus, Grodnae decessit. Vladislaus IV. Varsoviae electus, Mereci obiit. Ioannes Casimirus Varsoviae rex proclamatus, Nivernae in Gallia mortuus. Michael Koributus Varsoviae iridem electus, & Leopoli exstinctus, sanguinis profluvio ex ore ac per secessum manante, cujus causam in adamantino pulvere ab inimica manu ipsi praebito recubuisse, nonnulli testantur. Inde subtili aequivocatione a morte sanctorum desumpta, in obitum ejus lusum est:

Si pretiosa est mors sanctorum,

Vere Michael Rex Poloniae

Sanctos inter primarios numerandus est.

Mors enim ipsius fuit pretiosissima.

Qvis non pretiosam mortem existimet,

Quae adamantibus comparata est.

Vid. BECMANNVS in, *historia orbis terrarum*
geograph.

geograph. & civil de Regn. Polon p. 48; &
NICOL. de CHWAŁKOWO CHWAŁ-
KOWSKI in *singularib. Polon.*

§. XII Regi Poloniae imperium abrogari
posse, probatur ex ejus juramento quod in Coro-
nationis actu praestare solet. nosque illud inposse-
rum dabimus integrum, ubi inter cetera jurat
circa finem. “Etsi [quod absit:] in aliquibus”
juramentum meum violavero, nullam mihi in-
colae Regni omniumque dominiorum unius-
cujusque gentis obedientiam praestare debebunt,”
imo ipso facto eos ab omni fide, obedientia,
Regi debita, liberos facio, absolutionemque
nullam ab hoc meo juramento a quoquam pe-
tam, nec ultro oblatam suscipiam, Quae verba
eo spectant, Regem sibi abrogare imperium, &
Regno se deponere, si in omnibus articulis &
punctis omnibus Regni incolis non satisfecerit.
Insuper exempla plurima in historia Polona
prostant multorum Regum qui throno Regio
dejecti, & deturbati sunt. In periodo prima,
extincta Lechi stirpe, non uni principatum de-
ferebant Poloni, sed duodecim Voievodas sive
belli duces (qui hodie Palatini dicuntur) ex
tota gente excellentiores elegerunt, iis sum-
mam rerum committentes, sed cum hi ambi-
tione correpti, discordesque agere ac inter se Re-
gnum raptare coeperunt, horum dominationi

B. 2.

pertacti

pertaesi, Cracum a quo Civitas Cracovia aedificata, circa A. a N. C. 700. sibi elegerunt. Vid. MART. CROMERVS *lib. 2. de O. & R. G. P.* In eadem periodo Leszczek vel aliis Lescus II. quod per insidias ad Regnum pervenerat, non diu post Regno remotus, & quadrigis distractus est. Vid. CROMERVS *loc cit.* & ARNOLDVS MYLIVS in *Principum & Regum Poloniae imagin. histor. succinct. illustrat. fol. 6.* Popielus iunior, seu IOANNI DLVGOSSE Popielius II. a divina nemesi Regno deiectus est, & a muribus corrofus, qui e corporibus mortuorum patruorum veneno sublatorum putrefactis nati erant. Vid. VINCENT. KADLVBKO *lib. 1. Hist. Pol. §. 39.* In secunda periodo Boleslaus II. cognomento Largus & Audax, cum in omne ruiisset libidinum genus, & monitus a Stanislao Szczepanovio Episcopo Cracoviensi, eum coram altari sacra operantem propria manu interfecisset, membratimque dissecari iussisset, Georgius VII. P. R. Regis huius atrocitate motus, toti Poloniae Sacris interdixit, Regem diris devovit, Regnumque ipsi abrogavit, hinc profugus in Carinthiae Monasterio Ossiensi mortuus, hoc Epitaphium meruit: "Hic jacet Boleslaus Rex Pol occisor S. Stanislai Episcopi Cracoviensis." Vid. *Commentator KADLUBKONIS lib. 3. epist. 22.* & CROMERVS *lib. 4. de O. & R. G. P.*

O. & R. G. P. In eadem periodo Miecislaus II. sive senex quater Principatu motus quater illum consilio & ope Helenae, matris Lesci Albi impetravit. Vid. CROMERVS *lib. 6. & 7. de O. & R. G. P.* Imo & Vladislaus Lasconogus principatu exclusus fuit, & Lescus Albus ad illum denuo accersitus. Vid. NEVGEBAYER *lib. 3. Hist. Polon. p. 127.* In tertia periodo nulla quidem sunt manifesta exauctorationis indicia: in ultima tamen memorabile est exemplum Henrici Valesii, qui audita fratris morte Caroli IX. Regis Galliae, cum fugisset mense Iunio A. 1574. clam e Polonia ad capeffendum Galliae Regnum, & diu Rex quamvis per legationes & literas invitatus expectaretur, tandem d. 7. Novembr. praedicti anni in Comitibus Generalibus abrogatum est ipsi imperium. Vid. FREDRO *in Hist. Henr. 1.*

§ XIII. Violenta quidem erat Regni abdicatio a Venda, aliis Vanda, Craci regis filia, suscepta, quae in Vistulam se vivam praecipitem egit, ne Ritigero Principi in Germania finitima, et tempestae illustri potentique, nuberet. Vid. SALOMON NEVGEBAYER *lib. 2. Hist. Pol. p. 43.* De ea sic NICOLAUS de CHWAŁKOWO CHWAŁKOWSKI *in Singular. Polon. p. 7.* "Venda maluit esse Princeps, quam Principis uxor, maluit pugnare quam amare: post victoriam in victimam se immolavit; hostis a."

mans & amens infelicem sibi manum injecit, illa triumphans in Vistulam se projecit. Rara contemtrix amoris, victoriae, vitae." Anno 1203, Lescus, cognomento Albus, omnium suffragiis Princeps creatus, fraude vero doloque Miecislai bis principatu motus, cum illi tertium falces principatus Poloniae, maxime refragantibus Nicolao Palatino, & Fulcone Episcopo Cracoviensi delsti essent, ea tamen lege, ut Gosvoricium Palatinum Sendomirientem, qui Principem locum in consilio & amicitia Lesci ejusque matris Helenae habebat, relegaret, atque aula sua pelleret, sponte sprevit oblatum Principatum, atque illum tanti se facere negavit, ut ejus adipiscendi gratia tam fidum consiliarium proderet, immerentemque magistratu & patria simul ejiceret, proinde Cracoviensibus Proceribus rescripsit alium sibi quaererent, se in paterna ditione sua acquieturum esse potius, quam per scelus principatu potiturum. Vid. NEVGEBAYER *lib. 3 Hist. Polon. p. 125.* Cognita Lesci sententia Nicolaus Palatinus Cracoviensis summo studio contendens, perficiebat, ut Vladislao Lasconogo, mieceslai senis filio, quamvis absenti principatus deferretur, quem ille quidem invitatus, & non nisi de consensu & voluntate Lesci suscepit, atque ad mortem Nicolai administravit, excluso deinde Vladislao summa rerum

ma rerum ad Lescum rediit. Vid. NEVGEB-
BAVER *l. c. p. 136. & seq.* Insuper Vladislaus
Iagello, iustis coniugis suae Hedvigi, foeminae
castissimae & continentissimae, peractis, de re-
tinendo regno dubitans, quod non ignoraret,
se exterum uxoris nomine apud liberam gen-
tem eoque regnasse, in Russiam secessit, cogi-
tabatque se ultro abdicare Regno, & ad Lithva-
niae Magnum Ducatum, ceu ad paternum prin-
cipatum, redire potius, quam ut vi & armis e
Polonia pelleretur; Sed haec eum cogitantem
Proceres Poloni placide consolati confirmarunt,
cum ei quoque studia sua in posterum detu-
lissent, atque Annam, Wilhelmi Ciliae Comitis
filiam, & Casimiri Regis neptem, in matrimo-
nium dedissent. Vid. NEVGEBAYER *lib. 5.
Hist. Pol. p. 241.* Post medium huius Seculi
memorabile est exemplum spontaneae abdic-
tionis in Ioanne Casimiro, qui A. 1668. d. 16.
Septembr. in Comitibus Varlaviensibus diadema
Regium deposuit, & pro throno torum, pro
regali globo glebam terrae elegit, quod pluri-
bus ex sequenti §. patebit. In capitula-
tione tamen Michaelis articulus insertus fuit,
in quo Rex pro se & Successoribus suis de non
abdicando Regno cavet, qui deinde in pactis
conventis Ioannis III. expunctus est.

§. XIV. Circumstantias spontaneae ab-
dicationis

dicationis a Ioanne Casimiro Rege sus-
 ceptae & peractae commode dispesce-
 mus in antecedentes, concomitantes & conse-
 quentes, easque verbis ut plurimum dabimus
 NICOLAI CHWAŁKOWSKI, qui actui ab-
 dicationis Casimirianae interfuit, eumque descri-
 psit in *Iure Publico Regni Poloniae lib. 1. cap. 3.
 num. 4.* & ex eo B. HARTKNOCHIVS *lib. 2.
 Reipubl. Polon. cap. 1. num. 5.* Inter circum-
 stantias antecedentes est, 1.) quod Ioannes Ca-
 simirus A. 1668. d. 11. Iunii Senatoribus Re-
 gni mentem suam de reddendo diademate ex-
 plicuerit. 2.) Quod hoc propositum iam pri-
 dem exequi voluerit, vivente adhuc Serenissi-
 ma Regina Maria Ludovica, sed ob bellum Mo-
 scoviticum motusque internos idem praestare
 nequirit. 3.) Quod pace in Regno constituta
 & Moscoviticis induciis firmatis, pristinam
 sententiam suam quantocius in effectum dare
 firmiter constituerit. 4.] Quod Senatores, au-
 dita hac voluntate, preces submissas de mutan-
 da sententia interposuerint, quibus nihil effe-
 ctum. 5.) Quod notitiam hanc de tristi & in-
 sperata abdicatione Archiepiscopus Gnesnensis
 Primas Regni & Legatus Natus Prazmowski
 per Provincias Regni & Magni Ducatus Lith-
 vaniae divulgaverit. (6) quod in comitiorum
 (quibus dies 17. Augusti dictus fuit Varsaviae)
 exordio,

exordio, post consueta manus Regiae oscula, Nuntii Terreſtres per Mareſchalcum ſuum Succamerarium Lancienſem Stephanum Garnowſki turbatos animos ſuos explicuerint, humiliter rogando, ut Sacra Regia Mejeſtas declarationem ſuam impertiri dignaretur. 7.) Quod Andreas Olszowſki tum temporis Episcopus Culmenſis & Vice Cancellarius d. 12. Auguſti Nuntiis Terreſtribus reſponderit, & plenius die ſequenti e ſcheda formulam de abdicando Regno a Rege conceptam praelegerit. 8.) Quod d. 3. Septembr. cum Senatus tum Ordo Equeſtris Regem precibus ſuis emolliverint, ut declarationem ſuam in craſtinum differret, quae 4. Septembr. per praedictum Episcopum peracta. 9.) Quod poſt 4. Septembr. per aliquot dies conſultatum ſit, ne Regem tot meritis gravem a ſe dimitterent egenum. Inter Circumſtantias Concomitantes eſt 1.) Quod Rex d. 16. Septembr. Baſilica S. Ioannis viſitata, & Sacro ibidem audito, in palatium Senatorio-um ingreſſus, diploma abdicationis praelegendum curaverit per Ioannem Matachowſki tum Regni Referendarium, deinde Episcopum Culmenſem & Vice-Cancellarium, jam Episcopum Cracoviienſem. 2.) Quod Mareſchalcus Equeſtris aſſecurationem ratione provisionis Regi dandae, nempe centum quinquaginta millia flo-

renorum annuatim itidem praelegerit, item diploma reversionis Statuum & Ordinum, quae omnia deinde ab omnibus & singulis subscripta sunt. 3.) Quod Rex diplomata electionis & coronationis rubro involata serico Reipublicae, a qua ante viginti fere annos acceperat, reddiderit. 4.) Quod valedicturus Regno moestum sermonem habuerit, huius tenoris: “Quando iam iam elabitur hora, ut paterni amoris debitum a 280. annis pupillae domus meae huic Inclytae Reipublicae exolvam, Comitibus & castris defessus, calamitatibus per annos viginti fractus, Rex & Pater, quod mundo pretiosissimum est, coronam in manus Dominationum Vestrarum deponam, pro throno totum eligo, pro Regali globo glebam terrae, eamque in sinu charissimae matris, communis meae vestraeque patriae, intra cineres Maiorum meorum mihi reservo, ut quemadmodum me primum in castris, ac ultimum ex praeliis & clade vidistis, ita in annalibus primum, ob amorem patriae augendaeque eius fortunae humana postponentem, Maiestatemque Regiam dispositioni vestrae reddentem, memineritis. Amor vester liberis vocibus huic me solio imposuit, amor vicissim meus erga vos supremum me utriusque lineae haeredem libere dimittit. Monarchae ceteri filii,

liis, fratribus aut consanguineis abdicando co-
ronam tradiderunt; ego eandem patriae cha-
rissimaeque Reipublicae ut pater & filius red-
do, eiusque amore ex Duce gregarius, ex im-
perante parens, ex Rege concivis fio, ut iu-
niori & Reipublicae magis proficuum locum
c concedam, cuius in electione ut Deus Domi-
nationes Vestras prosperet, in solitudine mea
negotiorum vacuus Maiestatem eius sanctam
implorabo. Gratias jam igitur vobis pro o-
mnibus charitatibus, officiis, susceptis pericu-
lis, pro consiliis, praesidio & retribuis ago.
Si cui ex rationibus status vel factorum quid-
ingratum accidit, condonet, quaeso, ipse vi-
cissim omnibus do veniam. Sic tamen ulti-
mum vale singulis dico, & cordi meo vos ap-
primo, in quo dulcem vestri memoriam, quo-
ad vixero, circumferam. Benedictionem in-
super paternam omnibus & singulis impertio,
& quanquam distantia loci disiunctus fuero,
animo certe a communi matre nunquam di-
vellar, in qua corpus hoc in cineres olim re-
solutum deponi desidero. Et cum labilis me-
moriam ac lucus in lacrymas effusus plura ef-
fari non permittat, uberiora amoris & cando-
ris mei argumenta ex charta hac, quam ad-
praelegendum trado, intelligetis. Schedam
illam a Rege porrectam Vice-Cancellarius non
sine

sine lacrymis & graviore luctu praelegit hunc in modum: "Iam dudum est hoc meum non in-
"terreptum boni publici & tam valetudinis
"quam conscientiae meae rationibus innixum
"propositum, Coronam hanc a Dominationi-
"bus Vestris capiti meo impositam, & a tot an-
"nis per Antecessores meos possessam, in ma-
"nus & ad liberam dispositionem Dominationo-
"num Vestrarum solemniter reddere abdicatione,
"A prima mea, quam mihi amor dictavit in
"Comitiis An. 1661. declaratione, semper in
"me reposita mansit opinio, quod debuerim
"Reipublicae consulere, ut me vivente ante-
"verterentur pericula illa, quibus inopinatum
"Interregnum ex fundamento eandem movere
"& turbare posset. Praestolatus sum tantum
"eiusmodi, uti nunc sunt tempora, quando
"Respublica a Confoederatione militari, turbis
"internis, bello Moscovitico, pacata, commo-
"de & sine distractione sibi consulere & libere
"vacare electioni potest. Adducit me ad hanc
"abdicationem cura salutis aeternae, quam uti
"quolibet contemptu terrenorum sibi conciliare
"tenetur, ita difficilius mihi foret eandem in
"throno parare, si abrogatione dignitatis me-
"met humilians, & ex altissima fortuna & Re-
"gis incommoditatibus exuens, mihi ipsi atque
"animae meae reliquos non impenderem dies,
sed

sed non minus ad istud me impellit amor er-
ga hanc patriam & Dominationes Vestras, "
quem tam difficili & insolito modo testari vo-
lo. Sentio me aetate & invaletudine infirmum, "
pressumque laboribus continuis, & consulta-
tionibus atque castris fractum, ut vires meae "
curis regnandi non valeant sufficere, malo i-
taque me ipsum exinanire, quo ad commodat-
publica Dominationum Vestrarum iuniori & "
capaciori Successori fores aperiam, quando Do-
minationes Vestrae adiutorem mihi adsciscere "
& adoptare noluerunt, quippe video, quod "
sincerae intentiones meae sinistre explicatae, "
& suspicionibus quasi minus liberae electio-
nis oneratae, aliter non possint iustificari, & "
Respublica hac opinione turbata aliter pacifi-
cata esse nequeat, nisi per hoc documentum "
amoris mei, quando quilibet animadvertit, "
quod libera manebit Respublicae electio, quod "
ego deponens diadema solvo metu timentes "
gratis, ac si illud peregrino capiti imponere co-
gitaverim. Magis ergo in hoc operatur apud "
me ratio publicae quietis & amoris erga Domi-
nationes Vestras, quam commoditatis, quietis "
propriae, & privati commodi consideratio, pro-
quibus quam moderate me habeam, satis o-
stendit actus hodiernus, dum iis, dum quic-
quid mundo est charissimum, charitati Rei-
publicae

"publicae posthabeo. Protestor coram Deo"
 "quod per hanc abdicationem nullum praei-
 "dium libertatis Dominationum Vestrarum
 "nec facio, nec habeo, nec video, sed potius
 "ita existimo, me per apertum Interregnum vi-
 "am ad augmentum eidem parare. Quod er-
 "go faustum felixque sit huic Reipublicae, &
 "apud Deum meritorium, atque apud uniyer-
 "sum orbem gloriosum, iam praemissa matura
 "deliberatione, sanus mente & corpore, libere,
 "non coactus, diadema, sceptrum, Regnum &
 "regimen, uti mihi est in electione delatum, &
 "in coronatione confirmatum, cum omnibus
 "quaecunque maiestati & iuribus Regum Polo-
 "norum & Magnorum Ducum Lithvaniae ab
 "antiquo competunt, nihil mihi nec alicui cui-
 "dam reservans, in manus Senatus Nobilitatis
 "& omnium Ordinum utriusque gentis abduco,
 "restituo, reddo, & omni meliori modo for-
 "maeque resigno." Reliqua pete ex scheda,
 quam inseruit CHWALEKOWSKI *de iure Pu-*
blic. Polon. lib. 1. cap. 3. pag. 16. 17. & 18.
 Denique inter Circumstantias consequentes
 numeramus. 1.) quod Archiepiscopus Gnes-
 nensis Prazmowski stans gratiarum actione fun-
 ctus, dextram Regis, ad eiusdem genua advo-
 lutus una cum Ordine Senatorio osculatus sit.
 2.) Quod Mareschalcus Ordinis Equestris idem
 egerit,

egerit, rogans insuper Ioannem Casimirum, ne innatum erga patriam communem mutaret affectum, promittens insimul gratam populi Sarmatici erga Principem observantiam. 3.) Quod Pro-Cancellarius Ordines & Status de gratia Principis certos reddens, eius dextram supremis venerandam osculis obtulerit. 4.) Quod Senatus discedentem Regem comitatus sit, ei-que extremum vale dixerit. 5.). Quod Rex, Successore Dei liberique populi voce designato, extra fines Regni in Galliam discesserit, ubi intra quadriennium d. 16 Decembr. An. 1672. mortalitatis opus Niverniae explevit.

§. XV. Ordinarie statum Interregni moderatur Archi-Episcopus Gnesnensis & Primas Regni, qui ideo Sacerdotalis est Ordinis, quod in Sacerdotem suspicio Regni affectati cadere non potest, & licet a Pontifice Maximo non fuerit confirmatus, iam tamen ei potestatem Interregis officio defungendi concessam esse, ex Interregno post obitum Michaelis Koributhi Regis, quando Casimirus Florianus Dux in Czar-torysk tantum denominatus fuit Archiepiscopus, neque a Papa adhuc approbatus, omnia tamen Interregis munia peregit. Vid. CASIMIRI ZAWACKI *Diarium electionis Michaelis Koributhi Regis, cui titulus: Gloria orbi Sarmatico consensu monstrata.* Is itaque Ordines
Rei.

Reipublicae per diploma ex Cancellaria sua de morte Principis certiores reddit, Conventus particulares & Convocationem seu Consilium generale indicit, ac extra orbem Regi divaganti nomine Senatus regulas praescribit. Non modo mortuo Rege, sed etiam extra Poloniam profecto, Archiepiscopus Gnesnensis officii sui partes exercet, ut factum est tempore Henrici in Galliam, & Sigismundi III. in Sveciam discedentis. Absente per mortem Archiepiscopo, vel legaliter impedito, cura Interregni in Episcopum Cuiavensem seu Vladislaviensem & Pomeraniae devolvi solet: & utroque hoc absente in Episcopum Posnanensem. Haec praerogativa Episcopo Posnanensi fuit collata in Conventu Andrieiensi, & decreto Ordinum Cracoviae An. 1576. d. 25. April. confirmata, quod habet STANISLAUS KARNKOVIVS *lib. 3. epist. illustr. viror.* Sic enim inter maioris & minoris Poloniae Episcopos convenit, ut quamvis hi ordines praecedant illos, in Interregno tamen illi sint potiores his, qui in maiori Polonia est coronator, & in minori Corona. Atque ita Stephano Bathori, Principi Transylvaniae, sacrum Regni Polonici diadema imposuit Stanislaus Karnkovius, Episcopus Cuiaviensis, eo quod Archiepiscopus Iacobus Vchanski Maximiliani partes sequeretur. Ita Constantiae

stantiae Coniugi secundae Sigismundi III Petrus Tilicki Episcopus Cuiaviensis coronam imposuit licet Bernardus Maciejovius Cardinali & Archiepiscopus designatus fuerit Vid. STANISLAVS LVBINSKI *de ortu civi ub.*
 1. Andreas Trzebicki Episcopus Cracoviensis Ioannem III. nominavit Regem, non refragante Episcopo Cuiaviensi Gembicki. Anno 1697. d. 27. Iunii in campo electorali Fridericus Augustus Elector Saxoniae in Regem Poloniae a Stanislao Dabbski Episcopo Cuiaviensi denominatus, atque d. 15. Septembr. coronatus, licet Michael Radzieiowski Cardinalis Archiepiscopus & Primas Regni Ludovicum Franciscum Borbonium Principem de Conti denominaverit.

§. XVI. Tempore Interregni Interrex cum Senatoribus initio Interregni se confert Varsaviam, Interregnum universis Ordinibus Poloniae & Magni Ducatus Lithvaniae denuntiavit per literas typis exscriptas & signo suo munitas, quae polonico stilo Universales vocantur, in quibus 1.) continetur causa Interregni. 2.) Publicari iubetur Interregnum in omnibus Palatinatibus, districtibus & castris. 3.) Tempus indicitur Comitiorum sive Conventuum particularium. 4.) Generalis Regni Convocatio Varsaviae ad praestitutum in Universalibus
 C diem

diem per Nuntios instituitur. Praesentibus Varaviae Nuntiis Terreſtribus eligitur Mareſchaleus Convocationis Comitiorum, quo electo, ad requiſitionem Interregis conclavia coniunguntur, & in Senatorio ejuſdem propoſitionem audiunt. Deinde Conſoederationis vinculum, quod Poloni Kaptur vocant, & poſt mortem Ludovici Regis An. 1382. primum introductum eſt, ſub fide, honore & conſcientiis redintegratum, de interna & externa ſecuritate proſpicitur, de ſolvendis militum ſtipendiis tractatur, & alia conſtituantur, quae enarrat ANDR. MAXIM. FREDRO in *Hiſtor. Henrici I. p. 6. ſeqq.* Interrex porro Comititia electionis in Conventu Convocationis definita, per Poloniam & Lithvaniam divulgat, Regem denominat & denique coronat.

§ XVII Iam de Capturali Iudicio non nihil afferendum, quod tempore Interregni conſtituitur. Dicitur autem illud a Kaptur, quae proprie eſt Conſoederatio contra turbatores pacis & ſaltuoſos Cives tempore Interregni inita, a velo capitis ſic denominata, vel quod Reſpublica ſit in luſtu, vel quod ea ceu tegumento ſalus Reipublicae protegetur. Ab hoc Kaptur dicitur Iudicium Capturale, quod duplex eſt, aliud generale, in quo iudices iuramento obſtringuntur, quod Tribunalitii praestare ſolent

lent Iudices, & decreta in illo secundum pluralitatem suffragiorum feruntur, cui iuramento inter alia haec inferuntur: "quod in nullis causis cointelligentiam sint habituri neque quatenus praecustodituri, neque consilium cuiquam daturi, neque munera accepturi." Vid. *statuta Regni Poloniae* a IOANNE HERBVRTO DE FVLSTEIN collecta p. 153. & 154. Assessores huius Iudicii sunt 1.) Mareschalcus Regni & Mareschalcus Magni Ducatus Lithvaniae, Mareschalcus Curiae Regni & Curiae Magni Ducatus Lithvaniae. 2.] Senatores tres ab Interrege designati, ex singulis trium gentium unus. 3.] Duodecim equestris Ordinis a Mareschalco Nuntiorum Terrestrium electi, ita ut ex singulis trium illarum gentium sint quatuor. Causae, quae hic ventilantur, sunt, de prodicione patriae, apparatu bellico, defensione in spiritualibus & civilibus publica. Decreta praefati Iudicii Notarius Varsaviensis Terrestris, praemisso super secreta non relevanda iuramento, sine facultate tamen ferendae sententiae, connotat. Aliud est particulare, quod initio Interregni in Conventibus particularibus consensu Nobilium omnium ex Nobilitate potiori constituitur. Iudicant hi causas 1.] de stupro, 2.) de depredatione viae publicae, 3.] de incendio & immisione ignis,

ignis, 4.) de invasione violenta domus, 5.) de personali iniuria, 6.) de liquidis exempti-
onibus & aliis criminalibus, quae in Confoeder-
atione exprimi solent. Huic Iudicio perso-
nae omnes, cujuscunque illae Status & condi-
tionis fuerint, item praefecti militum & ipsi
milites ratione excessuum & damnorum subes-
se tenentur, ut patet ex *Ordinatione Iudicio-
rum Interregni in Conventu Generali Mariaebur-
genfi An. 1640. d. 25. Junii sancita & Thoru-
nii typis excusa*. Capturalia Iudicia in singulis
Palatinatibus cessant tribus hebdomadis ante
Comitia electionis, in ipsa electione, (quia tunc
Capturale Generale Iudicium habetur) & tri-
bus hebdomadis post electionem. Deinde
prorogantur ad Coronationem Regis, sub ini-
tium autem illius iterum cessant, & quae cau-
sae plenarie in iis non sunt decisae, Iudiciis
Castrensibus ulterius examinandae committun-
tur.

§. XLIX. Ceterum in Civitatibus Iudicia
nulla cessant, sed more solito administrantur,
non tamen cum provocatione ad supremum
tribunal vel ad Regem, hinc & Cancellariorum
officia tempore Interregni plane cessant, quia
Capturalia Iudicia Nobilitatem solam & quae ei
subiunt, concernere videntur; attamen non iu-
dicant haec Iudicia civiles causas & cognitio.

nes iurium, neque causas bonorum civilium, neque finium regundorum, neque causas in aliis Iudiciis jam ventilatas, vel saltem coeptas, neque causas fiscali. Haec namque Iudicia tempore Interregni prorsus cessant. Vid. *Constitutio An 1633 fol. 10.* Cessant etiam hoc tempore Iudicia Tribunalitia & alia ordinaria post denuntiatorias Archiepiscopiliteras. Hinc mortuo Sigismundo III An 1632, Lublinense tribunal (quod est pro minori Polonia, ut Petricoviente pro maiori) ad octavum post diem continuatum est, atque eos, qui mortem Regis divulgaverunt, in carcerem compingendos curavit, donec Archiepiscopus per literas Regis mortem significavit. Vid. PAVLVS PIASECIVS *ad annum praedictum.* Propterea vero ordinaria illa Iudicia cessant, quia Interrex negotia Reipublicae cum adiunctis sibi Deputatis ex minori maioriq; Polonia, ut & ex Magno Ducatu Lithvaniae, quorum numerus magnus fatisse solet, tractare tenetur; quae vero graviora sunt negotia, & animam Interregni concernunt, ea pro decisione Ordinum ad electionem servantur. Vid. *Confederatio Generalis A. 1668. & A 1674.* Ecclesiastica tamen Iudicia Interregni tempore minime abolentur.

§. XIX. In Convocatione sub tempus Interregni haberi solita non tantum Senatores,

C ;

sed

sed etiam Nuntii Terrestres Varſaviam ad praestitutum diem se conferunt, de securitate, de loco & tempore Regis eligendi deliberaturi, ab Archiepiscopo per literas universales. nominibus etiam praesentium Senatorum subscriptis, invitati. Ante Convocationem Regni generalem in singulis Palatinatibus & Districtibus Comitola celebrantur, in quibus non modo Confederationes pro securitate Reipublicae fiunt, post in Convocatione generali approbandae, sed & Nuntii eliguntur ad illam Convocationem mittendi. Vbi Varſaviam ad praefinitum diem confluxere, a Sacris in Templo Ioannitico negotia sua auspicantur, quibus peractis, Senatores in Senatorium, & Nuntii Terrestres in conclave suum ingrediuntur, tum Nuntii Mareschalcum per pluralitatem votorum sibi eligunt, & electum Senatui per Deputatos ex tribus gentibus denuntiant. His Interrex de novo Mareschaleo gratulatur, & vult utraque conclavia arctius coniungi, ut Nuntii cum Senatoribus de salute Reipublicae conservanda in commune consilia sua conferant. Introducit deinde Mareschalcum Terrestrem Mareschalcus Regni, vel alius in Senatorium, baculum Mareschalcalem praefereens, quem comitantur Nuntii Terrestres, atque Mareschalcus Equestris inter Mareschalcum Regni & Magni Ducatus Lithva-

thvaniae, vel alios Officiales tum tempore
praesentes, in sella confidens, nomine Nunti-
orum dolorem suum super Rempublicam Sena-
tui detegit, eumque hortatur, ut communibus
consiliis salutem Regni stabiliant. Respondet
ipso Interrex nomine Senatus, gratias Ordini E-
questri pro electo sine turbis Mareschalco a-
gendo, & capita futurarum Consultationum
proponendo, quae iam tere in capite huius §.
nominavimus. Constituitur quoque Confoe-
deratio generalis omnium Ordinum contra pu-
blicos pacis turbatores, Legati ad vicinos Prin-
cipes renovandorum foederum ergo mittuntur,
literae exterorum Monarcharum in Senatu le-
guntur, & Legati audiuntur, atque auditi, Var-
saviae tunc ne resideant, cavetur, nec minus ad
exercituum duces ex Senatorio & Equestri Or-
dine nonnulli ablegantur, ut consilia bellica
mature & dextre possint peragi: insuper ad o-
cto Senatores, sub quorum sigillis & clavibus
thesaurus Regni asservatur, multi alii ad revi-
dendum thesaurum, tam ubi insignia, quam ar-
chiva Regni deposita sunt, deputantur: ad re-
visionem etiam Oeconomiarum Commissarii
nominantur, qui sub tempus electionis de statu
redituum Rempublicam informare tenentur.
Denique futurae electioni dies praefigitur, at-
que a Senatorio atque Equestri Ordine jura-

mentum praestetur quod in electione futura nullus privatum commodum sit quaesiturus. Post Convocationem hanc denuo in singulis Palatinatibus Comitibus habentur, in quibus Nuntii Terrestres Nobilitati suae referunt, quae in Convocatione Regni generali sunt acta, & diem futurae electioni destinatum denuntiant. His peractis, Nobilitas non modo ad Comitibus electionis Nuntios denominat mittendos, sed & de rebus deliberat in futuris electionis Comitibus erucinandis.

§ XX Postulat iam ordo dicendorum, ut de electione ipsa exponamus. postquam dies ei certus est praestitutus. Quod ad locum electionis attinet, non semper idem fuit observatus, quod iam ex superiori §. undecima patet. Cracum fuisse electum Gnelnae & eius Successores usque ad Piasum, qui Crusviciae electus. Vid. MART. CROMERVS. *lib. 2. de O. & R. G. P.* Vladislaus Jagello Cracoviae, Vladislaus Jagellonides Cujaviae Brestiae, item Casimirus IV ibidem Reges declarati: Ioannes Albertus, Alexander & Sigismundus I. Petricoviae electi sunt, quo pertinent verba MATTHIAE A MIECHOVIA in *Chron. Polon. lib. 4. cap. 80.* Ius mosque Reges eligendi olim fuit Petricovia, Sigismundus Augustus Cracoviae fuit Rex designatus: ab Henrico Vale-

Valesio usque ad Gloriosissimum Augustum II. Varaviae, hoc est, prope Varaviam & pagum Wota in patenti campo locoque a Mareschalci gentis Polonicae & Lithvanicae fossa designato omnes eligebantur Reges. Ante electionem iubet lex, ut prius exorbitantiae discutiantur, & vulnera Reipublicae sanentur. Vid. *Confoederatio anni 1674 p. 9.*

§. XXI. Cum dies electionis destinatus illuxit, a Sacris in Templo Ioannitico fit initium, (nuper Reverendissimus Episcopus Ploccensis Zaluski concionem habuit, quae Polonicis & germanicis typis expressa praestat) postea prope pagum Wota Senatorius Ordo in aedificium, Szopa Polonis dictum, Ordo Equestris in Rotam Equestram confluunt. cum ipsa urbs Varavia tantum electorum multitudinem non capiat. Post eligitur Mareschalcus, sive consensu omnium Nobilium, sive Rotae Equestris, & quidem eo ordine, ut semel e maiori Polonia, deinde minori. & tertio e Magno Ducatu Lithvaniae eligatur Mareschalcus, praeteritae Convocationis generalis Mareschalco interea res moderante. Electus Mareschalcus fidem suam iuramento obstringere cogitur Nobilitati, ut factum est in electione Ioannis III. An. 1674. d. 10. April quod officium fideliter administraturus, nulla munera accepturus,

sum nemine Candidatorum conventus privatos habiturus & authenticum electionis liberae sine consensu totius Reipublicae non esset subscripturus. Electio Mareschaleo intromittitur Nobilitas in Senatum ad maiores fratres, quibus ore Mareschalei sui salutatis, fit propositio ab Interrege Archiepiscopo Gnesnensi, hinc proximis in Sessionibus de Iudiciis Capturalibus agitur, & de rebus ad securitatem Comitiorum electionis pertinentibus: edictum contra pacis turbatores, si res ita postulat, rursus publicatur: materia de exorbitantiis vel per Deputatos in Arce Varfaviensi vel in media Rota Equestri tractatur, (quae tamen in nupera electione Augusti II. & Comitii Coronationis Cracoviae habitis non est ventilata, sed usque ad futura Comitia Generalia dilata) articuli & conditiones eligendi Regis in consensu Nobilium praescribuntur & in Senatu trutinantur: agitur etiam in utroque consensu de stipendiis militum, de correctione legum, de Confoederatione inter Dissidentes in religione &c. His rebus ordinatis mittitur cum ex Senatu tum ex Nobilitate ad Candidatorum & exterorum aliorum Principum Oratores, qui non in loco electionis, (quod tamen in nupera electione factum est:) sed extra illum in locis sibi assignatis degunt; hinc ad locum electionis solemnibus pompis

pompa deducuntur, & per Mareschalcum Regni in plenum Senatus confessum introducuntur, ubi etiam Nobilitas cum suo Mareschale co assistit. Primum auditur Legatus Pontificis Romani, cui conceditur locus inter Archiepiscopum Gnesnensem & Episcopum Cracoviensem; deinde Imperatoris, post haec aliorum Regum & Principum Legati, quibus locus datur inter Mareschalcos, qui in Senatum ipsos comitati sunt. His non Cancellarius, sed Interrex nomine Senatus, & nomine Nobilitatis Mareschalcus Rotae Equestris respondet, atque iubentur a loco electionis excedere, eventumque electionis expectare. (quod iterum in nupera electione observatum non est, quia Legati Candidatorum suorum medii inter electores versabantur.) His praemissis, postquam dies electionis advenit, omnes Senatores Equitesque in genua procumbunt, Archiepiscopo, vel eo absente, alio Episcopo maioris Poloniae, ut Cuiaviensi, vel & hoc absente, Posnaniensi, (ut factum est in Interregno post abdicationem Ioannis Casimiri) praecinente hymnum: Veni Creator Spiritus &c. Eo finito totus confessus ad proprias Palatinatus secedit, solo Archiepiscopo se loco non movente. Ordines hoc modo divisi vota sua ferunt, quo autographa manibus Senatorum & Nobilium cuiusque

iusque Palatinatus subscripta a Mareschalco Equestris Ordinis consignantur, omnes deinde in unum confessum redeunt, & singula Senatorum suffragia in commune conferunt. Post haec Senatores pro electione novi Regis in confessu suo vota enuntiant, prius Archiepiscopus Leopoliensis, deinde Episcopi, hinc Palatini & Castellani, & tandem Officiales Ordinis Senatorii, in suffragio autem Primatis Regni conclusio totius Regni nominatimque consistit. Si plurima vota stant pro uno Candidato tum reliqui dissidentes partim svasionibus partim precibus partim largitionibus ad sententiae unitatem pelliciuntur. Concordantibus denique omnium sententiis, renunciatio novi Regis paululum differtur, donec alia negotia definiantur. Sequenti vel etiam alio die convenientibus electoribus Interrex ab adstantibus terrogat, num velint iubeantque Regem renunciare? cunctis acclamantibus Placet, vivat! tum Primas Regni Regem gravi oratione renunciat, mandat etiam ad portas valli proclamare. Io triumphe, vivat Rex! Renunciatione per Primatem facta, omnes in campo patenti decantant hymnum: Te DEum laudamus! Post clangor tubarum per campos resonat, machinae tormentariae disploduntur, & plurima gratulationum laetitiaeque publicae signa eduntur, atque

que denique in Templo Varfaviensi laudes DEO pro electione feliciter peracta decantantur.

§. XXII. De iis, qui facultatem eligendi Regem habent, notandum, quod praeter Senatores & Nuntios Nobilitatis votum in electione Regis habet 1.] tota Nobilitas utriusque gentis, conferre enim ad securitatem imperantium putant & parentium constantiam, Regem per omnes eligi, ait FREDRO *in Historia Henrici 1. 2.* Eligunt Regem Duces Prussiae & Curlandiae. Vid. PAVL. PIASECIVS *in Chron. fol. 529.* 3.) Cracoviensium & Vilnensium Nuntii ex antiquis privilegiis ius obtinent eligendi Regem. Vid. AARON ALEXANDER OLIZAROVVS *lib. 2. de politica hominum societate cap. 1.* 4.) Civitatibus maioribus in Prussia, utpote Thorunensi Elbing, & Gedanensi, potestas suffragii in electione Vladislai IV. concessa est. PIA. SECIVS *l.c. f. 541.* 5.) Milites quoq; & Cosaci potestatem sibi vendicabant eligendi Regem per Nuntios suos in electione Vladislai IV. sed ut illis ea non fuit concessa, quod stipendia Reipublicae merebantur, nisi hac cum cautela, ut quilibet miles ad suum Palatinatum rediret, & cum ceteris Nobilibus hoc iure demum gauderet; ita hi plane sunt repulsi, ut gens ex ultima plebe collecta. Vid. PIASECIVS *loc. cit. f. 530.* Hinc male sibi Reipublicaeque consulerunt

luerunt Poloni, cum ad tot millia hominum
ius eligendi Regis pervenire possi sunt. Si e-
nim inter paucos electores diversae reperiu-
tur sententiae, quid sentiendum de tot millibus
electorum in Polonia? ubi vel unus Nobilis
dissentiens ceterorum omnium & Senatorum
& Nobilium vota pro huius & illius Regis ele-
ctione lata eludere potest. Communi itaque ser-
mone iactatur in Polonia, quod Deus in Comi-
tiis Polonicis maiora patret miracula, quam in
ipsa mundi creatione, cum in hac nullam ha-
buerit materiam repugnantem, in Comitibus au-
tem Polonicis plurimam. Ideo morem hunc,
Regem ab omnibus eligi, improbavit Ocieffius
Regni Poloniae Cancellarius, apud CHRISTO-
PHORVM VARSEVICIVM *lib. 1. de optimo
statu libertatis p. 46 seq*

§. XXIII. Candidati Regni Poloniae pos-
sunt partim esse incolae, partim exteri, secus
ac in Imperio Germanico, ubi electio Impera-
toris ad nationem germanicam est adstricta;
secus ac in Pontificia aula, in qua electio Pon-
tificis Romani ad nationem Italicam est devo-
luta; Regis Hispaniae ad Hispanicam; Galliae
ad Gallicam, & sic porro. Quod incolam seu
Piaſtum eligere possint in Regem Poloni, testa-
tur hoc seculo Vladislaus IV. & Ioannes Casi-
mirus, Michael Koributus & Ioannes III. Et
quidem

quidem Vladislaus IV. unanimi omnium consensu a Ioanne Węzyk Archiepiscopo Gnesnensi renuntiatus; post Vladislaum frater Ioannes Casimirus, frustra renitente Carolo, rerum polonicarum potitus, & a Matthia Lubinski Archiepiscopo Gnesnensi coronatus; post mortem Ioannis Casimiri inter alios Candidatos fuit Illustrissimus atque Celsissimus Princeps Boguslaus Radziwił, Dux Birsarum, Dubinkorum Sluciae & Kopiliae, &c. Et in nupera electione Candidati fuere tres filii Ioannis III. Iacobus Ludovicus, Alexander, & Constantinus. Ab excessu Henrici I. itidem ex incolis purpurati fuerunt Ioannes Kostka Palatinus Sendomiriensis, & Stanislaus Comes de Gorka Palatinus Posnaniensis. Post fata Stephani Bathori Constantinus Dux de Ostrog Palatinus Kioviensis, & filius ipsius natu maior Ioannes Dux de Ostrog Palatinus Vothyniae, Simon & Alexander fratres Duces in Stucko Radziwiłii Duces in Olyka, Albertus Łaski Palatinus Siradiae, Zagurski Palatinus Posnaniensis, Tencinius Palatinus Cracoviensis, Firleius Castellanus Biecentis, Andreas Zborowski Marschalcus Regni, & Ioannes Zamoiscius Cancellarius & exercituum Dux Generalis. Quod praeter incolas exterius in Reges Poloniae eligi possint, nemo ambigit. Sic in fine seculi XIV. mortuo Ludovico

vico Poloniae Rege Competiores Regni fuerunt Sigismundus & Wilhelmus Archiduces Austriae, & Jagello Magnus Dux Lithvaniae. Post obitum Sigismundi Augusti A. 1571. Candidati erant ex exteris Ernestus Archidux Austriae, Henricus Dux Andegavensium, Rex Sveciae Dux Moschorum & Tartarorum Princeps. Vid. IOAN. DEMEIR. SOLIKOVII *Comentar rer. polon a morte Sigism August. gestar.* Ab excessu Henrici I. Candidati erant Maximilianus Imperator Romanus. Stephanus Bathori de Somlio, & Alphonsus Dux Ferrariae. Post fata Stephani Regis erant Maximilianus Archidux Austriae Rudolphi Imperatoris frater, Sigismundus Ioannis Regis Sveciae filius, Alexander Parmae & Placentiae Dux, & Theodorus Odomovicius Moschorum Dux. Post mortem Ioannis III. inter externos Candidati fuerunt Elector Saxoniae, Dux Lothringiae, Marchio Badensis, Princeps de Conti, Princeps Neuburgicus, & Elector Bavariae. Vid. *De notatio electionis novi Regis d. 27. Iunii A. 1697.*

§. XXIV. Renuntiato iam Rege, diploma electionis componitur subscribiturque a Senatu & Deputatis Palatinatum, cum longum sit tot electorum nomina annotare, illudque Regi recens electo traditur, qui omnia iura privilegia & immunitates per pacta conventa stabilita

bility iureiurando approbare tenetur; Si vero Rex electus absens sit, tum ad locum electionis Legati Regis electi accersuntur, ut iuramento conditiones electo Regi propositas confirmant. Ex officio quoque Mareschalci denuo idem Rex proclamatur. Sigismundo & Svecia venienti obviam missi sunt Gedanum Oratores, qui in Monasterio Olivensi Decretum electionis Regi tradiderunt, & ab eo iuramentum receperunt. Vid. IACOBVS AVGVST, THVANVS *lib. 88. histor. sui tempor.* Si vero Rex electus praesens est, deducitur post electionem in Templum, ubi se Regno iuramento obstringit. Ita Michael & Ioannes III. Reges aliquot post nominationem elapsis diebus in Templo D. Ioannis ad altare maius iuramentum praestiterunt, & ab Ordinibus Regni Magnique Ducatus Lithvaniae diploma electionis consignatum receperunt. Solet tum Primas Regni nomine Senatus, & Mareschalcus Equestris Ordinis nomine Nobilitatis novam dignitatem Regi recens electo gratulari, quibus Regis nomine respondetur. Invisit etiam Rex electus, aut eius Legatus, Nobilitatem in campo, eique pro electione gratias agit. Confer. CASIM. ZAWADZKI *in gloria orbi Sarmatico consensu monstrata.* Id etiam notes, quod novo Regi caduceus seu scipiones non sublevatos sed sub-

D

sub.

submissos Marechalci praeferant, literae etiam ab eodem sub titulo electi Regis extradi, & sigillo Cancellariae suae muniri soleant. Adveniens autem externus Princeps in Regem electus, solemni [ut Serenissimus noster Augustus Cracoviae d. 12. Sept. A. 1697.] excipitur pompa: postea convocato cum Ordinibus Senatus gratias agit, spondens, iura & privilegia se confirmaturum. Ipsi vero Ordines indicunt coronationem per peculiare edictum illius loci, unde illud mittitur. Insuper Marechalcus Ordinis Equestris valedicit Senatus & Nobilitati, ultimoque suffragio Regem confirmat, votum addens, ut vivat, regnet, perrennet.

§. XXV. Formula iurisiurandi, quo Rex recens electus pacta conventa confirmat, talis est: "Ego N. N. electus Poloniae Rex, & Magnus Dux Lithvaniae, Russiae, Prussiae, Masoviae, Samogitiae, Livoniae, Smolensciae, Kyoviae, Vothyniae, Podoliae, Podlachiae, Severiae, Czerniechoviaeque, spondeo & sancte iuro DEO Omnipotenti ad haec sancta Iesu Christi Evangelia, quod pacta conventa per Ordines Regni mihi data, in omnibus eorum articulis, punctis, clausulis, conditionibus, ita ut nec specialitas generalitati, nec generalitas specialitati deroget, servabo, manutenebo."

manutenebo & adimplebo, atque ea omnia i-
terato etiam in solenni coronatione iuramento
confirmabo, sic me Deus adiuvet & haec lan-
gua Iesu Christi Evangelia. “

§ XXVI. Ante ipsam vero coronatio-
nem duo in primis sunt, quae peragi solent,
Primum est, quando Rex Templum S. Stani-
slai Cracoviae in rupella pedes invisit, ibidem-
que caput eius deosculatur auro inclitum, at-
que devotis precibus expiat scelus homicidii,
quod Boleslaus Audax Poloniae Rex A. 1079,
in Stanislaus Szczepanovio patrarat. Eo in lo-
co Vladislaus IV. Sanctam Eucharistiam e ma-
nibus Archi-Episcopi sumit: Michael Rex
sumto iam prandio ingressus est hoc Templum
inter crebras tormentorum explosiones. Se-
cundum est, quod peragi solet, quando ante
Coronationem Regis defuncti exequiae cele-
brantur, attamen & post Coronationem corpo-
ra Regum mortuorum sepulchris inferri, con-
stat ex superiore §. 10. Ritus praecipui in ae-
ctu Regum sepulturae tam solenni describun-
tur a FREDRONE in *Histor. Henrici I. ad A.*
1574. “Insulati, scribit, Episcopale munus ci-
ra feretrum obeunt, praecedunt Provinciae
Legati sive Nuntii Terrestres, item Eque-
stres signiferi, vexilla Provinciarum & stem-
mata praeferentes; tum portatur Corona, Scep-
trum

“ptum, pomum aureum, gladius, Regum des-
 “cora omnia ad humum verla. Ad sepulchrum
 “vero Officiales sua tranguit insignia, Mare-
 “schalci baculos suos, Cancellarii sigilla, & Ar-
 “migeri hastas. His peractis, Coronatio electi
 Regis sequenti vel alio die suscipitur.

§. XXVII. Quedsi iam dieventum est ad
 ipsam Coronationem, omnino illa solenni pom-
 pa & splendido apparatu peragi solet. Adum
 Coronationis Henrici I. ita describit ALEXAN-
 DER GVAGNINVS *in Sarmatia Europaea*,
 Michaelis vero I. NICOLAVS CHWAE-
 KOWSKI *in iur publ. lib. 1. cap. 1.* Ipso sci-
 licet Coronationis die totus, in primis Episco-
 patus Cracoviensis Clerus, stolis, mitris, infu-
 lis, superciliis, quam splendidissime amictus, e
 Basilica Cracoviensi in Palatium Regium proce-
 dit, Schola item & musico concentu eum co-
 mitante, Senatores quoque & Equestris Ordo
 adtunt congregati. Soli Episcopi cum Archie-
 piscopo ad deducendum Principem in Eccle-
 siam Cathedralem, qui antea vel per supre-
 mum Regni Mareschalcum vel per Magistrum
 Ceremoniarum inducitur. Palatium Regium a-
 scendunt, atque sandalis, tunica, chirothecis,
 alba Dalmatica & pallio ornatum, & inter Le-
 gatos Imperatoris Pontificisque Romani, vel al-
 ios primores, stantem, aqua benedicta Archi-
 episco-

episcopus aspergit, orationem certam recitans, Hinc in Ecclesiam per Cracoviensem & Cuiaviensem (noster Augustus II, per Cuiaviensem & Posnaniensem) Episcopos deducitur, praesentibus Castellano Cracoviensi Coronam Palatino Cracoviensi Sceptrum, Vilnensi Palatino Pomum aureum, & vel Ensisfero Regni vel Praefecto Stabuli Gladium evaginstum. Quos excipiunt Episcopi cum Archiepiscopo, Abbates Intulati, Senatores Regni, exterorum Principum Legati, cruce praecedente. Insignia, de quibus modo dictum, regalia, in altari deponuntur. Rex in solio sistitur, ante quem Episcopus aliquis certam orationem pronunciat, Regemque de fide, pietate in Deum, aliisque virtutibus regiis admonens, dicta oratione, interrogat illum: vis fidem Sanctam a Catholicis viris traditam tenere, & operibus iustis servare? respondet, volo. Pergit porro summus Praesul: vis Ecclesiis Ecclesiarumque Ministris tuum ac defensor esse? respondet, volo. Denique ex Rege quaerit: vis Regnum a Deo tibi commissum secundum iustitiam Patrum tenere, regere & defendere? respondet, volo. Finita interrogatione, Rex coram Archiepiscopo genu flexus, capite adaperto iurat, pactaque conventiona confirmat, tacto digitis Evangelio, sub finem iuramenti dicens: *Sic me Deus adiuvet,*

Haec Sancta Evangelia. Post haec Archiepiscopus Collectam Orationemque ex Pontificali Romano recitat, inde genua flectit Archiepiscopus, Rege in faciem provoluto, Litanis item & Orationibus resonantibus. Postea Archiepiscopus sedet, Rex Dalmatica exutus ante eum genua flectit, qui intincto pollice dextro in oleo sancto, ungit illi dextram a palma ad cubitum, & inter scapulas, & in brachio dextro, dicens: Vngo te in Regem oleo sanctificato, in nomine Patris, Filii, & Spiritus Sancti. Postea preces quasdam pronunciat, quibus peractis, Episcopus aliquis inunctas partes corporis regii, abstergit, certa verba recitans, & demum Regem Mareschalci Regni & Magni Ducatus Lithvaniae Dalmatica aliisque preciosissimis ornamentis amictiunt. His absolutis, Archiepiscopus abluit manus, depositaque Insula Confessionem dicit, Rex vero a Senatoribus & Officialibus in Solium in medio Templo exstructum deductus, supplex vultum ad altare convertens missam audit. Postea Coronator gladium porrigit Regi, quem aliquis ex Officialibus accingit eius lateri: diadema quoque Regi imponit, pomum aureum in sinistram, & sceptrum in dextram eidem inferens, ad singula certa verba pronuncians. Tum e solio Rex digressus, panem & vinum in altari offert, panemque

demque osculans Sacrosanctum corpus accipit, gladiusque eidem discingitur. Absoluto Sacro in medio Archiepiscopi & Praefulis Cracoviensis ad theatrum illud supra dictum ducitur, atque ab Archiepiscopo gubernaculis Regni praeficitur: inde reversus ad altare Archiepiscopus, hymnum: Te DEum laudamus! exorditur, quo finito, ab altari recedit, & ad eius dextrum cornu confidet, quo etiam Rex venit, aurumque Coronatori offerendo manum deotulatur. Solet etiam sumto in manus gladio aliquot tum Nobiles tum Consulares viros, habita ceremoniae dignitate, ad Equestris Ordinis dignitatem provehere. Solennitatibusque istis absolutis, Archiepiscopus benedictionem omnibus impertit, & Mareschalcus Curiae Regni alta voce exclamat: Vivat Rex! Postremo Supremus Regni Thesaurarius de throno regio nummos missiles erogat, atque ita Coronationis actui coronis imponitur.

§. XXVIII. Ne quid fiat sine invocatione Numinis, a quo omne auxilium futuri regiminis & felicitatis expectandum, sequens Oratio, post praestitum ab Rege iuramentum ab Archi-Episcopo solet dici: *Te invocamus Domine, Sancte Pater, Omnipotens sempiternus DEus, ut hunc famulum tuum N. quem*
D 4 *tuae*

tuae divinae dispensationis providentia in
 primordio plasmatum usque ad hunc prae-
 sentem diem iuveniili flore laetantem crescere
 concessisti, eum tuae pietatis dono ditatum,
 plenumque gratia & virtute de die in di-
 em coram DEO & hominibus ad meliora
 semper proficere facias, ut summi regiminis
 solum gratia supernae largitionis gaudens
 suscipiat, & misericordiae tuae muro ab ho-
 stium adversitate undique munitus, plebem
 sibi commissam cum pace propinationis &
 virtute victoriae feliciter regere mereatur,
 per Christum Dominum nostrum, Amen.
 Denique omnes Episcopi cum Insularis Abba-
 tibus atque Clericis in genua procumbentes,
 sic orant: DEVS, qui populis tuis virtutē
 consulis, & amore dominaris, da famulo
 tuo N. sapientiae Spiritum, cum regimine di-
 sciplinae, ut tibi toto corde devotus, in Regni
 regimine maneat semper idoneus, tuoque mu-
 nere ipsius temporibus securitas Ecclesiae di-
 rigatur, & in tranquillitate devotio Chri-
 stiana permaneat, ut in operibus suis bonis
 perseverans, ad aeternum regnum te duce
 pervenire valeat, per Christum Dominum no-
 strum

strum, Amen. Hac Oratione finita, iterum
orant genus flectentes: *Benedic Domine hunc
Regem N. qui regna omnia moderaris a
seculo, & tali cum benedictione glorifica,
ut Davidicae teneat benedictionis & subli-
mitatis sceptrum, & glorificatus in eius pro-
tinus rapiatur merita. Da ei tuo spirami-
ne cum mansuetudine ita regere populum tu-
um, si. ut fecisti Salamonem tuum continere
regnum pacificum. Sit tibi semper cum ti-
more subditus, tibiq̃ue militet cum quiete, sit
tuo clypeo protectus cum Proceribus, & ubi-
q̃ue tua gratia victor existat: honorifica e-
um prae cunctis Regibus gentium ut feliciter
populis tuis dominetur, & feliciter eum na-
tiones adorent: vivat inter gentium, cetero-
vas magnificus, sit in iudiciis aequitatis sin-
gularis, locupletet eum tua praedives dextra,
frugiferam obtineat patriam & eius liberis
tribuas profuturam: protela ei prolixitatem
vitae, & in diebus eius oriatur iustitia, a
te robustum obtineat regiminis solium, &
cum iucunditate & iustitia aeterno glorie-
tur in regno, per Christum Dominum nostrum,
Amen! Cum inungitur Rex, ita orat Archi-*

Episcopus : Vngo te in Regem ex oleo sanctificato, Spiritus Sancti gratia humilitatis nostrae officio in te copiosa descendat, ut sicut manibus nostris indignis oleo materiali pingvescis exterius ablutus, ita eius invisibili unguimine delibutus, impiagvari merearis interius, eius quoque perfectissima Spiritualis unctione semper imbutus, & illicita declinare tota mente valeas, & utilia animae tuae iugiter cogitare, optare atque operari queas, auxiliante Domino nostro Iesu Christo, qui tecum vivit & regnat Deus, Dei Filius, Iesus Christus Dominus noster, quia Pater oleo exultationis unctus est, prae participibus suis ipse per praesentem sanctae unctionis infusionem Spiritus Paracleti, super te benedictum infundat, eandemque usque ad interiora cordis tui penetrare faciat, quatenus hoc visibili & tractabili oleo dona invisibilia percipere, & temporali regno iustis moderationibus executo, aeternaliter correignare ei merearis, qui solus sine peccato Rex Regum vivit & gloriatur cum Deo Patre, in unitate Spiritus Sancti Deus, per omnia Secula Seculorum, Amen! Cum Episcopus inuncta
corpo-

corporis Regii membra detergit, dicit: *Deus Rex Regum & Dominus Dominantium, per quem Reges regnant, & legum conditores iura decernunt, dignare propitius benedicere hoc regale ornamentum, & praesta, ut famulus tuus, Rex noster N. qui illud portaturus est, ornamento bonorum morum & sanctarum actionum in conspectu tuo fulgeat, & post temporalem vitam aeternam gloriam, quae temporis non habet finem, sine fine possideat, per Dominum nostrum Iesum Christum, Amen!* Cum induitur Rex pallio & Dalmatica hanc Orationem dicit: *Accipe pallium, quatuor initiis formatum, per quod intelligas quatuor mundi partes divinae potestati esse subiectas, nec quonquam posse feliciter regere in terris, nisi sibi regere potestas fuerit collata de coelis.* Cum gladius Regi porrigitur, sequens recitatur Oratio: *Accipe gladium de super altari sumtum per nostras manus, licet indignas, vice tamen & auctoritate sanctorum Apostolorum consecratum, regaliter tibi concessum, nostraeque benedictionis officio in defensionem Sanctae Dei Ecclesiae divinitus ordinatum, ad vindictam malefactorum, laudem*

laudem vero bonorum. Et memor esto eius,
de quo Psalmista prophetauit, dicens: accin-
gere gladio tuo super femur tuum, potentissi-
me: ut in hoc per eundem vim aequitatis ex-
erceas, molemque iniquitatis potenter de-
struas, Sanctam Dei Ecclesiam eiusque fide-
les propugnes atque protegas, neque minus
sub fide falsos, quam Christiani nominis hostes
execres atq; dispergas, viduos atq; pupillos ele-
menter adiuves & defendas, desolata re-
staures, restaurata conserves, ulciscaris inius-
ta, confirmes bene disposita &c. Cum Re-
gi gladium accingit Archi Episcopus, orat:
Accingere gladio tuo super femur tuum, po-
tentissime, & attende, quod Sancti non in
gladio, sed per fidem vicerunt regna. Cum
diadema imponit, dicit: Accipe coronam Re-
gni, quae licet ab indignis, Episcoporum ta-
men manibus, capiti tuo imponitur, in nomi-
ne Patris, Filii, & Spiritus Sancti, quam
Sanctitatis gloriam & honorem & opus for-
titudinis intelligas significare, & per hanc
te participem ministerii nostri non ignores,
ita, ut sicut nos in interioribus Pastores Recto-
resque animarum intelligimur, ita & tu con-
tra

tra omnes adversitates Ecclesiae Christi defensor assistas, Regnique tibi a Deo dati etc. Denique cum pomum & sceptrum eidem porrigitur, orat: Accipe Virgam virtutis atque veritatis, qua intelligas te obnoxium mulcere pios, terrere reprobos, errantes viam docere, lapsis manum porrigere, disperdere superbos, & relevare humiles, & aperiat tibi ostium Iesus Christus Dominus noster, qui de se ipso ait: ego sum ostium, per me si quis introierit, salvabitur, qui est clavis David & sceptrum domus Israel, qui aperit & nemo clauait, clauit & nemo aperit, sitque tibi auctor, qui eduxit vinculum de domo carceris, sedentem in tenebris & umbra mortis, ut in omnibus cum sequi merearis, &c.

§ XXIX. Est quoque iuramentum, quod in C migiis electionis a Mareschalco Equestri Ordinis praescribi solet Regi, id quod ipsi in actu coronationis est praestandum. Quod ita se habet: Ego N. N. Electus Rex Poloniae, Magnus Dux Lithvaniae, Russiae, Prussiae &c. per omnes Regni Ordines utriusque gentis, tam Poloniae quam Lithvaniae, caeterarumque Provinciarum Regno Poloniae &
Magno

Magno Ducatui Lithvaniae annexarum &
 incorporatarum communi consensu libere ele-
 ctus, spondeo & sancte iuro Deo Omnipoten-
 ti ad haec Sancta Iesu Christi Evangelia,
 quod omnia iura, libertates, immunitates,
 privilegia publica & privata, iuri communi
 utriusque gentis & libertatibus non contra-
 ria, ecclesiasticas & seculares, Ecclesiis Ca-
 tholicis Romanis, Principibus, Baronibus, No-
 bilibus, Civibus, Incolis, & quibuslibet per-
 sonis cu uscuque status & conditionis exi-
 stentibus, per Divos Praedecessores meos, Re-
 ges & quoscunque Principes Regni Poloniae
 & Magni Ducatus Lithvaniae, praesertim
 vero Casimirum Antiquum, Ludovicum Lo-
 iczappellatum, Vladislaum I. Iagellonidem
 dictum, fratresque eius Vitoldum Magnum
 Lithvaniae Ducem, Vladislaum II. Iagello-
 nis filium, Casimirum III. Iagellonidem, Io-
 annem Albertum, Alexandrum, Sigismun-
 dum I. Sigismundum II Augustum, Henricum,
 Stephanum, Sigismundum III. Vladislaum
 IV. Ioannem Casimirum, & Michaellem
 Coributbum Reges Poloniae & Magnos Li-
 thvaniae Duces, iuste & legitime datas &
 conces-

concessas, emanatas & donatas, ab omnibusque Ordinibus tempore Interregni statutas atque sancitas, mihi oblatas, tam pacta per Ordines Regni & Magni Ducatus Lithvaniae mihi tradita, manutenebo, observabo, custodiam & adimplebo, in omnibus conditionibus, articulis & punctis, in iisdem expressis. Pacem quoque & tranquillitatem inter Dissidentes de Religione Christiana tuebor, manutenebo, nec ullo modo vel iurisdictione nostra vel officiorum nostrorum & statuum quorumvis auctoritate quencquam affici opprimique causa Religionis permittam, nec ipse afficiam vel opprimam. Ac ea quae in electione nostra Varsaviensi constituta sunt, & quae in Conventione Coronationis nostrae constituentur, manutenebo, iisque satisficiam, omniaque illicite a Regno & Magno Ducatu Lithvaniae & dominiis eorundem quocunque modo alienata, vel bello vel alio quovis modo distracta, ad proprietatem eiusdem Regni Poloniae et Mag Ducatus Lithvaniae aggregabo, terminosque Regni et Magni Ducatus Lithvaniae non minuem, sed defendam et dilatabo. Iustitiam omnibus Incolis Regni iuxta iura publica in omnibus dominiis consueverunt

stitutam absque omnibus dilationibus & pro-
 rogationibus administrabo, quovis etiam san-
 guinis nostri respectu nullo habito, in dispen-
 satione quoque distributivae iustitiae non me
 alligabo ad affectum & propensionem natu-
 ralem sanguinis, sed solam ipsam bene meri-
 torum rationem prae oculis & corde habebo,
 in disponendis occurrentibus officiis & bene-
 ficiis Reipublicae. Et si (quod absit) in a-
 liquibus iuramentum meum violavero, nullam
 mihi Incolae Regni omniumque dominiorum
 uniuscuiusque gentis obedientiam praestare
 debebunt, imo ipso facto eos ab omni fide,
 obedientia Regi debita, liberos facio, absolu-
 tionemque nullam ab hoc iuramento meo a
 quoquam petam, neque ultro oblatam susci-
 piam. Sic me Deus adiuvet, & haec sano
 et Christi Evangelia.

§. XXX. Coronatione solenniter pera-
 ta, Rex coronatus inter tormentorum toni-
 trua ad Palatium deducitur, aliaque laetitiae
 signa eduntur: postea convivium regale ha-
 betur, cui intersunt Legati exterorum Princi-
 pum, Senatores Regni, & alii e Nobilitate Pro-
 cures, illustresque foeminae. In Coronatione
 Michaelis

Michaelis Regis, ipso festo Michaelis d. 29. Sept. A. 1669. peracta, promiscuo vulgo in regio isto Palatio tres integri ferarum & alitum variorum generum farti & assati boves, cum aliquot cerevisiae doliis in praedam cessere, ut refert NICOL. CHWAŁKOWSKI in *Iur. Publ. Regn. Polon. lib. 1. cap. 3. §. 11.* Trahitur illud convivium ad seram usque vesperam, & tandem artificiosi ignes spectantur. Sequenti die Rex equo vectus, comitantibus eum Senatoribus, Regnique insignia praefertentibus, atque Thesaurario nummos missiles in populum spargente, in forum Civitatis Cracoviensis descendit, & in Curia regio indutus ornatu, pedes ad solium pulcherrime extructum pergit, quem Senatores sedentem paullo inferiores ordine circumfident; ubi Magistratus Cracoviensis subiectionem suam testaturus, in argentea patina claves portarum omnium deauratas Regi tradit, cui Cancellarius nomine Regis respondet, gratiam eius eidem declarando. Postea idem Cancellarius formam iuramenti Magistratui praelegit, quod in genua procumbens, erectis in coelum digitis praestat, Regi deinde donum aliquod offert, clavesque suas recipit. Rex deinde nudatum vagina enses ab Ensifero Regni versus quatuor mundi partes vibrat, atque eius contactu Equites ali-

E

quos

quot auratos creat. Inde his rite peractis The-
saurarius ex thestro nummos aureos argen-
teosque in plebem spargit, denique in arcem
cum eadem pompa redire, festisque epulis
indulgere solent. Post solennia Coronationis
accingit se statim Rex ad Comititia, quae nuper
duabus hebdomadis absoluta, officiaque maio-
rum dignitatum in iis distributa, ubi Privilegi-
um electionis in Comititiis conscriptum Consti-
tutioni inseritur. Archiepiscopus vicariatum
deponit, [nuper tamen id factum non est] Se-
natores Regni fidelitatem iuramento promit-
tunt, item Nuntii Terrestris post novum ele-
ctum Mareschalcum nomine totius Nobilitatis,
Civitatum quoque Deputati subiectionem & fi-
delitatem suam iureiurando Regi pollicentur:
ad Civitates autem Prussiae Serenissimus pro
recipiendo homagio Commissarios mittit. Tunc
etiam Rex Coronationem suam per literas u-
niversales omnibus denuntiat, & iudicia omnia
celebranda esse declarat: dat praeterea literas
iuramenti a se praestiti, & aliud diploma, quo
omnia iura & privilegia confirmantur, sicque
demum tempus Interregni cessat.

CAP. II.

De Interregnis in Regno Poloniae,
eorumque numero.

- §. 1. De numero Interregnorum in Polonia
iuxta Hartkn. a quo abit auctor.
- §. 2. De primo Interregno, & iis, quae in
illo evenerunt post fata Craci I.
- §. 3. De secundo, Vanda fati erepta.
- §. 4. De tertio, post excessum Praemislai.
- §. 5. De quarto, post mortem Popieli II. &
muribus devorati.
- §. 6. De quinto post Micieslaum II.
- §. 7. De sexto, post Praemislauum occisum.
- §. 8. De septimo, post Casimirum Magnum.
- §. 9. De octavo, post Ludovicum Vngariae
& Poloniae Regem.
- §. 10. De nono, post Sigismundi Augusti
mortem.
- §. 11. De decimo, post discessum Henrici Va-
lesii.
- §. 12. De undecimo, post Stephani mortem.
- §. 13. De duodecimo, post fata Sigismundi
III.

§. 14.

- §. 14. De decimo tertio, post Vladislai IV. mortem a. 1648.
- §. 15. De decimo quarto, post abdicationem regni Io. Casimiri a. 1668.
- §. 16. De decimo quinto, post Michaelis Koributbi fata.
- §. 17. De decimo sexto, post mortem Ioannis III. & de electione Friderici Augusti Septemviri Saxoniae.
- §. 18. Quid post coronationem novi Regis fieri soleat & cur hocce interregnum longius duraverit?
- §. 19. De Iuramento Regis Augusti & quo modo Pacta Conventa confirmavit.
- §. 20. De iis, quae post fata Augusti II. atq; in Interregno XV Ilmo evenerunt, supplementi loco adiectis.

§. I.

IAm ad ipsa Interregna, quae & quot in regno Poloniae fuerunt, deveniendum. ALEXANDER GVAGNINVS in *Sarmatia Europaea* fol. 45. a Lecho I. ab Anno Domini 550. usque ad Annum 1572. quo Sigismundus Augustus

stus naturae debitum exsolvit, numeravit novem Interregna. Primum Interregnum post Lechi deficientem progeniem extitit, cui postea secundum quosdam Visimirius, Visimiro autem Cracus successit. Secundum fuit post Vandam Craci filiam, quae Diis virginitatem devovens, victo tribus cruentis proeliis Ruttigero Duce Germanorum, in Vistulam sese praecipitavit, postquam duodecim Palatinis Provinciae distributae regundae commissae essent. Tertium erat, cum, Praemislao sine prole decedente, equorum cursu de Principatu certarent, & Lelconi infimae familiae iuveni sceptrum obveniret. Quartum contigit post Popielum II, Crusviciae a muribus devoratum, quando Piasus, Civis & agricola Crusviciensis simplex & probitate pollens, communi omnium consensu Monarcha designatus est. Quintum erat post Miecislauum seu Miesconem II, quando Rixa uxor & Regina Imperium aliquot annis cum detrimento Regni administravit, in Saxoniam deinde & Austriam profuga, post in Regnum rediit, Casimirusque rerum potitus est. Sextum extitit post Praemislauum occisum ab Ottone Lango & Marchionibus Brandenburgensibus, quando Venceslauus Bohemiae Regem Poloni ad sceptrum regenda vocarunt. Septimum, fuit post Casimirum Magnum, Vladislai

E ;

Lodi-

Lothici filium, quando Ludovico Hungariae Regi habenas Regni Sarmatiae obtulerunt. Octavum fuit post Ludovicum Hungariae & Poloniae Regem, quando Jagellonem Magnum Duce[m] Lithvaniae Poloni ad fasces Regni capessendos elegerunt: eius posteritas usque ad Sigismundum Augustum duravit. Nonum post fata Sigismundi Augusti, quando Henricus Andegaviensium & Borboniorum Dux in Regem Poloniae erat electus. B. HARTKNOCH in *Republ. Polon. lib. 1. cap. 2. §. 15.* duodecim Interregna maiora in Regno Poloniae recensuit: sextum vero quod fuit GVAGNINO, penitus omisit. Post excessum Henrici in Galliam Interregnum publicatum B. HARTKNOCHIO nonum numeratur, in quo alii Maximilianum Imperatorem Romano-Germanicum, alii Stephanum Transylvaniae Palatinum commendabant, huic tamen sceptrum Poloniae fuit traditum. Decimum fuit post eiusdem Stephani mortem, ubi alii Maximiliano Austriae Archiduci, alii Sigismundo Sveciae Principi fasces deferebant, huic tamen prae illo diadema fuit impositum. Undecimum erat post abdicatorem Ioannis Casimiri, ubi Michael Coributhus, Dux Wisnoviecius, Rex electus est. Duodecimum erat post fata Michaelis, in quo fasces Polonici Serenissimo Ioanni III, pie mortuo sunt

sunt traditi. Decimum tertium denique post mortem Ioannis III. extitit, quando summa rerum ad Fridericum Augustum Electorem Saxoniae transiit. (*

§. II. De primo Interregno sequentia veniunt annotanda. Quamdiu Lechus, primus Poloniae Princeps, regnaverit, quid praeclari bello paceque gesserit, quosve liberos post se reliquerit, in incerto habetur. VINCENTIVS KADLVBKO, qui vixit seculo XII. post C. N. Principem hunc longe ante Alexandri Magni tempora vixisse tradit. BERNARDVS VAPOVIVS, Regis Sigismundi Secretarius, Cantor & Canonicus Cracoviensis, in *Chronico suo*, inter alia scribit, centum quinquaginta ferme annis posteritatem Lechi in Polonia regnassee: Cum autem stirps Lechi defecisset, ab unius imperio ad paucorum dominatum traductam fuisse Rempublicam, nam duodecim Palatini seu Woiewodae, id est, Duces belli, ex omni Procerum numero viri spectati eligebantur in Principes, ut suae quisque regioni praeesset, legesque non in libris neque tabulis, ut rude illud ferebat seculum, sed in animis incolarum atque usu inciderent. Non diu post Poloni duodecim Woiewodarum imperio permesii iterum ad unum aliquem gubernaculis Rei publicae praeficiendum Gnesnam convenerunt, ibique insige-

nem virum, iustitiaeque & integritatis fama clarum. Principem creaverunt nomine Cracum, circa A. C. 700. Quamdiu vero Palatinorum duraverit imperium, quae ipsorum nomina & res gestae fuerint, in obscuro est. Recte IO-ANNES DLVGOVS Canonici Cracoviensis & denominatus Archiepiscopus Leopoliensis, *Tom. 1. Annal. in epist. dedicat. ad Zbignesium Olesnium Episcopum Cracoviensem*, scripsit. "Paucissimi Principes & Reges, ceterique Polonorum Heroes. suorum facinorum meruerunt scriptores, nonnullorum vero fama sepulta & extincta cum ipsis est." Abrogato duodecim Palatinorum imperio, post longam in Conventu consultationem, unanimi omnium sententia ad Cracum, natione Polonum, (GVAAGNINVS Cracum Czech Bohemiae Regis nepotem fuisse autumat) & in domicilio tredecim miliaribus a fontibus Vistulae distante habitantem, Principatus deferebatur, quem invitus ille suscepit: Vir cum amicitiiis, copiis & facultatibus potens, tum prudentia, animi magnitudine, atque iustitiae & integritatis opinione apud omnes ita graciosus, ut solus dilabantem Rempublicam sustinere posse videretur. In regimine hostes patriae alios foederibus sibi adiunxit, alios armis subegit, domilientiam & petulantiam compescuit, urbem Cracoviam

coviam Regni caput, relicta Gnesna, condidit, arcem colli Vavelo imposuit, iudicesque privatarum controversiarum per loca constituit; in huius scopuli seu collis antro, quod hodie-
num visitur, draconem holophagum, immane monstrum, habitasse Scriptores Polonici tradunt, qui viciniam omnem devorandis pecudibus iumentis & hominibus vastaverat, quem Cracus obiecta corporum pice ac sulphure effectorum esca confecit. GVAGNINVS in *Sarmatia Europaea* refert, quod Cracus pellem vituli excoriati sulphure, nitro & pice impleri, & ad antrum draconis obici iussit: quam escam dum deglutiisset draco, ignis conceptus belluae viscera torruerit, quae deinde in Vistula tam diu aquam sorpserat, quousque media rumperetur. Moriens Cracus in Lassitino monte ultra Vistulam e conspectu Civitatis sitro sepeliri voluit. Vid. MARTIN. CROMERVS *lib. 1. & 2. de O. & R. G. P. & SARMATIA*. NEVGEBAYER *lib. 2. Hist. Polon.*

§. III. Iustis Craco gentili ritu persolusis, Poloni Cracum II. elegerunt, & in patrum solium evexerunt, quem Lechus ambitione dominandi turgens, per speciem venationis in sylvameductum interemit & simulato luctu honorifice sepelivit, Principatu sibi scelerate rapto. VINCENTIVS KADLVBKO

E 3.

viventis

vivente adhuc patre fratricidium ab eo patratum, sed mortuo demum patre, & iam Lecho II regnante, scelus patefactum esse memorat, Postquam Lechi facinus innotuit, missus in exilium est fraticida, & vita infeliciter defunctus. Mortuo utroque fratre, tam gratam sui memoriam Cracus Princeps apud Polonos reliquerat, ut Venda eius unica filia unanimi populi consensu ad imperii fastigium evocata sit. Erat illa formosissima & pulcherrima omnino virgo, ut pulchritudine sua plurimos Principes ad se alliceret, & veluti hamo pisces caperet, unde Vanda & Venda (quæ dictio Sclavis hamum significat) appellata est. Fuit ea tempestate Rittigerus, (GVAGNINO Richagoras, & IOANNI MICRAELIO *lib. 2. Chron. Pomer. §. 2.* Rudigerus Rugianorum Princeps dictus) illustris & potens Teutonum Heros, qui pulchritudine atque prudentia virginis commotus, illam per Paranympchos & Oratores suos conjugem sibi petivit; verum illa alicui se nupturam negans, respondit, Principem, quam Principis uxorem, se malle: quamobrem Rittigerus putans, se ab ea contemni, bellum Poloniae indixit, terroreque & vi ad coniugium eam cogi posse sperabat; illa e contra cum expeditis suorum copiis adventanti hosti ad fines Sarmatici Regni occurrit, eumque cruentis claudibus

dibus fudit. Ipse autem fuga elapsus, prae pudore, quod virginis manu fusus fugatusque fuerit, mortem sibi conscivit. Vanda triumphans Cra oviam ingressa, nec contenta victimas alias obtulisse, seipsam Diis suis devotam in Vistulam praecipitavit. Inventum postea ipsius cadaver supra amnem Dlubniam, aggesto ibidem tumulo, unde subiacenti pago Morgale nomen, gentili ritu sepultum est. Cum nemo Regiae stirpis, Vanda fati erepta, superesset, commutata rursus est Reipublicae forma, atque a duodecim Palatinis iterum Poloniae Regnum aliquamdiu administratum esse fertur. Vid. CROMERVS & NEVGEBAYER II. cc. ALEXANDER GVAGNINVS in *Sarmatia Europaea in vita Vendae*. MARTINVS BIELSKI in *Chron. Polon. fol. 33.* polonicis typis edito.

§. IV. Pulsi eiectisque duodecim Palatinis, postquam Poloni a Pannonibus & Moravis aliquoties profligati, animum a defensione finium suorum desponderent, homo quidam Praemislus (aliis Praemislaus) plebeius & aurifaber, astu hostes circumvenit: galeas enim & clypeos e tenuioribus arborum corticibus magno numero fabricari curavit. eaque partim felle, partim lithargyro extrinsecus illita in truncis arborum & in ramis terrae infixis ita appen-

appendit, ut ad orientem solem obversa armati exercitus speciem eminus inspectantibus exhiberent; quod agmen conspicati hostes, praecipitato atque tumultuario exercitu in Polonos fictitios irruerunt, qui securos & crapula sopitos adorti debellarunt, omnibusque spoliis exuerunt. Hoc facinore divulgato, omnium consentientium votis Princeps eligitur ac proclamatur aurifex, Lesci vel Lesconis nomine, a gratia vel ab astu desumpto, insignitus, (VINCENTIVS KADLVBKO Lescium appellat) tranquillo & moderato imperio rempublicam administravit, & hostibus tota vita terrori fuit. Quamdiu regnaverit, quave morte sublatus sit, non constat: nulla saltem prole relicta e vivis excessit. Lescone absque posteris mortuo, de electione novi Monarchae vota & sententiae Senatorum discrepabant; post multas tandem altercationes hic modus eligendi Principem constitutus est. Ante Cracoviam columnam statuerunt, diademate & sceptro regali supra eam posito, ac palam omnibus voce praeconis significatum, ut quicumque a flumine Pradnik equi sui maculosi celeriori cursu ad columnam erectam caeteros anteverteret, Monarcha designaretur. Quidam igitur iuvenis obscurae & infimae familiae, sed astutus & callidus, re diligenter examinata, claves ferre-

os in

os in stadio, quo currendum erat, occulte infixit, terraque occuluit, via ad currendum sibi designata, & ungulis equi sui ferreis soleis communitis. Inter currendum equi aliorum in stadio impingunt haerentque, solus iste doli auctor primus ad columnam pervenit, victor statim & Princeps a circumfusa spectantium multitudine proclamatur; postea cum in eodem stadio duo iuvenes certamen prius pedestri cursu imitarentur, simili modo in ferreos aculeos imegere, alter tamen columnam prior attigit, brabeumque constitutum postulavit, alter vero de fraude conquerens, praemium victori disceptando denegabat. Res haec ad Magistratum delata est, & fraudulenta machinatione Lesci, quod in certo stadii spatio a fegamentis vacuo decurreret, detecta, illico in medium adducitur, fraudis convincitur, Principis dignitate privatur, & quadrigis alligatus discerpitur: quo discerpto, eum iuvenem, qui primus metam pedes attigerat, populus omnis salutat Principem, nomen idem Lesci eidem imponens. Fuit hic in hospites munificus, in suos liberalis, adeuntibus facilis, comis, & vindex iniuriis pressorum acerrimus: in victu cultuque corporis singularis erat parsimoniae, rudibus & crassis pannis sulicorum loco utens, quin crassos illos pannos, quibus ante adeptum

P. 111.

Principatum induebatur. ob oculos poni sibi iubebat, ut seipsum pristinae fortunae sube admoneret; ab ebrietate vero ita abhorrebat, ut pecudi quam homini similiorem esse ebrium hominem iudicaret. Vid. CROMERVS, NEVGEBAYER, BIELSKI ll. cc. Patri successit Lelcus III. aliis IV. Eum sequutus Popielus I. quem excepit Popielus II. a muribus consumtus

§. V. Popielo a muribus consumto, novam familiam in Polonia condidit Piastus Cossiconis filius, quem GEORGIUS HORNIVS in *Orbe Imperante* p. 259. rusticum vocat, & ab hoc certior Poloniae historia incipit. Erat tum temporis Crusviciae Piastus, quem diximus, vir simplex, virtute tamen & pietate praestans; huic eodem tempore, cum magna Procerum multitudo Crusviciam ad creandum novum Principem convenerat, [NEVGEBAYER scribit, vivente adhuc Popielo id factum fuisse] Filius e Repicha uxore natus est, cui ad nomen gentili ritu imponendum, & primam comam tondendam, mellis mulsati duo dolia praeparavit, porcumque propter convivas tractandos mactavit. Interim ad eum duo viri ignoti peregrino habitu [quos Paulum & Iannem, alii angelos Dei fuisse ferunt] venisse dicuntur, & a Piasto, cum Regia excluderentur, huma-

humaniter hospitio excepti, infantem natum subraferunt, & Semovitum cognominarunt. Ibi res mira & stupenda accidit, ut refert SALOM. NEVGEBAYER *lib. 3. Histor. Polon p. 48. 49.* accrevit caro porcina, redundavit ex vasis multum, ita ut non cives modo, verum etiam Principem ipsum cum omni comitatu convivio exceperit. Eisdem hospitibus sub tempus Comitiorum reversis, Piaſtus ex tenui penu cellaque sua Conventum illum omnem penuria laborantem, augeſcente carnis ſuillae mulſique copia, reſecit. Quo miraculo animadverſo vulgatoque, una voce omnes Piaſtum, non humanis ſuffragiis, ſed divino iudicio, Principem ſibi dari conclamabant: ſit in domum eius concurſus obſecrantium, ut Reipublicae labanti ſuccurrat; recusat ille, tandem precibus victus, ita ut erat veſte & peronibus ex tiliae cortice textis Indutus, in Regiam a Primoribus deducitur, Principatumque viginti annis gubernavit, abominans Cruſviciam, nefario ſcelere direque Popieli interitu contaminatam, Gneſnam domicilium ſuum tranſtulit, cumque ſapienter clementerque regnaſſet, ſenex admodum, annum agens centeſimum vigeſimum, mortuus eſt. Ab hoc duces vel Reges Polonorum uſque ad Caſimirum & Ludovicum Hungarum descendunt, item Duces Lignicenſes & Bregenſes in Sileſia generis ſui, primordia ad eum referebant. VI.
simus

timus familiae huius Piaſteae arboris verticem decerpiſit Georgius Wilhelmus An. 1674. Vid. *Auctores ſupra citati*, & IOACHIMVS PA-STORIVS ab HIRTENBERG *in Flor. Polon. lib. 1. cap. 11.*

§. VI. Poſt mortem Miecieſlai II. (cuius parenti Boeſlao Chrobri Otto III. Ruſſus Imperator Romanus Diadema Imperiale ſuum impoſuerat, viſitans ſepulchrum Adalberti Gneſnae, avus vero eius Mieciclaus I primus Chriſtianus in Polonia Rex erat) non poterant Poloni de uno Monarcha eligendo convenire inter ſe, cum Caſimirus propter aetatem adhuc teneram ad Regni gubernacula inidoneus iudicaretur, quare penes Rixam eius matrem, regia poteſtas, donec adoleviſſet filius, reliquibatur; ſed ea, ut erat avara, exactionibus graviffimis premebat tam ſuos quam Eccleſiaſticorum & Nobilium ſubditos, poſtpoſitisque Polonis, Germanos ſuos ad dignitates & Magiſtratus evehebat. Quod cum aegerrime ferrent Poloni, ſaepius ab ipsis monita eſt, ſua ut mutaret conſilia, quandoquidem tolerare vix poſſent, quod in Regno patrio antecellorumque ſuorum victricibus armis dilatato, exteri & peregrini praeferrentur indigenis; quod Germani, ut hoſtes Poloniae, ab ipſa ad conſilia vocarentur, cum multo ſaniora a Polonis ſuis expectare

expectare posset; quod alienigenis supremi honores conserventur; quod Polonos, non ut filios, sed privignos, contra morem & consuetudinem Regum priorum haberet: quodsi tandem e Regno abire vellet, nollent eam detinere. Rixa videns Polonos ad seditionem declinare, compilato Fisco Regio, & utraque tam Regis quam Reginae corona secum ablata, ad Conradum II, Caesarem Romanum clam aufugit, eique thesaurum ingentem cum utraque corona donavit, conquerens de Polonis, quod eam Regno movissent, petebat, ut in tutela ac cura ipsius esset. Caesar, ut IOANNES DLV. GOSSVS tradit, accepris nummis, emit eidem Salseldam, Brunsvicum & Magdeburgum. Casimirus vero ad Regem Hungariae Stephanum & post huius mortem, ad matrem Salseldae commorantem, se recepit: hinc missus a matre in Galliam, inde in Italiam, vigesimum a gens annum, qui visa obiter Italia, in Galliam rediit, & Cluniaci in Benedictinorum Monachorum sodalitatem sub Romualdo Abbate se dedit, Monasticam vitam professus. Interea Poloni internis & externis furoribus exagitabantur, omnia caedibus mutuis miscebantur, latrocinisque infestata erant omnia. Russi, Masovii, Bohemi, Germani, & Pomerani validis exercitibus, Poloniam invaserunt, omnia
F ferro

ferro & flamma quam longissime depopulantes, Silesiam omnem, & quaecunque cuique genti erant viciniora, Regno Poloniae detraxerunt. Turbulentum & exulceratum Poloniae tum temporis statum describit SALOM. NEVGEBAYER *lib. 3. Histor. Polon. pag. 57.* his verbis: "Discessu Reginae & Regii filii, quasi
 "lymphatico furore Polonia cuncta exagitatur: miscentur omnia caedibus mutuis: latrociniis viae publicae infestantur: incenduntur pagi atque oppida: tumultuatur: collatisque signis inter Cives & Proceres concurritur, & ut quisque audacissimus est, ita maximam perditorum hominum manum cogit: aliena invadit: veteres possessores possessionibus deturbat: trucidantur passim divites & locupletes patresfamilias: liberi eorum eliduntur: caesorum coniugibus atque bonis interfectores per vim potiuntur: stuprantur honestae virgines ac matresfamilias. In tanta vastitate & confusione agrestes quoque a laboribus & agricultura feriati, in Patronos ac Dominos suos insurgunt: in Nobilitatis excidium conspirant: veteres nonnullorum iniurias & oppressiones, concepto in illos odio, omni crudelitate summaque acerbitate ulciscuntur: neque sacrorum Ministris, ac ne ipsis quidem Templis, aris ac sacris parcitur, & in pristinam barbariem atque impietatem Polo-

Polonia, abiecto vero Dei cultu, relapsura esse videbatur. In latebras se abdebant Proceres & Episcopi, eratque miserabilis undique rerum facies: nihil usque tutum: nihil cuiusquam proprium: nemo mali exfors erat. Haec ille. His tam saevis tempestatibus toto pene sexennio vexati & fatigati Poloni, ad saniora tandem consilia animum adiecerunt, Comitatus Pisaniae & Gnesinae instituentes: ubi quidem inter omnes convenit, Rempublicam, nisi ad unum rursus deferatur Principatus, salvam esse non posse; sed in electione novi Regis non una omnium erat sententia, alii eligebant Iaroslauum Russiae Ducem; alii eius electioni contradicebant, quod Graecam profiteretur Religionem; alii eligebant Maslaum Masoviae Ducem; alii ut superbum & tyrannum non admittebant; alii eligebant Praedislauum Bohemiae Principem; alii ut spurium reiciebant, quod erat natus ex ancilla Bozena Oldrici concubina; alii indigenam & Piasum eligendum esse clamabant; alii reclamabant, quod talis pristinae sortis suae oblitus, suam tantum, non communem Regni salutem, curaturus esset. Post varias tandem consultationes Casimirum quaerendum & revocandum decreverunt, quia prudentem & literis excultum esse censebant, qui Lutetiae Parisiorum antehac studiis operam navaverat. Missi igitur duo Legati e Gnesinensibus Comitibus, al-

ter ecclesiastici, alter politici status, ad Rixam matrem Salfeldam in Saxoniam, eamque donis variis maciantes, humillimis verbis ei exponebant, quo in statu essent res Poloniae, simulque miserabili & supplici oratione eam sollicitabant, ut filius ad Regnum paternum rediret gubernandum. Illa odii implacabilis mulier coepit aspernari preces, exprobrare eiectionem suam, insultare malis Polonorum, negare filium postulata esse facturum, utpote scelere ipsorum eo redactum, ut calamitatis medio, exiliique pudore in Galliam secesserit, & Clunisci Monasticae vitae se addixerit. Inde Cluniacum profecti, Casimirum (mutato nomine Carolum) iam religionem Monasticam ibidem professum & Diaconum factum invenerunt, ab eo, post expositum miserrimae patriae statum, petentes, ut labanti Regno manum admoveret, & avitum diadema susciperet, ab extremo interitu vindicandum; quae spes si ipsos falleret, pereundum ipsis fore dicebant. Casimirus colla chrymans & patriae misertus respondit, exilium suum non Poloniae, sed arcano Dei iudicio, & antecessorum suorum alicui culpaе imputandum, neque sibi iam licitum esse, datam semel Deo atque iis, quorum potestati se ultro subiecisset, fidem fallere. Legati omnia tentantes, Abbatem adibant, eumque muneribus

bus demulcentes, dimissionem Casimiri e Monasterio sollicitè petebant, quae ad Pontificem Romanum ab ipso dilata est. Cluniaeo Romam profecti, multis precibus a Benedicto IX. P. R. (MARTINVS BIELSKI in *Chronico suo* Clementem II. nominat) impetrarunt, ut Casimirus ad Regnum Maiorum suorum rediret, ac uxorem duceret: insuper pro expulsionè Regis poenitentiam triplicem acceperunt Poloni, 1.] ut unaquæque persona quotannis obulum unum Romano Pontifici solveret, 2.] ut singuli viri crines super aures tonderent, 3.) ut solennibus festis diebus linteo albo pro cingulo uterentur. Voti sui compotes facti Oratores, Cluniacum cum dispensatione Pontificia reversi, Casimirum in Poloniam secum abduxerunt, primum ad Rixam matrem flexuoso itinere divertentes, quae non agnoscebat filium, nisi indicatis naturae signis: deinde inviserunt Henricum Conradi filium & in Imperio Romano Successorem, qui Coronas reddidit, sexcentorum equitum praesidium Casimiro deducendo addidit, atque Praedislauum Bohemiae Ducem ab inferendo Polonis bello cohibendum promisit. Cum Poloniae fines Casimirus attigisset, effusa obviam hominum omnis generis aetatis atque sexus ingens multitudo, laeta ac tripudians Regem suum tantopere expeti-

zum excepit, ac reduci gratulabatur: certatim omnes praeteritorum veniam & oblivionem supplices petebant. Ille lachrymans consolabatur eos comiter, & suspicione culpae metuque supplicii liberavit, diclitans, quicquid factum esset, non sine nutu divino factum pro suis & maiorum suorum meritis: adesse iam se, salutem omnibus, nec perniciem cuiquam adferentem: confidere autem se vicissim, ipsos fide ac benevolentia complexuros esse se, boni ac vigilantis Principis officio fungentem. Ita densissimis laetitiaque exultantibus hominum catervis praecedentibus & subsequenti-
bus, Gnesnam honorificentissime deductus, septimo postquam Regno excesserat anno, & ibidem a Stephano Archiepiscopo Gnesensi coronatus est. Vid. MART. CROMERVS *lib. 4. de O. & R. G. P.* MART. BIELSKI *lib. 1. Chron. Polon. a fol. 68. ad 71.* & SALOM. NEVGEBAYER *lib. 3. Histor. Polon. pag. 56. seq.*

§. VII. Post mortem Lesci Nigri, qui sine prole mascula decessit, multi competitores fuere, inter quos non infimae foris Vladislaus Lothicus seu Cubitalis, ex altera matre frater Lesci Nigri, qui Siradiensem terram occupavit, sed Cracovienses & Sendomirienses in Comitibus prope Sendomiriam celebratis elegerunt

runt sibi Boleslaum Principem Ploensem, ex consilio Pauli Episcopi Cracoviensis, praetere-
runt Conradum fratrem eius, Ducem Maso-
viae. Boleslaus Cracoviam profectus, Monar-
cha salutabatur. Interea Henricus Probus Dux
Vratislaviensis cum ingenti comitatu Cracovi-
am contendens, a Civibus Cracoviensibus, & in-
primis Ianionibus, quorum tum magna copia
& auctoritas fuit, iuramentum fidelitatis & cla-
ves portarum recepit: quod videns Boleslaus,
ad choress ducendas magis quam bellum ge-
rendum paratior, ex arce discedere in animum
induxit, quem cum Senatores & Ordo Eque-
stris detinere non possent, ad Henricum Pro-
bum Legatos misere, ei se suaque submittentes.
Hic rebus Cracoviae bene constitutis, Vratisla-
viam recessit: Lothicus vero interea collegit
milites, & a Maioris Poloniae Pomeraniaeque
Principibus, item Casimiro fratre Principe Len-
ciciensi, & Conrado ac Boleslao Ducibus Maso-
viae adiutus, Anno 1290 ineunte vere Craco-
viam contendit. Quod cum rescivisset Henri-
cus Probus, tum temporis aegrotus, Henricum
Lignicensem, Praemislum Sprotaviensem, & Bo-
leslaum Opoliensem Duces, cum expeditissimis
copiis Cracoviam misit, quorum adventu co-
gnito, Lothicus ad Severiam oppidum eis men-
se Maio occurrit, praelioque commisso, Prae-

mislum Conradi Glogovienſis Ducis filium ad-
 modum adoleſcentem obtruncavit, & Bolesla-
 um Ducem Opoliſenſem vulneratum cepit, mul-
 tis alias utrinque caeſis. Deinde duobus prae-
 liis ad Skalam & ad Sviednitzam Sileſios proſtra-
 vit, victoriaque potitus, Cracoviam ingreſſus,
 ab omnibus Victor & Monarcha ſalutatus eſt.
 Sed hic Principatus poſſeſſionem non diu reti-
 nuit: Henricus quippe Dux Lignicenſis, ae-
 grotante adhuc Henrico Probo Vratiſlaviae, ex-
 ercitus inſtructum Cracoviam tranſmiſit, &
 cum nocte intempeſta acceſſiſſet Cracoviam, in
 urbem a conſciis receptus fuit. Lothicus in-
 opinato perterritus tumultu, ex arce ad Fran-
 ciſcanorum Coenobium fugit, ſumtoque Mona-
 chi habitu, de muro a Franciſcanis demiſſus e-
 vaſit: qui vero ab eius partibus ſtabant, par-
 tim caeſi, partim capti, partim eorum bona ſi-
 ſco ſunt tradita: nec ipſi Epifcopo Cracovi-
 ſi Paulo parcitum eſt, quod Vladislao impenſi-
 us favit: ſimili modo in Procerum, qui Lothi-
 co adhaerebant, pagos villasque ſaevitum eſt.
 Denuo rebus Cracoviae bene ordinatis, Hen-
 ricus Lignicenſis Vratiſlaviam ad Henricum
 Probum reverſus, qui in extremo mortis ago-
 ne, praefente Thoma Epifcopo Vratiſlavi-
 enſi, teſtamentum condidit, ut in Ducatu Vratiſla-
 vienſi Conradus Dux Glogovienſis, patruus
 eius,

eiūs, & in Cracoviensi Praemislus Dux maioris Poloniae succederet. Ipse Henricus Vratislaviensis veneno a suis propinato creditur mortuus mense Septembri A. 1290, & tumultus in Templo S Crucis, quod fundaverat. Conradus audiens, testamento Ducatum Vratislaviensem sibi transcriptum, Vratislaviam se contulit, sed a Senatu Populoque Vratislaviensi reiectus, quod promissorum non esset tenax. Voluntates eorum inclinabant in Henricum Duce[m] Lignicensem, Boleslai Calvi filium, qui cum per unam portam moenia Vratislaviae intravit, per aliam Conradus egressus est. Hic tamen Henricum eiusque Civitates cum fratre eius Boleslao Duce Svidnicensi frequenter infestavit, postea Conradus aulicum Henrici Luticum largitionibus corrupit, ut Dominum suum vel vivum adveheret, vel caput eius amputatum adferret; & quamvis de insidiis his saepe monitus fuerit Henricus, eas tamen non curavit. Interiecto tempore, cum sine minis stris aliquando esset in balneo, nudum inde surripuit Luticus, & impositum equo veloci Glogaviam deduxit, ubi Conradus ferreae cistae, in qua nec stare nec sedere potuit, eum tam diu inclusum tenuit, donec omni praetensionis renunciasset, & triginta millia marcarum solvisset; dedit etiam tum Conrado Henricus

victus Namisloviense, Beroltoviense, Olnenſe, Cruciburgense, Bicinense, Cunſtadienſe, Roſenbergense, Boleslaviense, & Heinoviense territoria: ipſe tertio deinde anno morbo confectus eſt lento, relictis tribus filiis, Boleslao, Henrico & Vladislao. Cracovia poſt mortem Henrici Probi ceſſit Praemiſlao Duci Maioris Poloniae, cui per idem tempus Meſcingus Dux Pomeranorum, filius Swentopelci, Ducatum Pomeraniae donavit; Sendomiriensem vero dominatum Vladislauſ Lothicus in poteſtate ſua habebat, & de Cracoviensi recuperando cogitabat, niſi eius cogitata Gryphina Leſci Nigri uxor intervertiſſet: haec enim ut tertia interveniens, ſive pertaeſa civilis belli, ſive veritate dotalibus bonis a victore eiiceretur, miſit clam Legatos ad Venceslaum, ſororis ſuae Cunegundae Reginae Bohemiae filium, Bohemorum Ducem, eique Cracoviensem ac Sendomiriensem terras dono dedit A. 1291. quas ſibi a Leſco marito donatas eſſe conſectis diplomatis affirmabat. Venceslauſ itaque proferendi imperii cupidus, cum ipſe ob electionem Romani Imperatoris instantem aſſeſſe non poſſet, miſit Tobiam Episcopum Pragensem, ut Cracoviensem occuparet dominatum, quem etiam Praemiſluſ, ne duplici bello implicaretur, eidem tradidit. Ad Sendomiriensem deinde tra-

tractum occupandum Bohemi animos adii-
centes, Wislicia Oblegomo arce potiti sunt,
& Sendomiriam obsidione cinxerunt, sed a Lo-
dovico caesi ac repulsi, in Bohemiam cum Gry-
phina, ne sententiam suam de donatione muta-
ret, se receperunt. Post abitum Tobiae Lo-
dovicus recuperavit Visliciam aliasque arces,
ipsum quoque Cracoviensem dominatum ense
igneque vastavit & suburbia Cracoviensia ex-
ussit, ideo Cracovienses ad Venceslaum suos
misere Legatos, ut ipsos adversus hostiles Lo-
dovici invasiones defenderet. Hic iterum To-
biam auxilio eis submisit, qui nihil defensionis
contra hostem tentans, in Bohemiam reversus
est. Anno sequenti 1292. Venceslaus in sub-
sidium advocans Ottonem Longum Marchio-
nem Brandeburgensem, venit Cracoviam festo
Ascensionis Mariae, & a Civibus honorificen-
tissime exceptus, consultabat, quomodo Lodi-
ci armis hostilibus esset occurrendum; equi-
dem Sendomiriam, arce salva, & circumiectos
pagos villasque Venceslaus cum combussit, sed
mox remeavit ad suos, postquam eodem anno
Casimirus Dux Opoliensis Ducatum suum ei-
dem contulisset. Proceres Poloni sub tot Prin-
cipibus malorum perpefforum pertaesi, ad u-
num dominatum respicere coeperunt, ideoque
Praemislum seu Praemislum, Praemislum I. filium
posthu-

posthumum, qui Maiorem Poloniam & Pomeraniam possederat, atque Henrici Vratislavien-
 sium Ducis testamento Cracoviensium & Sendomiriensium Princeps nuncupatus erat, An.
 1295. Gnesnae Regem creantur, cum tricesimum octavum aetatis annum ageret. Ei diademata Regum solenni more imposuit Iacobus Swinka Archiepiscopus Gnesnensis. Hic Praemislus Sigillum Regni exculpendum primus curavit, in cuius una parte aquila erat cum inscriptione: *Reddidit ipse suis victricia signa Polonia*: ex altera parte Rex in throno sedens, dextera sceptrum, sinistra pomum cruce supra picta tenebat, cum epigraphe: *Sigillum Praemislai Regis, Ducis Pomeraniae*. Septimo octavo suscepti Regni mense a Marchionibus Brandeburgensibus tempore bachanaliorum Rogosni vulneribus confossus, post mortuus, & Posnaniae sepultus est. Post Praemislum mortem Proceres cum Nobilitate & Pomeranis A.C. 1296. festo Alberti Posnaniae frequentes convenere, de novi Regis electione consultaturi. Candidati tum fuere, Rixa, filia decennis Praemislum, & Vladislaus Lothicus; hic tamen magno consensu Rex creatus est, partim quod esset rei militaris peritus, partim quod Siradiensem, Lanciciensem, ac Sendomiriensem tractum omnem, & Cuiaviensis magnam partem ditione tene-

teneret. Regis titulo abstinuit, sed Hæredis Regni Poloniae nomen usurpavit, solenni coronationis ritu dilato. In Silesiam profectus, eam longe lateque depopulabatur, quod Bohemis favebat, inde in Maiorem Poloniam reversus, otio voluptatibusque diffiuebat, eius milites bona Spiritualium & Secularium diripiebant, ingenuasque feminas atque virgines viriabant. Quibus de rebus cum frequenter admonitus esset ab Andrea Episcopo Posnaniensi, nec spem emendationis reliquerat, sacris ei in tota dioecesi interdictum est, Regnumque tum absenti & in Minorem Poloniam profecto abrogatum est post tertium annum. Anno 1300. Posnaniae Comitibus electionis celebrata, in quibus duo Candidati commendabantur Regno, Henricus Dux Glogoviensis, & Venceslaus Bohemiae Princeps; illo spreto, hic splendida legatione e Bohemia accitus, Gnesnae ab Archiepiscopo Iacobo Swinka coronatus est. Inde Posnaniam profectus, Procerum syasu duxit Ricxam seu Elisabetham, Præmislai Regis defuncti filiam. Hic grossos Bohemicos primum in Poloniam invexit, Locticum e Regno fugavit, (qui ad Amadeum Hungariae Palatinum se recepit) eius ditiones sub potestatem suam redegit, & Bohemis regendas administrandasque concessit, ipse in Bohemiam se contulit, nec in Poloni-

Poloniam unquam rediit, A. 1305. mense Iulio Pragae lenta tabe absumtus. Post cuius mortem Lothicus repetebat Regnum Poloniae, sed & Venceslaus filius prioris Venceslai, antea Hungariae, tum Bohemiae Rex expeditionem in Poloniam fecerat, atque titulum Regis Poloniae iam usurpaverat; verum antequam Poloniae fines attigisset Olomuci in Moravia meridiano tempore in cubiculo quiescens, interfectus est. Lothicus, morte Venceslai cognita, Bohemos e Regno fugavit, atque omnes Minoris Poloniae terras iurisdictioni suae subiecit. Actis deinde Cracoviae Comitibus magno omnium consensu Rex iterum A. C. 1306. creatus, Polnaniensibus & Calissiensibus electioni Regis contradicentibus quos tamen deinde, ut & Pomeranos & Crucigeros in Prussia fregit. In Basilica Cracoviensi cum coniuge Hedvige ab Archiepiscopo Gnesnensi Iano coronatus, & ex eo tempore ius coronandi Reges atque ipsa Regni insignia, Gnesna Cracoviam, propter amplitudinem urbis, translata sunt. Vid. MART. CROMERVS *lib. 10. § 112 de O & R. G. Polon.* MART. BIELKI *lib. 2. Chron. Polon. fol. 202 seq.* & SALOM. NEVGEBAYER *lib. 3. Hist. Polon. pag. 168. seq.*

§. VIII. Septimum Interregnum numeratus

ratur post Casimirum Magnum. Hic ipse Casimirus postquam Vladislai Lothici filius, a magnificis operibus in arcibus oppidisque con-
dendis, restaurandis & muniendis, ceterisque animi virtutibus Magnus dictus, (si excipias praecepti sexti peccata, qui propterea poenitentiam agens & absolutus, multa Tempia condidit, multasque immunitates Ordini Ecclesiastico contulit) e vita anno regiminis tricesimi septimi, aetatis sexagesimo, excessisset; iam se vivo, Ludovicum Hungariae Regem, aut eius liberos, convocatis Regni Proceribus, successores designavit, qui audita morte avunculi sui, non ipse illico ad Polonos venit, sed prius ad eos Elisabetham, quae erat filia Vladislai Lothici, soror Casimiri Magni, & Caroli Roberti Regis Hungariae uxor, praemisit, quia timebat filii, ne alii consanguinei, utpote Casimirus Casimiri Magni nepos Dux Pomeraniae, item Masovientes & Cuiavientes Duces, Regnum ad se raperent. Interea Poloni Legatos suos, Florianum Episcopum Cracoviensem, & Ioannem Strzelecki Cancellarium Regni, in Hungariam ad Ludovicum miserunt; ut Regnum Casimiri Magni testamento diu firmatum accederet administrandum, variaque pericula ab eo amoveret. Ludovicus tum Poloniae O-

onem

onem acceptandi Regni svadentibus, argute & pulcherrime respondit: impossibile esse, unum Regem duobus Regnis praeesse posse, atque idem sibi videri, ac si unus pastor greges duos pasceret, nesciens vel dubius, cuius curam primus agere deberet; satis & abunde negotij esse, uni populo praeesse, duas vero Respublicas vix ulla ratione sive alterius, sive utriusque incommodo ab uno administrari posse, Victus tandem assiduis Oratorum precibus, in Poloniam properavit, cui Magnates ad Sandeciam obviam progressi, Cracoviam eum deduxere. Id. A. 1371. factum est. Altero post ingressum die interrogatus a Strzelecki Cancellario, num in omnibus partibus ratum haberet testamentum defuncti Poloniae Regis Casimiri, quod cum affirmando confirmasset, demonstratum ei fuit, quod Casimirus Magnus ea donaverit Casimiro Pomeraniae Duci, quae sine consensu Reipublicae a Regno alienare non poterat. Res haec ad Comiticia futura fuit dilata, ex quibus duo Deputati, utpote Petka Sendomiriensis Iudex, & Neboravius Subiudex Cracoviensis, testamentum Casimiri pronunciarunt invalidum, ut vero Casimirus Pomeraniae Dux litem hanc componeret, Dobrinensem terram Ludovico Regi cessit, atque iuramentum fidelitatis eidem praestitit, quod si

sine

sine prole decederet, Regnum Poloniae, Provincias, & ditiones suas occupare deberet. Circa coronationem Ludovici graves quoque tumultus orti erant, quandoquidem maiores Poloni omnibus contendebant viribus, ut Rex more antiquo Gnesnae coronaretur: minoris vero Poloniae Proceres coronationem Cracoviae peragendam, exemplo Vladislai Lothici & Casimiri Magni urgebant, id quod obtinuerunt, cum A. C. 1371. Cracoviae a Iaroslao Bogoria Archiepiscopo Gnesnensi diadema fuit Ludovico impositum d. 17. Novbr. Postea Casimiri Magni filias, ne quid se absente turbarum in Polonia darent, in Hungariam praemisit, easque exhaeredes pronuntiavit, quod illegitimo toro essent natae. Ipse cum Polonia quoque maiorem lustrasset, renuens Gnesnae denuo coronari, in Hungariam rediit, Polonorum animis vexatione & rapinis Hungarorum exacerbatis, regimen Poloniae matri Elisabethae commisit, adversus Palatinum Valachiae Transalpinae compescendum profectus. Interea maiores Poloni dominationis Ludovicianae pertaesi, Vladislaum Cuiaviae Ducem, Semoviti fratris Lothici ex filio nepotem, Divionae in Burgundia Monachum professum & Diaconum, evocarunt, qui A. 1374. clam adveniens, Inevladislaviam, Gnievcoviam, Stoteriam,

riam, & Sarlaeum occupavit, sibi que subiecit, quae deinde Praefectus maioris Poloniae Sene-
divoius Sobocius brevi tempore recuperavit. Insuper absente Rege alienati ab eo erant ani-
mi Polonorum, & quamvis Vladislaum Ducem
Opoliensem, gubernatorem pro se genti Polo-
nae miserit, noluit tamen ea alii, quam Ludo-
vico a se electo, obtemperare. Quamobrem
Rex Proceres Poloniae postea Budam evoca-
vit, atque rerum polonicarum summam tri-
umviris commisit, utpote Episcopo Cracovi-
ensi, Castellano Cracoviensi & Palatino Calisfi-
ensi, quorum tamen regimine non sunt miti-
gati Poloni. Ludovico in Polonia regnante,
scribit ALEXANDER GVAGNINVS *in vitis*
Regum Poloniae in Ludov. Hung " nihil memo-
"ria dignum gerebatur, sed homicidia latroci-
"niaque passim exercebantur, propter absentiam
"illius: qui vero de iniuria sibi illata in Hunga-
"riam ad Regem proficiscebantur, hi a Rege
"ad Reginam, a Regina ad Factores Regios &
"a Factoribus ad Gubernatores in Poloniam
"cum literis relegabantur, plurimisque iniuriis
"& angustiis Polonia tota premebatur." E-
vixit excessit Rex Tirnaviae A. C. 1382. d.
13. Septembr. & Albae Regiae sepultus. In
Polonia regnavit annos duodecim, & in Hun-
garia, quadraginta unum. Vid. CROMERVS
lib. 13.

lib. 13. de O. & R. G. Pol. GVAGNINVS loc. cit. BIELSKI lib. 2. Chron. Pol. fol. 241. seq. & SALOM. NEVGEBAYER lib. 4. Hist. Polon. pag. 212. seq.

§. IX. Mortuo Ludovico Rege, habuit Polonia octavum Interregnum. Cuius divulgata morte, Hungari plerasque praefecturas in Russia obtinentes, Lubarto Lucensium Ducis, auro & argento ab eodem accepto, prodire, & in patriam abiere suam, Lithvanis tum Vothynensem terram pro arbitrio suo usurpantibus. Praeterea Sigismundus Caroli Imperatoris filius, quem PASTORIVS in *Flora Polon. lib. 2. cap. 20.* Marchionem Brandeburgicum vocat, in Poloniam venit ad Regnum occupandum, quod ei Ludovicus una cum filia natu maiore Maria in matrimonium ducenda A. C. 1382. paullo ante mortem Zwoleni seu Zolii in Scepusio destinaverat, & in verba sua Polonos maiores Masoviosque iurare adegerat; non est tamen admissus ad fasces Regni, eo quod Magnatum animos offenderit, eos ad mensam regiam non admittendo, & Demoratum Castellatum Posnanensem maiorisque Poloniae Praefectum dignitate hac non amovendo. Itaque Comitibus Radomsci de novo Rege eligendo d. 25. Novembr. A. C. 1382. habebantur, in quibus Bozenta Archiepiscopus Gnes-

G 2

fnen.

snensis & Demoratus partes Sigismundi tue-
bantur, plurimorum tamen sententiae eo in-
clinabant, ut Hedviges Ludovici defuncti na-
ta minor filia in matrimonium cum Regno
Ziemovito Masoviorum Duci daretur. Alte-
ra deinde Comitiae Visliciae in minori Polonia
d. 6. Decembr. indicta, quibus Sigismundus &
Demoratus intererant, ne causae suae deessent:
venerunt illuc quoque Legati Hungarici ab
Elisabetha missi, Stephanus Agriensis & Ioan-
nes Chanadiensis Episcopi, qui Polonos hortati
sunt, ne sententiam in eligendo Rege praeci-
pitarent, donec a Regina matre de filiabus con-
stitutum esset, utrum in Polonia, utrum in
Hungaria regnare vellet. Tertia Comitiae Si-
radiae A. C. 1383. habebantur, ad quae Elisa-
betha Regina Vesprimiensem Episcopum cum
aliis duobus Regni Hungarici Proceribus mi-
serat, qui Polonos religione iurisiurandi Mariae
& Sigismundo dati solverunt, & Hedvigi Re-
gnum e matris sententia committendum pete-
bant: promiserunt insuper praesentiam Hedvi-
gis in Polonia, & post coronationem, deinceps
triennio ut immaturam viro Regnoque, apud
matrem in Hungaria educandam volebant. Pro-
rogata erant Comitiae ad d. 28. Martii, quo o-
mnium fere sententiae in Ziemovitum Maso-
viae Ducem propendebant, ut ei cum Hedvige
Regnum

Regnum mandaretur; & licet Bozenta Archiepiscopus eum iam proclamasset, & universae multitudinis acclamatione Rex salutatus esset, solus tamen Ioannes Tencinius Castellanus Voynicensis obstitit, qui in hanc sententiam, ut est apud NEVGEBEVERVM *lib. 5. Histor. Polon. pag. 224. & 225.* peroravit: "Non equidem consensus istum & iudicia vestra reprehendo," "Proceres, nec a Ziemovito alieno sum animo," "ego, si integra ea nobis res esset liberaq; prorsus suffragia, tamen de re tanta consultantibus amplius deliberandum esse censerem. Periculosa enim est in re qualibet inconsulta festinatio, & praeceptum consilium fere poenitentia sequitur. Nunc vero cum mortui Regis Ludovici filiae fidem nostram obstrinximus, perpendite cum animis vestris diligentius, an ea praeterita, recte nobis Regem creare possimus? Equidem fallendi iurisiurandi nunquam vobis auctor ero. Quod si quispiam est in hoc captu, qui religionem iurisiurandi, sanctissimum societatis humanae vinculum, parvipendat, ab hoc mihi libere dissentire liceat. Neque enim ego ita sum institutus, ut aut homines, fidem meam sequutos, mentiendo, aut Deum mentium inspectorem, quem volens sciensque iurisiurandi testem adhibui, peiorando fallam. A vobis quoque Proceres, & a"

“genere nostro talem mentem, seu verius as-
“mentiam. Deus ut avertat, precor. Quid
“igitur faciemus? dicet aliquis: ergone Rege
“orbi mutuis caedibus & intestinis bellis peri-
“bimus? procul hoc omen Deus avertat. Quid
“ergo? dicam quod sentio. Differendam ego
“hanc de creando novo Rege consultationem
“adhuc esse censeo. Adsunt hic Oratores se-
“nioris Reginae, quae mandata sive adeo po-
“stulata ad nos attulerint, non ignoratis. His
“igitur ita respondendum esse iudico. Non
“mutare vos id, quod semel cum Ludovico Re-
“ge vestro iureiurando dato constituis-
“tis. Liberatos autem a Sigismundi Marchionis fide,
“libenter in Hedvigis minore natu filia Ludo-
“vici fidem servaturos esse. Sed quod Polo-
“nia tam diu orba Rege in maximo versetur
“discrimine, etiam atque etiam a Regina seni-
“ore petere, ut Hedvigis filiam primo quo-
“que tempore ad vos mittat, diadema ritu so-
“lenni suscepturam, & nupturam viro sibi no-
“bisque grato, & cum eo Regnum administra-
“turam. Quod nisi illa ad proxime venturam
“Pentecosten desiderio nostro satisfecerit, tum
“demum testari possumus, non per nos stare,
“quo minus pacta conventa cum Ludovico ser-
“ventur, sive Ziemovitum sive alium quen-
“quam Regem creabimus. Neque enim eous-
que

que cunctantem, ne dicam ludificantem nos,“
Reginam expectare debemus, dum funditus“
perimus.“ Hac oratione moti Polonorum a-
nimi mutarunt sententiam, & Hungariae Lega-
tos dimissuri, decreverunt, 1.) ut in Poloni-
am Hedvigis veniret, & viro de consilio Sena-
torum nuberet. 2.] ut Dobrinensem & Vie-
lunensem tractum, & quicquid Poloniae in Rus-
sia detractum fuerat, recuperaret. Expectaba-
tur nova Regina Sandeciae festo Pentecostes,
& ad eam salutandam multi Poloni illuc con-
venerant, sed ob itineris incommoditates via-
rumque inundationes, excusante eam Palatino
Calissiensis Subinio, nondum praesto erat. In-
terea Proceres Poloniae Cassoviam profecti sunt,
& cum matre Regina transegerunt, 1.] ut fe-
sto Martini Hedvigis in Poloniam veniret, 2.)
de consilio Senatus nuberet, 3.) ut si Hedvigis
sine liberis decederet, Maria soror cum poste-
ritate sua in Polonorum Regno ipsi succede-
ret, vicissimque idem ius esset Hedvigi post Ma-
riae mortem in Hungaria. Haec dum fiunt,
Ziemovitus Masoviae Dux, qui Hedvigis nupti-
as ambibat, Cracoviam profectus est, ut adven-
tantem Cassovia virginem rapere posset, verum
cum a Crocoviensibus non esset intromissus,
armis Regnum invasit, multaque oppida & ar-
ces Cuiaviae & Lenciciae occupavit. Addit

NEVGEBAYER *loc. supra cit. pag. 226.* quod idem Ziemovitus universae Poloniae Comititia ad d. 14. Iunii praedicti anni Siradium indixerit, caedes & incendia iis comminando, qui dicto eius audientes non essent. Venerunt tunc ad Comititia Siradiensia Nicolaus Vladislaviensis, & Stiborius Plocensis Episcopi, cum maiorum Polonorum caterva, in quibus Ziemovitus ab Archiepiscopo Bozenta Rex rursus renunciatus, fuisseque coronatus, nisi graves quidam viri coronationem dissuasissent. Solutis his Comititiis, Ziemovitus vocato in auxilium Conrado Duce Olesnensi, horrendos belli motus in Polonia maiori ciebat, quibus permoti minoris Poloniae Proceres, fratrum vices doluerunt, & festo Iacobi Comititia Cracoviae indixerunt, ad quae Ziemovitum & Bozentam invitarunt, ut communibus viribus pax & concordia Poloniae restitueretur. Induciae tum mensium duorum erant sancitae. Interea Elisabetha Regina generum suum cum Demetrio Archiepiscopo Strigonienfi & duodecim millium armatorum militum in Poloniam submisit, qui apud Sandeciam stativa habuere, consultantes, an bello esset impetendus Ziemovitus, an vero tempus finiendorum induciarum expectandum? prior tamen sententia stetit, atque cum Sigismundus cum armatis Hungaris Masoviam vastavit,

stavit, & hinc in Cuiaviam progressus, Brestam subegit. Induciae deinde semestres cum Ziemovito pactae. Cum autem Elisabetha tempore praefixo Hedvigin filiam in Poloniam non dimitteret, Sendivoius Subinius Palatinus Calisienfis & Capitaneus Cracoviensis, e sententia Senatorum Equestrisque Nobilitatis ad Elisabetham A. C. 1384. circa novum annum profectus, eam Iaderae in Dalmatia commorantem convenit, eidemque tumultus polonicos exposuit, rogans, ut filiam ad coronationem mitteret, qua peracta, tam diu retinenda esset apud matrem, donec adoleverit. Infectis rebus cum redisset in Poloniam Subinius, primum in minori Polonia Leloviae, post Radomsci in maiori, Comitia sunt habita, in quibus idem Subinius Elisabethae superbiam, morositatem; & remissum in mittenda Hedvige animum declarabat, urgebatque, ut de novo creando Rege solliciti essent Proceres; verum aliis hoc consilium displicuit, placuitque potius semel adhuc legationem, cuius caput ex Equestri Ordine esset Praedislaus Vavelius, ad Elisabetham mittendam, ut Reginam emolliret, obsides iuvenes duos e consanguinitate Subinii dimittendos exposceret, & nunciaret, Polonos, nisi Regina vel filia d. 3. Maii in Regnum veniret, nunquam in posterum Legatos suos in Hunga-

riam missuros. Missus ergo Vavelius, & significanda Reginae significavit, quae praedictis Poloniae malis allaturam se medelam putans, Sigismundum cum armata manu decrevit mittendū, ut tamdiu Rempublicam Polonam administraret, donec filia ad maturiores perveniret annos. Hoc ubi Poloni resciverunt, Sandeciam Sigismundo obviam profecti, inde Liblium Legatos miserunt, qui eum ab ingressu in Poloniam dehortabantur, & si facere pergeret, pro hoste patriae ipsum proclamabunt. Hic substitit, Sigismundus, & a Polonis Legatos ad se mitti postulabat, qui illuc profecti, id responsi a Sigismundo obtinuerunt, ut adventus Hedvigis ad Pentecosten usque expectaretur. Tempore tamen hoc praefinito non venerat Hedvigis in Poloniam, ideo Cracovienses & Sendomirienses d. 8. Maii Sandeciam convenerunt, inde Vavelium in Hungariam denuo missuri, quibus ille fortiter obstitit, dicentis, se aut mendacii, aut Conventum omnem levitatis argutum iri, cum Reginae denunciaverit, Polonos neminem deinceps vel publice vel privatim ad eam missuros: si vero novam legationem mitterent, vel eandem contemptum iri, vel se commissa non recte perfecisse insinulatum iri. Nemo igitur tum temporis ad Elisabetham missus, Subinius tamen in Hungariam privatim profectus, perfecit tandem

dem, ut Hedvigis in Poloniam veniret. Comitabantur eam Demetrius Archiepiscopus Strigoniensis, & Ioannes Chanadiensis Episcopus, cum aliis Regni Hungarici Magnatibus. Audientes Poloni, Hedvigin in Poloniam adventare, effusis laetitiae habenis Cracoviam convenere, alii in fines Poloniae, alii Hungariae excurrerunt, eamque honorifice in Metropolim minoris Poloniae deduxerunt, ubi a Bozenta Archiepiscopo Gnesnensi, die Hedvigi sacra, Regina Poloniae inuncta & coronata est. Haec vivente adhuc patre Ludovico, in matrimonium promissa erat Wilhelmo Archiduci Austriae, qui tamen Polonis partim ob inopiam rerum, partim ob distantiam loci non placebat. Interim Reginae regimen perplacuit Polonis, nisi quod impar esse putabatur domesticis Procerum seditionibus sedandis, & externis bellorum motibus propulsandis; ideo de marito ei adiungendo sollicitam navabant operam. Dum itaque Poloni de marito Hedvigi adiungendo consulebant, Jagello Magnus Dux Lithvaniae Legatos Skirgellonem & Borissum fratres suos, & Stanulum Capitaneum Vilnensem, ad Hedvigin cum peramplis muneribus misit, eius matrimonium expetendo. Recusabat Hedvigis, eo quod esset Ethnicus; ille promittebat contra, se cum gente sua nomen

nomen Christo daturum, omnes thesauros maiorum suorum in Poloniam importaturum, & Lithvaniam Poloniae adiuncturum. Placebant conditiones hae Polonis, placebant matri Reginae: missi posthac Oratores ad Iagellonem, Wlodicus Ogrødonecius, Christianus Ostrovius, Petrus Szafranez, & Hincia Roscovicius, ex Minorum Polonorum consilio, (nam paucum e Maiore Polonia aderant, sive quod Ziemovito magis favebant, sive quod intestinis belli moribus distinebantur) ut eum ad conjugium Hedvigis & Regnum Poloniae vocarent, si supra memoratas condiciones stabilivisset iuramento, eaque recuperare vellet, quae a Regno quocunque modo avulsa erant. Interea Hedvigis Regina cum Ziemovito Masoviae Duce his conditionibus pacem iniit, 1.) ut is in Polonia munitiones tempore Interregni interceptas redderet, ac pro illis decem millia sexagenarum Pragensium ab ipsa acciperet. 2.] ut Cuiaviam hypothecae nomine retineret, donec pecuniam accepisset. 3.) ut captivi utrique dimitterentur. 4.) ut pactum cum Polonis de Lencicia initum, esset irritum. 5.] ut de illatis acceptisque iniuriis arbitri constituerentur. 6.) ut Mogilnense Monasterium restitueretur. Hac fama in Austriam perlata, venit Wilhelmus Austriacus, a Gaievoscio Dalevicio Succam-

cammerario Cracoviensi admonitus, Cracoviam, in arcem a Dobeslao Curosvancio Castellano Cracoviensi, aliisque Regni Proceribus non est admissus, in urbe tamen Reginam convenit, atque in Coenobio Franciscanorum luce clara cum ea choreis indulgit, magisque animus Reginae in hunc adolescentem propendebat, matrimoniumque fuisset consummatum. nisi Demetrius Goraius Regni Thesaurarius dissuasset: Videns Austriacus, se minus gratum Polonis, in Austriam reversus est. Interea venit A. C. 1386. e Lithvania Jagello, sacroque baptismo d. 14. Febr. a Bozenta Archiepiscopo Gnesnensi, & Ioanne Episcopo Cracoviensi initiatus, nomen Vladislai indeptus est, moxque solenni ritu matrimonium cum Regina contraxit, & Rex quarto post die novo diademate (nam vetus a Ludovico in Hungariam transportatum erat) coronatus & inunctus est. Hic ergo Rex, iureiurando interposito & obsidibus datis, Lithvaniam omnem cum Samogitia, & ea parte Russiae, quae in ditione ipsius fratrumque & patruelium eius erant, iure sempiterno Poloniae adiunxit, & in unum corpus redegit. Vid. MART. CROMERVS lib. 14. & 15. de O. & R. G. Pol. ALEX. GVAGNI-NVS in vitis Reg. Polon. in Vladist. Jagell. MART. BIELSKI lib. 3. Chron. Polon. fol. 209.

209 . . . 270. SALOM. NEVGEBAYER *lib.*
 §. *Hist. Polon. p.* 212. *seq.* & IOACH. PA-
 STORIVS ab HIRTENBERG *in Flor. Polon.*
lib. 1. cap. 20.

§. X. Extincta stirpe mascula Iagellonica
 in ultimo Sigismundo Augusto [qui A. 1572.
 d. 1. Iulii, alii d. 7. eiusdem, Knisini decessit]
 ex qua duobus Seculis Polonia Principes su-
 mere consueverat, nunc Rege suo orbata, un-
 dique fuit pace circumvallata. Numeratur hoc
 tempore in Polonia nonum Interregnum. Post
 mortem Regis venerunt Crac viam Sebastia-
 nus Mielecki Castellanus Cracoviensis, Ioannes
 Firleius Palatinus & Capitaneus Cracoviensis
 Mareschalcus Regni, Petrus Zborovius Palati-
 nus Sendomiriensis, Casparus Zebrzydowski
 Palatinus Calissiensis, Hieronymus Ossolinski
 Sendomiriensis, Christophorus Mylzkowski Ra-
 venfis, Nicolaus Firley Visliciensis, Stanislaus
 Szafraniec Biecenfis, Ioannes Tarlo Radomien-
 sis, Ioannes Sienna Zarnoviensis, Nicolaus Li-
 gensa Zawichostenfis, Christophorus Camorow-
 ski Oszwecimensis, Castellani, cum multitudine
 Equestri Ordinis. qui domesticis bellis oc-
 currendo, Contoederationem A. 1438. Cor-
 cynia initam receperunt, in qua Antecessores
 concorditer se iuramento coniunxerant adver-
 sus eum unitis viribus pugnandi, qui quocun-
 que

que modo tranquillitatem publicam tempore Interregni turbaret, in alium insurgeret, & in bona spiritualium vel secularium personarum involaret. Deinde Vrbi & Arci Cracoviensi praesidium militare imposuerunt, ac fines Poloniae ad Silesiam & Hungariam exequiis tutos reddiderunt, quibus Stanislaus Szafraniec Castellanus Biecenſis, & Stanislaus Cikowski Succammerarius Cracoviensis, praefuerunt; qui vero tempore hoc in militem expensas fecisset, huic subscriptis Senatorum Nobiliumque nominibus & sigillis confirmatis a Republica solvenda promittebantur. Maiores quoque Poloni ad Iacobum Vchanſki Archiepiſcopum Gneſnenſem & Primateſ Regni Lovicium confluxerunt, inter quos e Palatinis fuerunt Lucas Gorcanus Poſnaniensis, Albertus Laſki Siradiensis, Ioannes Sierakowski Lenciciensis, Ioannes Stuziewa Breſtenſis, Arnoldus Vchanſki Plocensis, & Ioannes Skrotoszyſyna Inoſlaviensis: e Caſtellanis Stanislaus Wyſocki Lenciciensis, & Stanislaus Kryski Raciecenſis, una cum frequentia Nobilium. In quo Lovicienſi Conventu unanimi ſuffragio ſanxerunt, 1.) ut quilibet Nobilis ex Palatinatu in loco illo ſe ſiſteret, qui a Palatino ipſi eſſet aſſignatus. 2.) in tranſitu & itinere nemo alienorum bona expilaret, ſed propriis nummis victum ſibi pararet. 3.) nemo

3.] nemo alium vi opprimeret, vel qui alium vulneraret & occideret, ad futura Comiticia citandus, & pro pravitae delicti puniendus esset. 4.) qui ex bonis alterius aliquid surriperet, post hebdomadam denunciati huius Laudi restitueret. 5.] ut Castrenſia Iudicia minime cessarent. 6.) ut qui Constitutionibus his se opponeret, vel eas violare vellet, pro hoste patriae esset habendus. Praeterea ex hoc Comitio ad Lithuanos missa est Legatio, quae 1.) iis gratias ageret, quod mortem Regis significaverint. 2.] illis denunciaret Constitutiones has Lovicentes, optando, ut & ipsi ad Primatem Regni more antiquo convenissent, & de rebus salutaribus consilia cum Polonis communicassent. 3.) ab ipsis sollicite peterent, ut tum suo, tum Polonorum nomine, ad Ducem Moscorum Legatos mitterent, confirmandae amicitiae veteris gratia. His peractis, d. 23. Iulii solutus est Conventus. Die 24. Augusti multi Senatores Regni Knisinum, ubi Regium cadaver erat, se conferebant; huc quoque accesserant Legati Lithvanici, ubi de die & loco electionis futurae mutuo convenerunt, eandemque in diem 13. Octobris in campo inter Lublinum & pagum Bistrizam, a Lublino uno milliari distantem, indixerunt. Ante comitia sive Conventus particulares & Comitiola
Poloni

Poloni celebrarunt nulla, Lithvani vero eadem in diem 14. Septembris Palatinatibus suis imposuerunt; quia vero Knisini peste grassante multi homines absumpti fuere, cadaver regium Tykoczinum transvectum est, simulque Thesaurario Regni iniunctum, ut curam Reginae Viduae (erat haec Catharina, antea Francisci Gonzagae Ducis Mantuani Vidua, soror Elisabethae primae uxoris, filia Romani Regis Ferdinandi I. & Caroli V. neptis, secunda fuit Barbara Radzivillia) haberet. Palatinus insuper Plocensis cum Aulicis Regis corpori custodiendo additus, ex thesauro regio Ministri soluti, & pecunia residua militibus in Poloniam mittebatur, Legati exterorum Principum Regno procul esse iubebantur. Ad correctionem iurium futurae electioni offerendam deligebantur Hieronymus Ossolinski Sendomiriensis, Nicolaus Firley Viliciensis, & Ioannes Herburus Fulstein Sanocensis, Castellani, cum Paulo Ossowski, Valentino Orzechowski, & Mariana Przyloski: ad Caesarem Romanum, ad Magnum Ducem Moschoviae, & Tartaros Praecopenses, missi Oratores, ut Regis mortem partim denunciarent, partim in foedere inito ipsorum animos confirmarent. In autumno eiusdem anni Senatores cum Nobilitate Maioris Poloniae Culum confluxerunt, quia vero

H

Civitas

Civitas haec pestifera lue affligebatur, in campo convenerunt, Confoederationem anni 1382. Radomiae initam assumerunt, iunctisque viribus contra quosvis patriae hostes se coniunxerunt. Sed haec omnia hactenus fuerunt irrita: demum Iacobus Vchanski Archiepiscopus Gnesnensis Nobilitatem convocat Varsoviam, qui electioni novi Regis Festum trium Regum, & Comitibus Festum Luciae designavit, ut in his e singulis Palatinatibus binos Nuntios ad Convocationem mitterent. Porro Legatos exterorum Principum a Convocatione futura abesse decreverunt, quia vero miles stipendia sua exigebat, universales administratos regii thesauri dederunt, ut intra quatuor hebdomadas Hieronymo Buzinski Thesaurario Regni pecuniam e redditibus publicis vectigalibusque collectam mitterent, & rationes in futura Convocatione, sub poena & amissione propriorum bonorum redderent. Regina Vidua, penes quam Stanislaus Karnkoviut Episcopus Cuiaviensis, & Ioannes Siertakowski Palatinus Lenciciensis essent, Lenciciae ut habitaret, non Varsoviae, constituerunt, ne exteri Legati ad latus eius factionibus indulgerent; quae tamen sibi reginalem sedem Piašeciae elegit, quod partim ab aliis locis peste arceretur, partim ob incommodam habita-

bitationem alibi commodè vivere non posset. Correctio iurium denuo commissà fuit Ioanni Sierakovio, Hieronymo Ossolinio, Ioanni Tomicio, Nicolao Firley, Ioanni Herburto Fulstein, & Simoni Subskio. Insuper conclusum, ut quilibet Nobilis ad propulsandas belli tempestates, si quae forte orirentur, in armis esset. Ad Lithvanos tum temporis Mecibovae congregatos missa iterum legatio, quam ornabant Petrus Zhorovius Palatinus Sendomiriensis, & Ioannes Tomicius Castellanus Gnesnensis, & inde die 6. Decembris reversi, retulerunt Polonis suis, quod Lithvani 1.) non possent ad Convocationem prius venire, quam cum Nobilitate sua Conventus fuerit Vilnae habitus, adiicientes, quod in privilegio unionis nulla fieret mentio Convocationis, sed Electionis. 2.) Podlachiam & Vothyniam sibi restitui peterent. 3.) quod Magnus Lithvaniae Ducatus a Regina Vidua iure haereditario repositceretur, quem tamen ei minime tradere vellent. 4.) quod monetam Lithvanicam in Polonia tanti valoris esse cuperent, quanti in Lithvania. 5.) quod Tykoczyni privilegia nulla Polonis inquirenda essent, sed modo arx, quae thesaurum regium asservabat, firmissime communienda. Anno deinde 1573. Festo trium Regum non ad Electionis Comitias, sed ad

Convocationem Nobilitas Polona Varſaviam convenit, Lithvanica vero per Legatos ſuos, Oſtaphium Wolovicium Caſtellanum Trocenſem, Paulum Pac Caſtellanum Wittepscenſem, & alios ex Ordine Equeſtri comparuit, eligendo ſibi pro futura electione locum Parkoviam, & diem electioni praefigendo circa Feſtum Alberto Sacrum. Placuit tamen Nobilitati Polonae circa Varſaviam Comitia Convocationis peragere, in qua auditi ſunt primum varii Legati, & litterae variorum Principum lectae, 1.) Ducis Pruſſiae, qui nomine Domini ſui locum & votum in electione futura expectabat, 2.) Ducis Stucenſis Georgii Olelkovii, quibus querebatur, quod non ſit ad Convocationem vocatus, nec locus eidem assignatus. 3.) Ivoniae Valachiae Palatini, quibus turbas a Turca intentatas exponebat. 4.) Praefecti Generalis exercitus regni, quibus rogabat feſtinationem definiendi loci & diei pro futura electione, & ſolutione ſtipendii militaris, quod niſi mature ſolveretur, minitabantur milites invaſionem in Regia et Reipublicae bona. 5.) Lectae ſunt litterae Tartarici Legati, quibus ſollicitabat, ne Ducem Moſcorum vel eius filium Poloni in Regem eligerent. 6.) Principis Brunſvicenſis, quae erat ſoror Reginae, quibus tranſitum in Poloniam expetebat. 7.) Regis Sveciae Gedano

dano missae, quibus Legati eius potestatem comparendi in Convocatione dari sibi petebant. 8.] Imperatoris Romano-Germanici, quibus gratias agebat Polonis, quod Legatos ipsius benigne suscepissent. 9.) Regis Hispanici, quibus expetebat, ut cum Legatis Hispanicis Caesarei simul audirentur. 10.] Turcici Imperatoris, quibus desiderabat, ut Poloni pacem cum eo servarent, Regemque talem eligerent, qualem ipse Turca, ut pacate cum ipso ageret, expetebat. Postea adversus Archiepiscopum nonnulli insurrexerunt, derogando illi auctoritatem Cardinalis, & producendo privilegium Casimirianum, quod nullus Episcopus vices Cardinalis & Legati obire in Regno debeat, ad quod ipse Archiepiscopus prolixè respondit, apud MART. BIELSKI *lib. 6. Chron. Polon. fol. 664. 665. 666. 667.* Tandem dies electionis in 5. April. praefixus, locus vero circa Varsaviam ad pagum Kamienum. Insimul constituerunt, ut in transitu ad electionem futuram profecturi nulla facerent damna, Palatinatui suo quisque se adiungeret, & in loco a Mareschalcis designato subsisteret; ad locum electionis nemo armis & bombardis veniret onustus, modo eligendi Regem ostenso, quae tamen in posterum in Comitibus Electionis non fuere observata. Confoederatio quoque, seu

pax religionis inter inter Dissidentes sancita
 ne alter alterum ob religionis diversitatem in-
 iuriis afficeret. sed in concordia civili & pace
 mutua utrinque viverent. Comitiosa in omni-
 bus Palatinatibus die Lunae post Dominicam
 Laetare habenda indicta sunt, in quibus census
 pro milite conducendo conquireretur. Anno
 Christi 1573 d. 5. Aprilis ad Comiticia Electi-
 onis confluerunt Senatores. Equites utrius-
 que gentis, in quorum medio tentorium Re-
 gium ad eligendum futurum regnantem erat e-
 rectum: die 6. Aprilis a Sacris, more usitato,
 electio inchoata, atque principio eius sancitum
 est, 1.) ne quis nisi leviter armatus ad cam-
 pum electionis venire auderet, qui contra fa-
 ceret, capite plecteretur. 2.) ut omnes paca-
 te & tranquille agerent. 3.) ut qui bombar-
 dam exoneraret, per totam electionem incar-
 ceraretur; qui vero explosa alium enecaret,
 vita muldaretur. 4.) peregrini & electorum
 ministri procul a tentorio abessent, & citra vo-
 ciferationes inconditas subsisterent. 5.) vine-
 mo quidpiam alii eriperet, qui id faceret, ut
 duplum restitueret. 6.) ne quid ad locum e-
 lectionis crematum, cerevisiam & vinum ad-
 veheret, sub amissione advectorum liquorum.
 7.) ut moneta Lithvanica in Polonia eiusdem
 valoris esset. Sequenti die 7. Lithvani & Dux
 Stu-

Stucensis excusabant tarditatem suam, Prussici vero Legati locum dari Duci suo in Comitibus petebant, qui necdum concedebatur. Die Octava Gregorius XIII. P. R. litteras misit ad Commendonum Legatum suum, qui Confederationem Religionis in Varsaviensi Convocatione initam acriter perstrinxit, docendo, unam religionem esse, & Regem in Polonia Catholicum esse debere. Die nona Legati Caesaris Romano-Germanici sunt auditi, Wilhelmus Rosenbergius & Venceslaus Persteinius Bohemi, qui Ernestum filium Caesaris, vigesimum aetatis annum agentem, commendabant. Eadem die audiendi erant Oratores Gallici, sed eorum propositio in sequentem differebatur diem, quo Ioannes Monlucius Episcopus & Comes Valentiae, Aegidius de Noiales Abbas Insulae, & Guido Sangelasius de Lansac Ordinis S. Michaelis Eques, Henricum Andium Borboniorum & Alvernorum Ducem commendabant: Monlucii Orationem in litteras retulit BIELSKI *lib. 6. in Chron. Polon. fol. 677 ---- 691.* Legatus Regis Hispaniae legationis munus obire nolebat, quod eum Legatus Gallicus praecesserit. Legati Svecici Ioannem III. Regem Sveciae commendabant. Legati Electorum Germanicorum Ernestum Austriacum: quibus Status Bohemici assensum suum praebuerunt.

Haraburdus a M. D. Lithvaniae ad Moschorum Ducem missus, ipsius nomine praeter caetera proponebat, quod ipse Moschorum Dux seipsum vel filium Frederovicium Regni Poloniae Candidatos commendaret, his conditionibus, ut 1.) titulus Ducatus Moscoviae scriberetur prius, quam titulus Regni Poloniae & Magni Ducatus Lithvaniae. 2.) ut post mortem Frederovici, nullum alium Poloni eligerent aliunde Regem, nisi ex ejus posteris, vel his deficientibus e gente Moscovitica. Insuper Legatus Palatini Wallachiae afferebat litteras a Machmete supremo Constantinopoleos Bassa, nomine Imperatoris sui, quibus intercedebat pro Henrico Valesio; postea ab ipso Imperatore Turcico Selymo Orator Achmet Czaus venit, Imperatoris sui gratiam, amicitiam, & benevolentiam omnem Regni Senatui offerens, simulque rogans, si aliquem ex suis Regem eligere vellent, unum ex his videlicet: Iacobum Vchanski Archiepiscopum Gnesnensem, Ioannem Firleium Palatinum Cracoviensem & Regni Mareschalcum, Georgium Iasloviecium Russiae, ac Nicolaum Mielecium Podoliae, Palatinos Regem constituerent; quodsi ex exteris aliquem cuperent, Henricum Valesium Henrici II. Regis Galliarum filium, Rupellatum fratris Caroli IX, nomine obsidentem, illis

com.

commendabat. Tandem Legati Ducum Pomeraniae advenerant, petentes, ut more Maiorum ipsis liceret electioni Regis interesse, sed quia tarde venerant, repulsam passi sunt. Plurimi itaque tum temporis, partim ex alienigenis, partim ex indigenis, Competitores erant: indigenas vero mox compescuit Ioannes Zamoscius, Praefectus tum Belzensis, cum publice oravit, ut indigenae illi vel Candidati esse desinerent, vel campo Electioni dicato decederent, quo liberius proferre posset, quid in quoque vel laudaret vel desideraret Respublica. Iunctis deinde Equestri Ordinis suffragiis cum Ordine Senatorio tres Candidati e reliquis mansere, Henricus Andium Dux, Ernestus Austriae Archidux, & Ioannes III. Rex Sveciae. Patronus datus e Senatu est Ernesto Petrus Miscovius Episcopus Plocensis, Henrico Stanislaus Karnkovius Episcopus Curaviensis, & Ioanni III. Nicolaus Mielecius Palatinus Podoliae. Ac primum Petrus Miscovius, adstantibus earundem partium antesignanis, Fabiano Cema Palatino Mariaeburgensi, & Stanislaſo Slupecio Lublinensi Castellano, pro Ernesto Austriaco peroravit. Orationem eius vide apud PASTORIVM *in Flor. Polon. pag. 234. & 238.* Pro Henrico Valesio Stanislaus Karnkovius, a cuius partibus stabant Petrus

Zborovius Palatinus Sendomiriensis, & Ioannes Koftka Castellanus Gedanensis, dixit. Orationem eius vide apud eundem PASTORIVM *loc. cit. p. 240. seq.* Pro Rege Sveciae Ioannes Firley breviter quidem, sed graviter dixerat Vid. PASTORIVS *loc. cit. p. 244.* Eandem ingeminabant Palatinus Podoliae Mielecius, & Anshelmus Gostomski Palatinus Ravensis, Nec indignus Regno Candidatus, tum nonnullis esse credebatur Magnus Dux Moscoviae, quod more Iagellonis Magnum Ducatum Moscoviae sit Regno Poloniae adiecturus, & ipsis Turcis formidabile Imperii Sarmatici corpus sit effecturus; sed mox vota haec ob barbariem & tyrannidem Mosci conticuerunt, & Henricus pluralitate suffragiorum & commodorum multitudine alios Candidatos superabat. Videntes hoc Ioannes Firley, Nicolaus Mielecius, Anshelmus Gostomski, cum multis aliis, Electioni huic acriter reclamaverunt, in pagum Proch, uno lapide a Camieno distantem, secesserunt, Religionisque Confoederationem conscripserunt, cui quidem subscripserunt Politici Senatores, sed e spiritualibus nullus, praeter Franciscum Krasinski Episcopum Cracoviensem. Et haec res ad seditionem & plurimi sanguinis effusionem spectasset, nisi Firleii, tanquam prudentis Senatoris, Oratio omnem sedasset tumultum, qui

qui ita dicere orsus est: "Video equidem, & manifeste video, non modo non aliquid com-
modi Principem poenae loco a Supremo Nu-
mine, promerentibus peccatis nostris, nobis
destinatum. sed malorum plurimum importa-
turum; verum cum maiori parti sit visum,
satiùs duco accedere plurium votis, quam pro-
positi pertinacia in discrimen aliquod patri-
am adducere. Videbunt ac dolebunt profe-
cto illi ipsi, qui auctores iam eligendi Regis
sunt, & utinam falsus sim vates, temporis pro-
gressu suo cum damno experientur, quantum
in periculum patriam carissimam improvide
præcipitarint. Ego, cui iam potissima vitae
pars decursa est, vix illorum talium spectator
ero; vos, ætate me inferiores dictorum me-
orum memores estote, deprehendetis quod
dixi." Haec Oratio movit Dissidentium ani-
mos a tumultu, atque lex de religione peculi-
ariter sancita & obsignata est. Ipsi vero Gal-
lici Legati, cum nomine Caroli IX. tum Hen-
rici, articulos priorum conventorum A. 1573.
d. 16. Maii confirmarunt iuramento, quos re-
peries inter *Statuta, Constitutiones & Privile-
gia Regni Poloniae* fol. 224. seq. & apud B'EL-
SKIVM lib. 6. *Chron. Polon.* fol. 697. seq.
Post iuramentum deducti Variaviam Legati,
cum prius voce Ioannis Firley, tanquam primi
in Re-

in Regno Mareschalci, & Ioannis Chorkevii
Mareschalci Magni Ducatus Lithvaniae, Henricus
Rex Poloniae renunciatus esset, d. 18. Maii,
erat FERIA 2. Pentecostes, in Ecclesia Ioannis
tam Catholici quam Evangelici concordibus vo-
cibus hymnum Ambrosii & Augustini decan-
tarunt, tormenta quoque grandia ad laetitiam ex-
primendam exonerarunt. Comitibus nondum
solutis, dies 4. Octobris futurae Coronationi Cra-
coviae designatus, tabulae Electionis confectae,
& ad eas in Galliam perferendas, ad salutandum
Regem electum, delecti tam a Senatu Po-
loniae & Lithvaniae, quam ab Equestri Ordine,
tredecim Oratores, magno nati loco, & singu-
laris prudentiae, qui petita quidem facultate per
Germaniam transeundi, nondum tamen impe-
trata d. 19. Augusti Lutetiam Parisiorum in-
gressi sunt. In Comitatu hoc praeter Princi-
pes legationis, & complures nobilissimos ado-
lescentes, erant amplius 250. hi a Rege Caro-
lo IX. summis hospitalitatis officiis excepti,
tertia post ingressum die salutarunt Regem, e-
ius matrem Catharinam, & Isabellam coniugem,
Maximiliani Caesaris Romano-Germanici filiam.
Die 24. Augusti post prandium Henrico ob-
viam profecti, qui ex obsidione Rupellensi Lu-
tetiam venerat, & ideo auream rosam a Ponti-
fice Romano acceperat; cui nomine Reipubli-
cae Po-

cae Polonae Adamus Konarski Episcopus Posnanienſis denunciabat, quod Rex Poloniae eſſet electus, Decretum Electionis ei traditurus, ſi prius offerendas conditiones iuramento confirmare vellet. Rex novus tum ipſe, tum per Cancellarium reſpondit ſuum ei, atque Deo & Sereniſſimae Reipublicae gratias agit, quod prae aliis diademate Regni Poloniae ſit condecorandus. Demum d. 10. Septembr. in Templo pacta conventa ab Henrico ſunt confirmata, licet adverſus Confoederationem Religionis fruſtra proteſtaretur Episcopus Poſnanienſis, & deinde Roſſobucki hunc in finem e Polonia miſſus in Galliam. Die 12. Septembr. Decretum Electionis in ciſtula argentea productum ab Episcopo publice in Capella fuit lectum, ac Te DEVM laudamus praefente Aula Gallica decantatum, atque Henricus Rex a Polonis gratulationibus exceptus eſt, hique ad oſcula manus eius ſunt admiſſi. His peractis Ioannes Zborovius in Poloniam dimiſſus eſt, ut nunciaret, Henricum pacta conventa iuramento confirmari, propediem in Poloniam adventurum, quem Legatus Callicus Ramboletus, ut idem ſignificaret, poſtea ſequutus eſt. Rex d. 28. Septembr. Pariſiis valedixit, quem comitantur fratres Carolus & Franciſcus, mater Catharina, Dux Lotharingiae & Gallica Nobilitas

ſexcento

sexcentorum fere virorum. Vitriaci ægro fratre Carolo IX. Rege, Duce Lotharingiae Nansii, Catharina matre, Francilco fratre, & Margaretha sorore Blamonti relictis, per tabernas in Allatiam, superato Rheno per Heidelbergam, & iterum superato eodem fluvio Moguntiam, Francofordiam ad Moenum, & Fuldam pervenit. Deinde Visurgim & Albim fluvios traiciens, Saxoniam intravit, inde Francofordiam ad Oderam, tandem Mesericiam oppidum Polonicum d. 25. Ianuarii A. 1573. ingressus est, & a Stanislaο Karnkovio Cuiaviensi Episcopo salutatus, ubi maximo cum gaudio a Nobilitate gentis Poloniae susceptus, postea Posnaniam in Maioris Poloniae Metropolim honorificentissime deductus, magnificentissimeq; exceptus, plures dies in ea transegit. Exequiæ funebres d. 15. Febr. Cracoviae Sigismundo Augusto peractæ, ad quas condecorandas Henricus præmiserat Albertum Mareschalcum Franciæ, quas descripsit ALEXANDER GVAGNINVS in *Sarmatia Europæa* fol. 47. seq. Die 17. Febr. Rex Balicæ uno lapide a Cracovia a Ioanne Firley Palatino Cracoviensi salutatus est: die 18. eiusdem ingressum in Metropolim Poloniae Minoris Cracoviam habuit, quem ut celeberrimum, & coronationem Regis fuisse delineavit idem GVAGNINVS fol. 49. --- 57.

Rex

Rex augustissima solennitate a Iacobo Vchan-
ski Archiepiscopo Gnesnensi d. 21. Febr. Mat-
thiae Apostolorum sacro, inauguratus est. Con-
fer BIELSKI *Chron. Polon. fol. 651. - 719.*
GVAGNINVS *loc. cit. fol. 45. & 57.* SALOM.
NEVGEBAYER *Hist. Pol. lib. 9. p. 641. - 646.*
MAXIM. ANDR. FREDRO *in Histor. Hen-
rici Vales.* IOACH. PASTORIVS *in Flor. Pol.
lib. 4. pag. 230. - 252.* REINHOLD. HEI-
DENSTEINIVS *Rer. Polon. lib. 1.*

§. XI. Henrico, insciis Regni Senatori-
bus, A. C. 1575. d. 18. Iunii noctu Cracovia
migrante, citatis equis Biczinam Silesiae oppi-
dum pervenit, postquam antea d. 15. Iunii
Proceres Regni Cracoviam convocasset, eisque
exposuisset obitum fratris Caroli IX. Regis
Galliae, & causas addidisset, cur sua in Gallia
praesentia esset necessaria; cui tum Senatus
Regi praesens respondit, quod sine totius Re-
gni consensu Rex e Regno migrare nequireret,
nec in Augustum Comitum, quae postulabat, in-
dici posse concessit. Rex tamen, his non ob-
stantibus, clanculum post quadrimestrem Regni
Poloniae administrationem e Polonia abiit. Et
licet Ioannes Tenczinius, Cubiculi Regii Ma-
gister, cum Zebrydovio, Regem in Austria ef-
fessent assecuti, diligentissime orantes, ut & suae
& Regni existimationi consulere, ac in Poloni-

am rediret; non potuit tamen ab itinere retrahi. Interim Dansaëo, quid post discessum agere deberet, se exposuisse affirmabat, relictis in lecto suo sub cervicali litteris, postquam Tenczynio annulum e dextro detractum tradidisset, non modo ipse Tenczynius, sed & Karnkovius, Zborovius & Demetrius Solikovius, ut abitus Regii conscii, nimium vapulabant. Postea Comitia Convocationis fuere Varaviae in autumno circa festum Bartholomaei habita. in quibus disputatum, an Regnum, an vero Interregnum in Polonia esset? Inde Hieronymum Rozdrazevium Secretarium maiorem, & Ioannem Thomam Droghovium in Galliam destinavit Legatos, qui Henricum intra Italiae fines Ferrariae adhuc haerentem convenerunt, nullis tamen precibus a suscepto itinere & proposito revocare potuerunt. In Comitibus Convocationis dies 4. Novembr. novae Electioni designabatur, nisi Rex mature in Regnum adveniret. Misit interim Bellegardium & Pibracium Legatos in Poloniam Henricus, sed ille per Italiam pro Rege pecuniae conquirendae ergo diutius morans, in Galliam infectis rediit rebus; hic exaudorationem Henrici Regis publice in Polonia spectavit. Mense Octobri in Russiam Tartari ingressi erant, quorum excursionibus exacerbat Poloni, alium Regem dispiciebant,

ciebant, sed quoniam Regis adventum adhuc expectandum esse plerique consulebant, iterum Archiepiscopus d. 3. Octobr. Convocationem Varaviae habendam indixit, in qua de novo dies 4. Novembr. Electioni novae praefixus erat. Inter Candidatos tum temporis ex indigenis erant Anna, Poloniae Regis Sigismundi filia, Ioannes Kostka Palatinus Sendomiriensis, & Andreas Tenczynius Palatinus Belzensis; ex alienigenis erant Maximilianus Imperator Romano - Germanicus, & Ernestus filius eius, Ioannes III. Rex Sveciae, Stephanus Bathori Princeps Transylvaniae, & Alphonsus Ferrariae Dux. Conditiones a Maximiliano & Ioanne III. easdem, ut in Interregno priore, proponebantur. Nomine Stephani propositae sunt sequentes conditiones, quod 1.] iura & privilegia omnia confirmare & firmiter servare, 2.] debita Regni solvere, 3.] a Mosco ea, quae a Regno avulsa erant, recuperare, 4.) cum Turca aeternum foedus pangere, 5.) fines Poloniae defendere, 6.] ante ingressum in Poloniam centies mille florenos mittere, 7.) captivos a Tartaris liberare vellet. Legati Ducis Ferrariae has insinabant conditiones, quod 1.) immunitates & privilegia omnia fideliter conservare, 2.) dignitates nulli extero conferre, 3.] pacem inter Dissidentes in Religione tueri, 4.] Acco

4.] Academiam Cracoviensem viris doctissimis exornare, 5.) artifices & opifices ad reparationem artium in Regno sumtibus suis ex Italia evocare, 6.) novum portum mercatoribus Polonicis in Italiam ad mercatum profecturis aperire, 7.) adversus Moscum 4000. peditum per sex mensium spatium stipendiis suis alere, 8.) ingruente in Polonia bello a Principibus Italiae auxilium petere, 9.) bellam per se gerere, 10.) tempore pacis omnia officia boni Regis implere & fines Regni frequenter visitare, 11.) debita Regni omnia exolvere, 12.] omnes redditus quolibet anno in thesaurum Regni inferre, 13.] Ducatum Galliae Regno Poloniae donare, 14.) quinquaginta iuvenes ex Nobilitate Polonica Ferrariae vel alibi locorum liberalium artium vel exercitiorum equestrium addiscendorum ergo sumtibus suis sustentare, 15.) trecenties mille florenos in Regnum mittere, & quantocius in Poloniam properare velle. In hac Electione Maximilianus Caesar a maxima Senatorum Poloniae & Lithvaniae parte electus, & a Iacobo Vchanski Archiepiscopo Gnesnensi *Id.* 12. Decembr. proclamatus est, quem deinde Mareschalcus Regni publice denominavit, atque more solito in Templo Ioanneo Varaviae hymnus consvetus declamatus est; Equestris tamen multitudo in hanc non consensit

senſit Electionem, quae mox a Stanislao Szafrancio ſedata eſt. Interim ſequenti die 13. Decembr. Rota Equeſtris Oratores ad Archiepiſcopum & Legatos Caſaris miſit, exprobrantes ei ſeltinationem hanc, & praetendentes, Electionem contra libertates Regni Poloniae eſſe factam. Inſuper, revocabant ſibi in memoriam beneficia Domus Jagellonicae, Sigismundi filiam Annam Regiſam ſibi elegerunt, maritumque ei adiunxerunt Stephanum Bathori Principem Tranſylvaniae, quam Electionem publicavit Ioannes Siennius Archiepiſcopus Leopoliensis. Ad Annam Ioannes Koſtka cum aliis miſſus, quae prius recusans Regnum, deinde in vota electorum conſenſit. Blandratae & Berzevicio Legatis Stephani articulos patrum conventorum ſcriptos obſignatosque tradiderunt e Polonia profecturis, quos magni nominis Senatores mox ſequuti ſunt; ſed & qui Caſareanas partes ſequebantur, pacta conventa conſcripſerunt, Legatisque Caſaris obtulerunt, iuramento a noviter electo Rege confirmanda Annae vero & Stephano Bathori per Legatos ſuos Regnum diſſuadebant. Ex adverſa parte Oratores ad Caſarem mittebantur. Anno 1576, d. 14. Ianuar. aliquot Senatores cum magna Equeſtris Ordinis multitudine Andrejoviam armati convenerunt, ex Eccleſiaſticis ſolus

aderat Episcopus Cujaviensis qui multis verbis agebat, ut utraque pars a Candidato suo recederet; sed cum nihil obtineret, Electioni Stephani subscripsit. Eo tempore Hieronymus Philippkowski a Stephano advenerat, litterasque ab eo ad Rempublicam afferebat, quibus pro affectu hoc singulari gratias solennes agebat, omnes conditiones se adimpleturum promittebat, & adventum suum in Regnum procrastinare volebat. Per eundem Philippkowski significavit Poloni Electo suo, quod ab illo non sint recessuri, modo praesentiam maturaret. Die 10. Ianuarii Legatus Caesaris Rosenbergius in maxima frequentia auditus, inconstantiam Polonorum vehementer mirabatur, simulque eum male habebat, quod Caesar in Regem Poloniae unanimi suffragio non esset electus, cum id ante Legati Polonici ad Aulam Caesarream missi constanter asseverarent. Rogatus deinde Rosenbergius a Conventu Andreioviensi, ut Caesarem a cogitationibus Regni revocaret, quod quidem, sed non sine invidiae nota, fecit. In eodem Conventu Electio Stephani confirmata & Coronationi dies 4. Martii praefixus, quo simul nuptiae cum Anna essent habendae. Haec omnia deinceps Stephano & Annae, item Lithvaniae & Prussiae, per Legatos suos denunciarunt, vacantia officia in posterum

sterum a Rege futuro confirmanda distribuerunt, tributum approbarunt, & per Legatos suos Caesarem a Regno dehortabantur. Soluti Andreioviae Conventu, Cracoviam se contulerunt ut tutam ab omni impetu Caesareano redderent arcem, quam Petrus Zborovius Palatinus & Praefectus Cracoviensis eis tradiderat; ad alios Cracoviae tum temporis morantes, & a partibus Caesaris stantes, Oratores missi, ut in gratiam cum ipsis redirent, & Stephanum pro Rege reciperent, vel Cracoviam migrarent: Magistratus quoque Cracoviae ad Senatores Regni vocatus, non alium quam Stephanum Regem & Annam Reginam agnoscebat: idem Capitulum Cracoviense fecit, Academia vero nunciavit, duas se habere Orationes, unam pro Caesare salutando, alteram pro Principe Transylvaniae, qui primus advenerit, eum pro Rege habituram. Vna porta Cracoviae tum erat aperta, aliis oclusis. Ultima Februarii Archiepiscopus Conventum Lovicii habendum indixit, sed sine effectu. Die 8. Febr. Megelae in Transylvania Stephanus pacta conventa a Polonis Legatis oblata iuramento confirmavit. Die 18. Febr. Anna ingressum in Cracoviam celebravit. Eo tempore, quo Coronatio peragenda erat, Convocationem Varsaviae habendam Archiepiscopus indixerat, sed iterum sine fru-

fructu. Die 3. Martii Golick Emericus, Stephani Legatus, Cracoviam ingressus, Diploma ejus cum litteris ad Senatores attulit, Regnantemque in itinere esse nunciavit. Die 23 Martii Maximilianus iura & immunitates Polonorum Viennae iuramento confirmavit, a cuius partibus inter alios Gedanenses stabant, quos deinde Stephanus bello Dirlaviensi fregit, & ad officium reduxit. E Lithvania die 7. April. Oratores missi retulerunt, male Lithvanos habere, quod Regem sine ipsorum scitu & consensu elegerint, ad quos missi iterum e Polonia Legati, ut querelas ipsorum sedarent, & diem 8. April. Coronationi destinatum denunciarent; Interea Rex Stephanus per Valachiam & Russiam iter faciens, intra Poloniam haerebat, ab Hieronymo Palatino Russiae & Nicolao Castellano Camenecensi honorificentissime salutus, quibus Rex ipse latine respondit. Solikovi-
us missus ab Episcopo Cracoviensi ad Regem, ut cuius religionis esset, ex eo exquireret, (nam Evangelicum esse plerique autumabant, quod ab Electoribus Evangelicam Religionem profitentibus maximam partem erat electus) qui se Catholicum esse ingenue fassus est. Eo tempore Legati Vienna redierant, afferentes secum ad Regni Senatores a Caesare litteras, quas, inspecto solum inscriptionis titulo legere noluerunt.

noluerunt. Stephanus die 18. April. Mogila profectus Cracoviam ingressus est, primum in campo ab Episcopo Cuiaviensi nomine Senatus & Nobilitatis salutatus, cui Rex ipse respondit. E Lithvanis nemo tum aderat, quorum tamen deinde animi opera Ioannis Chotkievicii Capitanei Samogitiae flexi, & licet Ioannes Chlebovicius Castellanus Minscensis Stephanum nomine Lithvaniae in praesentia ipsius Regem recipere noluerit, post tamen habitis Grodnae & Msciboviae Comitibus, Regis imperata Lithvani fecerunt, quamvis Coronationi eius non intertuerint, quae A. 1576 d. 8. Maii a Stanislao Karnkovio Episcopo Cuiaviensi peracta est, cum Iacobus Vchanski Archiepiscopus Gnesnensis Caesareanarum partium usque tenax, venire Cracoviam abnuerat. Ad Caesarem missi Legati, Ioannes Demetrius Solikovius & Ioannes Krotosius Palatinides Ino- vladislaviensis, Secretarii Regii, qui per Silesiam & Bohemiam profecti, Maximilianum Ratisbonae, ubi Comitibus agitabat, reperiiebant. Solikovius habita Oratione, coronatum esse Stephanum denunciavit, ac ostendit consensum plurium in Regno, promatumque Stephani in Poloniam adventum Caesari cunctanti demississe, quicquid ei iuris ex paucorum a ceteris dissensu compete-
bat, simulque diluit, quae Po-
lonis

lonis ab adversa parte obiciebantur. Diu nullum responsum a Caesare acceperunt Legati, tandem illud adepti, dum in patriam redire volebant, non procul Ratisbona attenti, & Lincium in Austriam deducti, quadrimestri custodiae tradebantur: causa praetendebatur violatio iuris publici quod Henricus Kurtzbachius, missus a Caesare ad Gedanenses Orator, ab Ernesto Weyhero in itinere multis vulneribus affectus, iam morti quam vitae propior dicebatur. Interim Caesaris morbus, & brevi tempore sequuta est mors, impetendae armis Poloniae consilia in filium Rudolphum II. deposuit, qui pacis, quam belli amantior, & Kurtzbachium vivum esse in Polonia intelligens, data mutuae securitatis sponfione, Secretarios Regios e carcere dimisit, & cum Republica Polona foedus firmum pepigit. Sic itaque turbis omnibus extra Regnum compositis, Stephanus Reipublicae Polonae fasces tenuit, cuius hoc olim circumferebatur elogium: "Magnus Stephanus in templo plus quam Sacerdos: in Republica plus quam Rex: in sententia dicenda plus quam Senator: in iudicio plus quam Iurisconsultus: in exercitu plus quam Imperator: in acie plus quam miles: in adversis perferendis iniuriisque condonandis plus quam vir: in publica libertate tuenda plus quam civis."

vis;

vis : in amicitia servanda plus quam amicus :
 in convictu plus quam familiaris : in venatio-
 ne ferisque domandis plus quam leo : in tota
 reliqua vita plus quam Philosophus. " Conf.
 MART. BIELSKI *lib. 6. Chron. Polon. fol.*
719. --- 733. SAL. NEUGEBAVER lib. 9.
Hist. Polon. circ. fin. Constitutiones Statuta &
Privilegia Regni Poloniae fol. 230. --- 263.
 REINHOLD. HEIDENSTEINUS *Rer. Po-*
lon. lib. 2 IOACH. PASTORIVS lib. 4. Flor.
Polon. in Henrico circ. fin. & in Stephano Ba-
thori circ. princip.

§. XII. Undecimum affixit Poloniam In-
 terregnum, Stephano Rege A. 1586, d. 12. De-
 cembr. epilepticis paroxysmis Grodnae in Li-
 thvania consumpto, An. 54. aetatis, cum regna-
 set annos 10. menses 7. & dies 12. Archiepi-
 scopus Stanislaus Karnkovius, edictis in omnes
 Palatinatus emissis primo Minores Conventus
 per eos, universi autem Senatus Conventum
 Varsaviam in initium mensis Februarii Anno
 1587. indixit. Inter alios Stanislaus Kolkie-
 vius Palatinus Russiae Leopolim Nobilitatem
 evocarat, in qua Congregatione Ioannes Zamos-
 sci a Zboroviis acriter perstrictus est, nite-
 banturque plurimi de abroganda illi summae
 exercitus praefectura, aut de adiungendo ipsi
 Collega, Confoederatio quoque Senatorum
 & Eque-

& Equestris Ordinis ex Cracoviensi, Sendomiriensi Palatinatibus Cracoviae habita eaque ad Acta Castrensis A. 1586. festo Ioannis Evangelistae oblata, in qua articulus inter Dissidentes de Religione ab Henrico & Stephano confirmatus iuramento, in integro robore suo conservabatur; Capturalia Iudicia Cracoviae post Sigismundum Augustum A. 1572. constituta approbabantur, & in omnibus Palatinatibus habenda indicebantur; Arx Cracoviensis Capitanei seu Praefecti Cracoviensis custodiae commissa, & ut ad eius defensionem trecentos pedites conscriberet, conclusum. Insuper definitum est, ut Convocationis Comitia ab Archiepiscopo propediem instituerentur, ut fines Regni redderentur tuti, ut Senatus Cracoviensis immota fide & summo studio civitatem defenderet, & ipsa cum aliis civitatibus, oppidis & iudaeis, ceterisque omnibus, Iudiciis Capturalibus subesset. In aliis per Regnum Conventibus, praeter iudiciorum & securitatis publicae rationem, ne quidquam constitutum, Nuntique ad Varsaviensem Convocationem delecti, in qua adversarii Zamoscii, quae in minoribus Conventibus efficere non poterant, vi atque armis, perficere sibi proposuerant. Convocatio Varsaviensis ab initio mox turbari coepit; Stanislaus quippe Karnkovius, quamvis
senex

senex iam & coecus, accusabat Regem mortuum, in Zamoscium invehebatur, & studiose conquirebat, quod debita secus, quam conditionibus & iuramento receptum fuisset, non sint soluta; quod exteri contra eisdem conditiones in Regno habiti, iisque honores collati; quod de successore vivo adhuc Stephano actum sit; quod cura Prussiae Ducalis Ioanni Georgio Marchioni Brandenburgico & Electori vendita; quod quibusdam bini Magistratus contra leges dati; quod nonnullis sacerdotia alique honores, qui legibus eos capere non possent, concessi; quod supplicium de Samuele Zborovio contra ius sumtum. Zamoscium quoque vapulavit, quod affinitatem cum Rege Stephano contraxit, eque Ducali genere uxorem habuerit, ex quo, qui orti essent, a Magistratibus & Reipublicae beneficiis antiquitus multis Legibus excluderentur. In eodem Conventu Zamoscio imperium militare aut abrogandum, aut Collegam saltem ei adiungendum, definire conabantur; Martinus tamen Lesnowolski Podlachienfis Castellanus pro Zamoscio, ringentibus & tumultuantibus adversariis respondit: scripsit & ipse Zamoscium absens ad hunc Conventum litteras, atque graves magnasque attulit absentiae suae causas, ea vero quae per factionem sibi irrogarentur, non plus auctoritatem

Fortitatis & valoris apud se habitura fassus est, quam quae extra Iudicium indicta causa nullo iure fierent. Adversariis Zamotscii obstabant in Senatu maxime, Andreas Opalenius Marschalcus Regni, Albertus Baranovius Episcopus Praemisliensis & Vice Cancellarius, Ioannes Dulski Thesaurarius Regni, Stanislaus Kolkevius, & alii, qui Constitutione Sigismundi I. innixi, contendebant, nulla alia de re in Comitibus Convocationis, praeterquam de loco & die Electionis futurae, quicquam constituendum esse; adeoque dies Electionis circa finem Iulii, & locus campusque Volensis sub Varsavia assignabatur: finibus deinde Regni ac militi finitimo Nicolaus Herburus de Fulstein Succammerarius tum Haliciensis praeficiebatur, & Iasloviecio Praefecto Smiatinensi Camieniecia tutanda tradebatur. Prussi etiam & Lithvani ediderant querelas suas, quae in Electionis Comitibus reiectae. Legatos ad Conventum eum cum Caesar Rudolphus, tum frater eius Archidux Maximilianus miserant; miserat & Turcarum Imperator Machmetem Czaus, natione Hungarum, & Ludimagistrum quondam in Hungaria, qui nomine Sinan Supremi tum Bosnie, cum Regis mortem doluisset, ad alium Regem liberis suis suffragiis, consensu tamen Imperatoris Turcici, quod ius & ante fuisset, eligens.

eligendum Ordines Regni hortabatur. Quae res magna cum omnium offensione accepta, & nomine Ordinum Turcae responsum ac rescriptum est, Electionem in nullius alterius, quam Dei atque Ordinum Regni Magnique Ducatus Lithvaniae libera voluntate ac suffragiis, vel antea nunquam fuisse, vel nunc etiam esse. Ad Zamoiicum Archiepiscopus misit Castellanium Inovladislaviensem Szupiski, ut condiciones quae in Conventu Varsaviensi ab illis probatae erant, ei persuaderet; sed ad eas acceptandas nullatenus persuaderi potuit, venturum se tamen ad Comitiae Electionis, & suo officio non defuturum, nec ulli occasionem turbarum praebiturum respondit. Ad Comitiae Electionis Gorkanorum & Zboroviorum (Andreas Gorkanus erat Palatinus Posnaniensis, Ioannes Zborovius Castellanus Gnesnensis, & Andreas Zborovius Mareschalcus Regni) factio prope 10000 adduxit armatorum. Zamoscius ipso die Comitibus supra praefixo omnibus cum copiis, ad militaris itineris rationem instructis, insimul advenit, per Varsaviam cum transiret ex itinere, primum Reginam Viduam, inde Legatum Pontificium Hannibalem de Capua Archiepiscopum Neapolitanum salutavit; mox locum castris cepit, non procul ab istis Comitibus a Mareschalco Regni Maiore, Andrea Opalio

Opalinio, assignatum, quem vallo atque fossa communivit. Primo mox Comitiorum die & Senatus habitus, & Equestris Ordo convenit; Zamoscius vero Senatum non est ingressus, ne discordiae initium praeberet. Insuper Stanislaus Szafraniecius Palatinus Sendomiriensis, & Nicolaus Firley Castellanus Biecenſis, inter partes adversas Zboroviorum & Zamoscii mediatores constituti, nihil effecerunt, nisi ut assignarent locum Zboroviis ad Czerſkō, & Zamoscio ad Vilgam, & utrique parti trecentorum militum numerum praefinirent: laboratum deinde est, ut alternis vicibus in Senatum venirent. Nono demum die, postquam venerat Zamoscius, in Senatum ingressus, operam atque opes suas Reipublicae detulit, & de adversariorum iniquis sententiis injuriisque monuit Senatum, ne illis fidem haberet. Contra munimenta a Zamoscio erecta murmuravit aliquantum Senatus, quae a se erecta & perfecta esse fassus est, non ut quenquam armis opprimeret, sed se vitamque suam defenderet illis, cum prius ab adversariis sumta essent. Altercationibus his aliquot hebdomadae extractae, & nonnulli sanguine suo Electionem hanc cruentabant: tandem res eo devenerat, ut utraeque acies ex adverso non procul tentorio consisterent, & proelium commisissent, nisi interventu Laurentii Gostii.

Goslicii Episcopi Camieniecentis, Szafraniecii Palatini Sendomiriensis, & Firley Castellani Biencensis, diremtum, & tentorium proxima nocte incensum fuisset, quod alio in loco iussu Archiepiscopi extructum deinde fuit. Resad tumultum (Polonis Rokosz) spectare videbatur, & iam sexta hebdomas labebatur a die Electioni Regis praefixa, neque tamen adhuc vel Legati Principum exterorum auditi, vel ulla sententia de ipsa Electione publice dicta erat. Divisa sic in partes Republica, ex indigenis eligendus fuisset Rex, si tantis exortis tumultibus par extitisset; attamen ex incolis fuere tum Candidati, Constantinus Dux de Ostrog Palatinus Kiioviensis, & filius eius natu maior Ioannes Dux de Ostrog Palatinus Volhyniae, Simon & Alexander fratres Duces in Stucko, Radzivittii Duces in Olyka, Albertus Laski Palatinus Siradiensis, Zagniski Palatinus Posnaniensis, Tenczynius Palatinus Cracoviensis, Firley Castellanus Biencensis, Zborowski Mareschalcus Regni & exercituum Dux generalis, ut narrat B. HARTKNOCHIVS, *ex auctore libelli Polnische Kriegs-und Staats-Sachen, in Republ. Polon lib 2. cap. 1.* Ab exteris legationes ad haec Comitia missae erant splendidissimae, & quidem a Caesare Germaniae Rudolpho; a Rege Hispaniae Philippo; a Ferdinando,

dinando, Ernesto, Maximiliano, & Matthia, Austriae Archiducibus, quorum nomine Stanislaus Pavlovius Episcopus Olomucensis, Richardus Strennius a Tieffenbach Austriae Baro, caeterique praecipue ex Silesia & Germania, Regnum poscebant. Caesareani autem nullum omnino nominatim commendabant, sed pro universa familia Austriaca petebant, ut qui maxime idoneus ex ea videretur, ad Regnum vocaretur. Maximilianum autem, praeter Episcopum Olomucensem, commendabat Pontificis Romani Nuntius Hannibal de Capua: Zboroviani item & Andreas Gorkanus Moscorum Ducem: Theodorum Odonovium Lithvanorum vulgus, e primoribus pauci expetebant, quod Magnum Moscorum Ducatum Regno adiungere vellet. Non paucis quoque placuit Alexander Parmae & Placentiae Dux; frater defuncti Regis Balthasar Bathori, Roma redux, Regnum quidem aperte petere non audebat, ob invidiam nomini Stephano ab adversariis conflaram, datum tamen minime recusasset. Pro Sigismundo III. Sveciae Principe stabat Vidua Regina Anna, Ioannes Zamoscus, & Martinus Lesznowski Castellanus Podlachiae. Ad Zamoscium tum Ferdinandus, tum Maximilianus, Archiduces, aliquas Epistolas cum grandissimis promissis miserunt, quibus uterque

que pro se Regnum efflagitabant, atque ad concordiam cum Zboroviis ineundam hortabantur, cum sine ea nec Electio utilis esse Regno, neque salus ulla sperari posset. Hoc ordine autem audiebantur Legati: primo die auditi sunt Oratores Summi Pontificis, Caesaris, Hispanici, Mosci, Transylvani & Prussiae Ducis: postero die Regis Sveciae, item Electorum Imperii Romano-Germanici, utpote Colonienfis & Moguntiaenfis, Palatini Rheni, Ducis Saxoniae, & Marchionis Brandenburgici. A Domo Austriaca proponebantur hae conditiones: 1.) Dignitas Familiae Austriacae. 2.) Renovatio foederis cum Turca. 3.) Subsidium octingentorum millium in Regni necessitates, e quibus ducenta statim sub ipsam Electionem, alia ducenta post Coronationem, reliqua praefinito tempore numeranda erant. 4.) Reparatio castellorum ope Caesaris contra irruptiones Turcarum. 5.) Studium componendi controversias, quae de Prussia ac Livonia Imperio Germanico cum Regno intercedebant. 6.) Ius in Barensem Rosanensemque Ducatus, & Ducatum Toggiam in Regno Neapolitano, ab Hispano obtinendum, & Poloniae adiungendum. 7.) Adolescentum quinquaginta Polonicae Lithvanicaeque gentis extra Regnum sustentatio, partim exercitiis rei militaris, partim in litterarum studiis, sumtu Imper-

ratoris alendorum. 8.) Aditus ad ordines militiae in Imperio Germanico & Hispania. 9.] Solutio aeris alieni a Sigismundo Augusto conflat. 10.) Observatio libertatis publicae privataeque. A Svecicis Legatis, Erico Spario Pro-Cancellario, & Erico Brahe Comite offerebantur sequentes conditiones: 1.) Princeps Sigismundus indole praeclarissima & aetate vegeta, utpote viginti unius anni. 2.) In ipso linguae Svecicae, Germanicae, Italicae, & Polonicae notitia. 3.) Foedus inter duo Regna (Sveciae & Poloniae) perpetuum. 4.) Moscici perdomandi spes. 5.) Commerciorum amplissimorum utriusque regni permissio. 6.) Classis instructio. 7.] Tormentorum maiorum adversus Moscos e Svecia evectio. 8.] Condonatio cum dotis tum Legatorum Reginae Bonae, aviae maternae. 9.) Castellorum contra excursiones Tartarorum in Podoliae finibus constructio. 10.] Iurium, libertatum atque immunitatum confirmatio. 11.) Pacis publicae inter Dissidentes de Religione conservatio. 12.) Centum millium a Regina Vidua solutio. Moscus amplissimi sui Imperii coniunctionem offerebat: ita tamen, ut caput rerum penes se nihilominus esse mallet. Transylvanici Legati recensabant clarissima Regis Stephani in Regnum merita, & de invidia, nomini Regio ab obtre-

obtreclatoribus conflata querebantur. Reliquorum Principum Legati pro Austriaca stabant familia, solus Zamoscius elusit spem Austriacorum & conatus Zboroviorum. Is enim postquam eum summo mane d. 19. Augusti invisset Archiepiscopus Gnesnensis, & se ad nominandum Regem paratum esse ostendisset, renunciatis per Reinoldum Heidensteinium Legatis Ferdinandi & Maximiliani conditionibus, omnes copias suas armatas extra castra eduxit, ut praesidio Regem eligentibus essent. Idem Opalenius Mareschalcus & Thesaurarius faciebant. Archiepiscopus cum Episcopis tum praesentibus, uno Iacobo Voronecio, nominato Kijoviensi Episcopo, excepto, in tentorium venit: e Secularibus aderant Andreas Tenczynius Palatinus Cracoviensis, Albertus Easki Palatinus Siradiensis, Petrus de Potulicze Palatinus Calisniensis, Ioannes Splawski Palatinus Inowladislaviensis. Gregorius Zielenski Palatinus Plocensis, Stanislaus Kriski Palatinus Masoviae; Castellani plurimi, Succamerarii, Capitanei, Officiales, ex Palatinatibus Deputati, ac Civitatum Prussiae, & Livonicae Nobilitatis Legati, Lithvani nihilominus aberant, qui cum ultra Vistulam Concilium habuissent, tum temporis (finge te iam Varaviae esse) in hanc partem traduxerant, Radziwittianis, utpote Palatino

Vilnensi, Cardinali, & Castellano Trocensi; Gorkanis & Zboroviis, Austriacas partes maxime tuentibus. Cum mane conventum esset, res in meridiem extracta fuit, frustra expectatis Lithvanis, qui publico nomine ad Electionem novi Regis invitati erant. Tum Archiepiscopus, Gorkani & Zboroviorum ostensis armatis copiis, coepit dicere: "Me neque lorica, neque ullis armis armatum videris, consensu vestro adductus huc veni: necessariam operam meam Reipublicae si existimatis, ut utamini ea, tempus est." His dictis Mareschalcus Comitiorum Electionis, Paulus Orzechovius, Pocillator cum Chelmenfis, exquisivit Palatinarum sententias, & cum interrogasset, an Principem Sveciae Sigismundum, Regem Poloniae Magnumque Ducem Lithvaniae esse iuberent, nomine totius Conventus, Archiepiscopo annuente, sub horam diei primam pomeridianam d. 9 Augusti A. 1587, Sigismundum Regem Poloniae & Magnum Lithvaniae Ducem pronunciavit. In eisdem Comitibus dies 17. [aliis 18.] Octobr. Coronationi praefixus, designatique Martinus Lesznowski Castellanus Podlachiae, ac Ioannes Boianowski, qui Electum Principem & Svecia adducerent. Fama hac divulgata, alii, qui a partibus Maximiliani stabant, adversae parti contradixerunt, quod nulla ipsorum ratio:

ratione habita Regem denominaverint: hinc Maximilianum voce Iacobi Voronecii Episcopi Kiiovienſis Regem Poloniae & Magnum Du- cem Lithvaniae die 12. eiſdem Menſis Augu- ſti proclamarunt, & in Templo Bernardinorum in ſuburbio, ſacra faciente Radziwiſſio Cardi- nale, hymnum ſolitum decantarunt. Designati quoque ſunt Legati ad Archiducem Eleſtum, qui Olomucii in Moravia tum degebat, Epi- ſcopus Kiiovieuſis, Ioannes Zborovius Caſtella- nus Gneſnenſis, & Alexander Prunſki. Haec dum fiebant, Zamoſcius per medias adverſari- orum ſtationes, potu ſomnoque graves, ac fla- gris exceptas, ad tutandum Cracoviam eiſque arcem properavit, ubi Palatinus Cracovienſis, & Nicolaus Zebrzydovius arcis praefectus, mo- rabantur. Exeunte Septembri Sigismundus in portum Gedanenſem appulit, iſthic ab Hie- ronymo Rozrazevio Vladislavienſi, & Alberto Baranovio Praemiſlienſi, Episcopis, ſalutatus, praefentibus plurimis aliis Senatoribus. Die prima Octobris in Templo Monasterii Oliven- ſis pacta Conventa iuramento confirmavit, ac Diploma Electionis accepit, inde Cracoviam profeſtus. Deinde d. 8 Octobris in Conven- tu Generali ad Viſliciam in agro Villae Roci- nenſis Eleſtio Sigismundi III. corroborata & confirmata eſt. Interea Maximilianus Craco-

viam expugnare coepit, quam Zamoscius, castris ad Cleopardiam positis, tutabatur, & iam in Suburbii partem, cui Coriariorum frequentia nomen dedit, subrepserat hostis, quem Zamoscius igne iniecto inde summovit, universo suburbio atque in eo Carmelitarum Monasterio in cineres redacto. Maximilianus deinde vires fortunamque suam aperto Marte experiri ausus, in aciem cum Zamoscio descendit, in qua cataphracti eius milites submoti, & reliquae Germanorum copiae, relictis impedimentis & signis compluribus, campo cedere. Post dies aliquot Sigismundus Cracoviam inter solemnia triumphorum ingressus, a Laurentio Goslicio Episcopo Camienieensi, & Ioanne Zamoscio Duce Copiarum, in altera Urbis parte salutus est. Post festivitatem peractam Estonia, Provincia Livoniae contermina, erat materia litis, quam Poloni Regno suo adiicere volebant, ut in conditionibus a Legatis Svecicis promissam; quod cum iidem negarent, controversia ad commodius tempus fuit dilata. Die 27. Decembr. A. 1587. Rex Sigismundus solenniter a Stanislao Karnkovio Archiepiscopo Gnesnensi inauguratus est. Recesserat Maximilianus cum milite armato in Silesiam, quem Zamoscius, suppetiis Transylvanicis adiutus, sequi statuit. Proelium die 25. Ian. An. 1588. ad Byczinam (olim

[olim ob Episcopalem sedem, antequam ea Vra-
tislaviam deferretur, celebre oppidum] ab u-
traque parte instructum, in quo primum dubio
Marte decertatum, mox confusione inter mi-
lites facta, Hungari, quos in exercitu habuit
Maximilianus, fugam circumspicere coeperunt.
Ipse Archidux vitae suae metuens, Byczinam
refugit, qua cum Zamoscium sequi videret, Cas-
duceatorem ad eum misit, monentem, ne Pro-
vinciam & amicitiam Caesareanam violaret, atq;
triduanas inducias Maximiliano permetteret.
Zamoscius haec nihil moratus, Oppidi moenia
machinis bellicis, quas post proelium Archi-
duci eripuerat, qvare coepit, atrocissima quae-
que minans nisi Oppidani sese dederent. Mis-
sis postea Consiliariis, de libertate sua pacisci
ordiebatur Maximilianus, aut, si ea negaretur,
ut Byczinae saltem custodiretur, postulabat;
tandem post multas cunctationes, sponte exo-
untem Archiducem Zamoscius honorifica ora-
tione veneratus, in tentorium suum manu-
xit; atque in Poloniam Krasnostaviam, Lublino
non procul distans Oppidum, deduxit. Capti
tum simul sunt, Voronecius Episcopus Kiiovi-
ensis, mareschalcus Curiae Andreas Zborovius,
Comes de Gorka, Alexander Dux Prunski, &
alii non pauci e Nobilitate Polonica, quos ad
lares dimisit. Zboroviani effracto arcis, in qua

Maximilianus custodiebatur, pariete, noctu il-
lum educere studuere; sed dolum hunc Marci
Sobieſcii Regni Vexilliferi, & custodiae capti
Archiducis Praefecti, vigilantia eluſit. Deinde
interceſſerat Caefar Rudolphus per Hyppoli-
tum Aldrobandinum Pontificis Legatum apud
Regem Sigismundum pro fratre captivo, atque
conditiones Regni Proceribus offerebat, quae
res in Comitia fuit reieſta, ſequenti A. 1589.
Varſaviae habita, in quibus Pontificis Romani,
Imperatoris, aliorumque Principum Legati, di-
miſſionem Archiducis petebant, iniuriarum in-
ter Polonos & Auſtriacos ortarum oblivionem
urgebant, ac antiquorum foederum redintegra-
tionem ſollicitabant. Andreae Zborovio Ma-
reſchalci dignitas in iſdem Comitiiſ ademta,
Stanislao Przyemſcio data; reliquis Polonis Rex
veniam dedit, & Maximilianum e custodia di-
miſit, quem in fines Sileſiae Episcopus Camie-
nienſis Goſlicius, & Nicolaus Zebrzydovius
Praefectus Cracoviienſis, deduxere, & Melchio-
ri Redero Copiarum Caefareanarum Duci tra-
diderunt. Vid MART. BIELSKI *lib. ult.*
Chron. Polon. PAVLVS PIASECIVS Episco-
pus Praemiſlienſis, in *Chronica geſtorum in Eu-
ropa ſingularium ad An. 1587. fol. 64. --- 80.*
*Conſtitutiones Statuta & Privilegia Regni Polo-
niae fol. 399. --- 454.* REINOLD. HEI-
DEN.

DENSTEINIVS *lib. 8. per tot. Rer. Polon. & lib. 9. init. fol. 243. seq.* & IOACH. PASTORIVS *in Flor. Polon. lib. 5. pag. 312. — 316.*

§. XIII. Duodecimi Interregni nullam supra e B. HARTKNOCHIO mentionem fecimus quia fuit paucissimum: minime tamen oleum & operam perdituros nos esse confidemus, si eius initium, progressum & egressum accuratius ex Historia Polonica dabimus. Post mortem Sigismundi III. A. 1632. d. 30. April. Varsaviae mortui, Ioannes Węzyk Archiepiscopus Gnesnensis consiliorum publicorum dirigendorum deliberatione cum praesentibus tum temporis Senatoribus instituta, & de securitate Interregni stabilienda, sub nominis sui titulo publicavit edictum, quo Regis mortem omnibus Regni Ordinibus denunciavit, quod sit non modo ob Iudicia Terrestria, sed & Tribunalitia, quae non solent a litibus dirimendis cessare, donec mors Regis a Primate Regni fuerit denunciata, adeo, ut illo tempore Lublinoense Tribunal in carceres talis mortis denunciatores euraverit detrudendos, & Iudicia sua ad octavum post diem continuaverit, donec mors Regis ab Archiepiscopo fuit significata. Eodem edicto praefixit Primas Regni Convocationi Generali diem 27. eiusdem mensis: locus

designatus Varſavia, ut ibidem Nuntii Terreſtres congregati, de loco & die Electionis novi Regis deliberarent, ſecuritatem interim in confiniis Regni providerent, & mutuam inter ſe concordiam foverent. Praeter omnium ſpem quieta erant omnia, & vani deprehendebantur metus, quos de Guſtavo Adolpho Rege Sveciae, victoricia tum arma in Pomerania, Marchia & Sileſia circumferente, nonnulli ſibi finxerant, Regemque Poloniae nominare volebant. Cum Palatinus Siradienſis Ioannes Baranowski in Conventu Sadzenſi in dicenda ſententia de Rege Sveciae animos Nobilium explorare tentaret, introducto ſermone de libertate Regem externum eligendi, aſperiori reſponſo & fremitu univerſae Nobilitatis exceptus, & prope manibus petitus fuit, niſi prope ex illo Conſeſſu erupiſſet. In Convocatione Generali die ſupra praefinito celebrata, a ſacris cum eſſet factum initium, Nuncii Terreſtres in Conſeſſu ſuo, cum ordo ea vice ad Lithvanos perveniſſet, Mareſchalcum Convocationis Comitiorum, Ducem Chriſtophorum Radziwiłłum, ſupremum militiae Lithvanicae Praeſeſtum, & Reformatae Religionis Confeſſorem, elegerunt. In ſequenti die 28. Iunii conſtitutum fuit, ut ſecuritati publicae, durante Interregno, domi & foris provideretur; ut locus & tem-

& tempus, quo omnes Nobiles ad Electionem novi Regis venirent, assignaretur; ut omnia quae Rempublicam premerent, in Conventu Electionis Generali examinarentur ac abrogarentur. Postea tam ex Senatorio quam Equestri Ordine, consiliis mutuo collatis, plurimae Legum formulae conscribebantur: alii circa invenienda remedia laborarunt, quibus querimoniae Nobilium contra Sacerdotalem Ordinem a multo tempore agitatae componerentur; sed & hae ad futura Electionis Comitia devolvebantur definiendae. Dissidentes in Religione, non contenti veteri forma verborum, post Sigismundum Augustum, Henricum & Stephanum Reges in edictis usitata: Pacem inter Dissidentes de Religione tuebimur, publice praesentarent viginti articulos, ex quibus praecipui erant: 1.) Vt in omnibus Regni Civitatibus aequae Nobilibus ac plebeiis publicum exercitium diversarum Religionum concederetur. 2.) Vt Principum mandata atque Iudicum decreta tali exercitio contraria rescinderentur. 3.) Vt poenae severiores contra violatores libertatis religiosae sancirentur. 4.) Vt ad Magistratus gerendos in Civitatibus Regiis aequae diversarum Religionum Confessores atque Catholici promoverentur. 5.) Vt in Aula Regia certa officia, quae nonnisi aliquis ex Religione Dissidenti-

dentium administrare posset, instituerentur. 6.] Ut haec & alia circa inaugurationem novi Regis lege publica stabilirentur. Quibus omnibus mascule se opponebant non solum Ecclesiastici, sed omnes militares viri, iisque in Aula Archiepiscopi responsum, quod Religio Catholica in Regno Poloniae sit avita, in cuius praedudicium aliae Religiones non possint introduci, nec dilatarı; interim in cuiusque Nobilis proprio fundo securitatem exercitii Religionis liberi esse admittendam. Graeci quoque ritus homines multis querelis obtestabantur, quod a Catholicis opprimerentur, & contra datam fidem possessione aliqua turbarentur. Postea Prussiae Ducis legatio ad Ordines Regni & Equestris Ordinis accessit, quia Elector Brandenburgicus & Regni Fiduciarius Georgius Wilhelmus exposulabat, quod ad Convocationem Generalem non fuerit vocatus, cum tamen ad Consilia Regni ut Civis Reipublicae Poloniae pertineret, hocque ipsum sit expressum a Sigismundo I. in Diplomate Alberto Prussiae Ducis concessio: eadem legatione petebat, ut conditiones feudi seu fiduciae graviores Respublica moderaretur, & lites componeret ratione confinium a Praefectura Draheimensi cum Pomerania Ducali exortas: deinde offerebat Reipublicae operam suam pro tractanda cum Rege Svec

Sveciae Gustavo Adolpho pace. Cui legationi responsum erat: tria priora postulationum puncta ad decisionem futuri Regnantis esse remittenda, attamen pro officio ad tractandam pacem cum Rege Sveciae oblato gratiae actae sunt, & pacificatio temporis commodiori reservata est. Hanc excepit nova legatio a Duce Curlandiae Friderico missa, qua fratris Wilhelmi, ob necem Magni Noldii A. 1617. Mitavii occisi & octo annorum exulis, restitutio in pristinum gradum petebatur; quae etiam circa inaugurationem novi Regis promissa est, in primis quod Fridericus egregiam operam in bello Livonico Reipublicae saepius navasset. Tertia deinde advenerat legatio e castris militum, qui Nuncios suos ad danda suffragia in Electione Regis admitti, & dignam meritorum suorum mercedem efflagitabant; quibus responsum, militibus, dum stipendia Reipublicae merentur, ius suffragii in Electione Regis non esse concessum, sed nec omnino denegandum, si auctoramento militiae solutus Nobilis, ex Palatinatu suo ad Electionem veniret. Cosaci quoque Zaporoviani legatione sua ius suffragii itidem in Electione novi Regis, Religionis Graecae immunitatem, & stipendiorum solutionem postulabant: quibus severius responsum, quod Cosaci ex plebe collecti nullas partes habeant
in com-

in consiliis publicis & Regis Electione, quae soli Senatui & Ordini Equestri competerent; merita tamen ipsorum, ac Religionis Graecae rationem Ordinibus curae futuram, dummodo ipsi in fide Reipublicae & obsequio Praefecti militiae Generalis (qui tunc erat Stanislaus Koniecpolski Palatinus Sendomiriensis) permanerent. Intuper cum Rex defunctus filio suo Ioanni Alberto Episcopatum Cracoviensem post mortem Andreae Lipski, assentientibus Regni Ordinibus, contulisset, & neque ad Pontificem Romanum, neque ad Collegium Cracoviense Cathedrale, hac de re, morte praepeditus, dedisset litteras, deliberatum est, an sede Regia vacante Senatus tales litteras dare posset: ac post multas rationes stetit concors sententia, quod posset, idque postea ab Archiepiscopo factum est, licet alias tempore Interregni Respublica vacantes dignitates distribuere non posset. Hinc sub Interregno post Regem Stephanum cum Episcopatus Luceoriensis vacasset, Senatus ac Ordines eum Bernardo Macieiowski non contulerunt, sed a Rege Electo Sigismundo eidem conferendum petierunt, id quod deinceps factum est. Disceptabatur quoque in Convocatione hac Generali, num Regis defuncti familiae ex aerario publico alendae essent; atque alendas esse censuerunt Ordines. Ma-
reschal-

reschalci itidem jurisdictio sub Interregno circumscripta fuit, hic enim cum crimina omnia, quae in Aula Regis, Conventibus Generalibus, & sub tempus Electionis patrantur, solus iudicare soleat, ab Ordinibus fuit conclusum, ut talia Iudicia Mareschalcus sub Electione denuo juratus tractaret, ac ad ea exercenda Mareschalci Poloniae & Lithvaniae, una cum certo Senatorum & Nobilium numero deputarentur, Archiepiscopo quoque additi sunt Consiliarii ex Senatu, (quos Stanislaus Karnkovius sub discessu Regis Sigismundi in Sveciam adiungi sibi non permisit) ut ils ad Consilia pro negotiis Interregni uteretur. Tandem dies 27. Septembr. futurae Electioni, & locus penes Varsoviam circa villas Wola & Powąski denominatus est. Post haec in singulis Terris Conventus Particulares sunt habiti, in quibus 1.) aeta & placita Convocationis Generalis referebant Nuncii, 2.) Eligebantur Iudices, qui durante Interregno causas, securitatem publicam & privatam attinentes, cognoscerent, & violatores legum divinarum & patriarum, pro gravitate delicti punirent. 3.) Designabantur Quaesitores pro pecuniis publicis colligendis & dispensandis, 4.) Tribuni deligebantur, qui militibus ad defensionem Regni delectis praesent, Atque erat hoc quidem Interregnum
paca-

pacatissimum, nisi quod Iudices dictatoream potestatem usurparent, & milites Regias & Ecclesiasticas possessiones expilarent. Tempore Electionis adveniente, frequens Nobilitas concurrat Varlaviam. Hic Archiepiscopus Gnesnensis sacra fecit in Templo Ioannitico, omnes deinde processerunt ad campum Electoralem, vallo & fossa in speciem castrorum circumductum: postquam tota concio sub tentorio, columnis ligneis subnixo & tabulis recto, confedisset, inde mox Equestris Ordo secessit, ac post aliquot dierum altercationes Mareschalcum Iacobum Sobieski Incisorem Regni elegit, cui adiuncti sunt viri ex utroque Ordine, & utriusque Gentis Mareschalci, qui iterato iurantes Iudicia recte administrare debuerunt. His expeditis, & Ordine Equestri separato, Electionem Regis Ordines volebant tractari, nisi super eis, quae gravabant Rempublicam, prius decerneretur. Primum cum Dissidentibus in Religione acriter contendebatur; qui maiora sacrorum suorum stabilimenta requirebant, quin Catholici suadebant non pauci, nihil ipsis penitus concedendum, sed armis ad officium reducendos, nec haeresim advenam (ita vocabant) precario in Regno Poloniae degentem ab antiquioribus Dominis admittendam esse, imprimis cum quindecim millia armatorum haberent,

Dux

Dux Radziwittius vero Lithvanicae militiae Praefectus, & Raphael Leszczynski Palatinus Belzensis, Dissidentium Antesignani, quinque tantum millia a partibus suis armata numerarent: consensum tandem est, interponente se Vladislao Principe, in formulam securitatis seu liberi Religionis exercitii. Conventu superiori approbatam. Eodem arbitrio & Graecae Religionis hominibus ritus Russicos exercendi indulta est. Male tum habuit Senatores & Equestrem Ordinem, [quamvis Primores quique eidem obviam processerint] quod Vladislaus Varaviae moraretur, unde legem postea sanxerunt, ne ullus Principum Candidatorum Regionum in Electionis loco praesens adesset. Ecclesiastici querelis Nobilium satisfaciunt, responderunt, controversiam ad Sedem Apostolicam, a qua toti dependerent, remittendam esse, ita, ut novus Rex apud illam Sedem Equestri Ordinis postulata huiusmodi promoveret, & quicquid ab illa statueretur, id ratum firmumque foret. Tempus etiam praescriptionum in causis fundi Ecclesiae annorum sexaginta praefiniverunt. De moneta Regni ad iustum valorem reducenda, nullus potuit inveniri modus, durantibus bellis, & vicinis circumquaque viles nummos eudentibus: interim lege publica praecaverunt Ordines, & ius signandae

L

dae

dae pecuniae penes Rempublicam maneret, & futura Comitia de illius qualitate & quantitate rationes inirent. Beneficiorum quoque in bene meritos conferendorum modus praescribi non potuit, cum illa ex aequanimitate & iustitia distribuentis, in Polonia distribuantur iis in primis, qui legationibus ad externos Principes Regis aut Reipublicae nomine perfuncti sunt, qui sunt milites bene emeriti, damnumve in bello passi, qui sunt Aulae Regiae Ministri. In corrigendis Legibus nihil tum temporis praestitum est. His ita peractis, Legationes auditaе sunt, & quidem Regis defuncti quatuor filii, Ioannes Casimirus, Ioannes Albertus, Carolus, Alexander, fratri suo natu maximo Vladislao, Sigismundo in carcere [in quem Ericus frater Ioannis patrem eius cum matre coniecerat] nato, sceptrum Poloniae dari petebant, Ipsorum Legati erant Henricus Firley Episcopus Przemisliensis, Georgius Ostolinski Praefectus Aerarii minor, & Sigismundus Kazanowski, quos Episcopus Vladislaviensis Matthias Lubieniski nomine Senatus cum omnium Procerum turmis militaribus ab Arce ad locum Comitiorum deductos, in coronam introduxit, Principibusque pone levam sellae Archiepiscopalis, eorum vero Legatis inter Mareschalcos locum dedit. Tum silentio facto, Princeps Ioannes Casi-

Casimirus polonica Oratione, quam PAVLVS
PIASECIVS latinam reddidit, ita peroravit:
“Ego ac fratres mei in sinu istius Reipublicae,
communis vobiscum parentis, nati, enutriti, ei-
dem almae nostrae matri non nisi felicissima
quaeque precamur, & pro salute ipsius vitam
nostram devovemus; fratrem quoq; nostrum
Serenissimum Principem Vladislaum, eodem
animo in hanc Rempublicam semper fuisse, ta-
lisque propensionis suae experimenta clara
iam dedisse, nemo inficiabitur atque ideo eum,
quem commoda & incrementa eiusdem Rei-
publicae probe curaturum certo scimus, ad
Regni istius fastigium promoveri desideramus,
hocque ab omnibus vobis Ordinibus expeti-
mus, quibus pro singulari eiusdem Serenissi-
mi fratris nostri in singulos vestrum grata be-
neficaque voluntate, vades obsidesque nosmet-
iplos offerimus. “ Sermonem hunc continua-
vit deinde Episcopus Przemisliensis, & adiecit,
quod quantumvis liberae Polonorum Genti Re-
ges non dominantur, sed praesint; nec nascan-
tur, sed per libera Ordinum suffragia eligantur:
innatum tamen ei semper fuisse talem erga Re-
gium sanguinem observantiam, ut nunquam
prolem superstitem Regiam in eligendo novo
Rege praeteriverit, imo eam semper omnibus
aliis competitoribus praetulerit, Enumeravit

porro merita & gratam memoriam Domus Iagellonicae, ex qua per lineam maternam isti Principes descendunt, Sigismundi patris in Rempublicam recentia amoris signa, ipsiusmet Vladislai Principis magnam liberalitatem & alias laudes, recuperatum item a Moscis per ipsum Ducatum Severiae, & Osmanum Turcarum Imperatorem ad Chocimum repressum recensuit. Vtrique Archiepiscopus Gnesnensis nomine Senatus respondit, Ordinem Senatorium cum Equestri Regis Sigismundi III. inclytæ memoriae gloriosas virtutes toto orbe celeberrimas, & cum primis Serenissimi Principis Vladislai in Rempublicam insignia merita diffiteri non posse, patrium quoque morem colendi Regiam progeniem non ignorare, eumque sequi velle tanto magis, quod parentum virtutes in filiis veneretur, speretque fore, ut illi vestigia illorum imitaturi sint: ceterum cum praescriptus Electionis modus exposcat, ut non nisi collatis suffragiis & unanimi consensu de eligendo Rege Ordines decernant, ista necessario praecedere debere addidit, in eis tamen dignitatis Serenissimi Vladislai, intercessionisque Serenissimorum Principum aequam rationem habendam fore conclusit. Idem responsum tulerunt ab Equestri Ordinis Mareschalco, atque Principes, consurgentibus omnibus, ex consensu in arcem
redu-

reducti sunt. Postero die auditus est Legatus & Nuncius Apostolicus Pontificis Romani Urbani VIII Honoratus Vice Comes, qui Regno Vladislaum commendabat, cui & Archiepiscopus & Mareschalcus Comitiorum responsum dederunt, deliberationem de Regis nominatione non nisi exploratis singulorum voluntatibus expediri solere, curaturos tamen Ordines, ut Regem eligant, qui Apostolicae Sedi placeat. Tertio die audiri debuit Legatus Regis Sveciae Gustavi Adolphi, Steno Bielke, cum Vlrico, Rigenfi quondam Syndico; at quia podagrae morbo correptus erat, in alium diem dilata est legatio.

Interea Ferdinandi II. Imperatoris Germanici Orator Vladislaum Principem, artioris sanguinis vinculo Caesari coniunctissimum, Ordinibus commendavit. Legati deinde Svecici in Senatum ingressi, inter Mareschalcos utriusque gentis confidentes, litteras fidei primum exhibuerunt, in quarum titulo ad Ordines additum fuit: *Respective amicis*, quod animos Ordinum non nihil commovit, mox tamen & sedavit contemptus Svecorum fastus. Porro persvadebant Reipublicae, ut ex Regis Sigismundi filiis Regem non eligerent, nisi prius haereditati Regni Sveciae renunciaret, pacemque aeternam cum regno iniret. Responsum est eis, Rempublicam a pace iusta & honesta

sta non abhorrere, & circa Electionem Regis
 ea, quae ad Regni salutem spectarent, curare
 velle. Cum Brandenburgicis Legatis expositu-
 labatur acrius, Ducique Prussiae exprobrabatur,
 quod Svecum in Borussia adduxerit, eumque
 armis, pecuniis & comitatu iuverit; ideo Le-
 gati ex Circulo Ordinis Equestris exire coacti,
 de iniuria Duci suo illata querebantur, sed res
 intra verba tantum substitit. Gedanensis quo-
 que Civitatis Oratoribus fuit concessum, ut ae-
 que ac Cracovienses & Vilnenses Legati ius suf-
 fragii in Electione Regis haberent. Conditio-
 nes denique per Deputatos utriusque Gentis
 futuro Regnanti conscribebantur, & ab omni-
 bus deinde examinabantur. Quibus fi-
 nitis, in genua procumbentes, hymnum: Veni
 Creator Spiritus! praeunte Archiepiscopo ce-
 cinerunt, eoque decantato, in Palatinatus suos
 discesserunt, solo Primате Regni loco se non
 movente. Cum nullum appareret contraria-
 rum voluntatum vestigium, & ab omnibus Prin-
 cept Sveciae esset electus Vladislaus, Archiepi-
 scopus eundem Poloniae Regem & Magnum
 Ducem Lithvaniae denominavit, quem etiam
 Mareschalci altiori voce promulgarunt. Rex
 Electus, post decantatum Ambrosii & Augusti-
 ni hymnum, ad altare in Templo Ioannis Ba-
 ptistae Varsoviae iuravit, ibidemque Decretum
 Electionis ab Archiepiscopo accepit, & ad Prin-
 cipes

cipes externos, scriptis litteris, susceptum honorem iis significavit. Cracoviae, curato prius patris funere, & comitantibus fratribus, Anno 1633. d. 16. Febr. ab Archiepiscopo Gnesnensi Ioanne Węzyk coronatus est. Vid. PAVLVS PIASECIVS, Episcopus Praemisliensis, in *Chron. gestor. in Europ. singular. ad A. 1632. fol. 520. -- 545.* STANISLAUS KOBIE-RZYCKI Castellanus Gedanensis, postea Palatinus Pomeraniae, in *Histor. Vladisl. Princip. quam XI libris descripsit. Diarium vel Acta Electionis Vladislai IV. in fol. & IOACHIM, PASTORIVS in Flor. Polon. pag. 422. -- 425.*

§. XIV. Post fata Vladislai IV. qui An. XVI. Regni & Aetatis LIII. Mereciae, Oppido Lithvanico d. 15. Maii A. 1648, naturali morbo obiit, Matthias Lubienſki Archiepiscopus Gnesnensis Conventus Terrarum ad diem 25. Iunii indixit, & Ordines Varſaviam ad diem 6. Iulii convocavit, orbaeque & magnis cladibus obrutae Reipublicae vulnera expulſit, qui Ieremiam Wiefniovieciū Ducem bello adversus Coſacos & Tartaros gerendo praefici optaverat, sed praevaluit eorum ſententia, qui Dominicū Ducem Zaſlaviensem, Nicolaū Oſtrorog Pocillatorem Regni, & Alexandrū Konicpolski Regni Vexilliferum, Duces prae-

dicti belli deligebant, eisque Magnates passim & Palatinatus singuli copias splendide instructas submiserant. Discordia tamen Ducum, qui regere omnes quam obsequi malebant, fortunatum belli eventum invertit: exercitus enim Polonus e castris Pilunensibus dilapsus, Zamosciam usque progrediendi viam hostibus aperuit, quae tamen Civitas, & in ea praesidiarii, Cosacorum & Tartarorum hostiles conatus stiterunt. Cum vero rumor, quasi sexaginta millia Tartarorum adventarent, esset divulgatus, Cosaci, qui iam fugam parabant, summa audacia & excursionibus factis, omnes illas Russiae regiones versus Leopolim, Zamosciam, Crasnostavium, Bresciam Lithvaniae, Przemisliam, Iaroslaviamque, caedibus, incendiis, rapinis, praedisque agendis, miserabiliter vastarunt. In praedicta Convocatione Generali munus Mareschalci inter Nuncios Equestris Ordinis obijt Boguslaus Leszczynski, Generalis Maioris Poloniae Praefectus, concordibusque sententiis tempus Electionis novi Regis ad mensem proximum Octobr. indictum fuit, ac eo reiecta controversiarum moderatione inter Status & Religiones, omnibus pace Interregni tunc sancita, aequaliter gaudere permittebatur. In primis de motibus belli in Russia exortis, illorumque compositione, multa agitabantur consilia. Prohibe-

hibebantur quæque Duces exercituum, neminem ad locum Electionis ducerent. Inter tanta Reipublicæ discrimina, Electio etiam ipsa non caruit difficultate, cum ut nihil non in Regno turbaret discordia, fratres etiam Regios commisisset. Duo ex Sigismundi III. filiis suæ pererant, (nam Vladislaus ex prioræ uxore Anna Caroli Austriæ Archiducis filia natus, mortuus iam erat; Ioannes Albertus Romanæ Ecclesiæ Cardinalis Paduæ A. 1634. anno ætatis 21. & Alexander Carolus A. 1635. ex altera uxore Constantia prioris sorore geniti obierunt) Ioannes Casimirus & Carolus Ferdinandus Episcopus Ploensis & deinde Vratislaviensis A. 1655. mortuus; uterque magnis suorum studiis suffultus suspensam tenebat Rempublicam. Ioannes tamen Casimirus, fratre Carolo ultro cedente, sceptrum in Comitibus Electionis A. 1648. obtinuit. Natus ille erat A. 1609. d. 22. Martii, in iuventute sua belliperitia exercitatus, & castra Martis sequutus, cum A. 1638. Genuam iret, indeque in Hispaniam transfretaret, & Marsiliam præternavigando, in littus Gallicum ad refocillandum a tædio & aestu marino debilitatas vires descendisset, d. 9. Maii a Praefecto arcis maritimæ Tur de Buc dictæ cum Comitatu suo fuit detentus, abductusque ad Arcem Salona, & deinde

Citheronem, ubi sub custodiis arctioribus, quibus ipsemet stipendia solvere cogebatur, prope biennio haesit. Galli obiciebant, quod militaverit Imperatori Ferdinando II. in Germania contra Regem Galliae Ludovicum XIII. & quod nuper irruptio Polonorum in Picardiam facta sit. Intercedebat quidem pro dimissione Ioannis Casimiri ipse Pontifex Romanus Urbanus VIII. & ipse Rex Vladislaus IV. frater, sed intercessionibus sine fructu abierunt, donec in Galliam missus Legatus Christophorus Gasiowski Palatinus Smolenscensis eum in Poloniam A. 1640. reduxit, praestita nomine Regis & Ordinum Regni Poloniae cautione, de iniuria hac Ioanni Casimiro illata nullo modo vindicanda. Idem Casimirus A. 1643. sub finem Septembr. Loretum in Italia, & inde Romam profectus, vitam monasticam, inconsulto fratre Vladislao & ideo exacerbato, in regula Societatis Iesu amplexus est, biennioque probationis finito, cum perseverantiam in illo statu profiteri vellet, Innocentius X. Papa non permisit, sed eum Cardinalem Romanae Ecclesiae renunciavit. E Cardinalatu Poloni atque Lithvani Ioannem Casimirum elegerunt Regem Poloniae & Magnum Ducem Lithvaniae, qui a Matthia Lubienki A. 1649. d. 17. Ianuarii Cracoviae coronatus est, ducta d. 4. Martii fratris sui

Vladislaus
Caroli
icis filia
icarum
lai & Io
successiv
duo pra
n. Inf
1668.
sibus D
bro inv
ginti ser
te, acce
illium fl
alliam di
n A. 16
AVLVS
singula
HWAE
vbl. Reg
CH. PA
ig. 489.
HIVS
cap. 1.
fol.
§. 1
egnum
irus Re

sui Vladislai uxore Maria Louyta seu Ludovica, Caroli Niverniae Mantuae ac Montisferrati Ducis filia, adeo ut inter singularia rerum polonicarum recenseri mereatur, quod parens Vladislai & Ioannis Casimiri, Sigismundus III. duas successive habuerit in matrimonio sorores, & duo praedicti eius filii unam duxerint uxorem. Infinitis propemodum bellis implicitus, A. 1668. d. 16. Septembr. in Comitibus Varsoviensibus Diplomata Electionis & Coronationis rubro involuta serico, Reipublicae. a qua ante viginti fere annos acceperat, reddidit, Regnoque, accepta annuatim centum quinquaginta millium florenorum provisione, valedixit, & in Galliam discessit, ubi animam intra quadriennium A. 1672. d. 16. Decembr. exhalavit. Conf. PAVLVS PIASECIVS *Chron. gestor. in Europa singular* fol. 606. 607. NICOLAUS DE CHWAŁKOWO CHWAŁKOWSKI *in Iur. Publ. Regn. Polon. lib. 1. cap. 3. num. 4.* IOACH. PASTORIVS *in Flor. Polon. lib. 4. pag. 489. seqq.* CHRISTOPH. HARTKNOCHIVS *in Republ. Polon. lib. 1. cap. 2. & lib. 2. cap. 1. Diarium seu Acta Electionis Casimiri in fol.*

§. XV. Decimum quartum vidit Interregnum Respublica Polona, quando Io. Casimirus Regni fasces deposuit. Illo autem tempore,

pore, cum in Poloniam Cosaci, Mosci, Tartari, Sveci, Brandenburg-Marchici, Transylvani, totis viribus incumberent, ipse Rex Anno 1668, abdicavit se Regno, atque a Prazmowio Archiepiscopo Gnesnensi itemque Republica conclusum est, ut per Constitutionem sub titulo Abdicationis, omnes Actus abdicatorii Ioannis Casimiri Legum volumini infererentur. Ipse Ioannes Casimirus in Reverfalibus, post abdicationem Reipublicae datis, promisit, se remotius ab actu & loco Electionis, durante eodem, mansurum. Confoederatio Generalis deinde sequuta, simulque Electioni Regis novi dies 2. Maii A. 1669, praefixus. Candidati tum erant in hac Electione ex indigenis Ioannes Comes de Odrowaz Pieniazek Capitaneus Oswiecimensis, qui 610. pro se habuit calculos: Felix Potocki Subdapifer Regni, deinde Palatinus Siradiensis, pro quo 881, vota militabant: habuit etiam illo tempore pro se aliquot suffragia Illustrissimus & Celsissimus Princeps Boguslaus Radziwitt Dux Birsarum Dubinkerum, Stutiae & Copiliae &c. Electus vero tunc est Rex incola Serenissimus Michael Coributhus Dux in Wiefniowiec, a Iagello-nica familia ultimus. Rationes, quas AN-DREAS OLSZOWSKI in *Censura Candidatorum*. A. 1669. edita, pro Rege eligendo incola protu-

protulit, erant sequentes. 1.) Deus ipse Iudaeis mandavit Deuter. XVII, 15. non poteris alterius gentis hominem facere Regem, qui sit frater tuus. 2.) Bruta quoque a dispare non reguntur. 3.) Indicium est nimis abiectorum ingeniorum, non admittere e gente sua eum, qui regere possit. 4.) In Germania incola eligitur Imperator, neque in aliis Regnis alius mos. 5.) Piaustus morum Polonicorum maxime gnarus est. 6.) Indigenae certior fides est, quam alienigenae. 7.) Exteri a Magistratibus & dignitatibus excluduntur in Polonia, quidni etiam a Regno. Vid. B. HARTKNOCHIVS in *Republ. Polon lib. 2. cap. 1. num. 14. & Diarium Europaeum continuat. 19. pag. 254. seq.* In Comitibus Electionis praedicto die & mense more solito inchoatis, magno negotio vix tertio Idus Maii Mareschalcus Equestris Ordinis electus est, Lithvanis maxime adversantibus, quod a Ioanne Casimiro campiductus ralis clava Michaeli Radziwiltio Pro-Cancellario Magni Ducatus Lithvaniae contra vota Paecanae Domus fuerit collata, vincentibus tamen suffragiis Felix Potocki Subdapifer Regni in Mareschalcum electus est. Integra posthac hebdomas inter concertationes de iuramento a ceteris Equitibus praestando elapsa est, tandemque tertio Calendas Maii, qui in diem Saturni

turni inciderat, post redditam Senatoribus, seu ut vulgo vocant starszym Bratom, senioribus fratribus, ab Equestri Ordine more Mareschalcici sui salutationem, reliqui Senatores & Equites, qui in Convocatione Generali Regni non iurarunt, iuramentum praestiterunt coram Deputatis tam ex Senatoris Ordine ab Archiepiscopo Gnesnensi, quam ex Equestri Ordine a Mareschalco assignatis. CASIMIRVS ZAWACKI, Capitaneus Pucensis, & deinde Castellanus Elbingensis, *in gloria Orbi Sarmatico consensu monstrata, seu in Actis diurnis Electoralis campi huius Interregni*, refert, multos vidisse, quod 4. Calendas Maii imago Virginis Mariae, quae ante portam Cathedralis Templi Varfaviensis affixa erat, flevit. Idem quoque AVCTOR *loc. cit.* narrat, quod, dum aedificaretur Szopa, columba nivea per duas hebdomadas volitaverit, dictaeque structurae mane & vesperi insederit, nec ullo fabrorum lignariorum strepitu vel clamore hominum & bombardarum disputatione abigi potuerit opere vero perfecto amplius non comparuerit. Quinto Calendas Maii in tentorio Equestris Ordo salutavit Senatorium, audivitque litteras Magni Turcarum Caesaris, item Magni Ducis Moscorum, & Magni Tartarorum Chan, quatuor fere horarum spatio lectas. Sexto Calendas Maii
ad Ca-

ad Capturalia Iudicia ab Archiepiscopo tres Senatores Castellani, & ab Equestri Ordine quatuor, ex singulis gentibus deputati sunt. Lites deinde inter Warziczium Castellatum Cracovienlem, & Oborscium Castellatum Varfaviensem ortae, a Iudiciis Capturalibus indicatae & compositae sunt. Disputatum porro est, an Oratores exterorum Principum prius essent audiendae? an vero exorbitantiae Regni decidendae? Posterior autem sententia ex egregia Zarembae Iudicis Sendomiriensis oratione stetit, publice profitentis, Electionem Principis, non sublatis exorbitantiis, esse auctoramentum servitutis. Die 28. Maii lectus a Mareschalco conceptus cassationis Decreti in Lubomirscium adhuc a Ioanne Casimiro ;lati, rogatusque Archiepiscopus, ut ex Senatu deputaret nonnullos, quemadmodum iam a Mareschalco Equestri ex singulis Palatinatibus bini, & ex singulis Terris singuli Deputati erant, qui exorbitantiis Reipublicae mederentur. Missi intuper ab Equestri Ordine Oratores, Nicolaus Penkoslavius, Alexander Zkrzycki Succamerarius Califfensis, & Ioannes Pienazek Capitaneus Oswecimensis, qui a Primate Regni exquirerent, verane essent, quae fama vulgaverat, quod d. 25. Maii cum duodecim Senatoribus secretum Consilium habuerit, Regemque inconsulta Nobilitate

bilitate iam elegerit; quod cum vana haec omnia esse responsum esset ab Archiepiscopo, conticuit motus. Oborscius vero indignationem multorum sensit, quam publice deprecabatur, ac si Condeum & Neoburgum ad fasces Regni promotorum cuperet. Die sequenti Archiepiscopus quaternos Senatores ex singulis gentibus elegit, qui exorbitantias Regni hora septima matutina in Arce Varsaviensi tractarent, & ad Rotae Consilium hora secunda pomeridiana venirent. Die 30. Maii conclusum est, ut Camenecia Podoliae, Lubovia Bresciae, & Arx Cracoviensis fortius communirentur, sumtibusque publicis praesidiarii milites locis his munitis imponerentur. Secundo Nonas Iunii Mareschalcus Equestris ob adversam valetudinem scipionem ex consensu Equestris Ordinis commisit Capitaneo Spissiensis, qui statim ab eodem Ordine petiit, ut Nuncio Summi Pontificis audientia concederetur, quae sequentis diei hora secunda pomeridiana contigit, postquam sex Palatini & duo Episcopi in occursum ire iussi Legato Apostolico. Huic Rotam ingressio, locus inter Archiepiscopum & Cuiavensem Episcopum dabatur, cuius litteras a Pontifice productas Referendarius Regni spiritualis in Senatu, & Mareschalcus in Equestri Rota legit, quibus unio animorum volebatur, & ut

& ut Princeps concordibus suffragiis Orthodoxae Religionis haeres eligeretur: infimul ut Electio feliciter orbi Christiano cederet, Apostolica benedictio liberaliter conferebatur. Die 5. Iunii Succamerarius Posnaniensis publice legit scriptum, quo praecavebatur in posterum abdicationi Regis Poloniae, conclusumque est, ut ipsum id iuramento Principum singulariter infereretur. Die 6. Iunii Equestris Ordo petiit a Senatorio exclusionem Principis Condei, in quem voluntates Archiepiscopi ipsius, Wydrgae Episcopi Varmiensis, Potocci Palatini Kiioviensis, Gnińscii Palatini Culmensis, Bąkovii Palatini Pomeraniae, & Sobiescii Regni Mareschalci, propendebant. Exclusio tandem facta est, & de Legato Caesaris Leopoldi excipiendo actum, qui d. 7. Iunii octoginta octo vexilla Polonorum & Lithvanorum a latere habuit, admissusque in Rotam, medius inter Mareschalcum Regni & Equestris Ordinis, consedit, a Maestrate tamen Caesarea literas ad Rempublicam non dedit, quod in iis titulus *Serenissimae* fuerit omissus, pauca itaque [verba praefatus instructionem legit, qua Caesar 1.) Concordiam eligendi Regem precabatur Polonis. 2.) Amicitiam Domus Austriacae cum Regno Poloniae commendabat. 3.) Pro Philippo Wilhelmo Palatino Rheni, Principe Neoburgico, ut in Regem eligeretur, instabat, laudans eius in fide Catholica constan-

tiam, aetatis maturitatem, corporis mentisque regimen. Die 2. Iunii seu vigilia Pentecostali Legato Gallico ingrediendi in Rotam potestas, sentaque sua exponendi concessa est, qui vel ob adversam valetudinem, vel ob indignationem exclusi a Regno Principis Condei, non comparuit. FERIA prima Pentecostalis cum esset sacris solennibus destinata, nocte tamen Varaviae tertia fere pars igne periit. FERIA secunda seu d. 10. Iunii Legatus Regis Galliae respondit, se iam amplius nullis indigere Reipublicae Poloniae favoribus. FERIA tertia sive d. 11. Iunii Legati Svecici sperabatur adventus, sed quia is partim scripserat, se in excipienda legatione, nulli in orbe Principum cessurum esse loco, partim se excusaverat, quod nondum omnia, quae proponere deberet, a Clementissimo Rege suo Carolo Gustavo haberet, ideo Legatus Ducis Prussiae de Overbek auditus est, qui sero nimis die Ducem Neoburgicum Reipublicae commendavit. Die 12. Iunii tres Legati sunt auditi. Primus, Ducis Neoburgici, qui Principem suum votis omnium Christianorum, & iudicio ipsius Vladislai IV. Regis Poloniae p. m. insignem commendavit, nimisque promissis favorem Reipublicae ipsi conciliavit. Secundus Ducis Curlandiae, Putkamer, qui nonnullas iniurias conquestus, fidem promissorum Duci suo a Re-

a Republica exsolvi petiit. Tercius Magni Tartarorum Chan, cui a latere dextro in terra prostratus erat tapes, verum ille absentiam Regis causatus, rogavit saltem, quae ei tapete connecta data est, qui verso in hanc & illam partem corpore confedit, per Interpretem amice Rempublicam a Principe suo Chan Soltan Galga salutavit, pactorum Godhagecenium & amicitiae cum Polonis perennitatem animitus vovit, illamque vicissim expetiit, tum surgens de sella recto capite, ducente eum Interprete ad Archiepiscopum progressus, literas ei tradidit, inde ad Mareschalcum Rotae Equestris deductus, redditis literis in sella confedit, pluraque se ad Rempublicam habere mandata dixit; quae omnia in commodiorem occasionem delata sunt. Interea a Rege Magnae Britanniae lectae litterae, quae Rempublicam ad eligendum Principem Neoburgicum invitabant: titulus Regis Angliae *Fidei Defensor* nonnihil offendit nonnullorum animos. Postea Legati Principis Lotharingiae advenerant, qui exhibitis ad Senatorium Equestremque Ordinem literis, pro Principe suo perorabant. Omnibus vero Legatis ab Archiepiscopo & Mareschalco hoc fere responsum datum erat: Polonos Regem electuros, quem ipsis fata coelumque destinaverint. Die 13. Ianii omnia tumultu permixta erant, adeo ut

plerique suppellectiles suas & res pretiosas in Templis, cellas muratas, aut abdita locorum recondiderunt. Declaratum quoque est, prolongationem Comitiorum ad diem Veneris & Saturni, vel diem Lunae & Martis, nec longius extendendam esse. Legato Regis Sveciae in diem Solis post meridiem concessus est in Rotam Equestrem ingressus. Die 14. Iunii tractatae sunt exorbitantiae in Arce, locus quoque Nuntiis Terrarum Prussiae a Mareschalco inter Ploccensem & Lanciciensem Palatinatus assignatus est, cum veteri sede a Sendomiriensis Nobilitatis multitudine foras pridie moti essent. Die 15. iterum de exorbitantiis actum est, decisarumque Catalogus a Succameratio Calisienti sub vesperam lectus. Die 16. Legatus Sveciae Comitum Palatinum Rheni Reipublicae commendavit Regem. Die 17. pauci Senatores in Rotam mane erant, ideoque consilia ad horam secundam pomeridianam prolongata; cumque fere universi praesentes essent, praeter Archiepiscopum, qui cum adversa conflictabatur valetudine, voluerunt nonnulli Comitia protrahere, quod nondum omnes exorbitantiae expeditae essent; interea cohortes militares propius vallum properabant, explosis aliquot bombardis. Et quamvis Episcopus Cuiaviensis Casimirus Florianus Dux, in Klevan Czartoryski cum

cum Mareſchalco Regni turbas has compeſcere ſtuderet, nihil tamen effecit, cum quidam e Palatinatu Ravenſi alta voce clamaret: *In vos, Sacerdotes, haec arma parari & explodi!* & ille ad vindictam inquireretur, tum demum milites furere inceperunt, ut Senatores Equiteſque ſuis ſedibus prorumperent, & ad portas ruerent, in primis Gembicius Episcopuſ Plocenſis, Leſzczyński Palatinuſ Lancienſis, Zugotiuſ Palatinuſ Inoclavienſis, Grzymalkoviuſ Caſtellanuſ Poſnanienſis, & Zkrzynſki Caſtellanuſ Breſtenſis; ſed tamen cum ſumma ignominia repulſi, brevioraque ſclopeta in pectora eorum vibrata. Bini inſuper in vallo occiſi, tertiuſ per manum globo traiectuſ eſt ſine periculo vitae. Sero tandem tumultuſ hoſ Mareſchalci compoſuere, Senatuſque ad ſedes ſuas rediit. Die 18. Iunii in Arce Senatuſ Conſiliuſ congregatuſ definiſcit, ut Palatinuſ per Deputatoſ e medio ſui Electionem novi Regiſ maturaret. Moduſ quoque eligendi Regem praefcriptuſ, ut priuſ jeiunio & ſupplicibuſ deprecationibuſ coeleſte Numen in omnibuſ templiſ placaretur, deinde nomina duorum Candidatorum duabuſ ſchedu- liſ inſcriberentur, ſacro calici inferendiſ, quarum alterutra a triennali puero exempta, cuſ nomen prae ſe ferret, iſ Rex Poloniſ regnaret. Haec dum aguntur, & Leſzczyński de iniuria ſibi

aliisque a cohorte militari illata conqueritur, Dembicius Vexillifer Sendomiriensis negotio huic supervenit, dictitans, poenitere iam facti fratres, & ut poenitentiam testarentur, se in posterum modestis usuros esse, neque universos Reipublicae consiliis interfuturos, nisi per Deputatos. Gratum hoc erat Archiepiscopo nuntium, rogavitque Senatores, ut eorum quisque fratribus perliceret suis, ne armati ad Rotam venirent, omnemque securitatem Reipublicae eriperent. Trecenti mox Nobiles aderant tum Mareschalcus officium deponere voluit, sed a Vexillifero Sendomiriensi confirmatus, inventumque medium est, ut Nobilitas armata iusto spatio a Rota abesset. Praeterea concordia communi firmatum, ut postera die nullae aliae tractarentur materiae, quam compositio pactorum Conventorum, & novi Regis per suffragia Electio. Die 19 Iunii (erat dies Mercurii) circa decimam horam Mareschalcus Equestris in frequenti quamvis Senatu sessionem incepit, asserens, nullas alias materias admitendas, praeter solam nominationem Principis, properabatque ad lectionem pactorum Conventorum. Invertere propositum hoc plurimi laborabant, partim quod Confoederationis Leges actum Electionis non admitterent, nisi prius exorbitantiae sublatae fuerint, partim quod in-

fre.

frequens in tentorio fuerit Senatus. Ille ad Archiepiscopum nuntios misit, qui ad suffragia colligenda & nominationem Regis eum invitarent, his referentibus, Reverendissimum Principem ob adversam valetudinem non posse publicis adesse consiliis, Episcopus Posnaniensis in absentia Cuiaviensis & Cracoviensis Episcoporum, flexis genibus & ceteris ad eandem reverentiam divini cultus invitatis, devoto pectore & lachrymis madente: Veni Sancte Spiritus! alta voce oravit, deinde cruce signatos universos cum divina benedictione ad suos dimisit Palatinatus. Advolantibus postea undique Nunciis, unus et viginti Palatinatus, excluso Principe Neoburgico, in Electionem Piaſki assensere. Stetit tum Reipublicae facies maxime opera & ope Episcopi Culmensis & Pro-Cancellarii Regni Olszowski, qui tumultus intestinos sedavit, pacatamque reddidit Rempublicam. Nuncii Magni Ducatus Lithvaniae protrahere adhuc Electionem conabantur, nec vota sua in Michaellem Coributhum conferebant, quod arduum ipsis videretur, parere pari; sed ab Episcopis Cuiaviensi & Culmensi, aliisque, debita veneratione excepti, in Rotam deducti, anxieque rogati sunt, ut a libere electo ab Ordinibus Regni Rege dissentire nollent. Populus morae impatiens, & supra modum novi Regis

avidus, infinitis clamoribus nominationem eius urgebat. Tum Episcopus Cuiaviensis disservit, nolle se quidquam auctoritatis in praeiudicium Archiepiscopi usurpare, ceterum in absentia eius pariturum Reipublicae desiderio, ac in primis patriae gratulari, quod Polonis regnaturus sit Rex Polonus. Mareschalci tunc absentis vices gener ipsius Capitaneus Spissiensis obibat, non dissimilia a sermone Episcopi loquutus, iubebat declarationes Palatinatum proferri, iamque extrema peragebantur, cum Archiepiscopus advenit, & expeditis omnibus, pro more ter interrogavit, an consensus omnium esset nominandi Regem? tandem cum summa omnium gratulatione nominavit Principem electum, Michaellem Coributhum, Regem Poloniae & Magnum Ducem Lithvaniae, iussitque ad tres portas valli exclamare: Io triumphe! Vivat Rex! tum in genua procumbens, Te Deum laudamus! concinuit omnis populus, tormenta cum sclopetis usque ad horam sextam sequentis diei matutinam exonerata. Ipse novus Rex a Primate ad rotam invitatus, atque in Arcem deductus, multis Senatorum ibidem cum praestolantibus. Die 20. Iunii, Festo Corporis Christi celebrando interfuit Rex, atque inter tubarum concentus, tympanorum strepitus, fulgentia signa & late expansa ve-

sa vexilla, extra moenia Civitatis progressus, in-
fecto capite singulis Palatinatibus eorumque
Ducibus pro electione sui in Regem gratias e-
git. Die 21. Junii Illustrissimus Primas deno-
minavit ex Senatu tres Episcopos, totidem Pa-
latinos & Castellanos singulos ex gentibus, Ma-
reschalcus vero Equestris binos ex singulis Pa-
latinatibus, & singulos ex Terris, qui exorbi-
tancias expedirent, & pacta conventa conscri-
berent. Sequenti die 22. pars Deputatorum
in Senatorio conclavi ad exorbitancias collen-
das remansit, pars ad Reginale palatium perre-
xit, ad compositionem pactorum Convento-
rum. Reverendissimus Episcopus Cuiaviensis
deinde cum reliquis a Rege novo missus Ora-
tor differuit, Serenissimum Regem Michaelen
nullos Reipublicae offerre milliones, omnia ta-
men daturum, si pacem dederit. Die 23. Ses-
sio a Deputatis ad pacta Conventa scribenda in-
choata est. Die 24. vacantiae in Arce distri-
buae, iuraque indigenatus Terrarum Prussiae
a Regnicolis strenue oppugnata, sed a Prussis
egregie propugnata sunt. Die 25. solennitas
Corporis Christi consilia publica nonnihil sus-
flaminavit. Die 26. Senatores & Equites ad
Rotam frequentes venire, inter alia de provi-
sione Ioannis Casimiri acturi. Die 27. Zamo-
scius protestatione solenniter facta contra to-

tum Electionis actum, contra pactorum Conventorum definitionem, & praestandum super ea Electi Regis iuramentum, e Rota erumpens discessit. Die 28 Iunii pacta Conventa scribebantur, exorbitantiae vero ad Comitum Coronationis differebantur. Die 29. tempus novi Regis coronandi in diem 29. Septembr. Cracoviae indictum, & a Mareschalco Equestris Ordinis rota iuramenti Electo Regi exhibenda, super quam postero die iuraret, praesentata est. Postea Mareschalcus scipionem deponens gratias egit Nobilitati, pro beneficio liberaliter in se collato, cui vicissim pro ingenti labore & exantlatis pro Republica curis, pari officiorum testificatione Equestris Ordo gratias egit. Die 30. Rex electus in Templum progressus est, in quo ad magnum Altare Archiepiscopus sacrum celebravit quo finito, in gradibus Altaris Evangelium manibus tenuit, super quo Rex iureiurando pacta conventa confirmavit. Tum nomine Senatus Archiepiscopus, & nomine Nobilitatis Mareschalcus Equestris dignitatem Regiam Regi gratulati sunt, quibus nomine Regis Palatinus Culmensis Gninski respondit. Transactis Ceremoniis Mareschalcus Forenfis clara voce publicavit: Polonos iam iustum Regem habere. Qui deinde Cracoviae in Cathedrali Aede D. Stanislai A. C. 1669. Festo Michaelis

Michaelis ab Archiepiscopo coronatus est. Vid. *Censura Candidatorum An. 1669. edita. Diarium Europaeum continuat. 19. CASIM. ZAWACKI in gloria orbi Sarmatico consensu monstrata. Varfav 1670. in lucem emissa. IOACH. PASTORIVS in diademate gloriae. NICOL. CHWAŁKOWSKI in Iur. Publ. Polon. lib. 1. cap. 3. num. 30. seq. item, Diarium Electionis Michaelis in fol.*

§. XVI. De decimo quinto Interregno, citius, quam putarant Poloni, cogitandum erat. Nam Michaele Coributho, Duce in Wiewiecz, qui a Duce Coributho, fratre Vladislai Jagellonis genus duxerat, Leopoli Anno 1673. d. 31. Octobr. sanguinis profluvio (de quo vid. § II. Cap. I.) extinto, postquam Respublica motibus civilibus esset concussa, Camenecia, non tam arte quam natura munitissimum Poloniae castellum, a Turcis expugnata, & a Ioanne Sobieski, tum Regni Mareschalco & supremo exercitus Polonici Duce, victoria a Tartaris ad Chocimum paullo ante obitum Michaelis reportata, Casimirus Florianus Dux in Klewan Czartoryski, Episcopus ante Vladislavienensis & Pomeraniae, tum Gnesnensis Archiepiscopus nominatus, sed nondum a Pontifice Maximo confirmatus, Interregis munia exercuit, subque eo titulo Univerſales (sic vocantur

litte-

literas publicas) mortem Regis denunciantes, futuraeque Convocationis tempus praefinientes, ad singulos Palatinatus & Terras e Cancellaria sua dedit. Alias cum ipse Archiepiscopus in Regno est, hac praerogativa eminet, ut Mareschaleum habeat eo ex Ordine, in quo ipse est, nimirum Senatorio, quippe unus ex Castellanis currum illius eques antecedit. Interrex in Convocatione Generali in An. 1674. mensem Ianuarium indicta, cum Senatoribus, & Mareschalcus Equestris cum Nunciis Terrestribus Eleonoram Mariam, Ferdinandi III. Imperatoris filiam, & Michaelis Regis Viduam, inviserant, dolorem suum super obitu Regis praemature testaturi. Regina sub Wranisko confederat, in solio, sed accedentibus Senatoribus assurrexit, orationesque ipsorum audivit, quibus Reginae Cancellarius respondit. Iudicia insuper per Mareschalcum in prima statim sessione proclamabantur, de quibus tamen Nuncii Terrestris conquerebantur, quod haec proclamatio sit facta sine consensu Equestris Ordinis, & quod hoc in praeiudicium Capturalium Iudiciorum factum sit. Mareschalcis quoque solita iurisdictio usque ad Electionem concessa est, ut patet ex Confoederatione in Convocatione Generali sancita fol. 20. Mareschalcorum eum temporis iusiurandum tale fuit: "Ego N. iuro

iuro DEO Omnipotenti quod iuste sine ullo⁶⁶
personarum respectu, iuxta iuramentum in⁶⁶
officio Mareschalci, Regi Regnoque praesti-⁶⁶
tum, iudicabo, nullas causas ad iudicium hoc⁶⁶
pertinentes dolose agam, consilia & praecau-⁶⁶
tiones non suppeditabo, secreta quoque iudi-⁶⁶
cii praesentis non revelabo, sic me DEus ad-⁶⁶
iuvet & sancta Crux Christi. " Die 15. Janu-
arii per Nuncios suos postulaverat Prussia, ut
etiam e Prussis, recurrente ad illos ordine, Ma-
reschalcus eligeretur; sed nihil tamen obtinuit.
Praeterea hic ordo constitutus erat, ut In-
terrex negotia Reipublicae cum adiunctis sibi
Deputatis, inter quos sex Episcopi, septende-
cim Palatini & Castellani, omnes fere Ordinis
Senatorii Officiales, & duodecim Equites ex
Minori Maiorique Polonia & ex Magno Duca-
tu Lithvaniae fuerunt, tractaret, graviora vero
negotia & ad animam Reipublicae pertinentia
cum omnibus Ordinibus in Comitibus Electionis
demum trutinaret ac definiret. Iuramentum
horum Senatorum ex utroque Ordine Deputa-
torum verbis polonicis conceptum, latino sic
sonat idiomate: " Ego N. iuro DEO Omni-⁶⁶
potenti, quia iuste secundum DEum, ius seri-⁶⁶
ptum, aequitatem, & controversiae statum iudi-⁶⁶
cabo, recognitionemque assumam, nullum re-⁶⁶
spectum divitis vel pauperis, amici vel inimi-⁶⁶
ci, in-

“ci, indigenae vel alienigenae habiturus, ne-
“que amicitiam, largitionem & minas curatus
“rus, sed in Iudicio praesenti DEum ipsum,
“ius scriptum, aequitatem, & controversiae sta-
“tum, recognitionemque sequuturus ero, & in
“omnibus conscientiae meae dictamen attentu-
“rus, aliasque actiones ad me facientes secun-
“dum facultatem meam expediturus, nullius
“insuper causam dolose & fraudulenter agita-
“bo, neque praecautiones & consilia submini-
“strabo, neque dona accipiam. Et quia non
“studebam, ut ad Iudicia haec eligerer, neque
“secreta Iudiciorum horum ulli revelabo, ita
“me DEus adiuvet & sancta Crux Christi.” Se-
renissimae Reginae post fata mariti desideratis-
simi ducenta & viginti florenorum millia in
eadem Convocatione Generali promissa, & de-
novo per pacta Conventa asscurata sunt, non
computando in eadem summam donum nupti-
ale annuum ex salisfodinis Cracoviensibus sol-
vendum scilicet duo millia Vagarricalium, quae
eidem iuxta Constitutum A. 1670. compete-
bant. Praeterea conclusum, ut Residentiam
suam pro lubitu in quovis loco, excepta Cra-
covia, constitueret, quae sedem sibi hic Tho-
runii fixerat. Plurimi quoque tum in exclu-
sionem Piaisti consenserant, inprimis Lithvani
summis viribus allaborabant, ut Incola a Regno
lege

lege publica excluderetur: eorum ratio fuit, quod acerbum sit, sibi aequalem subito ad hoc fastigium electum Dominum suum appellare, ex quo turbæ & bella intestina oriri soleant. Ne verò contraria pars obiiceret, rem hanc esse novam, allegarunt locum cuiusdam *Historici Polonici*, qui de Interregno quodam dixit: "Exclusis Piastis dictæ sunt pro exteris sententiae." Sed hoc consilium in primis Comitibus Electionis acriter impugnatum est, quando rationes quas ex §. nostr. 6. C. I. petimus, afferebantur, ne lex de excludendo Piasto cuderetur.

1.) Dedecus summum esset apud dexterarum gentes, non esse inter gentem Polonam vel Lithvanam idoneum ad sceptrum virum. 2.) Exteri sibi ius aliquod in Regnum Poloniae prætenderent. 3.) Coarctatio esset liberae vocis in Electione, si ad externos tantum restringeretur. 4.) Iniuria inferretur manibus Serenissimi Michaelis, cuius gratia lex illa de exclusionem Piastæ lata esse videbatur. 5.) Consensisse quidem quosdam in exclusionem Piastæ, sed non omnes. 6.] Sacras litteras dicere: Non eliges nisi indigenam. 7.] Dicerent exteri, Polonicam gentem ad servitutem natam parere scire, imperare nescire. Ea quæ in Confoederatione Generali fuere sancita, & in Curia Varlavienfi feria sexta ante Festum Vitæ

& Mo-

& Modesti Sanctorum Martyrum proxima A. 1674. ad inscribendum (ad ingrossandum) oblata, possant in primis ad sequentia capita reduci, ut Confoederatio ex Volumine Legum A. 1587. reassumeretur, in qua in securitatem sequutaræ Electionis conclusum, ut 1.) Cohortes equestres vel pedestres cuiuscunque nationis una cum bellicis machinis ad tria millia Varavia abessent; transgressores vero talis legis Regni & Magni Ducatus Lithvaniae Instigatores ad iudicium Capturale citarent, convictosque poena exclusionis ab omni Electionis actu afficerent. 2.) Vt peregrini extra locum Consiliis publici procul abessent, nec Varaviae morarentur: exterorum vero Principum Legati in locis a Mareschalco Regni assignatis subsisterent. 3.) Vt nullus auderet ad campum Electorum instructus armis gravioribus, nisi scutis, accedere, qui id faceret, ducentis marcis & incarcerationis sex hebdomadarum muldaretur; citatus vero ad iudicium, & non compareret, bannitus haberetur; malleos insuper incurvatos nemo gestaret, nec campum Electoralem cum iis intraret, sub eadem poena ducentarum marcarum. & alia civili arbitraria. 4.) Vt hospitia Varaviae & in pagis pro incolis & exteris a Mareschalcis assignata nullus occuparet, & qui id faceret, si Nobilis, ducentarum

tarum marcarum multa & incarceratione per totam Electionem multaretur, si plebeius, manu truncaretur, & qui praedia spiritualia vel nobilia sine scitu Senatorum vi invaderet, inde ad primam instantiam teneretur egredi, partique laesae ducentas marcas totidemque officio cum compensatione solveret. 5.] Ut quilibet in hospitio suo pacate viveret, & in ponte Vistuleo nullas cieret turbas, sub poena arbitraria Iudicii pro qualitate facti cuiusvis irroganda: quod si turmae militum in campo & prope tentorium castra metarentur, ad instantiam Instigatoris poena infamiae eis decerneretur & publicaretur. 6.) In civitate vel suburbiiis onerata cum bombardam ambulans, eamque exonerans, si dominus fundi, ducentis marcis, si minus, incarceratione dimidii anni multaretur: qui vero in campum electionis bombardam adferret, licet ea neminem laesisset, si Nobilis sex hebdomadarum custodia & ducentis marcis, si plebeius, capite plecteretur: & quicumque alium ubicunque locorum, si vel plebeium interficeret, capite minuendus esset. 7.] Nullus Varsoviae in suburbiiis, vel alibi, res venum expositas raperet ad se vi, raptas vero iuxta taxam a Mareschalcis & Deputatis ordinatam, sub poena bannitionis in duplo restitueret. 8.) Nullus aurigarum vel in-

stitorum ab octava ad dimidiam nonam, nec post meridiem a quarta ad quintam in ponte Vistulano merces venales veheret, ut ex altera parte ad Reipublicae negotia profecturis aditus liber pateret, vestigal vero non nisi grossus ab equo penderetur in ponte. 9.] Nemo ad locum Electionis vinum, crematum, cerevisiam, aliosque liquores, sub poena amissionis eorum advehere auderet. 10.) Qui alteri ubicunque locorum damnum inferret, sex hebdomadarum carcere & compensatione damni coereretur. 11.] Obsonia in Urbem vehere cuique licitum esset, institoribus vero ea emere non liceret sub poena quatuordecim marcarum & amissione rerum emtarum. 12.) Tabernae vinariae vel cerevisariae usque ad dimidiam octavam vespertinam apertae tantum essent, sub amissione cerevisiae vel alius liquoris & sessione turris. 13.] Ad Rotam Equestrem, ubi publica negotia tractantur, nulli peregrino ius accedendi esset, sine scitu Mareschallorum utriusque gentis. 14.) Vt Mareschallci utriusque gentis cum Deputatis Iudicia iuste & dextre administrarent, sub poena in Iudiciis Tribunalibus descripta. 15.] Vt ad duellum sive monomachiam nullus alterum sub poena carceris per dimidium annum & solutione sexaginta marcarum provocaret. 16.) Vt
Mare.

Mareschalci & Deputati cum suis Ministris, si in supra positis clausulis excederent, eidem Iudicio & eisdem pro qualitate excessus poenis subiacerent, pluralitas vero votorum vel suffragiorum causas definiret, non obstante duorum vel trium Deputatorum absentia. Tandem in ea Convocatione Comitia Electionis in mensem Aprilim erant indicta. Tempore Electionis prima cura circa eligendum Mareschalcum occupabatur, qui electus iuramentum hoc verborum tenore praestitit: "Ego N. iuror DEO Omnipotenti, quia in officio moderor Mareschalcus fidelis ero, nec instrumentum futurae Electionis extradam, nisi ex legitimo consensu omnium & singulorum Electo; ita me DEVS adiuvet & sancta crux CHRISTI." Deinde exorbitantiae non erant sublatae, sed quemadmodum post Electionem & Renunciationem Michaelis pacta conventa decemum fuere scripta; ita post Nominationem Ioannis III. cum pacta conventa composita, tum exorbitantiae fuerunt expeditae. Insuper Rex novus in pactis Conventis promisit, se velle etiam tertio quovis anno in Magno Ducatu Lithvaniae residere, hisque legibus fundamentalibus seu Capitulationi, ne consanguinei Regis in linea collateralis extollerentur supra aequalitatem Nobilitatis Polonicae vel Lithvanicae.

sed eodem iure cum reliqua Nobilitate censerentur: item, ut Rex hanc vel illam provinciam speciatim ab hostibus recuperaret. Cum Ordines Regni pactis Conventis Michaelis caput novum inseruissent, in quo Rex pro se & suis Successoribus cavebat de non abdicando Regno, hocque pro perpetua lege habere volebat; Ioannes III. cum esset electus, rogavit Ordines, ut illud caput omitteretur, [quemadmodum *Diarium Electionis A. 1674. d. 27. Maii* testatur] id quod etiam factum est. Quae praeterea prolixioribus verbis in pactis Conventis conscripta sunt, possunt ad sequentia haec reduci.

- 1.) Vt Rex novus eiusque haeredestitulum Haeredis minime usurparent, nec Domus Regia ullam successionem & praetextum proximitatis ad Regnum sibi praesumerent, sed aequalitati per omnia cum statu Nobilitatis subiacerent.
- 2.) Vt Rex eiusque Successores essent Romanae Orthodoxae Religionis Catholicae, & Regina itidem sive natione sive vocatione.
- 3.) Vt Dissidentes in Religione Christiana, non obstantibus quibuscunque Protestationibus, libero fidei suae exercitio uterentur.
- 4.) Vt iuramentum Regis & pacta Conventa prima die Comitiorum quorumlibet publice in praesentia omnium Ordinum legerentur.
- 5.) Vt si quid alicui a Rege ante Electionem promissum

missum fuerit, id nullius valoris esset, neque Rex promissum implere teneretur. 6.) Ne Regina in negotia Status Reipublicae se immisceret, nec promotiones ad officia per foeminas vel exteras personas fieri deberent. 7.] Vt pacta & foedera cum vicinis Principibus ad conservandam pacem perpetuam renovarentur. 8.) Ius cudendae monetae non ex Senatus Consulto, sed ex Comitiorum consensu iuxta ligam Imperii & vicinorum Principum valeret. 9.) Ne milites extranei sine speciali consensu & ictu Reipublicae in Regnum Poloniae & Magnum Ducatum Lithvaniae annexaeque Provincias immitterentur; qui id faceret, pro infami & perduelle habendus. 10.] Ne alienigenis iura indigenatus conferrentur, nisi de patria bene meritis, & quos Supremi Exercitus Duces Reipublicae commendarent; iis vero usque ad tertiam progeniem officia & beneficia Legationis non deberent committi. 11.) Duae dignitates insimul uni non essent concedendae, in primis dignitates Mareschalci, Cancellarii, Thesaurarii, & Supremi Exercitus ducis. 12.) Vt militi peregrino tercenties mille triginta octo floreni a Rege aere proprio solverentur. 13.) Vt schola militaris propter Iuvenes Nobiles in ea exercendos erigeretur. 14.] Duo castella, unum Leopoli in

Regno, alterum in loco Magni Ducatus Lithvaniae commedo munirentur. 15.) Milites corporis Regii, Ministrique aulici, Regis sumptibus alerentur. 16.] Vt Tartari Zaporovientes stipendia sua nacti, in obsequio Reipublicae continerentur. 17.) Vt a Regno avulsae Provinciae, praesertim Vkraina & Podolia, ab hostibus recuperarentur. 18.) Vt dignitates extra tempus Comitiorum post sex hebdomadarum intervallum, in Comitiiis vero ipsis ante alia negotia quantocius bene meritis distribuerebantur. 19.) Comiticia quolibet tertio anno Grodnae in Lithvania propter amplitudinem loci haberentur, quemadmodum iam ante A. 1673. in Comitiiis Varsaviensibus definitum erat. 20.) Exorbitantiae omnes post Comiticia Coronationis deciderentur: Privilegia quoque omnium singula in Comitiiis Coronationis confirmarentur, & si has & alias leges Rex novus non servaret, ab obsequio & fidelitate & praestandis utraque gens, iuxta Constitutionem A. 1609. libera esset. Pacta haec iuramento confirmavit Ioannes III. in Templo Ioannitico Varsaviae d. 5. Iunii. Subscripserunt illis, praeter plurimos e Regno & Lithvania, quatuor etiam Civitatum Nuncii, utpote Cracovienses, Vlnenses, Leopolienses & Poshanienses. Cum Archiepiscopus Casimirus Florianus Czartory.

ſki mortuus eſſet, Andreas Trzebicki Episcopuſ Cracoviensis, praemiſſa per Reverendiſſimum Ioannem Gembicki Episcopum Vladislavienſem & Pomeraniae praecustoditione, Regem nominavit Electum die 21. Maii, quem deinde Mareſchalci utriusque gentis promulgarunt; ſed ante mortem ſupra dicti Archiepiscopi per totum actum Electionis ore iſtius graviffimi viri Reſpublica loquuta eſt. Electio die 20. April initium ſuum ſumſit, cuius director erat Theſaurarius Magni Ducatus Lithvaniae Benediſtus Sapieha, cuius iuramentum ſupra produximus. Competitores ſive Candidati Regni Poloniae tum fuerunt 1.) Magni Ducis Moſcorum filius natu minor, qui decimum quartum fere agebat annum. Huius Legatus neque multis promiſſis neque multis minis, ut ante fieri ſolebat, dominum ſuum commendabat. 2.) Princeps Tranſylvaniae, qui ut falces Regni tractaret, quindecim milliones, coniunctionem Tranſylvaniae cum Regno Poloniae, & 15000. militum in ſubſidium, quoſque bellum Turcicum duraret, promiſit. 3.) Elector Brandenburgicus Fridericus Wilhelmus pro Principe Electore Carolo Aemilio per Legatos intercedebat, ſed ut Germanus & Haereticus a Polonis reieſtus eſt, qui ſimul metuebant, ne Pruſſiam cum Regno conjungeret, &

iusque posterius aliquod in Regnum praetenderent. 4.) Legati Ducum Modenae & Parmae, & Don Pedro Ranquillos, praesentes in Comitibus Electionis neminem vix commendabant, posterior tamen inclinare videbatur in partes Lotharingicas. 5.) Legatus Daniae Regis Christiani V. Principem Georgium fratrem Reipublicae insinuabat, qui tres milliones & sex millia equitum Regno pollicebatur: Partes eius tuebatur Leopoldus modernus Imperator, forte ut Reginam viduam sororem ipsius in matrimonium duceret, (in cuius rei gratiam Ioannes Gninski, Palatinus Culmenfis, Georgii effigiem Reginae donaverat,) vel ut foederi contra Gallum eum innecteret. Insuper Imperator per Cardinales Romanae Ecclesiae Nitardum & Pio dispensationem pro Polonia Pontifice Romano Clemente X. efflagitabat, ut Regem non Catholicum, vel qui suscepturus tandem esset fidem Romanam, possent eligere. 6.) Princeps Gallicus, sed anonymus, (qui sub nomine Ioannis Sobieski latebat) studia sua Regno commendabat. 7.] Philippus Wilhelmus Dux Neoburgicus pro nato maximo filio Ioanne Wilhelmo animos Polonorum sollicitaverat, compromittens coniugium filii cum vidua Regina contrahendum. 8.) Dux Lotharingiae Carolus nullae parcebat curae, ut Rex Polo-

Poloniae eligeretur: ipsa quoque Regina vidua omnem suum muliebrem ornatum, aliasque res pretiosas oppignoraverat, ut partes Carolinas augeret. Ex his tres tantum Candidati supermansere, qui triplicem efficiebant scissionem in tres divisi partes. A partibus viduae Reginae & Caroli Ducis Lotharingiae Lithvani, & ex illis Christophorus Pac Magnus Lithvaniae Cancellarius, & Michael Pac Palatinus Vilnensis supremusque militiae Lithvanicae Dux, stabant. Alii e Polonica Nobilitate, sed in duas partes scissi, partim pro Piasto, partim vero pro Duce Neoburgico vel Lotharingico in Regem eligendo, vota ferebant. Denique milites Principem Galliae larvatum in thronum Regium evehere allaborabant, cui Pacius maxime contradicebat, Lithvanorum ad se trahens consensum, qui Piastum a Regno excludere, eumque pro infami & hoste patriae proclamare, qui indigenam in Regem eligeret, contendebant. Res haec tanto animorum motu agitata fuit, ut ad arma concursus fuisset, cum Dux Lotharingiae iam armato instructus exercitu in confiniis Poloniae & Silesiae haereret, nisi prudentia Marschalci Equestris Ordinis turbae hae fuissent compositae. Post haec Franciscus Bonvifi Archiepiscopus Thessalonicensis & Nuncius Apostolicus ingressus

more solito in Rotam, nomine Pontificis Romani Senatum Equestremque Ordinem rogabat, ut Principem Romano-Catholicum sibi crearent. Deinde Christophorus Schaffgotsch Caesareus Legatus Ducem Lotharingiae, & de Forbien Episcopus Marsiliensis, Regis Galliae Orator, Ducem Neoburgicum Reipublicae commendabant. Non deerant quoque plurimi, qui partes Sobiescianae tuebantur, adeo ut metus subortus fuerit, duos Reges electum iri; hinc factum, ut Electio usque ad d. 19. Maii prolongaretur, quo aliquot Episcopi dignitate fulgentes Regiam viduam convenerant, mandata Reipublicae ei exponentes, quodsi a Duce Lotharingiae alieno esset animo, Ducem Neoburgicum Reginae adiungere maritum, eique simul Diadema Regionum imponere vellent; apud quam cum nihil effecissent, adibant Supremum Lithvaniae Cancellarium, ut eum a Lotharingicis partibus avocarent, sed neque apud hunc preces & obtestationes quicquam valere. In frequentia deinde Electorum Palatinus tum Russiae, nunc Castellanus Cracoviensis & Supremus bellicus Dux, Stanislaus Jablonowski, coepit heroico spiritu loqui, cum Regina neutrum e duobus a Republica commendatis sponsis in coniugium ducere vellet, eandem non esse ipsi porro obstrictam, nec ad Domum Austriacam, vel aliquem

quem e Germanis Principem respiciendum esse, cum e Piastis, non obstante pertinaci Lithvanorum pervicacia, Rex eligi possit. Laudavit insuper Ioannis Sobieski res praeclare gestas, labores pro Reipublicae salute exantlatos, & victoriam a Tartaris ad Chocimum reportatam tandem conclusit, ut is Diademate Polonico ornaretur, qui Rempublicam in eum collocavit statum, quae sceptrum alteri tradere posset. Huic Orationi tota Nobilitas Russica assensum suum praebuit, inprimis quod Sobieski e Russia erat oriundus. Exemplum Palatinatus huius sequutus est Palatinus Cracoviensis, Alexander Lubomirski, cum reliquis Palatinatibus e Regno Poloniae, & nonnullis e Magno Ducatu Lithvaniae, auctore Michaeli Casimiro Duce Radziwittio, ProCancellario & Campiductore Lithvanico. Hoc cum male haberet Supremum Lithvaniae Cancellarium Pacium, hora nona vespertina e Conventu secessit, nec revocari potuit, Protestatione insimul interposita, quod Electio adversus Regni Leges esset, quia non unanimi suffragio totius Nobilitatis ex utraque gente Rex fuit electus. Die 20. Maii Lithvaniae Equestris Ordo ad Comitiam venit, eaque mox a tergo salutavit, cum denuo Protestationem, ut supra dictum est, interposuisset. Ad illum mox e Senatu & Rota Equestri missi
Depu:

Deputati, ut eum ad consilia Electionis publica revocarent, qui respondit, se prius ad Comitia non reversurum, quam paullo altius rem hanc expenderit, ultimatamque sententiam Senatui insinnaverit. Interim Poloni & nonnulli e gente Lithvanica Episcopum Cracoviensem compellabant, ut Electum Regem nominaret, quam nominationem ille, ut bellum intestinum evitaretur, differre maluit. Haec dum ferventibus aguntur animis, e contradicentibus Lithvanis Deputati, Nicolaus Stephanus Pac, Episcopus Vilnensis, Cancellarii Lithvanici frater; Alexander Hilarius Polubinski, Supremus Magni Ducatus Lithvaniae Mareschalcus, & alii militiae Praefecti, in Szopam advenerant eumque primus illorum verba plurima fecisset, tandem pro Sobiescio suffragium suum tulit, rogavitque decenter, ut denominatio novi Regis in sequentem diem differretur, quando & Lithvani possent esse praesentes, & Electio unanimi consensu Senatus totiusque Nobilitatis ex utraque gente fieret. Qua sententia cum laetis auribus animisque excepta esset, placuit differre in diem 21. Maii denominationem Regis, adeoque, ut supra notavimus, Rex ab Andree Trzebicki Cracoviensi Episcopo nominatus, & a Mareschalcis utriusque gentis d. 21. Maii publicatus est. Coronationi praefixus erat di-

es 22. Iunii A. 1674. & Comitibus Coronationis in diem 24. eiusdem mensis indicta: quodsi vero belli tempestas Remp. affligeret, Coronatio in diem 1. Ianuar. A. 1675. differenda, Comitibus vero illius in diem 4. eiusdem transferenda essent. Rex novus demum die 2. Februar. A. 1674. cum Maria Casimira, Henrici de la Grange, Marchionis de Arquien filia, a Ludovico XIV. in filiam Galliae cum nomine Ludovicae adoptata, est per eiusdem Legatum de Forbien Episcopum Marsiliensem post Coronationem declarata, coronatus est, cum antea d. 3. Ianuar. duorum Regum exequiae Ioannis Casimiri & Michaelis Coributhi celebratae essent; illius urnam Opacki Succamerarius Varaviensis e Gallia, ubi Niverniae d. 6. Decembr. A. 1672. mortuus est, advexerat. Conf. *Confederatio Generalis A. 1674. Diarium Electionis Ioannis III. Pacta Conventa eiusdem, & Germanicus tractatus Anonymi, der Sarmatische Wahl-Schoppen, Coloniae apud Petrum Marteau A. 1698 excusus.*

§ XVII. Decimi sexti Interregni calamitas cum morte Ioannis III. evenit. Ioanne enim tertio Rege in Villa-nova, uno lapide a Varavia distante, A. 1696. die 17. Iunii sive vigilia SS. Trinitatis circa octavam vespertinam fatis defuncto, Archiepiscopus Gnesnensis
Michael

Michael Stephanus Radzieiowski e Cancellaria sua ad Palatinatus, Terras & Districtus Poloniae ac Lithvaniae misit literas, mortem Regis denunciantes, silentibusque Iudiciis Castrensis atque Tribunalitiis, (nisi quod Civitatis sine provocatione ad supremum Iudicium in Interregnis exerceri soleant) Capturalia constituta sunt. Convocatio Generalis in mensem Septembr. eiusdem anni indicta, paucis diebus stetit. Electus dum fuit Mareschalcus Stephanus de Richt Humecki, Dapifer Podoliae cuius *Orationes polonico idiomate* in Conclavi Nunciorum Terrestrium coram Senatu ad Deputatos Exercitus Polonici, ad Ablegatos Exercitus Lithvanici, ad Ablegatos Exercitus Polonici Confoederati, aliaeque habitae, typis excusae. Et is ipse est, qui deinde Confoederatorum seu Rokossianorum fax, tuba, caputque extitit. *Orationem* quoque habiturus erat Regis Galliae Legatus, *Melchior de Palignat*, in Comitibus Convocationis, si non abrupta subito fuissent, eius copiae publicis typis prostant. Nova deinde convocatio in mensem Ianuarium A. 1697. fuit indicta, in qua plures maioresque tumultus, quam in priori, erant orti. Thesaurum Regium diripere volebant plurimi, eumque inter milites, qui multis annis stipendia sua non acceperant, distribuere.

Regi-

Reginae viduae maxime infensi erant Poloni, cum eius pristini regiminis penitus essent pertaesi, quae tamen suos e Senatu habuit Patronos; Regiaeque Proles multas excitaverat turbas, in primis Rokossianos milites fovendo, iisque stipendia subministrando. Totum Reipublicae Polonae corpus in varias partes distractum fuit, Lithvanis suis quoque commoda quaerentibus, ex quibus Palatinum Vilnensem & Supremum Lithvaniae exercitus Imperatorem Sapieha male habuit, quod iura Lithvaniae cum iuribus Poloniae coaequanda essent, quae tamen deinde coaequata sunt. Sed de his sequior aetas plura scribet dicetque. In Comitibus Convocationis dies 15. Maii A. 1697. Electionis Comitibus indicus est, quem Concio in Templo Ioannitico, ab Andrea Chrysostomo Zaluski Episcopo Plocensi habita, auspicabatur; eam in omnibus ut eruditam piamque approbant boni quique, nisi quod verba aeternae substantiae lisque sapientiae ex Proverb. VIII, 15. Per me Reges regnant: in Polonorum genium detorta sunt: Per nos Reges regnant. Quinque deinde hebdomadae in eligendo Mareschalco Equestri insumtae sunt, cum alias ad hanc dignitatem Raphaelis Leszczyński, Generalis Poloniae Maioris, filius electus fuisset, nisi ei Bielinski praeripuisset palmam, qui contra anti-

quam

quam praxim, non per vota, sed per calculos scriptos, fuit lectus. Exorbitantiae non fuerunt expeditae, sed post Coronationem ad medelam dilatae, neque quicquid ex orbita Legum deviavit, correctum est, sed tantum Deputati ad Capturale Iudicium ex Senatorio Equestrisque Ordine nominati, & coaequatio iurium Magni Ducatus Lithvaniae praelecta. Inquisitum quoque sedulo fuit, quis exercitum Poloniae & Lithvaniae Rokossiano foedere colligaverit? & quis Comitia Convocationis dissolvi iusserit? verum irritò conatu ob armatum adversae partis strepitum laboratum est. Candidati Regni Poloniae tum temporis erant 1.] Tres Regii Principes, Iacobus Ludovicus, Alexander, & Constantinus: & quamvis hi fascium tractandorum capaces esse potuerint, non tamen sibi spem Regni occupandi facere poterant, ob odium Polonorum, quo in Piasos & Domum Regiam flagrabant; sed ditissima haereditate paterna contentos eos esse oportuit. 2.) Franciscus Ludovicus Borbonius Princeps de Conty e Gallia. 3.) Dux Neoburgicus. 5.) Elector Saxoniae, 6.] Marchio Badensis. 7.) Elector Bavariae. Antequam horum Candidatorum propositiones per Legatos suos Serenissimae Reipublicae oblatae divulgemus, lubet producere literas ab Imperatore

ratore Moscoviae Petro Alexevicz mense Maio An. 1697. ad Eminentissimum Cardinalem Archiepiscopum Gnesnensem & Primate[m] Regni (quas ille suppressisse, nec cum Illustrissimis Regni Ordinibus communicasse dicitur) scriptas, ipsique die 25. Iunii traditas, quarum tenor hic est: *Per Illustribus, Illustribus, Eminentissimo Principi Michaeli Radziewiczski Archiepiscopo Gnesnensi, Legato Nato, Primati, Primoque Principi Regni Poloniae & Magni Ducatus Lithuaniae, omnibusque Serenissimae Reipublicae Proceribus, notum facimus, quod, sicut semel iniuvimus pacta cum Augustissimo Imperatore Christiano, pariter cum pie defuncto Serenissimo Ioanne III. Rege Poloniae, & cum Serenissima Republica Veneta, ita hucusque constanter conservamus, & quae inviolabili vel indeo obstricta iuramento, (ut omnibus adhibitis vivibus, secundum posse, pro fide & honore divino, contra orientales sanctae Crucis pugnando hostes quotidie irruentes ab Otomannica Porta, in nos detineamus furores, & duras illorum frangamus cervices) sicut patet a nobis colligatis, firmiter conservata, ita ea & in posterum conservaturos nos esse*
O *obliga-*

obligamus. Nos Magnus Imperator Moscoviae habemus hanc notitiam, quod moderno tempore post obitum Serenissimi Regis Ioannis III. Fratris nostri, pro futuro Regnante Varsaviae absolvetur Electio, in qua obliti forte primo integritatis totius Reipublicae Vestrae & libertatis aureae, deinde initorum nobiscum pactorum, ac cum Augustissimo Imperatore Christiano, & aeterni foederis immemores, ad Regale solium promoveatis Principem de Conty, minime plane Turcis & Tartaris [excepto Baptismi Sacramento] hostem, & illius capiti propter interesse privatum coronam imponere desideratis, & ad effectum iam deducere cogitatis. Expediret nihilominus nostro etiam uti in hoc consilio, prout vicini colligati, ex quo si aliquod oriturum timeretis impedimentum, nullum est, quod vereamini, imo proficuum bono publico posset promanare; sed reiecto hoc, Reipublicae praesentibus literis nostris favemus. Si autem istius superius dicti conatus in Regno Poloniae ad effectum suum pervenire possent, summo id miraculo esset apud exterarum totius Christianitatis nationes, unde

unde non tantum pacta conventa pro debellando coniunctis viribus Oriente, sed etiam aeternum nobiscum initum foedus rumpi deberet, quoniam nobis colligatis Imperatoribus Galliarum Rex, habendo foedus cum Turcis & Tartaris, multum nocet, & maxime impediendo transitum exercitui Augustissimi Imperatoris Christiani contra Turcas hucusque non desinit nocere.

Quapropter si fieret Rex Poloniae Princeps de Conty, absque dubio non desineret easdem seminare factiones, ex qua ratione & pacta conventa nullo modo inter nos possunt conservari, & quod magis, de pace & unione Religionis quid sperandum? Optando enim Regnum Poloniae Galliarum Rex, per scripta suasit illi Turcarum Imperator, & persuadendo informationem misit, ut omnibus modis curet coronam Princeps de Conty.

Quid igitur boni sperandum Eleſto [DEVS avertat] in Regem dicto Principe, quoniam nostri illum promonent ad solium adversarii. Quapropter Nos Imperator Moscoviae, habendo cum Serenissimo pie defuncto Ioanne III. inratum foedus, & amicitiam, & cum tota

*Repubblica Polona, talem Regem, qui de Tur-
cica aut Gallica procedat factione, eligere
dissuademus; sed talem, qui ex qualicunque
sit natione, dummodo non Gallus, Serenissi-
mae Reipublicae optamus & suademus Re-
gem, quique cum Nostra Maestate, cum Au-
gustissimo Imperatore Christiano, & cum Se-
renissima Republica Veneta, unus & idem sit
in sentiendo, & in bona amicitia & con-
fidentia, conservationeque paetorum unus &
unanims maneat, & nobiscum iunctis viri-
bus possit conterere Ottomannicae Lunae cor-
nua. Quod Nos Imperator Moscoviae o-
mnibus in genere Proceribus Regni & Ma-
gni Ducatus Lithvaniae, totique Reipublicae
optando, ad considerationem relinquimus tra-
dimusque. Datum in Aula Imperatoris
Moscovias, anno a creatione mundi 5646.
die 15. Maii, Imperii autem Nostri anno 17.
Has literas exceperunt aliae, Russico-Polonica
lingva Moscuae anno mundi 5646. d. 2. Iunii
scriptae, eiusdem fere argumenti, nisi quod
duo in illis videantur contineri praecipua pun-
cta: 1.) quod cum Czar potuisset sibi spem fa-
cere occupandi Regni Poloniae, id ne per con-
gitationem quidem fecerit. 2.) Quod questus
sit,*

fit, ad priores literas nihil responsi se accepisse, ideoque alteras has ad Rempublicam exarasse. Ad quas nomine Reipublicae utriusque gentis Episcopus Cuiaviensis respondit, itidem conquerens, quod prior epistola fuerit intercepta, nec cum Illustribus Ordinibus communicata; promisit insuper aeterni foederis cum Imperatore Moscovitico & Christiano ac Reipublica Veneta & Inclyto Poloniae Regno Magnoque Ducatu Lithvaniae adversus Turcas & Tartaros initi conservationem, nec Principis de Conty, sed Serenissimi Electoris Saxonici in thronum Regalem factam ejectionem denunciavit. Sed ad Legatos exterorum Principum eorumque propositiones Reipublicae Serenissimae oblatas descendamus. Polluccius Nuncius Apostolicus Innocentii XII. P. R. ad Rempublicam Polonam Legatus Extraordinarius d. 21. Iunii An. 1697. tentorium ingressus, Ordines hortabatur, ut Principem Romano-Catholicum eligerent Regem, postquam alii Oratores auditi sunt, protractumque negotium usque ad dimidiam nonam verspertinam. Ioannes Philippus Episcopus Passaviensis, Sacrae Caesareae Maiestatis ad Comitia Electionis Legatus Extraordinarius, eleganti Oratione publica merita Ioannis III. tum in Rempublicam Polonam, tum in Christianum orbem enarravit, &

res gestas, nec reticuit, quod victricibus Regni Regiaeque Domus auxiliis Vienna liberata, Austria recuperata, Pannonia restituta sit, & cum fructus victoriae illius ad Regem defunctum amplius pervenire non possit, tenerrimos grati animi affectus in filium, Regium Principem Iacobum, transferri petebat, quem commendabat, 1.) quod Regio multotiesque Reipublicae devoto sanguine ortus, mox crescentibus annis victoriis paternis ad sagi decora, consiliis ad togae ornamenta, regnandi artibus ad sustentandam Rempublicam institutus sit. 2.) Quod periculosissimis expeditionibus contra Turcas & Tartaros non solum interfuerit, sed in confertissimas barbarorum turmas laetus incurrerit, viam armis aperuerit, nec nisi fugato aut caeso hoste, e media telorum tempestate, ceu genuinus Aquilae Polonae pullos, ad patrem redierit. 3.) Quod honorificentissima affinitate cum Augustissimo Romanorum Imperatore, Monarcha Hispaniae, Rege Lusitaniae, ac Italiae Germaniaeque Principibus innexus sit. 4.) Quod vegetas ad Regni onera vires, potentes amicitias, speciosas opes, aliasque virtutes, & maxime eminentem activamque libertatem Reipublicae illaturus sit. Melchior de Polignac, Regis Galliae Legatus, pro Principe suo de Conty, praeter longam
cum

cum Caesaribus, Regibus & Principibus tam Orientis quam Occidentis affinitatem, & consanguinitatem, praeter vegetam aetatem, (annorum scilicet triginta trium) & alias virtutes Rege Poloniae dignas, sequentes conditiones proponebat. 1.) Quod Princeps de Conty ante Coronationem, superis faventibus & Republica Polona volente, Cameneciam, & quaecunque a Regno ab hostibus avulsa sunt, sit recuperaturus. 2.) Quod commercia & monetam splendori suo sit restitutus. 3.) Quod pacta Conventa in omnibus punctis & clausulis sit servaturus. 4.) Quod ipse Rex Galliae, ut militibus stipendia solvantur, decem milliones monetae polonicae, cuius maxima pars Gedani deposita, numeraturus, ac reliquam pecuniam ipse Princeps de Conty Electus secum sit advekturus; ut vero conditio haec impleatur, eoque Legati Gallici in Polonia mansuri sint obsides. 5.) Quod sine ullis Regni sumptibus in Legationem splendidam impendendis, de Electione sui certus Princeps de Conty in Regnum ultro sit venturus. Cum vero Legatus Galliae fere subolsfecisset, Polonorum aversam in Electionem Principis de Conty voluntatem, simul eodem scripto diluit obiectiones, & obstacula omnia removit, quae Principem suum a throno Regio excludere possent. 1.) Quod

ad dominium absolutum non sit aspiraturus ob pacta Conventa, quibus actiones eius circumscribendae sunt. 2.] Quod cum Turcis foedus non sit initurus, nec initum cum Augustissimo Imperatore, Republica Polona & Veneta rupturus, cum sciat in Polonia sine consensu Reipublicae nec bellum geri, nec pacem stabiliri posse. 3.] Quod vicini Principes Electionem eius non sint limis conspecturi oculis, cum Polonis liceat ex quacunque gente & natione sibi eligere Regem. 4.] Quod coniux Principis Conty, atque olim Regina, negotiis consiliisque Reipublicae publicis se non sit immixtura, cum probe noverit, nationem Gallicam non eum in finem ducere uxores, ut se publicis Regni curis immisceant. Attamen rationes pro non eligendo Principe Galliae in Regem Poloniae peculiari scripto publicabantur sequentes. 1.] Quod Electio Principis de Conty in Regem Poloniae, in plures distracta partes, magno Reipublicae incommodo contentionibus turbisque plurimis commixta foret. 2.) Quod Piasii nomen per publicam Reipublicae Confoederationem a promotione sit exclusum, vel ideo, quod contra iura patriae ac pacta cum vicinis Principibus inita, Polonia a Regnante suo magnis suis impensis, Galliae factionibus servire cogeretur. 3.) Quod Electio Prin-

Principis Gallici esset excitatio sopitarum ut-
cunque diffidentiarum cum Domo Austriaca, &
disrumpendi foederis sementum. 4.) Quod
Principes foederati magno motu Electionem
hanc impedituri sint, ne in continuo metu a vi-
cino Principe excitato, & factionibus Gallicis
deserviente, manere adigerentur. 5.) Quod
Princeps Galliae aliena pecunia ad Regnum
promotus, in promotoris sui iussa sit iuraturus,
cui parere Poloni cum Lithvanis tenentur.
6.) Quod Rex Galliae tanti ponderis expen-
sas conaretur refarcire ex inopum alias Polo-
norum inopia. 7.) Quod milliones oblati pri-
vatos tantum essent ditaturi, videndum tamen
esse, quae incommoda, quae vicinorum bella,
intestinarumque turbarum incentiva post se tra-
cturi sint, quae centenis millionibus non per-
ficerentur. 8.) Quod redirent imperante Gal-
liae Principe Ludovici tempora, unde varias
dignitates & officia nationali amore suis con-
ferret Gallis, administrationes denegaret. Com-
missiones designaret, & hinc Civium depre-
tationes & contemptus orirentur. 9.) Ignorantia
lingvae utriusque gentis posset remove-
re Principem Galliae: quomodo enim cum plerisque
ageret, quomodo plerique magis arcana illi aut
Reginae explicarent, quae cum ignorantibus
lingvam communicare non possent. 10.) Quod

ad maiorem Gallorum numerum excrefcente Polonia, tanto maiores contentiones & iurgia excrefcerent, ex quibus etiam caedes & homicidia fperanda. 11.) Metuendum eſſe, ne forte Gallia tam magnificis promiſſis Polonos lactaret, ut tempus Electionis extraheretur, & alii Candidati a Regno abſterrerentur, tum poſtea frustrati Poloni, odio & contemptui exponerentur. Eodem ſcripto cum alii Regni Competitores eſſent a capeſſendo Imperii Diademate excluſi, pro Sereniſſimo Principe Iacobo eligendo haec proponebantur argumenta. 1.) Non eſſe exemplum in Polonia, Regium ſanguinem a Corona unquam fuiſſe excluſum, imo olim ſtudioſe quaefitum. 2.) Regiis plane dotibus praeditum eſſe Sereniſſimum Iacobum, ac in primis noticia Status Poloniae ac eius politicae; eſſe liberalem, Conſiliariorum amantem, ſumma ſobrietate vigilantem, libertatis aeſtimatorem & amatorem, nec ignarum bene meritorum & mereri volentium. 3.) Nullis factionibus eſſe innodatum, plurisque pacem patriae aeſtimantem, quam locupletiſſimum ex factionibus lucrum. 4.) Bellicoſum eſſe animo, inſignem virtutis martialis aeſtimatorem, praemiatores etiam futurum, ubi, quod diſtribuat, habuerit. 5.) Non degenerem a magno parente filium, & ſi quos forte notabit

Reſpus

Respublica in Serenissimo parente eius defectus regiminis, eos certe esse correcturum 6.) Promissurum se facile a Republica circumscribi, eius nutibus ab antiquo esse obsequentem, pro qua non fortunas tantummodo suas, sed sangvinem & vitam ipsam profundere paratum esse Reipublicae filium. 7.] Esse gnarum familiarum Polonicarum Lithvanicarumque ac de Republica bene merentium, quas citius ac facilius erecturus sit, quam alienigena. 8.) Esse egregium patriae Civem, qui se ipsum Reipublicae dat, ut ipsum habeat, suosque utatur in usus, cum alii Candidati sua offerant, ut Rempublicam sibi obligatam & velut pecuniis suis subiugem habeant. 9.] Esse animo candidum, in quo nullae technae, nullae etiam inimicis insidiae, cum nonnisi malefactorum eorum irasci sciat, non hominibus: liberalissimum quoque esse, & condonatorem & contemptorem iniuriarum. 10.) Esse natum in observantia Legum, illisque assverum, ut qui Principatum absolutum non affectet, ubi stat pro ratione voluntas, ubi singulorum in obsequium Imperantis captivae sunt mentes. 11.] Securius feliciusque Reipublicae fore, miliones aliquot certos a Principe domestico in Reipublicae commoda accipere, quam ab extraneo incertitudine promissionis plurium millionum lactari, qui nescit nisi

nisi lucra per lucra quaerere. 12.) Experientia edoctos esse Polonos, a nemine extraneorum Principum profusissima circa concurrentiam ad Coronam Regiam promissa, etiam in minima parte servata esse; & posito, quod staret Candidatus alius Regni ad praesens verbo, certe tam exiguas milliones vel centenis non refarcitum iri, etiamsi quam maxime pactis Conventis circumscribatur; ipse enim vel fortunis Polonorum inhians, vel iustitiam distributivam appretiando, impensarum suarum etiam per abrogata quaereret refusionem, si non sui, certe prolis suae gratia, ne in posterum egeat. Pro Serenissimo Principe Carolo Duce Neuburgico, praeter Jagellonici sanguinis, ex quo oriundus, splendorem, affinitatum cum Caesaris Regisque familiis annexarum amplitudinem, aetatem vegetam, & heroicam in bello virtutem, proponebantur Conditiones sequentes. 1.) Leges omnes ac Libertatem Polonicam illibate servaturum Serenissimum Carolum, vel ipsius sanguinis plenissima effusione, pactaque Conventa omnia inviolate impleturum. 2.) Nullo unquam pretio, etiam vel minimo, aut munere gratitudinis oblato, dignitates officia & munia Regni qualiacunque collaturum, sed solis bene meritis, semoto quocunque privato respectu, distributurum. 3.) Milliones
decem

decem ad persolvenda exercitus stipendia iuxta Reipublicae dispositionem in pecunia numerata illico post Electionem suppeditaturum. 4.) Pro allevatione stativorum hybernalium in bonis regalibus & spirituslibus in unum annum, unum millionem numeraturum, die Festo Michaelis per Ministros suos Leopoli persolvendum. 5.) Alium millionem soluturum Leopoli itidem exolvendum pro sufficienti militum extra limites Regni consistentia, pro re tormentaria & com meatu. 6.) Pro conservatione praesidiorum, ubicunque illa fuerint, trecenta millia in unum annum largiturum. 7.) Monetam ad coaequationem cum vicinis Principibus reducturum, iunctis cum Republica consiliis & subsidiis, & ad hunc effectum centum millia thalerorum se daturum, simulque restaurationem commerciorum cordi habiturum. 8.) Cameneciae recuperationem vel in transactione generali vel glorioso Marte, imo etiam Bessarabiae acquisitionem omni nisu curaturum. Pro Marchione Badensi Eques Polonus Sarmatico idiomate politam edidit Orationem, qua Serenissimum Principem Ludovicum ut angelum tutelarem & Ancile coelitus datum Reipublicae commendabat, non modo ab antiquitate generis & familiae splendore, sed etiam a munificentia, a foederatorum Principum

cipum copia, & bellicosa virtute, quam adversus Turcam ad Savum, Tibiscum, Istrum, Nyssam, & adversus Gallos in Germania ad Rhenum exercuit. Insuper recuperationem Cameneciae in Podolia, Moldaviae, Valachiae, omniumque locorum usque ad Pontum Euxinum & Tanaim, decem millionum pro stipendio milite solutionem, & duorum aliorum millionum in apparatus machinarum bellicarum numerationem promisit. Eiusdem fere commatis argumenta erant, quae pro Electore Bavariae & Duce Lotharingiae afferebantur. Serenissimi Electoris Saxoniae Friderici Augusti Legatus Extraordinarius Iacobus Henricus Comes de Flemming cum sufficienti & omni-modi plenipotentia sequentes condiciones pro Duce Saxoniae Potentissimo proponebat. 1.) Domus Saxoniae decus retroactis & modernis saeculis in Europa ad omnem immortalitatem inaeestimabile. 2.) Vegetam floridamque Candidati sui aetatem, [ut qui viginti septem annos esset natus) & res bellicose gestas, quandoquidem virtute sua Moguntiam ad Rhenum expugnavit, Brabantiam ab invasione Gallica conservavit, in duabus expeditionibus summo Ducis imperio in Hungaria praefuit, resque Pannonicas fluctuantes & a Turcis vexatas in integrum restituit; hinc non modo in arena Martis,

sed

sed etiam in devin&issimis suorum pectoribus triumphos agit infinitos. 3.] Ad fidem Romano-Catholicam ante biennium in urbe Roma accessionem: cum ipse DEUS superna hac quasi vocatione straverit viam ad Diadema, & ad ius Poloniae fundamentale: Rex Catholicus esset habilitaverit, partim ut ruentis orbis machinam potenti brachio suffulciret, partim ut pervicaciam Tarcarum atrocissimam demaret, in Cives vero beneficos munificentiae & clementiae radios diffunderet. 4.) Nullam ex beneficiis Reipublicae vel minimam in se derivationem, cum enim unum tantum habeat Haeredem filium, non modo Electorales ditiones cum praerogativa Electorali & insigniis Imperii atque Lusatiam ad se devolutam tempore suo eidem cedere; sed & pacta Conventa in viridi & inviolabili observantia ad famam & utilitatem publicam dirigere velit. 5.) Officiorum distributionem non pretio pecuniae, sed virtutis & meritum, ne sua privatis crescant aëria damnis. 6.) Decem millionum currentis monetae post actum Electionis in sublevationem Reipublicae onerum, militumque mercenariorum exolutionem. 7.) Cameneciae, auxiliante Deo, expugnationem & recuperationem. 8.) Non minus Podoliae, Vkrainae, Valachiae & Moldaviae ad Serenissimam Rempublicam

publicam aggregationem, ut & Sarmatici Imperii extensionem, & quorumvis a Regno avulsarum Provinciarum restitutionem. 9.) Quovis ingruentis belli periculo sex millium militum, exposcentibus Regni Statibus & Ordinibus, subministratorem, propriisque sumtibus sustentationem. 10.) Aliquam ex Provinciis suis, si per commutationem in contiguitate & propinquitate Reipublicae cum vicinis Principibus licuerit, ad terminos Regni adiunctionem. 11.) Monetae & commerciorum ad florentissimum statum restaurationem. 12.) Scholae militaris, ut Juventus Nobilium in omnibus bellicis exercitiis excolatur, propriis sumtibus aedificationem. 13.) Castellorum & Arcium munitarum ad veteris & praesentis militiae normam reparationem & conservationem. 14.] Nullis colligationibus ad aemulas in Europa familias obligationem, nec cupidine dominandi, quae cunctis flagrantior affectibus; sed solo fidei orthodoxae zelo, & pretiosissimae libertatis amore, accensum Candidatum Serenissimum, in DEO solo confidere, quod ille corda liberrimae gentis, suffragia eligentium, & affectus magnorum Civium eo sit inclinaturus, ut in vota desideriaque ipsius descendant. Ex his Candidatis duo eligentium votis supererant, Elector Saxoniae & Princeps de Conty. Partes illius Duces belli

CUM

cum Confoederato exercitu tuebantur; huius Archiepiscopus Gnesnensis, Episcopus Plocensis, & Thesaurarius Magni Ducatus Lithvaniae. Haec acta sunt die 26. Iunii, & maximus scrupulus Polonorum animos de Religione Electoris Saxonici torquebat; postquam vero Illustris Comes de Flemming in Collegio Senatorum Equestrisque Ordinis testimonia produxisset, quod is iam ante biennium Romano-Catholicam fidem Romae amplexus sit, sequenti die 27. Iunii voluntates Polonorum & Lithvanorum in Electorem Saxoniae facilius propendebant, inque eius Electionem vexilla centum septuaginta (in Principis de Conty septuaginta tantum) accedebant. Archiepiscopus Gnesnensis, quia metuebat, Electorem Saxoniae in Regem Poloniae electum iri, cum affectis suis e tentorio excessit, & Principem de Conty Regem Poloniae Magnumque Ducem Lithvaniae proclamabat, existimans, quod reliqui Palatinus exemplum suum sint sequuturi; verum Casimirus Ludovicus Bielinski Succammerarius Regni & Mareschalcus Equestris Ordinis adversus proclamationem Archiepiscopi publice protestatus, iussit sonora voce proclamari: Vivat Elector Saxoniae, Rex noster Poloniae! Tum Episcopus Cuiaviensis Stanislaus in Lubraniec Dambski coactus ab utraque gente. ut

Comitia Electionis ceu supremum Reipublicae caput porro moderaretur, Te DEVM laudamus! flexis genibus in campo Electorali decantavit. Supremus etiam Exercitus Polonici Dux, Illustrissimus Stanislaus Jablonowski, insuper Castellanus Cracoviensis, Confoederatum contrahens militem, Contystarum sedulo attendebat motus; sed hi concitato gressu ex campo in Civitatem properabant, Templum Joanniticum ingredi cupientes, ut pro Electione Regis sui Deo gratias persolverent: illud vero a Nuncio Apostolico occlusum, nec recludi permixsum fuit. Mox sequuti sunt falciferi tum temporis Sarmatae, & Civitatem ingressi, bombardas & sclopeta aliquoties exonerabant in Palatium Cardinalis, aliorumque Contystarum, quibus in latebras & angulos dilapsis, in Templo Joannitico laudes DEO decantatae, & circa horam secundam nocturnam, trina tormentorum bellicorum explosione, debita reverentia erga Regem Electum, laetitiaeque signa edita. Insimul Georgius Dorpowski ad Electorem Saxoniae ablegatus, eidem nunciavit, ipsum esse electum. Die 28. Iunii Saxonistae in campum Electoralem regressi, novi Regis sui Electionem confirmarunt, & Legati Saxonici propositiones accuratius ponderarunt. Die 29. in Monasterio Martinianorum suburbano conc-

vene-

venerunt, & pro conscribentibus pacta Conven-
ta iuramentum sequentis tenoris formarunt:
Ego N. iuro DEO Omnipotenti & Triuni quod
deputatus ad consignationem pactorum Conven-
torum inter Rempublicam & Serenissimum Fri-
dericum Augustum Electorem Saxoniae, liberis
suffragiis Regem Electum in me suscipio, libe-
raeque Electionis tuitionem circa connotanda pa-
cta, sine ullo respectu & assentatione futuro Re-
gnanti, commoda Reipublicae promovebo, salu-
temque publicam & securitatem iurium, privile-
giorum & libertatum nostrarum, ut optime po-
tero, observabo, nec ullis largitionibus me cor-
rumpi patiar, ita me DEVS adiuvet! Con-
tystae contra apud Monachos Bernardinos Con-
ventus suos ad diem 5. Iulii prolongatos insti-
tuerunt, in quibus quaesti sunt, 1.) conculca-
tam esse Archiepiscopi Gnesnensis auctorita-
tem, cui soli competit de iure, nominare Re-
gem: belli Imperatores non facere satis officio
suo & iuramento, quibus incumbit, militem in
finibus Regni (non in campo Electorali) con-
tinere, & si Regnum seditio invaserit, nulli par-
ti adhaerere. 2.) Serenissimum Saxoniae Ele-
ctorem non esse vere Catholicum, quod docu-
menta variant, cum Orator Saxonicus Princi-
pem suum ante biennium Catholicam fidem
Romae esse professum affirmet; Episcopi lau-

rinensis contratestimonium asseveret, ipsum Badenae die 4. Iunii Lutheranismum eiurasse, & literae ipsius Electoris Badena eodem die ad Archiepiscopum scriptae testantur, quod non possit prius profiteri Religionem Catholicam, quã de diademate Regio certus sit. 3.) Securitatem libertatum Polonicarum esse nimium laesam, cum enim Domus Ducum Saxoniae ius indigenatus in Polonia A. 1652. adepta sit, ultimam Confoederationem vetare, Piastrum eligere in Regem: praeterea metum non esse vanum, quod Potentissima Saxoniae Domus bona terrestria emere, muniaque Reipublicae extrantiora in eandem inferre possit, unde potentia regnatricis Maiestatis libertatem Polonorum infringat: quod nimia Electoris Saxonici potentia, & cum vicinis Principibus foedera multiplicata, Reipublicae possint esse suspecta, utpote in oppressionem libertatis Sarmaticae vergentia. 4.] Diploma Electionis, scissa in partes Republica, Mareschalcum Equestrem non potuisse extradere, neque posse, propter iuramentum, quod praestitit, ideoque confirmationem Electionis maxime necessariam esse, quam in diem 6. Augusti indixerant, cum Nobilitas tota, quae ad Electionem Regis requiritur, in lares suos iam se recepisset. His tamen non obstantibus Contystarum querelis, Saxonistae die

die 6. Iulii literas universales, Electionem Regis Friderici Augusti Electoris Saxoniae denunciantes, publicarunt, in quibus insignem dolorem suum super scissione Reipublicae testabantur, insimul significantes, quod unum & Regia Domo in thronum evehere, & ab Electore suo recedere voluerint, si per Primate Regni licuisset, qui contra expressum tenorem Confoederationis a se scriptae, contra iuramentum in voto suo ante hymnum praestito, privata factione actum Electionis praecipitavit, & contra Senatorum, Equestris Mareschalci, Deputatorum & Ablegatorum Protestationem, Principem de Conty nominavit Regem Poloniae; hunc autem cum non possint agnoscere Regem, tribus vicibus viva & expressa voce Reverendissimus Episcopus Cuiaviensis, nemine protestante & contradicente, Electorem Saxoniae proclamaverit Regem Poloniae & Magnum Ducem Lithvaniae, cuius dignitatem & securitatem sub honore, fide & conscientia, quin effusione sanguinis, in utraque gente luituri, quique contra hunc insurgeret, vel Electionem annihilare praesumeret, hostis patriae & perduellis esset. Dies 15. Sept. Coronationi simul Cracoviae praefixus, & Comitiae Coronationis in diem 17. eiusdem Mensis indicta.

Deputati quoque sunt plurimi ex

P 3

Sena.

Senatu & Ordine Equestri cum denunciatione ad Serenissimum Augustum Ducem Saxoniae, Electum Poloniae Regem & Magnum Ducem Lithvaniae, qui d. 22. Iulii Diploma Electionis eidem Tarnoviciae offerre, eumque ad Regnum capeffendum invitare deberent: caput Legationis huius erat Illustrissimus Ioannes Jablonowski Palatinus Voithyniae, cui Serenissimus Rex imperium in germanicum & extraneum militem supremum pro exhibito humanitatis & reverentiae officio contulerat. Interea scripserat Cardinalis ad Electorem Saxoniae, eundem a throno Regio avocans; quia autem titulus indebitus in inscriptione litterarum exaratus, resignatae illae non erant, quae alias huius argumenti fuerunt: *Serenissime ac Potentissime Princeps Elector. Post acerbam Reipublicae nostrae a morte defuncti nuper Ioannis III. orbitatem, venit tandem exoptata dies, in qua, praeter paucos aliquos, unanimi consensu in Regem nobis Serenissimum Principem Ludovicum Borbonicum Principem de Conty elegimus. Quia vero pusillus ille grex, suffultus auctoritate trium belli Ducum, Serenitatem Vestram involvere illegitima nominatione sua, calcatis iuribus, ac postposita auctoritate Primatiali,*
(quae

(quae unica sub Interregno) praesumfit; cum omni, quae par est, veneratione Serenitati Vestrae denunciamus, non esse hoc, nec fuisse mentis nostrae, ut Vestram Serenitatem heroicis facinoribus contra hostem Christianitatis impeditam, cura Regni nostri oneraremus. Obnixè igitur obtestamur Serenitatem Vestram, ut istam parvam nominationem non austruat pro universali consensu, imò pro innata magnanimitate sua, ex amore vicinitatis, nos circa liberam Electionem permanere cum Rege nostro permittat, nec veniat in mentem Serenitati Vestrae, belli Ducum nostrorum assensus & assistentia: quo enim inter illos & Rempublicam maiores aemulationes, eo ipso propositum ab illis Regem non sine sensu acceptare possumus. Faciet Serenitas Vestra nomini suo ingentem gloriam, quando nobis magis in concurrentiis prodesse, quam praesse dignabitur, cui devotissima nostra officia commendamus. Feria quinta post Festum Margarethae in Castro Raveni protestati sunt Conrystae adversus Electum Regem Augustum, inter alia, quod uxor eius esset Calvinianae fidei, & pacta Conventa clandestine in Ecclesia Ioannitica expo-

sito venerabili Sacramento, hora sexta matutina, per Oratorem Dissidentem, alias Calvinum, non obstantibus solennibus Protestationibus, iuramento fuerint confirmata. Adversus quam Contystarum Protestationem fusius reprotestati sunt Saxonistae, in Curia Varsaviensi Regia, vigilia S. Iacobi, argumenta adversae partis explodentes, quarum haec series erat. 1.) Quod Saxonistae semper studuerint quieti publicae, & cum Regiam Domum in Electione praeterire noluerint, tamen ob Principem de Conty eiusque Patronos facere nequierint. 2.) Quod in tota Contystarum Protestatione nullum esset veritati conforme punctum: quod enim obicitur, Illustrissimum Episcopum Vladislaviensem & Pomeraniae prius fecisse nominationem Serenissimi Saxoniae Electoris, & actum Electionis praecipitasse, a veritate est absonum; cum in memoria universorum Palatinatum recenter haereat, Reverendissimum Archiepiscopum prius nominasse Principem de Conty, atque e campo Electorali Varsaviam discessisse, deinde vero Saxonistas demum ad valla & tentorium accessisse, ac post aliquot horas, nemine contradicente, eundem nominasse Regem, ac etiam postero die eundem actum, quo stabilis & solidius rati haberetur Electio, sub iisdem Electoralium Palatinatum signis sustinuisse,

nuisse, ac omnium plausu in praesentia Legati Serenissimi Neo-Electi solemnem fecisse, 3.) Absolum, quod nulla Protestatio contra nominationem Principis de Conty interposita fuerit; cum vivant adhuc, qui id testantur; quin Mareschalcus Comitiorum Electionis Diploma extradere noluit, quia tot Protestationes & Contradictiones vidit & audivit. 4.] Absolum, quod Serenissimus Saxoniae Elector ad Sceptrum Poloniae capeffendum non concurrerit; cum ipse Primas Regni post alios Candidatos, ante hymnum: Veni Creator Spiritus! personam Serenissimi Electoris proposuit. 5.] Absolum, quod Serenissimus Elector non sit Catholicus; cum oculus sit visurus, quod aures non audiunt, 6.) Absolum, grave Primatiali praerogativae factum fuisse praeiudicium, quod non ipse Serenissimum Saxoniae Principem nominaverit; cum hoc ab ipso innocentis Reipublicae Status desiderarunt. Cur ipsemet sua se praerogativa privavit, & iure facultateque exiit? Cur sequutus partes sibi, non Statibus & Ordinibus, faventes? Cur debitum obligationis munus & iuramentum suum non observavit de non tentanda prius nominatione, antequam omnes in unum consensissent? 7.) Absolum, quod pro partibus suis nullam Manifestationem interposuerint Contyistae contra

iuramentum pactorum Conventorum, per Illustrum Saxoniae Legatum expletum; cum Manifestatio illa sit in Actis Castri Ravensis. 8.) Absolum, quod Saxonistae Rempublicam dividerint; cum potius deserti & relictī in campo Electorali a Primatē suo eversum statum, divisam Rempublicam, convulsa liberae Electionis iura cardinalia deplorantes, pro penitentiore omnium informatione, non sine gravi doloris sensu, sequentes articulos deponant. (a) Quod Legatus Christianissimi Regis Polignac, & alter Schatenes, Varaviae tempore Electionis morati sint, & ille intima Status Polonici scriptis suis perstrinxerit, contra Leges Interregni fundamentales, ut Ministri exterorum Principum tempore Electionis Varavia removeantur. (b) Quod ad actum & locum Electionis militares copiae inductae, & Tartari in Magnum Lithvaniae Ducatum, prout Nuncii Terrestres narrabant, irruptionem fecerint. (c) Quod Electio Mareschalci Equestris insolito more per calculos capitatum & viritim facta, in multas hebdomadas prolongata sit, ne prorsus temporis quicquam relinqueretur sanandis Reipublicae vulneribus, sed omnia vulnus essent. (d) Quod contra Sacramentum iurisiurandi Eminentissimus Cardinalis & Primas Regni literas Moscoviticis, Electionem Principis Galliae dissuadentes,

tes, apud se retinuerit, adeo ut secundas literas Minister Moscoviticus necessum habuerit a Principali suo in alias manus tradere. (e) Quod idem Cardinalis iuramento promiserit, se neminem nominaturum, qui non esset de omnium Ordinum consensu electus; attamen hoc postposito, nominationem sibi tantum & suis, non vero Statibus & Ordinibus Regni placentem, ad divisionem praevisam, perniciosam quidem in publicum, sed in privatum non inutilem, uno lectu confecerit, ideo partes Gallicae factioni obnoxias saepe obequitaverit, ad alias autem ne unicum gressum fecerit, (f) Quod idem audeat, facta iam Electione & nominatione Serenissimi Saxoniae Ducis, per Status & Ordines viritim confirmata, pactis Conventis ratihabita, & iuramentis comprobata, sine praevisis Particularibus Conventibus, sine consiliis in Palatinatibus ventilatis, Electionem Principis de Conty confirmare, infelicia Interregni tempora velit cassare, & literas universales pro confirmatione Electionis Gallicae in die 26. mensis Augusti extradere praesumat. Ex quibus evidentibus ac palpabilibus rationibus & plurimis aliis, quas publicus zelus, sagacitas atque rectitudo optimorum Civium penetrare potuit, solenniter nomine Statuum & Ordinum Regni tuentium liberam Electionem,

nem, de nullitate factae enunciationis per Eminentissimum Cardinalem, uti violenter, ad scissionem praecipitatae, praesumptuosae, armatae, cohortibus militaribus stipatae prius, quam suffragiis Electorum probatae, indeque ius omnium liberae Electionis ad aliquos trahentis; tam de nullitate praefatae Manifestationis, uti mentalis, ex nullo vero obiecto candido; deque nullitate literarum universalium pro confirmatione Electionis, in diem 26. Augusti ad turbendam Rempublicam extraditarum; demum de nullitate quarundam literarum, Conventus Particulares licitos ac legitimos, quo in turbido omnia fiant, inhibentium, Iudicia vero Capturalia, quo perpetua Dictatura seu Triumviratus Interregni permaneat, unice commendantium; nec non de nullitate omnium similium scriptorum & actum inde subsequendorum: de validitate vero factae Electionis pro Serenissimo Saxoniae Duce, uti innocentis, nec ante tempus modis & mediis procuratae, uti usitata a Maioribus praxi, per Congressum more militari Terrarum ac Palatinatum statim in crastinum, assensu omnium ac plausu, nemineque contradicente, confirmatae, receptae, pactis & iuramento Ablegati Serenissimi Neo-Electi ratihabitaе, tum quoque de validitate omnium Conventuum, solennitatum pro futura Coronatione iuxta Leges celebran-

branda, protestati sunt. Hac tamen non ob-
stante Reprotestatione Michael S. R. E. titulo
S. Mariae de Pace Presbyter Cardinalis Radzie-
iowski, Archiepiscopus Gnesnensis, Legatus
Natus, Regni Poloniae & Magni Ducatus Li-
thvaniae Primas Primusque Princeps, die 21.
Iulii literas universales ad Senatores, Dignita-
tarios & Officiales misit, ut pro confirmatione
Electionis Contycticae die 26. Augusti in cam-
po Electorali inter Oppidum Wola & Varsha-
viam comparerent, quorum quidem vix mille
aderant, ibidemque Confoederationem Gene-
ralem pro defensione fidei Catholicae & inte-
gritate libertatis sanxerunt, huius fere formae:
*Nos Ordines Regni & Magni Ducatus Li-
thvaniae ad confirmationem liberae Electi-
onis congregati, cum consensu partium Rei-
publicae firmiter statuimus sancimusque. Si-
cut unicuique in libera gente nato, ductu ip-
sius naturae, inest ille libertatis amor, ut
aeque in illa sit gratum vivere, atque pro
illius defensione mori non amarum: ita ne-
mini admirationem movere debeat, quod pro
tutione eiusdem libertatis vitam & fortu-
nas nostras in omnia discrimina offeramus,
in solo DEO totam fiduciam nostram repo-
nendo, quod sicut clare videmus apertum pe-
riculum fidei nostrae per recentem introdu-*
ctionem

*tionem in viscera Regni Catholici ex tot
 millibus conflatae militiae Aetholicis, ita
 idem Dominus exercituum apponet praepo-
 tentem manum suam, ut hoc Regnum a tot
 seculis sibi consecratum devotumque vin dicit
 a tam foeda labe, & libertatem nostram
 etiam a Caelo ipso, filiorum DEI libertate
 aestimata, virtute omnipotentiae suae tuea-
 tur. Insidimus in ea secula & deploratam
 temporum calamitatem, ut tanto Maiorum
 nostrorum sanguine partae comparataeque
 libertatis potius desperare detur discrimen,
 quam beatum illius usum fructumque, quan-
 do, Confratres nostri obliti sui, & patriae
 immemores, citra tot ex integris Palatinati-
 bus solemnes contradictiones proclamaverunt
 Regem. Atque ideo huc convenimus, non
 temnendo numero ex utraque gente & ex o-
 mnibus Palatinatibus, ad confirmationem li-
 berae Electionis, cum eo voto & desiderio,
 ut patriae desideratam tranquillitatem pae-
 cemque adferremus, & liberae Electionis
 intaminatam tuitionem conservaremus. Ve-
 rum quando tantam seriem malorum supre-
 mum malum comitetur, cum palam sit uni-
 versis*

versis Reipublicae Ordinibus, perculatas Regni Leges, permittentibus tam Arcis Regiae quam Urbis Cracoviensis Gubernatoribus, a parte contraria in viscera Regni introductum esse Candidatum, & insignia Reipublicae, per Legatos nulla auctoritate legitimos, in contemptum Equestri Ordinis extradita; extraditum item Diploma Electionis cum subscriptione nonnullorum Senatorum; [cuius extraditionem ab Illustr. Domino Marescalco Comitiorum Electionis consentientibus Ordinibus Regni ratam conservatamque voluerunt] porro quod enunciatio nullo iure ab Illustrissimo Episcopo Vladislaviensi emanavit in lucem, & in illa Comitola intimata Coronationis solemnia, Comitum Coronationis in eversionem iurium cardinalium promulgata, recte sentientes de Republica pro hostibus patriae declarari, (quod praesenti Confoederatione cassatur & annihilatur) pacta conventa nec ipsis qui fecerunt laudata, (ut subscriptiones cum Protestationibus testantur) conscripta, & ad iuramentum circa conscriptionem eorundem, inaudito exemplo, Nobilitas coacta: eadem pacta a Dissidente in
Templo

Templo coram venerabili iuramento firmata; Vrbs & Regia Cracoviensis Dissidentibus tradita & infessa. Propterea pro re indigna nobili sanguine, & libertati Polonae praecudiciosa factum hoc reputando, & videndo manifestam ruinam libertatis nostrae Polonae, consentientibus universis Regni Ordinibus, pro sancta fide, pro templis, & libertate defendenda Generalem hanc Confederationem amplectebantur, & tam diu sanctum hoc foedus (quod sub fide, honore, & conscientia ad ultimam sanguinis guttam tueri voluerunt) non dissoluturi, quousque illaesam in suis iuribus non constituent Rempublicam. Insuper non sine acerbissimo cordis sui dolore percipiebant, iam esse liberum fidei Lutheranae exercitium in aliquot locis Cracoviae, imo & conciones a Ministris Lutberanis palam fieri; hinc collegerunt, quid sperandum esset? si ad Regnum venerit, pluribus adhuc millibus comitata Ac catholicae militiae. Serenissima Electrix in suo Lutheranismi pertinacissima, quanta inde clades Religioni Romanisque sacris imminabit? Ut vero meliori methodo praesentes Actus
ordina-

ordinarent, elegerunt pro Directore Foederati Ordinis Equestris Illustrissimum Stephanum de Rycht Humecki Dapiferum Podoliae, additis eidem Consiliariis ex quolibet Palatinatu & Terra, qui ad latus eius perpetuo commorando, unius aut plurium absentia non obstante, consilia mature expedirent, & quicquid praedicti Deputati cum Mareschalco Confoederationis, communicato consilio cum Illustrissimo Senatu, statuerint, id pro grato & rato acceptare parati essent, modo in praeiudicium libertatis non foret. Deinde eodem Confoederationis Generalis vinculo obligarunt sibi Senatorium Ordinem, tanquam Patres Patriae & prima Regni columina, probaruntque soli Eminentissimo Regni Primati debitam Legibus potestatem, ab Episcopo Vladislaviensi sibi contra expressa Regni iura fuisse vendicatam, allegantes Constitutionem Sigismundi Augusti A. 1550. cuius verba haec sunt: *Inprimis circa Coronationem Regum Poloniae ita statuimus, quod nemo coronari debeat in Regem, qui non sit prius ab omnibus Ordinibus libere iuxta Privilegia Poloniae a Regibus data, electus, quem ita libere electum nullus alius coronare debet, praeter Illustrissimum & Reverendissimum Archiepiscopum Gnesnensem. [iuxta Privilegium illius a Casimiro III. A. 1451. concessum]* Ex Con-

Q

Situ.

stitutione in confirmatione Electionis Stephani Bathori A. 1579. sancita sequens citabatur Lex: *Cum hoc pro nobis habeamus ex immunitatibus & legibus nostris, quod nobis neq. nominatio neq. alicuius publicatio Regem imponat, proinde reassumimus cum consensu omnium Ordinum, Consilium ad latius Primatiale ex Ordine Senatorio, qui praesentes sententias suas conferre debent cum Mareschalco nostro, & nihil concludere absque mutuo utriusque subsellii consensu; unde necessarium iudicamus esse, ut vel in una Urbe utraque haec consilia firmentur, vel saltem in locis vicinis, cum debita tam personarum quam consiliorum securitate.* Concesserunt praeterea in casu ingruentis periculi, ut possint extradi universales litterae pro publico Nobilitatis motu evocandae, cum subscriptione Primatis Regni & Mareschalci Rokosliani exercitus, quae pro tertia evocatione reputari deberent, quandoquidem praesentem Confoederationis huius denunciationem pro prima & secunda ratione invitationeque haberi voluerunt. Huius Mareschalci personam & fortunam suis pectoribus & fortunis tueri, nec ullum deferere iuramenti vinculo se obligarunt. Ad expensas illius extraordinarias tam Regni quam Magni Ducatus Lithvaniae thesaurum dispensarunt. Insimul expedierunt Legatos, Maiorum vestigiis insi-

stendo,

stendo tam ex Senatu quam Equestri Ordine, ad Serenissimum Electorem Saxoniae, cui laesionem libertatis & iurium deferrent, nullos apud eum exorsuri tractatus. Si quis autem ad defensionem Religionis & libertatis noluerit ab adversa parte ipsis accedere, sed violentis consiliis libertatem eradicantibus se immiscearit, pravumque suum hoc propositum post denunciationem huius Generalis Confoederationis non mutaverit, & Coronationi contra iura Regni per Reverendissimum Episcopum Vladislaviensem administrandae interesse praesumerit, (quam illi Coronationem pro nulla & irrita habuere, sicut & omnia alia sancita, ipsamque denunciationem, & alios quosvis actus habuerunt) tunc quemvis eiusmodi pro hoste patriae declararunt, arma contra illum stringere parati. Coaequationem iurium Magni Ducatus Lithvaniae, tanquam contrariam eius Status, abrogarunt, quod tolleret omnia ministeria Reipublicae & unanimem omnium Ordinum concordiam, violando Legem positivam Constitutionis [Magn. Duc. Lithv. in cap. 3. art. 15. Denique omnes coram Omnipotenti DEO iurarunt, quod unus alium constantissime sit tuiturus, & uterque Ordo tam Senatorius quam Equestris sub protectionem suam unumquemque, qui a partibus Contyfticis staret, sit

accepturus; quodsi vero quisquam cum parte contraria compositionem moliri auderet, quilibet eum pro infami & hoste patriae esset declaraturus. Subscripserunt hanc Confoederationem duo tantum, utpote Cardinalis Radzieiowski, & Humecki Mareschalcus Rokossianorum. Res Polonorum dubio tum vertebatur cardine, nisi Coronatio Augustissimi Regis, quam Episcopus Vladislaviensis in diem 15. Sept. indixerat, finem omnibus fere malis imposuisset, de qua, item de pactis Conventis, antequam nonnulla in medium proferamus, primis veluti digitis adventum Principis de Conty, cum Ioanne Barth Archipirata navibus quinque ad Oram Olivensem vecti, tangemus, ut alios pasquillos seu famosos libellos, germanico idiomate in eum cusos, fileamus. Is, postquam mense Sept. ad littus maris Balthici appulisset in classe sua sub Oliva, die 5. Octobr. An. 1697. scriptum evulgavit, Polonorum & Lithvanorum favoribus se insinuando, estque huiuscomatis: *Franciscus Ludovicus de Bourbon, Princeps de Conty, DEI gratia & affectu inclytarum nationum Serenissimae Republicae Poloniae & Magni Ducatus Lithuaniae in Regem Electus, Eminentissimo Primati, Excellentissimis, Reverendissimis,*
Illu.

*Illustrissimis Senatoribus Regni, tam Spiritu-
alibus quam Secularibus, Dignitariis, Offi-
cialibus, & Nobilissimo Ordini Equestri,
tam Regni quam Magni Ducatus Lithua-
niae, & omnibus quorum scire interest, post
intimam promptissimi, cum erga universos,
tum erga singulos, ad bene merendum de o-
mnibus, affectus nostri contestationem, signi-
ficamus praesentibus. Ut primum ad litus
maris Baltici prope Gedanum classis no-
strae iecimus anchoras, non prius Regni li-
mites ingredimur, quam debitam gratitudi-
nem cum omni reverentia Serenissimae Rei-
publicae publico hoc nostro scripto conteste-
mur, offerendo promittitudinem nostram, &
constantem inclinationem ad obsequium Re-
gni huius toto orbe celeberrimi. Quod si non
ita cito, ut debita pro suffragiis in Electora-
li campo acceptis requirebat gratitudo, com-
paremus, non aliqua negligentia nostra in
causa est, sed religiosa Legum huius Reipu-
blicae observantia, cui ex gratia DE I &
affectu Electoris populi servire & praesse
debemus. Haec modestia nostra non super-
addit ullam praerogativam parti contra-*
Q 3 *rine,*

viae, sed nostram confirmat; nam adverti non debet, quis nostrum tardius advenerit, sed qui iustus. Firmum enim nostrum propositum fuit, concessa a Serenissimis Poloniae Regibus iura in Interregno servare, & ne in minimo puncto violare: & si fuisset in opposita parte moderatio nostrae similis, pupilla haec iniuriam cardinalium circa liberam Electionem in integro fuisset conservata; quia nunquam properassemus ad capeffendam in scissione Regni, relinquendo decisionem Electoris populi hanc determinationem: verum postquam vidimus omnia cum Legibus evrsa, exigebat a nobis gratae mentis obligatio, pro affectu huius Reipublicae erga nos, ut vindicaremus libertatem, quam Serenissimus Elector Saxoniae ex ipsis prope cardinalibus videtur penitus subruisse. Nunquam enim sperabamus tantam violentiam inferendam Regni Legibus ac indeterminati libertatum, ideoque quantumvis pariter, item longe perfectius, ab Electore populo proclamati, procul a finibus Reipublicae confirmationem liberae Electionis praestolati sumus, & expectassemus diutius, si nobis si-

gnifi.

gnificatum non fuisset, quod tot tamque solennes contradictiones, neque confirmatio liberae Electionis, neque demum ipsa totius Nobilitatis Confederatio pro tuendis libertatibus instituta, tam violentam fraenare debeat ambitionem, quae volando ferme, non cundo, properabat ad thronum. Quando nihil prisci ac integri moris observando, in limitibus Silesiae ad finem Electionis, quasi in spem futurae scissionis excubatum vigilatumque est. Accessit Regalis tituli post primam notitiam illegitimae Electionis, non obstante Eminentissimi Primatis praecustoditione, praecox usurpatio, contra antiquam praxim Legis, non ab illis, qui ab integra Republica ante scissionem designati fuerunt, sed a privatis pacta Convēta composita, & prius a Ministro Haeretico ante SS. hostiam, deinde ab ipso Serenissimo Electore iuramento firmata. Legatio, novo in Republica exemplo, & eius detrimento, acceptata: finium Regni cum exotico & Acatbolico milite transgressio, Arcis Cracoviensis simul cum Vrbe occupatio: reliquae solennitates contra omne ius & fas in militum comi-

tatu, Regibus Poloniae legitimis prorsus insolito expeditae: auditi exterorum Principum Legati: vacantes Regni dignitates distributae, & ad Coronationem, nulla non violata lege, properatio facta, & non consideratis tot Protestationibus, quae contra nullitatem actus dictae scriptaeque fuerunt, sine clavibus & privilegiatorum lege publica Senatorum praesentia Archivo reposito, thesaurus Regni per vim effractus, & simul veneranda legum potestate fracta, gratissimo olim iure vetandi, quia pretioso sanguine Nobilitatis Poloniae comparato, funditus everso, nulla relicta semita ad repARATIONEM violatarum legum & laesae libertatis, tandem ad ipsius Coronationis, solennia ventum est. Horum igitur omnium siue iam actorum, siue in proximo agendorum, accepta notitia, non licuit nobis longius differre adventum nostrum, & deesse illorum desideriiis, quibus cordi est antiquissima Serenissimae huius Reipublicae libertas, & qui nos cum tot Illustrissimis utriusque gentis Senatoribus & simul integris compluribus Palatinatibus elegerunt, atque illius ore, cui
per

per Leges competebat, nominarunt. Non licebat nimirum permittere, ut Regnum hucusque liberum, vestigiis Hungaricae Bobemicaeque Reipublicae ex odio privatorum & vicina potentia funditus eversae ad similem crisin propinquaret; movimus proinde Dunckerka post maturam deliberationem d. 7. Sept. ut possemus in tempore opportuno gratificari Serenissimae Reipublicae Ordinum suffragiis, non inferendo ullam violentiam Regno, Legibus, & Libertati; sed ut vitam nostram & sanguinem Regi Regum, & Poloniarum Regno, quod nos Regis titulo dignatum est, pro sancta Religione & Libertate immolemus. Nam quicumque demum res e Legibus veritatis aestimabit, facile concludet, quod nunquam alias ab ulla potentia tantum periculum fuerat, quantum nunc Regni huius Religioni Libertatique immineat. Quando igitur DEUS O. M. ex infinita bonitate sua per tot viarum discrimina, & vel sola cogitatione formidanda incommoda, huc nos deduxit feliciter, subsistimus in classe nostra, & in mediis inquieti maris fluctibus, malumusque diutius maris autumnique iniu-

vias ferre, non parcendo valetudini, ut hac nostra patientia submissam Legibus Regni observantiam clarius probemus, expectando compellationem illorum, qui resuscitare emortuam libertatem sub vindictis nostris sincere desiderant. Vbi non modo spem certam, sed & spei firmam fiduciam facimus, quod non tantum in huius Regni ingressu, sed in ulteriore quoque Reipublicae gubernatione, velimus praestare, ut nec unam jota, nec ullus apex de lege praetereat. Non illa enim via incedemus, quae velut signo ad permiscenda omnia dato, cuncta ex libidine agenda ducit; sed propositum nobis est, resuscitare Serenissimorum Stephani & Sigismundi Poloniae Regum praeiudicata, & nihil agere, quod sit postea excusandum. Hoc in primis omni studio efficere conabimur, ut faventibus Superis & libertatem & internam tranquillitatem restituere possimus, ut nulli pro praeteritis vitio vertendo, omnibus libere sentientibus ignoscendo, adducere affectu nostro universos & singulos possimus, ad egregium humani animi ab odio ad gratiam deflexum, unice optantes, ut postquam ad littus descen-

descenderimus, ex mari, quod fert uniones, pretiosorum animorum unionem, simul cum Religione & Libertate possumus invenire vel inferre, ne aut Republica aut quispiam ex incolis pullam vestem ex nostra occasione induat. Nunquam enim fuit, neque est nostra intentio, ut per tumultus Electoris populi thronum Poloniae conscendamus, quemadmodum Serenissimus Elector Saxoniae, qui ab aliis nationibus petit suppetias contra Polonos, ut per illorum subactas cervices Regno potiatur, cuius rei testes authenticas habemus literas, cupimusque eas palam in Acta referri. Hinc facilem ex praemissis Polona libertas elicere potest conclusionem, quid illi sperandum in arido, si haec fiunt in viridi? Non inducimus Regni limitibus externam militiam, quamvis & haec praesto esse nobis posset. Hi in equis, & hi in curribus, nos autem in Nomine Domini, nimirum in DEO in primis deinde in affectu Serenissimae Republicae, pro Religione & Libertate tuenda, spem nostram & intentionem collocamus: satis erit virium, si satis animi. — Si tamen plus postulaverit necessitas, parati sumus tan-

tum comparare virium, quantum possit sufficere circumstantiis; quanquam non optamus, ut tam pretiosus Polonae Nobilitatis sanguis effundatur, quin imo ardentissime omnes in genere, & singulos in particulari, obtestamur, ut quandoquidem neque vestis, qua tegimur, componi possit, non exercendo manus, si ut memores etiam adversae partis, eos esse confratres, propterea nullas hostilitates ad invicem excitent, securitati domorum Nobilium, & integritati bonorum tam spiritualium quam secularium, & aliorum diligenter provideant, quia hac ratione libertatem sentiendi conservabunt, declinando similes actiones, quae parem causare possent Nobilissimi sanguinis effusionem, quam Deus avertat. Revocamus simul in memoriam utrique genti reflexionem illam magnorum in hac Republica Senatorum, qui semper formidabant vicinam Germaniam, non item tot terrarum spatiis distinctam Galliam perinde susceptam habuerunt. Haec enim semper plus prodesse Regno, quam nocere potest, & potius galea pro defensione sanctae fidei & libertatis dicenda quam Gallia. Con-
fideo

sideretur tantum diligenter ab omnibus, quam toto coelo sint diversae actiones illius partis a nostris, & neminem fore arbitramur, qui non moveatur contra, & nobis potius adhaereat, qui procul omni ambitione, sola bene merendi de omnibus voluntate, ad defensionem Religionis & Libertatis descendimus, tot suffragiis invitati. Minime nos movet praecipitata contra Leges Regni coronatio, nam quod ab initio invalidum fuit, tractu temporis firmari non potest: facienti quae non debet, accidunt quae non credit: in malo fundo erecta domus, sensim ruat, necesse est: in ruinam prona sunt, quae sine fundamento crevere: bono exitu coronari non possunt, quae malo nituntur principio. Praeterita conventa iuramento confirmata ex beneplacito tam scribentium quam iurantis, Coronationem hanc illegitimam reddiderunt; nam illa clare hoc punctum continent, quod ad Coronationem accedere non deberet Serenissimus Elector Saxoniae tam diu, quam diu Serenissima Electrix veram non ampliteretur Religionem, idque sub nullitate Electionis: & ideo originale pastorum convento-

rum

rum non est productum, quantumvis zelantissimi pro fide sancta & libertate Cives magna contentione requirerent, nam in ipso limine contra tot puncta peccatum est. Non dubitamus igitur, quod haec nostra declaratio, quam omnibus palam esse volumus, excitabit pristinum in cordibus inclytæ gentis maiorum suorum Zelum, qui olim bona sua, imo vitam etiam pro conservatione aureæ libertatis & patriarum legum facile impendebant. Quia nos huc advenimus, non tam ad capiendum Regni Diadema, quod nobis Respublica detulit, quam ad defensionem liberæ Electionis, & ad ferendas vindicias sanctæ fidei & oppressæ libertati, pro cuius securitate vitam & sanguinem parati sumus consecrare. Datum in classe nostra sub Oliva, die 5. Octobr. Anno 1697. Franciscus Ludovicus. Locus Sigilli. Conatus tamen Contyistici eorumque adiutores ab Illustri Michaelē Barone de Brand, Supremo militiae Germanicæ Praefecto dissipati sunt: ipse quoque Princeps de Conty, raptis aliquot Gedanensium navibus, rebus infectis in Galliam remeavit. Nunc pactorum Conventorum præcipua tantum dabimus argumenta. Ad illa

con-

conscribenda ex Senatorio & Equestri Ordine
Deputati erant quorum iuramentum talis for-
mae fuit: Ego N. iuro Deo Omnipotenti & Tri-
uni, quod deputatus ad compositionem pactorum
conventorum inter Rempublicam & Serenissimum
Fridericum Augustum Electorem & Ducem Sa-
xoniae, liberis suffragiis Electum Regem. ante o-
mnia recipio in me liberae Electionis tuitionem,
quam circa annotanda pacta promovebo, sine ullo
respectu & assentatione futuro Regnanti, nec pri-
vatum, sed pure tantum publicum bonum & se-
curitatem iurium, privilegiorum ac libertatum
nostrarum, de optima forma & fundamento mu-
nitarum, respiciam, neque largitionibus cuius-
cunque generis corrumpi me patiar; ita me Deus
adjuvet, & innocens Christi Domini Passio! In his
itaque pactis conventis Electus noviter Rex
sanctissime promisit. 1.] Quod ipse cum con-
iuge sua ante Coronationem fidem Romano-
Catholicam cum omnibus solennitatibus pro-
fiteri, eamque fidelissime ad tempora vitae sub-
nullitate Electionis servare vellet. 2.) Quod
titulum Haeredis, eiusque successores usurpare,
& Domus Regia ullam successionem praetex-
tumque proximitatis ad Regnum sibi praesu-
mere non vellet. 3.) Quod inter Dissidentes
in Religione Christiana, quorum non pauci in
Regno, Lithvania & Russia essent, perpetuam
pacem

pacem constituere vellet, non obstantibus quibuscunque Protestationibus adversus Religionis Confoederationes factis, exceptis Mennonistis, Anabaptistis, Quakeris, & Arianis, qui ad ius hoc non pertinerent, neque illis dignitates ullae conferendae essent. 4.) Iuramentum & pacta Conventa prima die quorumlibet Comitiorum, loco Mareschalcalium articulorum, in praesentia omnium Ordinum, clare, articulate, distinctisque verbis legi deberent, & cuilibet licitum esset, Regem libere monere, in quo exorbitatum. 5.) Quae praemissa sunt pro promotione in Regnum, nullitatis essent. 6.) Pro dignitatibus & vacantiis, tam spiritualibus quam civilibus, praemia nulla accipere vellet, & qui ex Civibus pro aliquo officio offerre aliquid auderet, ille non modo ea dignitate carere, sed & eo ipso pro incapaci haberi, & ad instantiam cuiusvis Nobilis in Tribunalibus accusari deberet. 7.) In unam familiam eiusdem nominis suprema Status ministeria, ut sunt Belli Ducum, Cancellariorum, Mareschalcorum & Thesaurariorum, non essent inferenda, eaque solis bene meritis, aetate vigentibus & indigenis conferenda. 8.) Quod uni domino vel viduae duo Capitaneatus opimi simul non essent concedendi, salvo modernis possessoribus. 9.) Regina in negotia Status Reipublicae per se & subor-

subordinatas quasvis personas se immiscere, vel
quenquam ad dignitates promovere non debe-
ret: item Ministris maioribus & minoribus duo
simul officia non committenda, nec duo privi-
legia ad unum officium extradenda. 10.) Di-
gnitates spirituales & saeculares, officia utrius-
que ritus Graeco-Vniti & eorum privilegia pa-
cifice conservare vellet. 11.) Vacantias extra
tempus Comitiorum intra sex hebdomadas, in
Comitiis vero ante omnia indigenis, paritate iu-
ris gaudentibus, bene meritis, aetate & discre-
tione vigentibus, utriusque gentis & annexa-
rum Provinciarum iuxta iura earum conferre
deberet. 12.) Pacta & foedera cum vicinis
Principibus, sine praeiudicio tamen Reipubli-
cae & avulsarum Provinciarum, servare, avulsa
autem a dominiis Reipublicae recuperare vel-
let. 13.) Monetae restauratio non ex Senatus
Concluso iuxta Constitutionem A. 1634. insti-
tuenda, sed ad Comitia Generalia tantum diffen-
denda, post quorum deliberationem domus
monetariae aperiendae, inque iis moneta aurea
& argentea iuxta ligam Imperii ac vicinorum
Principum condenda. 14.) Legati ad exte-
ros Principes non mittendi, nisi Nobiles bene
possessionati ex utroq; Ordine: Instructio eorum
publice in Comitiis ex Senatus Consulto scripta
per Cancellarium legenda, ac expeditio in Co-
mitiis

mitiis praesentibus omnibus Ordinibus promul-
ganda. 15.) Exterus, atque nullus e familia Sa-
xonica ad Indigenatum admittendus, sed itan-
tum, quorum virtutes & merita in Rempubli-
cam probata; novis vero creatis Nobilibus of-
ficia & beneficia non nisi ad tertiam proge-
niem conferenda, neque exteri ad consilia &
dignitates iuxta Constitutionem A. 1607. pro-
movendi. 16.) Clenodia usurpare, & thesau-
rum Regni aperire, nec ex Senatus Consulto
concessum, nisi cum speciali totius Reipubli-
cae consensu: post fata autem Regis Successo-
res Domus Saxonicae iuxta inventarium ea,
quae ex thesauro Rex exemit, reddere debe-
rent. 17.] Aula Regia ex Polonis & Lithva-
nis, usque ad infimos Ministros, e Regio the-
sauro alendos, constaret; Reginae item Gynec-
aeum e Nobilitate Polona esset, exceptis qua-
tuor, quas proprio sumtu sustentare vellet. 18.)
Custodes Regi corporis ex Polonis & Lithva-
nis, ultra mille & ducentos ex consuetudine
Antecessorum non haberet, aere proprio susten-
tandos, quorum Dux esset Nobilis Polonus.
19.] Reginae Viduae eiusque filiorum bona
omnia in integro servanda. salvis utrinque tam
Reipublicae quam Serenissimae Domus Regiae
Successorum praetensionibus, & ab ipsis iura-
mentum fidelitatis Regi & Reipublicae prae-
stans

standum: cognito quoque causae filiorum Regiorum ad Regem & Comitia spectare deberet. 20.) Literae tantum polonica vel latina lingua scribendae, nec Privilegia privato Sigillo, sed Regni vel Magni Ducatus Lithvaniae obsignanda. 21.) Capitaneatus duo ex primis vacantibus ad Regem reducendi, qui quotannis triginta millia florenorum redditus faciunt, ex Constitutione A. 1689. 22.) Peregrinus miles sine speciali consensu & scitu Reipublicae ad Comitia non introducendus, nec bella offensiva gerenda, & qui id faceret, perduellis ac hostis patriae esset. 23.) In Regio Iudicio causae ab Antecessore Rege nondum decisae, tertio quovis die continuandae, & iuxta pluralitatem votorum diiudicandae. 24.) Gravamina & praeiudicia Prussiae in Comitibus Coronationis plene & irremissibiliter decidendae, nec proventus Reipublicae ab ullo administrandi, nisi qui Nobilis mere possessionatus esset. 25.) Depositoria mercimoniorum extra limites Regni evectorum, iatra Regnum, & ad pristinum usum rigoremque reducenda. 26.) Palatinatum utriusque gentis incorporatarum Provinciarum privilegia & iura confirmare. tertia quaevis Comitia in Magno Ducatu Lithvaniae ex Constitutione A. 1674. celebrare & sedem Regiam propter antiqua iura in visceribus

bus Regni vel Magni Ducatus Lithvaniae habere vellet. 27.) Comitia exorbitantiarum pro earum medela, & alia Comitia Equestria propter Nobilium omnium tuendam immunitatem, celebranda. 28.) Iudaeis nulla functio in teloneis, administrationibus, & aliis Regni negotiis concedenda. 29.) Iura omnium Civitatum & Oppidorum utriusque gentis in Comitibus Coronationis confirmanda. Denique 30.) ut alia fileamus, quae iam in propositi-
onibus supra ab Ablegato Serenissimae Reipublicae oblatis enucleavimus, ius stapulae Gnesnae & Thorunii exercendum esset, de quo tamen in Comitibus Coronationis uberius deliberatio. Haec erant pacta conventa, quibus nisi Rex satisfecerit, incolae utriusque gentis ab obsequio & fide iuxta Constitutionem A. 1609. se absoluturum sancte promisit. Eadem saepe laudatus de Flemming die 27. Iunii iuramento confirmavit, iuxta rotam eiusmodi: *Ego Jacobus Henricus spondeo & sancte iuro ad haec sancta Christi Evangelia Domino DEO Omnipotenti in Sancta Trinitate Vni, quia hos omnes articulos pactorum conventorum, quos cum Amplissimis Statibus Regni & Magni Ducatus Lithvaniae annexarumq; Provinciarum ac universa Serenissima Republica, Nomine Serenissimi Electoris Saxoniae, nunc vero Electi Poloniarum Regis & Magni Ducis*

Duci Lithvaniae, Russiae, Prussiae, &c. &c. Domini mei Clementissimi, in praesenti Electione constituimus, transegimus & conclusimus, Serenissimus Elector Saxoniae, nunc vero Electus Poloniae Rex, in omnibus & singulis eorum punctis, clausulis, ligamentis & conditionibus, ita ut nec generalitas specialitati, nec specialitas generalitati derogat ratos habebit, sacrosancte observabit & manutenebit, & confirmabit, & adimplebit, illosque iuxta instrumentum denuntiationis sacramento iuramenti confirmabit; sic me DEus adiuvet, & haec sacrosancta eius Passio! Iuramento confirmatis tum a Saxoniae Legato Extraordinario cum ab ipso deinde Rege pactis conventis, dies Comitiorum 6. Augusti & 15. Sept. Coronationi erat denominatus, ringentibus licet Contystris. Ipse Elector Saxoniae die 1. Sept. Cracoviam eques ingressus, appenso ad pectus adamante, qui 14 millionibus Rhenanicis aestimabatur, eo ipso die, quo gloriosissimae memoriae Ioannes III. Viennam A. 1684. ab obsidione Turcarum liberavit. Die 13. Sept. exequiae Ioannis III. solemniter sumtu Saxo-nico peractae, adeo ut novus Rex in Missas folas decantandas mille Imperiales impenderit: Orationem funebrem latino idiomate habuit Canonicus Cracoviensis Kurdwanowski. Die 14. Sept. pedes cum Clero & Comitatu suo

R 3

sulico

aulico militarique ad Capellam & sepulchrum D. Stanislai Rex processit. Ante hoc Templum arcus triumphalis erat erectus; elevato loco, imago S. Michaelis Archangeli posita, depresso, effigies Serenissimi Regis, mediante inscriptione: Protegam eum quoniam cognovit nomen meum. Ad dextrum latus erat effigies D. Stanislai, cum inscriptione: Aurea Sarmaticis redeunt iam secula Regnis. Ad sinistrum latus erat effigies S. Pauli primi Eremitae, cum epigraphe: Surgit in Augusto pietas rediviva Secundo. Die 15. in Templo Cathedrali ab Episcopo Cuiaviensi Stanislao Dambski solenniter coronatus est, & ante ipsam unctionem in gradibus altaris pacta conventa subscripsit. Praeferebat ensen evaginaturn Regni Ensiser, aureum pomum Maioris Poloniae Generalis Raphael Leszczynski, sceptrum Iosephus Boguslaus Stuska Castellanus Vilnensis & Magni Ducatus Lithvaniae militiae Dux Campestris, coronam Felix Potocki Palatinus Cracoviensis, in albis culcitris gestabant. E theatro nummi in populum spargebantur, in quorum una parte erat sceptrum in corona cum ense decussatim posito, cum inscriptione: Reges & defendet: in altera parte effigies Regis, cum titulo & expressione diei Coronationis. Die 16. Sept. in foro Cracoviensi more solito

a Magistratu Civitatenſi iuramentum praeſtitum, ipſe Rex poſuit ſuper librum oblatum manum ſuam in ſignum approbationis & confirmationis iurium, & decem perſonas e Magiſtratu, ter quamlibet enſe Regni leviter percutiendo, Nobiles creavit. Peracta hac ſolemnitate, vinum in quatuor fori angulis veluti ex ciſternis profluxit, & quatuor boves integri in ligneis verubus aſſati inter plebem & militem diviſi ſunt. Coronationis deinde Comitia habita ſunt, & intra dies quatuordecim feliciter finita. Confer. *Mercurius Polonus germanicis typis in 4to.* item, *der Sarmatiſche Wahl-Schoppen, in Electione Friderici Auguſti,* & ſcripta illa quae paſſim in hoc Interregno citavimus.

§. XVIII. Poſt Coronationis ſolennia Vicariatum Primas Regni deponit, (anno 1698. menſe demum Maio depositus) Senatores, Nuncii Terreſtres poſt novum electum Mareſchalcum nomine totius Nobilitatis, Civitatum quoque Deputati, iuramentum fidelitatis praeſtant. Ad Civitates autem Pruſſiae Sereniſſimus Rex pro recipiendo iuramento Commiſſarium mittit, qui nuper erat Reverendiſſimus Georgius Albrechtus Dehnhoff Episcopus Praemiſlienſis & Magnus Regni Cancellarius. Tunc etiam Rex Coronationem ſuam exteris

Principibus significat, ut in ultimo Regno factum est, quando Coronationem suam Serenissimis Regibus Daniae & Angliae & Electori Coloniensi die 20. Sept. significavit. Per literas etiam Universales Palatinatibus, Districtibus, Terris & Civitatibus eandem denunciat, & Iudicia omnia Castrensia ac Tribunalia celebranda esse declarat: dat praeterea literas iuramenti a se praestiti, & aliud Diploma, quo omnium iura & privilegia confirmat. Denique Comitibus Coronationis habentur. Quandoquidem etiam iura Regiae Maiestatis demum post Coronationem exercentur, ideo etiam eouique durat Interregnum: quod vero nuperrimum longius protrahum fuerit, ansam praebuerunt Rokossiani seu Confoederati milites, qui inter alia Regi iam Electo proponebant puncta: 1.] Ut testimonium de fide Catholica Roma adferret. 2.) Ut Regina esset Catholica, 3.) Saxonia ad fidem Romanos Catholicam adduceretur. 4.) Provinciae avulsae incorporarentur. 5.) Vacantiae dignitatum cum privilegiis inter Confoederatorum Magnates distribuerentur. 6.) Pacta conventa a parte Rokossianorum formarentur. 7.) Dignitates per annum integrum & dimidium vacantes, accessoribus redderentur. 8.] Miles exterius e Regno relegaretur. 9.] Exercitus Caesareus in Poloni-

am introductus inde educeretur, & in compen-
sam Caesar Romano-Germanicus Polonico mi-
liti pro aestivis & hybernis Ducatum Oppoli-
ensem & Radziboriensem concederet. 10.)
Exteris nullae dignitates conferrentur. 11.)
Indigenatus Electori Saxoniae datus modo ad
hanc ipsam lineam pertineret. 12.) Titulus E-
lectoralis abrogaretur. 13.) Damna ab exercitu
Saxonico incolis ex thesauro refunderentur. 14.)
Praefecti custodiae corporis Regii essent Roma-
no-Catholici. 15.) Alienigenae, praeter eos,
quibus Rex & Respublica maxime egent, e Re-
gno pellerentur. 16.) Bellum Gedanensibus indi-
ctum a Gallo quem finem esset habiturum. 17.)
Episcopus Cuiaviensis iudicaretur, nec in poste-
rum Coronationem peragere praesumeret.
18.) Per Supremum militiae Germanicae Prae-
fectum de Brand eiusque exercitum incolis
Regni illata damna refunderentur. 19.) Quo-
ausu thesaurus Regni esset apertus. 20.) Bo-
na spiritualia in integro conservarentur. 21.)
Decreta Tribunalia stante scissione abrogaren-
tur. Ad singula haec puncta breviter & acu-
te a Serenissimo Rege responsum est, & qui-
dem ad 1.) Importuna quaestio solvitur silen-
tio. Ad 2.) Ad pacta conventa recurro. Ad
3.) Ultra posse nemo obligatur. Ad 4.) Ne-
mo dat, quod non habet. Ad 5.) Felix Pos-
fessor. Ad 6.) Entia non sunt multiplicanda

praeter necessitatem. Ad 7.) Felix labor, quem praemia digna sequuntur. Ad 8.) Sat cito, si sat bene. Ad 9.) Non tentabis. Ad 10.) Lege cautum. Ad 11.) Hoc est, quod Auctor voluit. Ad 12.) Sufficit corona. Ad 13.) Ab uno paupere duo potentes nihil accipiunt. Ad 14.) Cum Lege loquendum. Ad 15.) Natura paucis contenta. Ad 16.) Respondebit Apollo. Ad 17.) Ex utroque nihil. Ad 18.) Elementum consumens. Ad 19.) Argumentum insolubile. Ad 20.) Diī nolunt sese illudi. Ad 21.) Per fas & nefas.

§. XIX. Iusiurandum quod Rex Augustus II. in Piekarki in finibus Regni die 27. Iunii An. 1697. praestitit, fuit huius tenoris :
Ego Augustus II. Electus Rex Poloniae & Magnus Dux Lithuaniae, Russiae, Prussiae, Masoviae, Samogitiae, Kiioviae, Vethyniae, Podotiae, Podlachiae, Smolensciae, Severiae, Czerniechoviae, natus Dux Saxoniae & S. R. I. Archimareschalcus & Princeps Elector, spondeo & sancte iuro DEO Omnipotenti ad haec sancta Iesu Christi Evangelia, quod pacta conventa per Ordines Regni mihi data, ab iisdem Ordinibus subscripta, Legatique nostri Extraordinarii corporati iuramento Varsaviae comprobata, in omnibus eorum articulis, punctis, clausulis, conditionibus,
tum

tum & conequatione iurium Magni Ducatus Lithvaniae, ita ut nec specialitas generalitati, nec generalitas specialitati deroget, servabo, manutenebo & adimplebo, atque ea omnia iterato in solemni coronatione iuramento confirmabo; sic me DEus adiuvet, & haec sancta Iesu Christi Evangelia! Deinde in actu Coronationis die 15. Sept. anni praedicti praestitum fuit eiusmodi formae: Ego Augustus II. &c. &c. &c. spondeo & sancte iuro DEO Omnipotenti ad haec sancta Iesu Christi Evangelia, quod omnia iura, libertates, immunitates, privilegia publica & privata, iuri communi utriusque gentis & libertatibus non contrarias, ecclesiasticas & seculares, Ecclesiis Catholicis Romanis, Principibus, Baronibus, Nobilibus, Civibus, Incolis, & quibuslibet personis cuiuscunque status & conditionis existentibus, per Divos Praedecessores nostros Reges & quoscunque Principes Regni Poloniae & Magni Ducatus Lithvaniae, praesertim vero Casimirum Antiquum, Ludovicum Lois nuncupatum, Vladislaum I. Jagellonidem, Ioannem, Jagellonem dictum fratremq; eius Vitboldam M. D. L. Vladislaum II. Jagellonis filium Casimirum III. Albertum, Alexandrum, Sigismundum I. Sigismundum II. Augustum, Henricum, Stephanum, Sigismundum III. Vladislaum IV. Ioannem Casimirum, Michaelem, & Ioannem III. Reges Poloniae & Magnos Duces Lithvaniae, iuste & legitime datas,

concessas, emanatas & donatas, ab omnibusque Ordinibus tempore Interregni statutas atque sanctas, mihi oblatas; tum pacta conventa per Ordines Regni & Magni Ducatus Litvaniae mihi tradita, manutenebo, observabo, custodiam & adimplebo, in omnibus conditionibus, articulis & punctis in iisdem expressis. Pacem quoque & tranquillitatem inter Dissidentes de Religione Christiana tuebor, manutenebo, nec ullo modo, vel iurisdictione nostra, vel Officiorum nostrorum & Statuum quorumvis auctoritate, quenkquam affici opprimique permittam, nec ipse afficiam ac opprimam, ac ea, quae in Electione nostra Var-saviensi constituta sunt, & quae in Conventione Coronationis nostrae constituentur, manutenebo, iisque satisfaciam. Omnia illicite a Regno, Magnog, Ducatu Litvaniae & Dominis eorundem quocunque modo alienata, vel bello vel quovis alio modo distracta, ad proprietatem eiusdem Regni Poloniae & Magni Ducatus Litvaniae aggregabo, terminosque Regni & Magni Ducatus Litvaniae non minuam, sed defendam & dilatabo. Iustitiam omnibus incolis Regni iuxta iura publica in omnibus Dominis constituta, absque omnibus dilationibus & prorogationibus administram, quovis etiam sanguinis nostri respectu nullo habito. In dispensatione quoque distributivae iustitiae non me alligabo ad affectum & propensionem naturalem sanguinis, sed solam

solam ipsam bene meritorum rationem prae oculis & corde habeo, in disponendis decurrentibus officiis & beneficiis Reipublicae. Et si (quod absit) in aliquibus iuramentum meum violavero, nullum mihi incolae Regni omniumque Dominiorum utriusque gentis obedientiam praestare debebunt, imo ipso facto eos ab omni fide & obedientia Regia liberos facio, absolutionemque nullam ab hoc meo iuramento a quoquam petam, neque ultro oblatam suscipiam. Si me DEVS adiuvet, & haec sancta Iesu Christi Evangelia! Tantum! Haecenus MSC. BOEHMII.

§. XX. Animus quidem erat hic subsistere, nec longius ducere telam, quam ab Autore erat relicta, quia tamen pugellae ultimae, dum praelo exeunt, illud attingunt tempus, quod praesens Interregnum memorabile facit, ideo nolimus ea ignorare lectorem, quae his mensibus forte acciderunt. Erat anni huius dies 1. Februarii, quo Rex AVGVSTVS II. expiravit Varsaviae, quorsum ante dies sexdecim e Saxonia venerat ad Comitata Regni habenda, quae etiam, prouti erat definitum, die 26. mensis Ianuarii haberi coepta sunt. Atque dum in eo erant Proceres ac speciatim Deputati Equestri Ordinis, ut, electo Mareschalco, salutarent Regem & postea,
more

more solito, in throno praesentem venerarentur, mors curis omnibus & expectationi omnium finem praeter opinionem indixit, regno autem attulit decimum septimum Interregnum. Ingenii lusu & literarum valore haec annotata sunt:

Die SoLis
SoL obsCVratVs
SarMatlae
patrlae tenebrls noX IngrVlt atrls
sive
AVgVstVs DIVa LVMIna CLaVslt.

Aliis passim & pluribus Chronodistichis mortui Regis diem, mensem, vitam & obitum prosecuti sunt eruditi, tum & ominando electioni Regis futuri praeludere voluerunt. Funus Regis sequenti die post mortem e palatio, ubi decubuerat, in arcem est translatum, aureo sericoque ornatu indutum alioque regio magnificentiam augente apparatu facto publice expositum, praesentibus per vices & officia serviendi praestantibus aulicis, Illustribus & Equestris conditionis eo consilio adlectis viris, donec die 4. Aprilis inter plurimas solennitates advigilante Mareschallo Regni, loculo stanneo est illatum. Hic autem tegitur
alio

alio, qui ex ligno quercino confectus, argenteoque integumento involutus. Variis in locis exequiae solennes institutae, neque minus etiam Cracoviae in templo S. Floriani ubi condendum funus multisque Inscriptionibus locus dicitur esse insignitus.

Iacturam Regis gravi Oratione prosequutus est Celsissimus Primas Regni, longamque querelam instituit ad Senatores eo tempore propter Comitia congregatos, quos quidem polonice est allocutus. Verba autem quodammodo ita latine fluunt:

Loquine possum, qui totus lacrymis diffluo, iisdemque inter loquendum opprimor? Cum luctus & dolor mihi loquendi verba subducunt. Nefas tamen esset & indecorum, inter lacrymas, non conqueri de tanta iactura nunquam resarcienda, neque fletibus satis deploranda. Quantum damni fecimus, in tanto Rege, si respicimus eius maiores; in Monarcha, si res gestas: in optimo Patriae Patre & Evergeta communi. Quis est, qui non gratiae & honorum cumulum in se praedicet. Tamen quanto minus decet divinae obniti voluntati, tanto ineptius esset obloqui morose ineluctabili fato, quandoquidem,
quisquid

quicquid Dei accidit nutu, nostris quidem querelis onerari, non corrigi potest. Fas est, animam quam exhalavit pie Rex noster, demissis precibus Dei misericordiae, nostram Patriam autem eius tutelae, commendare eamque sincera mente amare. Charitas in illam ab unione animorum & uniformitate sensuum, maxime vero a charitate mutua initium capere debet, quam Deus praecepit & praesens Reipublicae Status a nobis exigat. Rogo itaque Vos & obtestor per Deum vivum, per vulnera Iesu Christi, per cara pignora vestra ac per amorem patriae, ut odia, simultates, dissensiones & dissidencias deponatis. Hoc vinculum concordiae multo erit potentius armis & lacrymas populo, risum adimet hosti; ac infelix hoc Interregnum pacificum reddemus, & talem eligemus Regem, qualem nobis divina providentia indigitabit. Primus ego, si quem unquam offenderim, culpam agnosco & deprecor, neq; minus sancte pro officii mei ratione polliceor ac confirmo, me omni mea vita, viribusq; omnibus in eam rem incumbere velle, ut tranquillitas publica & quies conservetur.

I. Brevi

Brevi deinde post ex more recepto & ad voluntatem Procerum Regni curam idem ille Eminentissimus Princeps suscepit, editisque, ut vocant, literis *universalibus* Regis mortem nunciavit, Interregnum & diem Convocationis indicxit, uti hoc modo de comitiis provincialibus die statò habendis iudiciisque capturalibus in quosvis Palatinatu instituendis, mature consilia pro patriae commodis agitarentur, Literae universales hunc in modum latino sermone indutae sonant.

Theodorus Potocki DEI & Apostolicae Sedis gratia Archi-Episcopus Gnesnensis, Regni Poloniae & M. D. Lithvaniae Primas & Primus Princeps.

V Niversis & Singulis, quorum scire interest, praecipue vero Reverendissimis, Illustrissimis, Magnificis ac Generosis Dominis Senatoribus spiritualibus & Secularibus, Dignitariis, Officialibus & universo Ordini Equestri, Incolis Regni Poloniae, & Magni Ducatus Lithvaniae, Dominis, Collegis, Amicis & Fratribus meis gratiosissimis

S

*fissimis cum significatione officiorum & pro-
pensae meae voluntatis notum facio.*

*Quaquam in magnis calamitatibus
fama velox & ocyor Euris iam emanare
potuit ad Dominationes Vestras de fatali
vitae periodo Nobis hucusque imperantis
Serenissimi Regis AVGVSTI II. Domini
Nostri Clementissimi, qui, cum ad Regem
Regum iret huncque mundum cum regali sa-
ctu proiiceret, die I. Mensis Februarii hic
Varsaviae exuvias mortalis corporis la-
mentabilibus piisque Nostreis circa illud offi-
ciis, Regnum vero & quis deinde ad illud
vocatus fuerit, meditationibus & arbitriis
liberi Regni reliquit; id ipsum tamen ut non
ex disseminato rumore, sed ex firmitiori &
authentica relatione certius constare possit,
Dominationibus Vestris ex officio meo Pri-
matiali & ea potestate, quam in tali casu
mihi lex concessit & usus, significo luctum
publicum & una cum illo aperta luctamini
Reipublicae tempora: maxime vero nunc,
ubi necdum sedatae sunt mentes vicinorum,
qui Nobis minus bene cupiunt & flante
vita Domini saepe iniuriis Nos lacessiverunt,*

ac verendum est, ne hoc infelici tempore operando fiant ferociores & contra acephalum statum quidquam moliantur Non verbis, quæ sæpe mlesi lum pingunt dolorem, sed re ipsa infucatae sunt lacrymae, si intempestivam tam periculoso rerum statu mortem huius Domini expendere velimus, qui nominis gloria semper præveniebat & evertēbat pericula.

Habemus causam dolendi, propriis etiam vitae nostrae rationibus inducti, quibus me quoque devinctum esse primo loco profiteor, qui beneficiis eius exauctus & ad hoc dignitatis fastigium elatus sum; quia Principem Munificum, magnificum & per annos Imperii sui triginta quinque & dimidium semper misericordiae quam ultioni propiorem amittimus: Vno verbo, omnibus virtutibus, quæ optimis Principibus compeunt, a natura exornatum, in negotiis præterea Regni huius cum dispendio sæpe inaeestimabilis suae valetudinis atque adeo sollicitum & vigilem, ut, quamvis externae machinationes & pericula ad turbandam patriam nostram exoriri viderentur, sola duntaxat ipsius cura complures annos con-

Ranti & immota pace frueremur, internas vero magnarum domuum collisiones partim litibus propter fortunas, partim ob ambitum bonorum excitatas, ne aliquem gravissimum motum toti Republicae adferrent, assopire paterne conatus sit & praesto ipse adfuerit, ut studio & opera sua res omnes feliciter componerentur.

Hoc ut adhuc eo melius exoptata inter Cives harmonia ultimo loco confirmaret, ruptis probo dolor! aliquibus comitiis, novissima indixerat, ad eaque non habita infirmas valetudinis, continuis laboribus & ingravescente aetate enervatae, ratione, molesto ex Saxonia itinere cum intemperie frigidissimi aeris coniuncto properaverat; at vero, facto illorum initio, quod indubitata felix exitus spem adtulit, ipse adest esse Fato peremptorie activus, ac re ipsa orbi monstravit, quod in medio & loco Ordinum ad consilia publica congregatorum fatis cedens, non sui causa, sed potius ob charitatem huius patriae vitam degerit.

Nemo enim maiorem charitatem habet, quam qui animam ponit pro populo suo. Ex hoc igitur cognosci potest, quantum Dominum

Nobis

Nobis e vita ereptum esse, qui adeo Nobis opus erat, ut necdum Nostri curam abieciisset, eo maxime tempore, cum domi tranquillitatem, concordiam & ordinem, foris securitatem Regni & pacem externam constituere summopere anniteretur. Verum, ubi ita DEO visum est, ex cuius voluntate sceptrum cadunt, iterumque resurgunt, officii Nostri est, ut interea vitae Nostrae rationem animo volvamus, curam eius geramus & saluti Nostrae consulamus. Harum cogitationum prima & horrenda idea obiectumq; funestum est Interregnum, suspensum, nescio quid, inter occasum & ortum, prius vero quam sol ille exoriatur, qui praesentis Nostri status nubila dissipat, nox atra timorem terroremq; facit. Non commemoro adversus casus, oppressiones & calamitates, quibus Respublica istis infelicissimis temporibus gravissime affligebatur; praeceptorum exemplorum plenae sunt historiae, recentiorum necdum apud omnes extincta est memoria, quibus ipsis id sentire aut deploranda videre contigit. His itaque & similibus ut occurramus & ex praeteritis, quod DEVS avertat! futuros casus animo

S 3

pro-

proponamus, prona hominum ad mala relabentium natura edocti, cum affectus pravi, qui rectum rationis usum superant, sese immiscant; maxime vero ut provido animo vereamur, ne quis ab extra hoc orbitatis Nostrae interstitio tentare turbidum, violentoque modo in ordinem Nostrum irrumpere, & suffragia liberae gentis rapere magis, quam expetere velit: ex consensu, sententia & consilio Illustrissimorum Senatorum utriusque Nationis sub tristi hoc spectaculo hic praesentium, insistendo legibus & consuetudinibus antiquis, quia hucusque nullam novam legem ad casus Interregni Respublica sanxit, primo assigno Comitulis in Districtibus, tam in Regno Poloniae, quam in M. D. Lithuaniae celebrandis diem Mensis in Ducatu vero Zatorienti & Oswiecimensi, nec non in Terra Haliciensi octo diebus, secundum praxin, ante illum terminum, id est, diem Mensis eiusdem, in Palatinatu Masoviae particularibus Comitulis d. Mensis Generali vero Congressui Varaviae diem praedictum Mensis In Palatinatibus autem Russiae anticipent Comitula parti-

particularia iuxta placitum Illustrissimorum
Palatinorum illarum Terrarum inditta, Ge-
nerali vero Conventui Graudenti (Mariae-
burgi) d. eiusdem Mensis, in quibus Comi-
tiolis Illustriss. Palatinatus, Terrae & Distric-
tus secundum leges Iudicia Capturalia mox
constituent, ne intercedente post fata Domini
publico interstitio sistatur iustitiae cursus ad-
versus tumultus & catervas sceleratorum ad
conservandam securitatem internam, quae a-
nima omnium reliquarum rerum est, quae
bene disponuntur & ordinantur; eligent
Nuntios ad Comitia Convocationis, quibus
diem 27. Mensis Maii hic Varsaviae cele-
brandis assigno & destino; in quibus ut Il-
lustrissimi Senatores aequae ac Nuntii Terre-
stres dignentur ad tempus adesse, per omnes
charitates patriae oro & obtestor; quia
permagni interest ad integritatem & securi-
tatem Reipublicae, ut quantocius illa pera-
gantur, in quibus de futuro regnante deli-
berabitur, tempus electionis futurae determi-
nabitur: ad formam vero nuperorum Iudicio-
rum Capturalium Ordini, securitati, rationi
iudiciorum sub interregnum, cursui sanctae
§ 4. iussu

instititiae, nec non medio Inscriptionum, & Contractuum faciendorum ponendorumque librorum & Actorum in publicum providebitur: Securitas limitum Regni Poloniae & M. D. Litvaniae, quae armato & numerofo milite opus habet, constituetur, illiusque constituendae ratio quaeretur, pacta cum Principibus & vicinis regnis per Legatos confirmata & retenta primo quoque tempore conficiuntur, ac fere omnibus rebus in Republica, requirente necessitate, ope divina prospi ietur & cavebitur: insimul quod in electione futura ex consilio & consensu omnium Ordinum utriusque Nationis futuro, DEO valente, Regi ad correctionem ordinis & iurium proponi debeat. Quis denique modus electionis sit futurus, tempus suggeret consilium. Haec itaque Comitiola expendant, & quae in hisce Universalibus contenta reperiuntur, instructionis loco esse putant, ne tempus in posterum praetermittamus, novisque conventibus profusos sumtus faciamus: his de rebus ut Illustrissimi & Magnifici Domini Nuntii Terrestris inter se deliberare possint, plenam iis dent potestatem. Cum quoque

que DEO nihil gratius, nihilque omnibus
regnis salutaris sit Civium concordia &
mutuo amore, quemque Illustrissimarum Do-
minationum Vestrarum rogo & obtestor, ut
omnibus simultatibus ex penetralibus cordium
depositis, sincera & indissimulata unione,
amore & consilientia Antiquo Polona re-
diintegrata, iunctisque simul animis & mā-
nibus fraterne sese amplexaturi, hoc orpha-
num Regnum confirmare, tutari & comple-
xu suo fovere velint, donec DEVS clemen-
ter Nobis iterum Regem Patremque simul
constituerit. Ut quoque insolentibus turmis
occurratur, rigori & vigilantiae Illustrissi-
morum Capitaneorum, vulgo Starostarum,
Castrensiū utriusque Nationis id relinquen-
dum esse existimo. Similiter Illustrissimos
Gubernatores limitaneos admoneri volo, ne
exteris hominibus suspicioni obnoxii, & li-
teris testimonialibus, vulgo Pasport, non in-
structis fines Regni attingere concedatur.
Quodsi vero quis Principis cuiusdam Legat-
us in limitibus comparuerit, sine mora
mibi significetur, & tamdiu in confiniis re-
sineatur, quam diu mea super ea re non per-

venerit informatio. In his omnibus ut DE-
 VS Exercituum Nobis auxilio suo praesto
 sit, animitus precor. Hasce literas Univer-
 sales per universos Palatinatus, Terras &
 Districtus publicandas diligentiae Illustrissi-
 morum Capitaneorum in utraque natione Ca-
 strensium iterum iterumque commendo: at-
 que nunc cum appositione Sigilli mei manu
 mea subscribo, simulque ex sententia Illu-
 strissimorum Dominorum Senatorum pro tunc
 Varsoviae praesentium Illustrissimi scilicet
 & Reverendissimi Lipski Cracoviensis, Du-
 cis Severiae, Szembek Curaviensis, Zenko-
 wicz Vilnensis, Zaluski Plocensis, Szembek
 Principis Varmiensis, Hosii Camenecensis, No-
 minati Poshnaniensis, Gaspiewski Smolenscensis
 Episcoporum; Illustrissimorum DD. Principis
 Wisniowiecki Castellani, Lubomirski Pala-
 tini Cracoviensium; Oginski Palatini, Ducis
 Czartoryski Castellani Vilnensium; Oginski
 Trocensis, Szembek Siradiensis Palatinorum;
 Sapieha Castellani Trocensis, Potocki Kiiovi-
 ensis, Ducis Czartoryski Russiae, Potocki
 Wolbyniae, Humiecki Podoliae, Tarto Lubli-
 mensis, Potocki Belsensis, Principis Radzivilli
 Novo-

Novogrodiensis, Zatuski Plocensis, Oginski
 Witpepsensis, Poniatowski Mazoviae & Ge-
 neralis Regimentarii Exercitus Regni Polon.
 Głębocki Ravensis, Czapski Culmensis, Cza-
 pski Pomerelliae, Potulicki Czerniechoviensis,
 Palatinorum; Mucielski Calissiensis, Miecelski
 Siradiensis, Stecki Kijoviensis, Scipionis Smo-
 lenscensis, Sotryk Lublinensis, Podoski Plo-
 censis, Rudzinski Czerscensis, Konarski Wie-
 slicensis, Szemanowski Vielunensis, Sotryk
 Premysliensis, Maczynski Chelmenensis, Lecho-
 cki Dobrinensis, Mostowski Szerpsensis, Cie-
 cißewski Livenensis, Castellanos; Minisek
 Supremi Mareschalci Regni Poloniae, Prin-
 cipis Wisniowiecki Supremi Cancellarij M.
 D. Lithvaniae Generalis Regimentarii Exero-
 citus M. D. Lithvaniae, Ducis Czartoryyski
 Procancellarii M. D. Lith. Ossolinski Snpre-
 mi Thesaurarii Regni Poloniae, Bielinski
 Mareschalci Curiae Regni, Principis Sanguo-
 sko Mareschalci M. D. Lithvaniae trade
 & ad Acta Castrensis mitto, Datum Var-
 saviae d. Mensis Februarii Anno Domi-
 ni M. DCC. XXXIII.

Interea, dum haec aguntur Cracoviensis
 Pala-

Palatinus, Princeps Lubomirski, copiis suis Cracoviam ductis urbem occupaverat, quo etiam ex Equestri Ordine illius Palatinatus plurimi confluxerant Confoederationem inituri, cuius Princeps esset ipse Palatinus. Consilii illius hanc dabant causam, ut securitas terrae & incolarum servaretur, tum & concordia animorum & Religionis custodia, neque minus ut electio, quae instaret, esset indigenae Regis & sincera, sine furo & cupiditate largitionum, tantum solius patriae salutis causa. Quae omnia, dum nihil periculi subesse praetenderetur, magnam speciem praebere poterant salutaris curae & securitatis. Maluit tamen avertere animos ab eiusmodi foedere Celsissimus Primas, ne alii aemulatione incensi, occasionem nanciscerentur discedendi in partes. Meliorem vero operam se collocare Regno putavit, quando, quae sequuntur, communicavit cum Senatoribus brevi & maturo consilio exequenda.

I. Quemadmodum in Interregno superiori omnium cogitationes & animi in eo defixi fuerunt, ut, excluso Piaſto, extraneus eligeretur, iam enitendum salutaris industria ex adverso esse, ut, excluso extraneo, indigena seu Piaſtus eligatur. Experientia teste constare omnibus, illum non satis guarum esse patrii moris iti-

ris itidemque studiosum magis patriae, unde venit, salutis, quam Polonici Regni.

II. Omnes Haereticos ab honoribus excludendos esse, abdicandos etiam muneribus, maxime eos, qui Postis, ut vocant, praeesent, aut stipendia in exercitu Regni mererent.

III. Omnes suspectos homines aut Principi extraneo addictos Ministros Varavia, aut prorsus e Regno amovendos.

IV. Principum Legatis proprias excubias aut militem proprium haud concedendum esse, ne Varaviensis urbs peregrinis copiis abundaret.

V. Nobilibus, qui aequales inter se sunt, a peregrinis honorum titulis, aut signis, evitandae ambitionis aut invidiae causa, esse abstinendum.

Prodierunt hoc tempore Schediasmata non pauca, Primatis interdicto nequicquam talia prohibente, quae vel Martem vel Musas ciere poterant. Luculenta haec sunt affectus in diversam partem inclinantis argumenta, vel saltem impatientiae curiosae. In iisdem nonnullis fiebat diligens commendatio Stanislaï Leszczyński ad Regium Solium promovendi, aliis ex adverso editis alii censuram in hoc institutum exercebant. Revocata etiam antiqua

qua nonnulla ad praelum aut protracta iterum in scenam, non alio consilio, quam ut ii, quorum muneris id est, perspecta simili casuum, periculorum aut commodorum conditione, in praesenti Regni fortuna, aut remedia mature indagare incipiant, aut futurae securitatis munimenta. Plus ponderis in se habebat utrumque scriptum, quod Imperatoris Roman. pariter & Imperatricis Russiae nomine Rempublicam moneret, ne forte Stanislaus Leszczyński Regi creando operam impenderent eligentes. Causae allegabantur sequentes:

I. Domum inter Austriacam & Rempubl. Poloniam foedera per duo integra secula sancte esse conservata, neque minus ab Divo Imperatore Leopoldo cum Ioanne III. glor. m. anno 1677. redintegrata, ac denuo ab Oratore & Legato Caesareo Comite a Wilscheck in Comitibus Grodnensibus iterumque anno 1738. a Commissariis Reipublicae esse corroborata.

II. Cavere Imperatorem sedulo, ne quid alienum fiat contra iura liberae electionis, ob eamque rem aliquot legiones militum in Silesia circa Poloniae confinia esse collocatas.

III. Nunquam se concessurum, neq; Imperatricem Russiae, ut Stanislaus Leszczyński assediarum suorum ope thronum conscendat, nondum patriae reconciliatus.

IV. Eius

IV. Eius praetensam Electionem pariter & Coronationem anno 1701. a defuncto Sveciae Rege vi & armis extortam non valere, ideo etiam in eos, qui tum fuerunt ex sacro Ordine adiutores & fautores, a sede Pontificia severe & graviter esse animadversum.

V. Proscriptum e Regno esse Stanislaum, ac Rempublicam universam ita dedisse fidem, intercedente tum temporis Russiae Imperatore, ut hoc pacto pax & tranquillitas in Europa stabilita conservaretur. Minus autem iam conservari posse, si Regnantis in Gallia Parens in Poloniam rediret.

VI. Defore sic occasionem Turcarum moliminibus compescendis, si Stanislaus, qui olim profugus asylum apud Turcas habuit, in Polonia viveret, adhuc dum arcto amicitiae vinculo iisdem coniunctus. Id ipsum comperum esse in querelis, ad aulam Turcicam delatis instinctu malevolorum, ac si Russi, contra pacis conditiones ad flumen Pruth initas, denuo copias Poloniae immiserint Regno.

Proinde non levem calamitatem Poloniae pariter & Europae universae impendere ex Stanislai fortuna ampliori ac Regia dignitate obtinenda. Satiùs itaque esse liberis Reipublicae suffragiis eligi Regem, qui non displiceat vicio

vicinis Principibus & a quo minus periculi aut
turbarum aliis esset pertimescendam.

Eadem ferme erant, quae Imperatricis
Russiae nomine sunt proposita, adiectis pluri-
mis, quae de pactis cum Petro I. Imperatore i-
ntis agebant. Repetita haec aliquoties alio
tempore apud Primatem ab utroque Oratore
esse perhibetur. Ceterum ad haec responsi loco
datum fuisse scribebatur, quod sequitur:

S. Caesareae Maiestati laudi cedere hanc
curam, ut electio novi Regis rite peragatur:
nihil dum iam fieri in Polonia, quod bonae
vicinae perniciosum, aut praepudicio esse que-
at: nulla etiam ratione vincula amicitiae tot
pactis multis abhinc annis stabilitae violata es-
se, ac, ne quid in se desideretur in posterum,
omni cura intendere Rempublicam Polonam.

Ipsam neq; desperare de eadem perpetua
benevolentia S. C. Mai. neque de affectu, quo
Augustiss. Antecessores olim in Rempublicam
fuerunt.

Oblatas autem vires seu copias in confinio
Silesiae collocatas non tam pro custodienda li-
bera electione, quam adversus eandem potius
videri. Ab Stanislao Leszczyński aut eius
affectis vanum esse timorem, itidemque a Gal-
lis ipsis, curae omnino esse Reipublicae omni,
ut liberis suffragiis & consensu unanimi, non

VERO

vero per illicitas factiones Rex fortiatur thronum. Si vero communi Reipubl. consensu eundem forte conscenderet Stanislaus, notui id divino esse tribuendum, ac se minus dubitare, quin acquiesceret cum S. Caes. Maest. et alia studia & officia Leszczyńskaanae Domus erga Divos Praedecessores suos in multis casibus praestita, in memoriam revocatura esset. Similem hic fore Stanislaum maioribus suis, omni amicitiae fide & studiis plenum, prouti iam unumquemque experiatur S. Caes. Maestas ad omnia obsequia promptum. De Electione eius aut revocatione in Regnum nihil iam actum esse, cum haec inter arcana status referantur, ac, si forte nonnulla de his contingerent, eius tamen esse leges interpretari, cuius est condere. Quae ad electionem & coronationem eius olim factam pertinet, itidemque ad animadversionem Pontificis Maximi, ea cum dolore in memoriam revocanda esse: Iam in eo etiam Pontificem fuisse, ut ad modum August. Imperatoris Stanislaum recognovisset. Illum etiam per Comitem Vratislavum petiisse a Stanislao, ut omnem operam adhiberet in Carolo XII, Rege Sveciae p. m. persuadendo, quo militem Svecicum e finibus Saxoniae educeret quantocius, ne in viscera imperii ad instantiam acatholicorum intraret. A

toto Regno proscriptum Stanislaum, probatu difficile esse. Facilem autem in his medelam Reipublicae ferre posse; qua de re duo pro-
stare exempla, unum in Vladislao Lothico, al-
terum in Imperio Ro. in Bavariae Electore, quo-
rum uterque ad pristinam regiminis dignitas-
tem esset revocatus. Voluntatem & studium
Russorum Imperatoris Petri I. quod firmandae
paci in Polonia collocarat, ita censendum esse,
quod adhuc documenta extent, in quibus idem
Imperator Stanislaus triginta milia copiarum
magnamque pecuniae vim obtulisse legitur, ut
confirmari in quiete Regni possessione queat,
Stanislaus autem solo patriae tranquillitatis amore
ductum eiusmodi talia repudiasse. Magnorum
virorum contradictiones in Republica eo mi-
nus timendas esse, quo potiora media domi
sint hisce consopendis, modo non foris sub-
ministrantur impedimenta. Moliminibus Tur-
carum magis terrori fore exclusionem Sta-
nislaus e regno, ac tanto maiorem metum periculi
imminentis & domesticarum factionum, cum
excludi videant Stanislaum ab omni spe, quam
si forte iubeatur quiete regnare & pacate, anti-
quorum foederum & amicitiae fide innixus.
Praeter causam onerari suspicione Stanislaum
in eo, quod Turcis auctor svasorq; fuisset pacis
cum Persis ineundae, quo fortiori conatu ar-
ma

ma contra Imperatorem Ro. & Russum movere possent.

In reliquis refellendis paullo vehementior anonymus est, eiusque in dignitate regiique nominis Characterē asserendo intentior, ubique ardorem & altum animum ostendens. Quae autem ea de re palam communicarunt Oratores & Legati, tum Caesaris, tum Russus cum Primate Regni, similis fere argumenti fuerunt, quae in anonymi scripto superiori inveniuntur. Quibus tamen respondit Primas: Cum Poloni non consueverint quenquam Principum impedire in sua regione, quo minus iure suo liberè uti possit, in eo se putare non deteriores fore Polonos. Nihil dum se affirmare posse certi de Stanislao Leszczyński eligendo, sed ipsam Regis electionem libertate constare eligentium, quem DEI voluntate & nutu sint inventuri. Ceterum penes Rempublicam totam esse, non vero penes Regem solum, de bello & foederibus, decernere & statuere, neque iam Reipublicae quicquam magis curae esse, quam ut Neo-Electus cum omnibus potentiis vicinis amicitia, ipsa quoque Polonia, pace impofterum & tranquillitate perfruatur. Quae tum ore & literis confirmata saepius esse leguntur.

Convenerunt ad diem 20. Aprilis, a Primate generali Convocationi praefinitum, Pro-

ceres & Nuncii Terrestres Varaviae, ac, die insequenti, sacris in templo peractis, in conclave confvetum se receperunt, de commodis electionis habendae & patriae, cuius salus omni fortuna privata potior esse debet, deliberaturi. Fungebatur Mareschalci officio, quod superioribus Comitibus gesserat Ozarowvius, Castrorum Regni Praefectus: nunc autem de novo eligendo consilium omnium consensu initum est. Disceptatio prima statim exorta est dissidentium causa, qui ex terris Prussiae deputati accesserunt, quibus liberae vocis & voti ius denegabatur. Asperior ille ea de re conflictus fecit, ut expedienda negotia in diem 28. Aprilis reiiicerentur. Neque tamen post mitiores animos afferebant multi, quae etiam causa erat abrumpendi consilii de Mareschalco eligendo, moraue pertracta usque ad diem 30. Aprilis, ubi suffragia colligi sunt coepta. Post concertationes varias duo seligebantur Candidati, quibus haec dignitas videbatur conferenda, alter erat Sapieha Capitaneus Merecensis, alter Scipio Licensis Capitaneus. Neque tum deferebuit certandi fervor, donec in utroque Candidato praevaluit pacis & salutis publicae amor dum iuri suo renunciantes occasionem darent tertium eligendi. Erat is Massalskius Notarius Campestris Regni & Capitaneus Grodnensis uni-

unitis suffragiorum auspiciis constitutus, qui mox praestito iureiurando obeundorum negotiorum curam in se suscepit. Nuntio de his facto Primati per sex Deputatos, de variis rebus agitare consilia coepit Equestris Ordo, ubi maxime Confoederationis ineundae formulam consignavit, quae die 12. Maii coram Senatorio Ordine est praelecta. Dies quoque 14. Iulii Comitibus relationum, 25mus autem Augusti eligendo Regi est destinatus. Deinde Primati cum Ordinibus momenta nonnulla videbantur communicanda, quorum causa deliberationes instituerentur. Erant autem:

1.] Liberae electionis securitati esse prospiciendum,

2.) Pro patriae hoste eum esse habendum, qui turbator esset pacis aut factionis cuiusdam auctor,

3.] Quali comitatu stipatis esset eligentibus in campo comparendum.

4.] Foedera redintegranda cum Principibus vicinis esse, eaque de re cum Legatis tractandum.

5.) Curam securitatis ubique praestandae committendam Regimentaris & Capitaneis,

6.) Poena afficiendos gravi, qui militem cogerent sine consensu Reipubl,

7.] Diem certum praestituendum electioni Regis.

8.) Dissidentes arcendos esse a turbis excitandis.

9.) Non quenquam amovendum esse Candidatum, nedum ulla offensione laedendum.

10.] Praesidia Cracoviae disponenda legendasque esse ex copiis Reipubl.

11.] Omni cautione & providentia utendum propter potentias vicinas.

12.) Mercatorum securitati ut & reditibus Reipublicae non diminuendis operam esse dandam.

13.) Constitutionem de anno 1717. abrogandam esse, idque propter clausulam, quae occasionem praebuit Comitibus dissolvendi.

14.) Petricoviensis & Lublinensis tribunalis tempus quodammodo prolongandum.

15.) Securitati Postarum maiori cura prospiciendum.

Tandem conveniunt omnes Ordines Regni & Magni Ducatus Lithv. in eo, ut publica sanctione facta, finem imponerent Comitibus, ac praestito iure iurando fidem, securitatem, concordiam & conjunctionem virium & animorum sibi mutuo confirmarent.

Sunt autem momenta Confoederationis
sic

sic dictae sequentis, quemadmodum polonico sermone typis exscripta extant;

1.) Iura & Privilegia Romano-Catholicae Ecclesiae itemque Graeco-Unitorum ritus se conservaturos, aliosque exoticos detestaturos.

2.) Dissidentes tamen in Regno & in M. D. L. in Religione Christiana pacem iuxta antiquas Confoederationes & praecipue iuxta Constit. a. 1717. securitatemque bonorum, fortunarum & aequalitatis personarum se cauturos promittunt, ita tamen, ne in conclavi Nunciorum Terrestrium, aut Tribunalibus & Commissionibus activitatem habeant, congressus praeterea privatos sive conventicula legibus prohibita evitent, ab officiis Regni, Litvaniae, Palatinatum, Terrarum & Castrorum, (salvis modernis Possessoribus) arceantur, neque praesidium vel ipsi vel per ministros apud vicinos quaerant, sub poena perduellionis sancita.

3.) Leges de Arianis, Quakerianis, Mennonistis & Anabaptistis & Apostatis, cumprimis a. 1674. latae iterum confirmant. [cuius.]

4.) Pacem omnes inter sese ubiq; conserva-

5.) Exorbitantiam in Electione futura connotaturos.

6.) Regem natione Polonum, Romano Catholicum, utriusq; parentibus Orthodoxae fidei natum, nullas regiones, provincias haereditarias &

copias extra fines regni habentem una cum Regina Catholica electuros, ceteros. si etiam iure indigenatum gauderent, nulla modo ad thronum promotores sese obstringunt.

7) *Liberam Electionem tuituros.*

8) *In contrarias partes non ituros, nee quicquam spe lucri molituros, quod liberam Electionem laedat.*

9) *Nec concessuros quenquam eligi, qui non liberis suffragiis, nemine contradicente, electus fuerit: si quis id fecerit, pro hoste patriae eum se habere velle.*

10.) *Primates, Regem prius non proclamaturum, quam tribus vicibus interrogaverit, utrum omnes consentiant, omnibusq; exorbitantiis satis factum sit.*

11.) *Id acturos, ut iura, privilegia & libertates omnes per Pacta Conventa ante denuntiationem iuramento Rex confirmet, non mutata eius formula bucusque usu recepta, praeter id, quod Religioni Romano-Catholicae adversetur, eademque iura & privilegia, exceptis iis, quae Romano-Catholicae Ecclesiae adversa sunt, Constitutionibus in Comitibus muniat.*

12.) *Si quis ex externis Principibus vel Civibus Reipub. in iis foederibus aut aliis illicitis mediis quidquam in praeiudicium iurium & libertatum de libera Electione acturus sit, omnes*
sum-

summa vi ei restituros, nec ab hac unione recessuros.

13.) Diem Electionis 25. Aug. praefiniunt.

14.) Omnes Ordines ac Nobilitatem expeditione Generali salvis iuribus Terrarum Prussiae ac Civitatum maiorum & Ducatum Zatoriensis, Oswecimensis atq; Masoviae, tum Palatinatum Kioviae, Podlachiae & Terrae Lucoviensis nec non aliorum Palatinatum in consiniis Turcarum existentium convocandam ad Electionem sanciunt.

15.) Magno Ducatui Litv. liberum esse, ad eligendum Regem vel Expeditione Generali vel alio modo venire.

16.) Licet in pluribus Palatinatibus, Terris & Districtibus bona sua quis habeat, sufficere, si ipse adfuerit iuxta Constit. an. 1621. 1632.

17.) Quantocius Electionem finiendam, finimus, curandum, ut spatio sex hebdomadarum absolvatur.

18.) Civitates ius suffragii praetendentes, in futura Electione illud ut probando proferant in medium, obstringi.

19.) Omnes ad Electionem suis impensis profecturos, nemini damnum illaturos & signo Districtuum ad Varsaviam demum ante singulas curmas gestaturos.

T s

20.) Trans.

20.) Transgressores poena Const. 1621. & 1674. afficiendos. Hac si cui non fuerit satisfactum. patere aditum ad iudicium Capturale Generale, quod iuxta Const. 1674. die primo Electionis a Mareschalco utriusq. gentis instituitur, idemq. forum specialiter Palatinatibus Masoviae & Podlachiae caveri.

21.) Locum Electionis fore inter Varsaviam ad Volam in campo fossis circummunitum.

22.) Mareschalcum Equestris Ord. a Terris. Districtibus & Palatinatibus eligendum, ita, ut in Comitoliis Relat. vel etiam in campo electorali se deliberaturos promittant, quo ratione eligendus sit, idq. vel primo die vel citius.

23.) Ratione securitatis publicae sub tempus eiusdem Actus antiquas Confoederationes & Ordinationem Electionis a. 1674. se approbare confirmant.

24.) Proventibus regni & Regis futuri se cauturos.

25.) Praefidiis loca munita internae securitatis causa firmanda.

26.) Arcem Cracoviensem ducentis militibus tuendam tradi, Capitaneumque Cracov. ob-Bringi, ne insignia alii, quam omnium consensu electo sine scissione concedat.

27.) Milites, quos Grandmusquetiers vocant, ex bonis Oeconomicis in praesenti Interre-

gno

quo alendos, qui fidem Reipubl. coram Supremo Mareschalco Regni iurent & sub eius impetio sint.

28.] Stipendia militibus iuxta Constitut. 1717. solvenda, & si recte soluta fuerint, ne milites Confederationem incant sub poena Constit. An. 1601. 1609. 1613. 1699. 1717. sancta.

29.] Milites in regno & extra eius fines conscribere, omnibus interdici.

30.) Pacta & Tractatus cum vicinis inita hoc tempore Interregni conservaturos, bella non suscepturos, nec foedera cum eis sine consensu Reip. facturos iuxta Const. 1637. 1646.

31.) Futurum Regem, ut pacem & foedera cum eis conservet, in Pactis Conventis iureiurando obstricturos, nec ut se rebus inter vicinos agitatis Reipub. adversis immisceat lege Cardinali cauturos.

32.) Si quis ex exteris pacem noluerit conservare, Primati hanc potestatem dari, ut litteras ad expeditionem Generalem mittat, & de vi illata exteros Principes certiores faciat.

33.] Haec omnia sub fide iuramenti a se confirmari.

Iuras

Iuramentum Primatis Regni.

Ego juro DEO Omnipotenti Trinuni,
quod in futura Electione Regem, natione
Polonum, quemadmodum in praesenti
Confoederatione descriptus est, publicaturus
& electurus, nec quidquam in favorem
exteri, & quod liberam Electionem violet,
moliturus, ac in talem, si quis hoc sanctum
vinculum solvere voluerit, surrecturus, cumque
pro hoste patriae habiturus sim. Ita
me DEVS adiuvet & innocens Filii eius
Passio!

Iuramentum Episcoporum.

Ego N. juro &c. quod in futura E-
lectione Regem, natione Polonum, quemad-
modum in praesenti Confoederatione descri-
ptus est, nominaturus & electurus, nec pri-
matiale ius [si, quod DEUS avertat, Re-
spubl. in partes scissa fuerit] singulari mea
denominatione violaturus, ac in talem, si
quis hoc sanctum vinculum solvere voluerit,
surrecturus, cumque pro hoste patriae habi-
turus,

urus, nec quidquam cum exteris moliturus
sim. Ita me DEVS adiuvet.

Iuramentum Senatorum, Ministros
rum, Nuntiorum & aliorum
Statuum.

Ego N. juro DEO Omnipotenti Triu-
ni, quod in futura Electione Regem, na-
ne Polonum, quemadmodum in praesenti
Confoederatione descriptus est, nominaturus
& electurus, nec quicquam in favorem ex-
teri [quem omnino excludo] ad violandam
liberam Poloni Electionem moliturus, ac in
talem, si quis hoc sanctum vinculum solve-
re voluerit, surrecturus, eumque pro hoste
patriae habiturus sim. Ita me DEVS ad-
juvet & innocens eius Passio!

Rever. autem Custos Regni haec
praeterea addidit.

Quod Insignia Regni pro sua in Rem-
publ. fide asseruaturus, nec cuiquam alii ad
Coronationem traditurus, quam illi Regi Po-
lono, qui ab omnibus Ordinibus Reip. libere
electus fuerit.

34.) Ne

34.) Neminem ad consilia publica & suffragium nominationis in Electione admittendum statuunt, qui hocce iuramentum non praestiterit in Palatinatibus, Terris & Districtibus in Comitibus relationis aut etiam sub initium Comitiorum Electionis sub poena Const. 1665. sancita.

35.) Ducatum Curlandiae ab externis praetensionibus liberandum, ut Dux Ferdinandus vigore investiturae possessionem huius Ducatus adire & recognitionem sui ab incolis Curlandiae obtinere possit.

36.) Liberationem Elbingae & reliquarum rerum oppignoratarum, nec non Capitaneatus Dragheimensis Primati commendant.

37.] Episcopo Varmienti Christoph. Szembek pro laboribus & itinere in Curlandiam susceptis, develtisq; insigniis & Archivo Cracoviam, ceterisq; Commissariis gratitudinem declarandam.

38.] Ducatum Curlandiae & Livoniae circa exercitium Aug. Fidei iuxta Constitut. A. 1726. cum ceteris ritibus conservandum.

39.) Iudicia Capuralia iuxta Const. 1674. reassumenda.

40.) Decreta in Tribunalibus, Castris adiisq; Iudiciis post mortem Regis usq; ad emissas Univers. literas Primatis facta ut valida sint, eaq; Iudicia iterum aperiantur, decernunt.

41.] Si

41.) Si qui Privilegia ad obtinendos Capitaneatus a Rege nati fuerint, iuramentum ut in Iudiciis Capturalibus praestent, statuunt.

42.) Senatores qui Privilegia a Rege impetrarunt, in Senatu ut iuramentum praestent faciunt.

43.) Capitaneis & Ministris Castrensibus Decreta Tribunal ante mortem Regis lata post coronationem Regis futuri ad cuiusvis requisitionem exequi licere.

44.) Omnes Confoederationes particulares & Comitiorum Lauda non derogantia iuribus Reip. & privatorum. tum Decretis Tribunalitiis ad praesentem Generalem Confoederationem referenda & approbanda, quae vero adversantur, abroganda, salvis iuribus Terrarum Prussiae.

45.] Pontem in Vistula faciendum.

46.] Deputatos ad Tribunalia & Thesaurum Regni post Comitiosa Ante-Coronationis eligendos.

47.) Cuius a Mareschalcis Varsoviae locum designandum, ubi commoretur.

48.) Securitatem Civitatum & Academiae Cracov. & Vilnens. conservandam.

49.) Laudum in Comitiosis ratione oppidi Opatoviae a quibusdam turbatae approbati.

50.) Confoederationem A. 1674. de milite ad Electionem contrahendo reassumi.

(1.) Leg

51.) *Legatos & Ministros exterorum Principum tempore Electionis a loco Electionis amovendos.*

52.) *Duces & Regimentarios monendos, ut ipsi in militia imperium teneant.*

53.) *Declarando Const. A. 1717. §. de ministeriis belli & Cancellariis praesenti Convocatione cavetur, ut ad lus Maiestaticum futuri regnantis redeant.*

54.) *Zaluski Episcopo Plocensi, Duci Iano Wisniowiecio Castellano Cracov Ludovico Szofarski Palatino Inowladisl. Iano a Coden Sapieba Castellano Trocensi, Czartoryyski Cancellario M. D. L. & Petro a Skrzynnie Dunin Castellano Rademiensi, valetudinis curandae causa ad Thermas proficisci omnes Ordines concedunt.*

55.) *Commissarii ad fines Vngarorum deliguntur reassumendo Const. A. 1717.*

56.) *Iacobo Principi Regio securitatem & immunitatem cavent.*

57.) *Pacta Conventa futuris Comitibus Electionis conscribenda.*

58.) *De pecunia Neapolitana ut Episcopus Cuiav. porro tractet, commendatur.*

59.) *Ad curandum corpus Regis defuncti & Cracoviam transportandum Deputati eliguntur.*

60.) *Agra-*

60.) Agrariam contributionem M. D. L. futuris Comitibus electionis abrogandam.

61.) Declarationem Correctionis Tribunalis M. D. L. a. 1726. ad Comitibus Coronat. diffundendam.

62.) Commissarii deliguntur ad Camerariam & munimentum S. Trinitatis lustrandum.

63.) Acta negotiationum & commissionum aliq. documenta publica ad Archiva Regni tradenda.

64.) Gravamina adversus Brandenburgicum aliosq. vicinos Principes deputatis cum ipsorum Ministris tractantibus commendantur.

65.] Delecti nominantur, qui Primati a consilio sint.

66.) Expensa hoc tempore necessaria ut ex proventibus Reip. redeant decernitur.

67.) Commissarii ad Archivum eliguntur, itemque

68.] Commissarii ad salis fodinas.

69.) Commissarii ad Oeconomias.

70.) Beatificationem & Canonisationem B. Ioa. Cantii, B. Ioa. de Dukla, V. Iosephi Calasantii, B. Andreas Bobolae, Ladislai a Gielnow Ord. S. Franc. de Observantia Provinciae Maior. Polon. cuius corpus multis claret miraculis Varsaviae, V. Narburt, V. Annae Omiecimska, Zapolski, B. Cunegundae, B. Bogumili.

V. Columbae & Raphaelis Bernhardini Vartensis, nec non festum diem Immaculatae Conceptionis B. Virg. Mariae a Sancta Sede Apostolica expetendum.

71.) *Operam Marescalcorum Nunt. Terr. & Secretariorum remunerandam.*

72.] *Laudum Orjzanense & Decreta quaedam abroganda.*

73.) *Aulam Primatis ab Expeditione Generali ad Electionem eximendam discernunt.*

Iam incertis auguriis tenemur omnes, cui tandem. divina moderante indulgentia, Regium diadema in Polonia obtingat, quando in locum instituendae electionis descendet gens Polona. Iam campum invenient omnes exercendae prudentiae, fidei, constantiae & concordiae, ubi maxime iam id incumbendum, ne animis discordia distractis aut in partes divisus, fructus illius consilii ac salutaris spei pereat, aut depulso metu externo internus hostis existat, cuiusmodi calamitatis pericula non sapientes modo, sed & vulgus perspicere facite potest.

DEO interim supplicabimus humili mente, ut illa consilia Reipublicae pariter & omnibus incolis bene & feliciter evenire sinat!

Sequuntur

Sequuntur iam quaedam annotationes
breves ad M. BOEHMII Com-
mentationem de Interregnis
Poloniae.

Ad Cap. I. §. II. Alia fata Imperii Ro-
mano-Germanici aetas nostra vidit, quando A.
clo 15 CC XI d. XVII. Aprilis mortuo praeter
opinionem Iosepho Imperatore Augusto, Ca-
rolus ex Hispaniae regnis redux in Germani-
am anno sequenti felici auspicio Francofurti ad
Moenum ab Imperii Ordinibus Imperator Au-
gustus est renunciatus, atque in hunc usque
diem felicissimi Regiminis gloriam sustinet, per
Interregni annum vices moderantibus *Septem-
viro Saxoniae Friderico Augusto, Rege Poloniae,*
& Palatino ad Rhenum. Lites, quae per
multos annos Palatinum inter & Septemvirum
Bavarum de Vicariatu fuerunt, singulari pror-
sus occasione sublatae evanuerunt. Praeter
alios Iuris publici scriptores, ubi de potestate
& ratione vicariatus disputatur conferri mere-
tur AVTOR *vitae Iosephi Imper. p. 1219. &*
1220. 1225. De vicariis ipsis & eorum po-
testate agit *Aurea Bulla T. V.*

Ad §. III. Argumenta utrinque successi-
onis & electionis inter plures alios expendit

ARNISAEVS *de Republ. Sect. IV. 2.* & BER-
 NEGGERVS *Quaest. 30. ad Tacit. Germ.* Di-
 sceptatur rationibus, sed vivitur moribus &
 instituto. Malum enim praesens & notum ipsa
 consuetudine fit tolerabile. Vbi iam introdu-
 cta regnandi forma, ubique valet illud THV-
 CYDIDIS *Lib. VI. 3.* quod latine ita: *Eos ho-*
minum tutissime agere, qui praesentibus mo-
ribus legibusque, etiamsi deteriores illae sint,
nihil variantes, Rempublicam administrant.
 Conf. AARONIS ALEX. OLIZAROVII *lib.*
III. 9. de Polit. homin. societate. ANDR. FIL-
 GA, *Perspectiv. Polit. c. 3.*

Ad §. VI. Post fata Ioannis III. [Regis
 convenit inter Proceres, ne Piasus sed exter-
 nus eligeretur, iam mortuo Augusto II. con-
 trario studio se iureiurando obstrinxerunt, ut,
 excluso extraneo, Piasus Thronum [ascendat.
 Sic cavetur libertati.

Ad §. VII. Vid. *liter. respons. Equit. Pruss.*
in Biblioth. Pol. Part. III. ubi disquiritur, an Po-
 lonia ad stirpem Iagellonicam usque haeredi-
 tarium regnum fuerit, quod demum affirma-
 tur. De exclusionem a regno prolis Sobieskia-
 nae post fata Ioannis III. superstitis vide *Epist.*
 XXXVIII, ZALVSKI ad C. Barbarinum. Sine
 dubio

dubio ipsa mater regina obstitit filiorum rationibus, nuptiis dubiis inescata Principis Con-
 titii, regni tum temporis Candidati, si illud per
 electionem obtinuisset. Non obscure hoc in-
 dicat ZALVSKI l.c. quando ita: *Non cogi-
 tare Reginam de regno, quis affirmet? ut per-
 petuo dominetur desiderare eandem, quis
 asserere & resellere queat? Nihil dome-
 sticum magis esse potest, quam sua, cuique
 conscientia, nec color, quem primae lanae
 biberunt, facile amitti potest, nec mores,
 quibus imbuti sunt animi recentes. Nulla
 solet esse regno deiectionis quies. Optimi utique
 maxima concupiscunt. Verissima ergo dicunt
 & usu probata, ac probanda, non eam esse
 omnino alienam a desiderio regnandi, nec
 vellet forsitan audire illud, aspice felicem sibi,
 non tibi Romule Sylvam. --- Alii ducent
 reconcilianam cum Principe Iacobo --- ut
 nomen Regis penes filium, vis autem impe-
 rii sit penes illam. A domo tamen regia plu-
 rimi alieni, & nihil nisi mala ab ea spe-
 rant & augurantur.*

Ad §. X. Caruit hucusque corpus Regis
 Ioannis solita regali exequiarum pompa, tamen

U ;

Orati-

Oratione funebri laudavit Regem Canonicus Cracov. Ioannes Kurdwanovius, quas alioqui partes in se suscipere solent Episcopi, vid. ZALVSKI. *Epist. fam. Tom. II. p. 422.*

Ad §. XI. Tertium iam recentiori tempore praeber exemplum glor. m. Rex Augustus II. qui mense Maio Rex electus Varaviae An. 1697. atque an. 1733. d. 1. Febr. excessit.

Ad §. XII. Non praetermitti hic debent, quae an. 1704. Regi Augusto acciderunt, quando Stanislaus Leszczyński ab illis, qui a partibus Regis Sveciae erant, Rex electus & coronatus est.

Ad eand. Illam, de exitiali morte Popieli II. s. ut eum vocat Dlugossus, Pompilii II. a muribus discerpti, narrationem false iterum nuperrime peritrixit IOANNES IACOBVS FVLDENER in *Bio. & Bibliographia Siles.* ac speciatim in observationibus ad cuiusdam Ioannis *Chron. Polon. reposit. I. p. 89. seq.* Vbi decem argumentis fidem conficere tentat, neque minus flagellare eos, qui pio simplici iudicio indictam Dei in hoc & simili Hattonis Moguntini casu admirari volunt. Quale quid etiam invenitur in B. Wendii *Dissert. de fatiis suis. Lechi II, Lesci III, & Popieli. Meletem. Thor. T. I.*

Ad

Ad §. XIV. Regere alios & suo imperio obnoxios habere multos, res difficilis aequae ac iucunda est. Sed ignotum fere aulae prodigium, ut, cum imperare possint, desistant. FAM. STRAD. *de Bello Belg. L. I.* Hac de re quisquis pro more seculi ac diverso mentis habitu iudicare solet, sed rectius nemo, quam qui ipse se dignitatis fastigio spoliatur, mente praeter opinionem ad humilitatem convertit. Nimis avide magna petere haud licet, non tamen vetat lex repudiare eadem, animumque super omnem regnorum splendorem generose extollere. Singulare eiusmodi continentiae argumentum fuit olim in Diocletiano & Maximiano Impp. Ro. itemque inter Graecos in Anastasio II. Theodosio III. Isaaco Comneno. Recentiori tempore illustrius Caroli V. Imperatoris exemplo non extat ullum, qui multo liberalius tot regna dedisse filio dicitur, quam vix privatorum quisquam alii tenuem agellum relinquit. Inter Suecorum Reges similia exempla recenset SCHEFFERVS *memorabil. gent. Suec. c. 20.* Expugnari Io. Casimiri animus nulla ratione potuit, quo propositum se abdicandi regno mutaret, ac nullis precibus & argumentis permoveri. Vid. ZALVSKI *T. I. Part. I. Epist.* quae in vita Archiepiscopi *Andreae Olssowii* observavit AV-
U 4 TOR

TOR. *Biblioth. Polon.* notata digna sunt pag. 413.

Ad §. XV. Etiam nostro tempore, quoties Rex Augustus II. in Saxoniam contendit, Archiepiscopus Gnesnen. Regis absentis partes gessit.

Ad §. XXI. De dotibus electi Regis conferatur ANDR. DE PILCA *Perspectiv. Polit. cap. 4.*

Ad §. XXII. Quod attinet ad Duces Prussiae, qui olim potestatem eligendi Regem habuerunt, alia nunc rerum facies est post pacta Pacis Olivenfis, quando Suprematum & independentiam obtinuit Sereniss. Domus Brandenburgica.

Ad eand. Maioribus Civitatibus in Prussia, non demum tempore Vladislai IV. ius & facultas illum eligendi concessa, nisi verba auctoris de confirmatione quadam intelligeres. Hoc ius a primo tempore incorporationis repetendum, ubi Nobiles in Civitatibus Terrarum tempore Casimiri in unum corpus, & societatem cum Regno Polon. & Magno Ducatu Lithvan. coaluerunt. Vid. exempla post mortem Sigismun. Augusti & post discessum Henr. Valesii ap. Lengnich. *Preussisch. Geschichte* Tom. III, p. 52-54. p. 155. Mortuo Stephano Tom. IV, p. 15. 22. alia Tom. VI.

p. 15.

p. 15. In Comitibus Electionis Ioannis Casimiri duo delecti ex Civitate Thorun, interfuerunt, Zernecke ad An. 1648. p. 320. Qvanquam ab illo tempore deputati amplius eo non venerunt, non tamen expiravit ius & facultas, ut ex literis invitatoriis, ad Civitates a Primae dari solitis hoc apparet. Lengnich Tom. V. p. 1. §. 7. in dem Vorbericht von dem heutigen Zustand der Preussisch. Regiments-Berebetterung. Vnde in ultima instructione Mariaeburgi Nunciis Terrestribus ad Comitibus Convocationis profecturis res commendata, ut more solito Primas Civitates Prussiae ad Comitibus Electionis novi Regis invitare dignaretur.

Ad § XXIII. Tolerabilius videtur imperium eius, quem non casus aut fortuna evexit, sed quem extulit natalium splendor, aut illustrior fors haereditatis a vulgo distinxit. Optimi tamen Candidati in Polonia ex iudicio magni ZALVSKI esse videntur, qui plurimas pecunias afferunt, multa promittunt, et fortitudine bellica contra hostes et immoderata licentia recte uti domestica possunt - - Inventusne vel unus fuit inter tot Regum nomina princeps, qui id servaverit ad amissum, quod Reipublicae promisit? Legatus

U 5

Henrici

Henrici in Electione etiam pontem ex auro in Vistulam promisit, modo non sit ex Ungarico sed Rhenensi. Sic ludimur Poloni! Proinde uti in Mexicano regno - - iurare regem audimus, institiam se velle administrare, effecturumque, ut sol cursum suum retineat, nubes pluant, vivi currant, & terra omne genus frugum producat.

Ad Cap. II. §. VII. Non tantum diadema imperiale honoris & amoris causa Otto imposuit Boleslao, sed &, ut fere constans opinio multorum scriptorum est, regio nomine & titulo uti permisit. Quin &, si in illo concertantium de regii tituli origine & usu in Polonia divortio dicamus, Imperatorem primum fuisse, qui Boleslaum regio titulo insignire coepit, propterea quod eius Pater eo uti quodammodo est impeditus, nec ab Imperatore aut aliis Regibus regio nomine salutatus, nihil esset, quod ab hodierno more esset alienum. Facto enim a primario inter Christianos Principes Rege & Imperatore nominandi initio, facile alios, hoc allectos exemplo, eodem appellandi honore eum prosequutos esse, credi potest. Hodie enim non alius mutandi aut augendi titulos modus esse solet. Sed de eo maior quæ-

quaestio, an ut Clienti & beneficiario suo hoc concesserit, itemque an imperio obnoxia fuerit Polonia & tributaria. Quod negavit IO. SCHVLTZIVS peculiari tractatu *de Polonia nunquam tributaria*. Sed apparet facile, nimium affectui indulgisse & ingenio, quippe fuit omnino tempus, uti ex Scriptoribus Polonicis iuxta & Germanicis patet, ubi ab omni onere & tributo aliis, speciatim Germanis, pendendo liberi non fuerunt. Saltim fideliter Imperatoribus servire solitos per aliquot tempus negari non potest; praesertim cum attendamus, quam longe imperium extenderint Ottones & regnandi felicitatem etiam ad mare Balticum transfulerint Vid. CONRING. *de fin. Germ. Imp.* & HARTKNOCH *de Republ. Polon.* p. 32. & 44. Sufficit iam liberam esse nationem, quae maior gloria est, quam olim non paruisse & perdere libertatem.

Ad eand. An Rixa Ottonis III. soror fuerit, admodum dubitatur, affirmat KADLVBKO, sed sine fundamento. LIPSIVS *monit. Polit. cap. III.* communem sententiam sequitur, qua Rixa multarum technarum & fraudum foemina repraesentatur. Sed ei iniuriam fieri AEGIDIUS GELENIVS testatur, qui ideo vindicias pro eadem contra criminationes adornavit. Promisit eius Genealogiam & multa

multa alia accuratiora, quae de ipsius fuga, vita & morte in Germania agunt, AVTOR *Biblioth. Polon. Part. II. p. 60.*

Ad §. IX. Quae Hedvigis non sine causa circa matrimonium cum Iagellone excepit, diu, an consentire deberet, anxia & anceps, itemque, quomodo deinceps Iagello coronatus & baptismatis sacro fonte ablutus, pluribus refert DLVGOSVS.

Ad §. X. In Candidatorum regni obtinendi numero etiam fuit Chan sive Princeps Tartaricus, cuius etiam sunt lectae literae, quas Legatus ad Regni Senatores attulerat. Paratus is erat ad omnia & proclivis sive vitam sive religionem species, vilique ac deridenda facilitate captare animos Polonorum tentabat, hoc modo voluntatem suam contestatus: *Potentem se esse & posse myriades aliquot equitum (vera sunt) educere e suis terris Poloniae tuendae vel augendae. Item frugalem se esse & continentem ac sine ullis ciborum deliciis, sola equina in fame contentum. Tertio, quod ad religionem, de qua disputari audiebat, Tuus, inquit, Pontifex, meus Pontifex esto, tuus Lutherus, meus Luthe-*

rus esto. Quod si risu & iocis excepta haec legatio, nemo mirabitur. Aliter enim & lautiori apparatu in Polonia vivere mortales posse, quam carne equina, soli beneficium ingens est. Praeterea omnia deserere sacra ex intempestiva cupiditate regnandi luculentum levitatis indicium est. LIPSIVS in *monit. Polit. & Exempl. cap. V.*

Ad eand. Henricus Valesius Neo-electus Rex Poloniae iureiurando etiam confirmavit & approbavit articulum, qui de religione agit, quem in generali foedere Varaviae Anno salutis cdo Io LXXIII. die XXVIII. Ianuarii inito sanxerunt ordines. Hoc ipso enim in id convenerant, ut in aequali Republica non obstante sententiarum fidei diversitate, pax aequalis & libertas inter omnes salva & inconcussa perpetuo servaretur. Latino sermone, uti verba in corpore Legum Polonicarum habentur, ita fluunt: *Hoc praecipue nobis Rex electus iuramento confirmabit, pacem publicam inter scissos & divisos in fide & religione conservare;* & mox: *Cum autem in Republica nostra sit non exiguum in causa religionis Christianae dissidium, occurrendo huic rei, ne ex ista causa inter homines*

mines oriatur aliqua noxia seditio, quam in aliis Regnis clare videmus: spondemus hoc nobis invicem pro nobis & successoribus nostris, in perpetuum, sub vinculo iuramenti, fide, honore & conscientiis nostris, quod nos, qui sumus dissidentes de religione, pacem inter nos conservabimus, & propter diversam fidem & differentiam in Ecclesiis, sanguinem non profundemus, neque nos poenis afficiemus, veluti confiscatione bonorum, infamia, carceribus & exilio, neque Magistratum ullum vel officium ad tale facinus ullo modo iuvabimus: Imo vero si quis sanguinem ex ista causa effundere velit, huic nos omnes vires nostras opponere temebimur, etiamsi praetextu decreti vel processus iuridici alicuius hoc facere velit. Clausula addita ita se habet: Haec omnia spondemus nobis mutuo pro posteritate nostra, servare constanter & tenere sub fide, honore & conscientiis nostris. Qui vero huic conventioni adversari, pacem & ordinem publicum destruere voluerit, contra talem omnes consurgemus in eius destructionem. Quae postea in aliis Interregnis accidit.

ciderunt, huic veluti fortissimo propugnaculo omnia superstructa reperiuntur. Aliiter enim ii, qui divortio sententiarum inter se disiuncti sunt, in unum corpus coalescere non possunt, quam ut, sepositis odiis, posthabito paucorum contranitentium dissensu, mutua sit concordia in civilibus, in sacris tolerantia, pax autem & libertas in aequali Republica inter aequales conservetur, & omnes, data fide ac feederis & amicitiae vinculo consociati ad mutuam de publica salute curam revocentur.

Ad §. XVII. Vnde tantum in Reginam & domum Regiam sit enatum odium, quodammodo Illustrissimus exponit ZALVSKIVS in Epistola XXXIII. emollicendo etiam naevos & errores, ita querelas, & accusationes nonnullorum retundit: *Reginam accusatis, quod scilicet fuso locare deberet manum, immisceat se publice administrationi pro sexu audentius, & non meministis quod nihil magni in regno sine illa imo nisi per illam fuerit gestum, quod nos iudicio nostro illo tempore approbavimus, gratulatione etiam prosecuti sumus, amavimus amore dignam. Huiusmodi etiam reprehensionem nostra iam consuetudo sustulit.*
Nemo

Nonne videtis per totam Poloniam in domibus privatis (examina & tuos lares) devolutum in feminas rerum imperium. Si est iniquitas, cur suo patrocínio non destituitur? Et Regina [quasi tempus sit malos peiores fieri] in hoc arguitur, accusatur, & ne potestas datur causae dicendae, imo neque defendendi commoditate data &c. &c. --- Privati queruntur quod officia, proventus, dignitates, quae illis a gloriosae memoriae Rege conferebantur, insolito in hac Republica pretio nundinari,olvereque debuerint. Verum meminere oro praedicti praetendentes, quo pretio Reges obligantur & clare advertent, quod nullam patiantur iniuriam, quoties pro collatis dignitatibus aliquid liberali in se Maestati Regiae tribuunt offeruntque, cum hoc faciant ex contractu innominato.

INDEX.

INDEX RERVM.

A

Abdicationi Regum lege publica cautum est, 177. Quae, est omiffa, electo Ioanne III. 23. 196. Abdicationis spontaneae exempla. 21. seq.

Adamas pretiofiffimus. 261.

Adolphum Sveciae Regem quidam Regem Poloniae eligere volunt. 154.

Alphonfus Ferrariae Dux Candidatus regni Polon. 129. Conditiones ab eo propofitae. Ibid.

Anna Sigismundi filia in numerũ Candidatorum regni refertur. 119. Creatur regina, nubiturque Stephano Bathori. 132.

Ariani in Pol. non tolerantur. 295.

Augustus II. Candidatus fceptri regii. 221. Qua de caufa eligendus Ibid. Salutaris Rex. 225. Contiffae ipfi refiftunt 227. 231. Coronatur. 261. Puncta a Confederatis ei propofita. 264. Ad quae ab eo refponfum est. 265. Confirmat iuramento pacta conventa. 266. seq. Moderatur vices temp. Interregni in Imp. Germ. 307. Mors. 269. Funus. 270.

X

Auftrij

INDEX.

Austriacae domus conditiones, ob quas ad regiam dignitatem in Polonia evehi cupit.

145.

B.

Balthasar, Stephani Bathori, frater appetit regium diadema 144.

Bellum Russiae a Cosacis illatum. 163.

Bielinski eligitur Mareschalcus per calculos scriptos 207. Primus proclamat Fridericum^o Aug. Regem. 115.

Blandrata pacta conventa a Polonis obsignata tradit Principi suo Stephano Bathori. 131.

Boianowski Sigismundum III. Regem electum adducit in Poloniam. 148.

Boleslai II. Epitaphium. 20.

Boleslaus III. regnum dividit. 6.

Brand resistit conatibus Principis deConti 254.

Bycina urbs Siles. expugnatur a Zamoscio. 151.

C.

Camenecia a Turcis expugnatur. 187.

Cancellariorum officia temp. Interregni cessant 36.

Candidati regni partim incolae, partim exteri 46.

- - Post discessum Rixae. 83.

- • Mortuo Lesco Nigro. 86. 87.

- • Post mortem Praemislai. 92.

- • Expulso Vladislao. 93.

Mon.

INDEX.

- • Mortuo Ludovico. 100.
- - Post obitum Sigismundi Augusti.
119. seq.
- - Post discessum Henrici Valesii. 129.
- • Post mortem Stephani. 141.
- - Post abdicationem Ioannis Casimiri
172.
- - Mortuo Michaelē. 199. seq.
- - Defuncto Ioanne III. 208.

Candidatorum nullus in electionis loco debet
adesse praesens. 161.

Capillos apud Polonos radendi mos unde? 6.

Cardinalis vices Episcopi in Polonia obire non
debent. 117.

Carolus Dux Neoburgicus competitor sceptri
regii. 220. Conditiones ab eo propositae.
Ibid.

Casimirus Florianus Archiep. Gnesn. nominatus
Interregis munia exercet. 187.

Casimirus I. iam Monachus factus Rex eligitur.
5. 81. 83. seq.

Chan Tartaricus Princeps Candidatus regni. 316.

Comitia Convocationis Vars. 291. 292.

Condei Principis fautores. 177.

Confoederatio generalis temp. interregni. 19.
Mortuo Sigismundo Aug. 110. Electo
Friderico Aug. 241. Cracoviens. Palatinus
mortuo Augusto. 284. Varsav. 294.
296.

INDEX.

- Confoederatio Religionis temp. interregni IX.**
117, 118, 123. Impugnatur a Gregorio
XIII. 119. Ab Episcopo Posnan. 125.
Durante interregno XI. 138.
- Conradus capit Henricum Ducem Lignic. 69.**
- Consanguinei cum Nobilitate pari iure gaudent.**
195.
- Conti competitor regni, 215. Rationes pro-**
pter quas eligendus. Ib. Adventus eius
in Prussiam. 244. Scriptum evulgat. Ib.
Infectis rebus in Galliam revertitur. 254.
- Contistarum querelae. 227.**
- Coronationis ritus, 52. Quid ante eam pera-**
gatur? 51. Quid post eam. 64. Quo
tempore ius coronandi Reges Cracoviam
translatum. 94. Controversia ea de re.
97. Coronationis solennitates, electio Fri-
derico Aug. 262. Primati competit ius
coronandi Regem. 241.
- Corporis regii cura quibus committatur? 15**
Prius non efferri solet, quam Rex novus
electus fuerit. 15. Sunt tamen, quibus,
necdum electis novis Regibus, iusta per-
solvebantur. 16. Ritus sepeliendi Re-
gum corpora. 51.
- Cosaci Zaporoviani ius suffragii in electione Re-**
gis requirentes repulsam ferunt. 45. 157.
Russiam depopulantur. 168.

Craci

INDEX.

Craci I. res gestae. 72. Draconem occidisse fertur. 73.

Cracovia a Maximiliano expugnatur. 150. A Craco condita est. 20. 73. Quo tempore ius coronandi Reges eo translaturum. 94. Decem e Magistratu personas nobiles creat Frid. Aug. 263. Obtinet ius suffragii in electione Regis. 45. 166.

Cracus II. a fratre occiditur. 73.

Cuiaviensis Episcopus moderatur statum interregni absente Archiep. Gnesn. 32.

Curlandiae Duces eligunt Reges. 45.

D.

Dąbbski Episc. Cuiav. coronat Frid. Aug. 262.

Quod indigne ferunt confoederati. 265.

Dignitates vacantes Respublica tempore interregni distribuere non potest. 158. Sunt tamen exempla ib.

Dissidentibus cautum est de libero religionis exercitio lege peculiari ante electionem Henrici Valesii. 123. 317. Offerunt XX articulos post obitum Sigismundi III. a futuro Rege iuramento confirmandos. 155. Eos vi opprimendos esse plerique censent. 160. Ab honoribus excluduntur. 285. 295. It. a confessu in Comitibus. 292.

Dorpoſki nunciat Friderico Aug. ipsum Regem esse electum. 226.

X3

Draco

INDEX.

Draco in antro Cracov. 73.

E.

Electio libertati Polonicae magis convenit quam successio. 7. Electionis modus in Pol. non est praescriptus. 8. Locus. 40. Quo pacto peragatur? 41. Diploma conficitur. 48.

Elogium Stephani R. 136.

Ernestus Austriae Archidux Candidatus Regni Pol. 121. 129.

Estoniam a Legatis Svecicis promissam Poloni Regno adiacere volunt. 150.

Exequiae Joannis III. 161.

Exorbitantias regni prius esse corrigendas, quum Rex eligatur. 41. 175. Quod ante electionem Augusti II. factum non est. 42. In Electionis Comitibus se eas connotaturos sanciunt Ordines a. 1733. 195.

F.

Familiam Regis defuncti ex aerario publico აღლendam esse decernunt Ordines. 158.

Firley Ioannes tumultum sedat. 121.

Flemmingius Orator ab Elect. Sax. ad Polonos missus 242. Pacta conventa nomine Regis iuramento confirmat. 260.

Frederovicus Competitor sceptri Polon. 120. Additis conditionibus. ib. Cui etiam nonnulli bene cupiunt. 122.

Frides

INDEX.

Fridericus Curlandiae Dux, ut frater exul patriae
restituatur, rogat. 157.

G.

Gedanenses stant a partibus Maximiliani Imp.
134. Impetrant ius suffragii in electione
Regis 45. 166.

Georgius Wilhelmus Dux Prussiae indigne fert,
quod ad Conventum publicum non sit vo-
catus. 156.

Gnesna sedes Piaſti. 79. Ius ſtapulae obtinet 160.

Gneſnensis Archiep. coronare debet Regem. 141.

Graecorum in religione gravamina. 156. Indulta
est ipsis potestas ritus Russicos colendi
161.

Gryphina Leſci Nigri uxor donat Venceslao
Boh. R. terram Cracov. & Sendomir. 90.

H.

Hedvigis coniux Vladislai Jagellonis. 12. 107
316. Opera matris suae eligitur regina
100. Illius condiciones pacis cum Zie-
movito initae. 108.

Henricus Dux Lignic. vincit Vladislaum. 88.
Captus a Conrado Duce Glogov. 89.

Henricus Probus praelio a Vladislao Loſtico vi-
ctus. 87. Redintegratis viribus prosternit
cepias eius. 88.

Henricus Valesius Candidatus R. P. 119. 121.
Renunciatur Rex Pol. 124. Migrat in Po-

INDEX.

Ioniam. 125. seq. Abit noctu in Galliam.
127. Mittuntur ad eum Legati. ib. seq.

I.

Iablonowski Legatus ad Regem Frid. Aug. recens electum. 230.

Iacobum Ioa. III. filium commendat Imperator
213. Alia pro eo eligendo argumenta.
218.

Indigenatus terrarum Prussiae a Polonis oppugnatur. 185. Exteris non conferendus in Pol. 258.

Inscriptio in Regem electum Frid. Aug. 262.

Interregnum quid? 4. In imperio Rom. Germ. ib. Eius causae. 14. Quot interregna fuerint in Pol. 69. Statum eius moderatur Archiep. Gnesn. & hoc absente quisnam alius? 31. Quousque duret? 121. Quid in eo actum mortuo Sigism. Aug. 264. Post mortem Stigis. III. pacatissimum. 253.

Ioannis Alberti epitaphium. 17.

Ioannes Albertus obtinet Episcopatum tempore interregni. 158.

Ioannes Casimirus sceptrum regium obtinet. 169.

Vt ut iam Ordini S. I. adscriptus fuerit. 6.

Eius vitae curriculum. 169. Fratris conjugem ducit in matrimonium. 170. Absdicat se regno. 171. Abdicatio uberius
recen-

INDEX.

recensetur. 24. seq. Oratio eius valedictoria. 26. Epitaphium. 15. Exequiae. 205.

Ioannes Sobieski profligit Tartaros. 187. Quibus conditionibus Rex factus. 195. Salutatur Rex. 204. Mors. 205. Exclusio prolis eius a regno. 308. 309. Coniugis eius cupiditas imperandi. 319.

Ioannes III. R. Sveciae competitor R. Pol. 121. 129.

Iudaeis nulla functio in teloniis conceditur. 160.

Iudicia Capturalia quid? 34. Approbantur 138. Quando primum instituta. 34.

Iudicia quaedam cessant tempore interregni. 36. 153.

Iudicia Terrestria & Tribunalitia non solent prius cessare, quam mors Regis fuerit denunciata. 153.

Iuramentum Augusti II. 266. (2550

- - Conscribentium pacta conventa. 277.

- - Flemingii nomine electi Regis Frid. Aug. 260.

- - Regum, quo pacta conventa confirmant 50. Aliud in ipso actu coronationis. 61.

- - Mareschalci. 188. 195.

- - Senatorum negotia Reip. temp. interregni tractantium. 189. Primatis Re-

INDEX.

gem eligentis. 100: Episcoporum. ibid.
Senatorum, Ministrorum, Nuntiorum,
301. Custodis regni, ib.

Iurium cosequatio. M. D. L. abrogata. 243.
K.

Kaptur vid. Iudicia Capturalia.

Kostka, Ioannes Palat. Sendom. Competitor re-
gni. 119.

Kurtzbach Orator Imp. in itinere vulneribus a
Weyhero afficitur. 136.

L

Lechus I. Pol. Princeps. 71.

Lechus II. in exilium missus. 74.

Legati in Galliam missi ad salutandum Henri-
cum Valesium Regem. 124.

- - In Germaniam missi ad Maximilian.
Imp. custodiam traduntur. 136. Dimissi
a Rudolpho II. ib.

- - Exteri temp. electionis Varfaviae
ne resideant cavetur. 39. 304. Eorum
locus in Comitibus publ. 43. Arcentur a
Conventu Generali, mortuo Sigism. Aug.
114. Proprius miles non conceditur.
285.

Leges temp. interregni defuncto Sigism. Aug.
117. Post obitum Michaelis. 192. Post
mortem Ioannis III. 241.

Lescio aurifaber Princeps eligitur, 76.

Lescus

INDEX.

Lescus Albus bis principatu motus, oblatum
tertio sponte spernit, ad quem tamen
summa rerum redit. 22.

Lescus II. actu principatum obtinet. 76. Qua-
drigis distrahitur. 20. 77.

Lescus II. f. III. qua ratione imperio potitus sit.
77.

Lefzczynski commendatur Rex in scriptis. 285.

Cui se opponunt Imp. Rom. 286. Ra-
tiones adferuntur. ib. Et Imperatrix

Russiae 288. Responso Primatis. 291.

Lex peculiaris de religione. 123. Confirma-
tur defuncto Stephano. 138.

Litterae Petri Alexewitz ad Primate[m] regni.
209.

• - Principis Cantu ad Polonos 244.

• - Radzieiowski Card. ad Aug. R. 230.

- - Universales Saxonistarum 249.

- - - Radzieiowski 111. 237.

- - • Potocki. 273.

Lithvani indigne ferunt, quod sine ipsorum
scitu Stephanus Rex electus sit. 134. 135.

Post mortem Stephani Austriacas partes
tuentur. 147. Postulata eorum mortuo

Sigism. Aug. 115. Piasum repudiant.
201.

Lithvania adiungitur Poloniae. 109. Iurium
ipsius coaequatio. 208. Abrogata. 243.

Lotha.

INDEX.

Lotharingiae Princeps sceptrum regium sibi tradi petit. 179.

Lubomirski Cracoviam occupat. 284. Princeps Confoederationis Cracov. ib.

Lucerna D. Petri ex Polonorum censu. 5.

Ludovicus Hung: R. denominatus est successor a Casimiro. 13. Creatur Rex Pol. 94. Idem, ut filiam suam Reginam eligerent, a Polonis impetravit. 14. Eius regiminis pertaesi Poloni. 97.

Ludovicus Marchio Badensis Competitor regni. 221.

M.

Mareschalci iurisdictio tempor. interregni circumscripta. 195. Quomodo fidem suam obstringat, quando Rex eligendus sit. 41. 188, 195.

Maria Casimira iuncta connubio Ioanni III. 205.

Maria Ludovici filia excluditur a successione. 100.

Mariae Virginis imago flet. 174.

Massalski Mareschaleus. 292.

Maximilianus Archidux Austriae eligitur Rex 149. Expugnat Cracoviam. 150. Capitur a Zamoscio 151. Ecustodia dimittitur. 152.

Maximilianus Imp, Candidatus regni Pol. 129. Eligitur Rex dissentiente Ord. equest. 130.

Men-

INDEX.

- Menonistae in Pol. non tolerantur. 295.
Mescingus Ducatum Pomeraniae donat Prae-
mislao. 90.
Michael Coributhus electus R. P. 172. 184.
Mors eius. 187. Causa mortis, 18. Epi-
taphium. ib.
Milites ad suffragia in electione Regis non ad-
mittuntur. 45. 157.

N.

- Neoburgicus Princeps Candidatus R. P. 178.
Nobiles a peregrinis titulis honorum & signis
abstineant. 285.
Nummus in coronationem R. Frid. Aug. 261.
Nuncii Pont. Rom. locus in conventibus publ.
176.
Nunciis Terrarum Prussiae locus inter Plocen-
sem & Lancicienssem Palatinatus concedi-
tur. 180.

O.

- Obarscius Condeo & Neoburgico Principi mi-
nime favens. 176.
Ordinum omnium consensus liber requiritur
priusquam electus Rex coronari possit.
241.
Otto Imp. diadema Boleslao imponit. 80. 314.
Ozarovius Marechalculus. 291.

Pactio.

INDEX.

P.

Paſſorum Cenventorum ſumma inter Frid. Auguſt. & Remp. 255.

- - Inter Ioa. III. & Remp. 196.

Palatini XII. poſt mortem Lechi regnant. 71.

Pecuniae cudendae ius penes Remp. 161.

Petri Alexewitz literae ad Archiep. Gneſn. 209.

Piaſtus quare a regia dignitate excludatur adferuntur rationes. 9. 190. 191. Pro quo tamen aliae militant, 10. 173. 191. Lithvani poſt mortem Michaelis repudiant Piaſtum. 201. It. omnes Ordines poſt fata Ioannis. 308. Poſt mortem Auguſti eligendus, 284. 298. 295. 296. 08.

Piaſtus ruſticus princeps eligitur. 78. 79. Cruſvicia Gneſnam ſedem ſuam transfert. 79.

Pomeraniae Dux non admittitur ut electioni Regis interſit. 121.

Polonia olim Imperio tributaria fuit. 315.

Poloniae Regnum olim haereditarium fuit. 5. Quod lege abrogatum. 7.

Popielus II. a muribus corroſus. 20. Quod ab aliis in dubium vocatur. 310.

Poſnanienſis Epiſc. moderaa ſtatum interregni abſentibus Archiepiſcopo Gneſnenſi & Epiſcopo Cuiav. 32.

Potocki Primatis Oratio in Comitibus poſt mortem

INDEX.

- tem Regis habita. 271. Literae universales. 273. Momenta ad deliberandum in Comit. Convocat. proposita. 293. Iuramentum ob eligendum Regem. 300.
- Praemislaus Rex coronatur. 92. Sigillum regni primus exculpandum curat. ib.**
- Praescriptionum tempus in causis fundi Ecclesiae 161.**
- Preces illius, qui coronat Regem. 55.**
- Primas regni quare ex Ordine Ecclesiastico sit? 31. Moderatur statum interregni imo ipsum regnum absente Rege. 31. 32. Renunciat Regem. 44. Ius coronandi Regem. 241. Post coronationem Vicariatum deponit. 66.**
- Proles regia a sceptro Polonico olim non erat exclusa. 11.**
- Protestatio Contistarum adversus electionem Frid. Aug. 231. Responsio ad eam. 232.**
- Prussi postulant frustra, ut ex illorum Ordine Mareschalcus eligatur. 139.**
- Prussiae Civitates Commissariis Regis praestant homagium. 66. Habent ius suffragii in electione Regis. 312, 313.**
- Prussiae Duces olim Reges eligebant in Pol. 45. 312. Non conceditur ipsis locus in Comitibus. 199. Non sunt vocati ad Convocationem generalem mortuo Sigism. III. 156.**
- Qva.

INDEX.

Q.

Qvackeri in Polonia non tolerantur. 295.

R.

Radzieiowski Primas Regni suppressit literas ab Imp. Russorum ad se datas. 109. Principem de Conti Regem proclamat. 225. Eius ad Frid. Aug. literae, quibus eum advocat a capessenda dignitate regia. 130. Literas universales ad omnes Ordines Polon. mittit pro electionis de Conti confirmatione. 237.

Radzivilius Ref. religioni addictus Mareschalcus in Comitibus electus. 154.

Reges Pol. exauctorari possunt. 19. Cuius rei exempla adferuntur. 20.

Reginae viduae Michaelis R. promittuntur annui redditus. 190.

Respublica in partes distracta post obitum Stephani Regis. 141. Item defuncto Michaeli. 201. Mortuo Ioanne III. 206. 224. 225. Post discessum Rixae. 183.

Rex non Catholicus ut eligi possit in Pol. Imperator petit a Papa. 200.

Rittigerus a Venda victus mortem sibi consciscit. 74. 75.

Rixa mater Casimiri summam rerum tenet. 80. Auffugit e Polonia. 81. An Ottonis soror fuerit, dubitatur. 315.

Russia

INDEX.

Russia & Cosacis devastatur. 168.

S.

Sedes regia in Pol. vel M. D. L. figenda. 259.
260.

Sigillum regni Praemislus primus exsculpendum curat. 92.

Sigismundus Aug. admodum adolescens corona regia condecoratus. 14.

Sigismundus Caroli Imp. filius ad fasces regni non admittitur. 99. Masoviam depopulatur. 104.

Sigismundus III quibus conditionibus ad regiam dignitatem adspiraret. 12. 146. Rex Pol. eligitur. 148. Venit in Poloniam. 149. Mors eius. 151.

Stanislaus Szczepanovius a Boleslao II. interficitur. 20. Eius templum Rex recens electus invisit. 51.

Stapulae ius Thorunium habet. 260.

Stephanus Bathori Candidatus regni. 129. Conditiones ab eo propositae. ibid. Venit in Poloniam. 133. Religioni Catholicae se addictum esse fatetur. 134. Coronatio eius peracta a Cuiav. Episcopo. 135. Elogium eius. 136. Mors. 137. Post mortem a Karnkovio in Conventu publico accusatur. 138. 139.

Y

Sta-

INDEX.

Stolam candidam festis solemnibus gestare debent Poloni. 6.

Successivum olim Poloniae regnum fuit. 5.
Quod deinde abrogatum est. 7. 14.

Successor vivente adhuc Rege saepius denominabatur. 13.

Sveciae Rex suadet, ne prius ex Sigismundi filiis aliquis Rex eligatur, quam haereditati regni Sveciae renunciarit. 165.

T.

Tenczynius Palatinus Belzens. Candidatus regni 141.

Thorunium ius stapulae habet. 160.

Tribunalitia iudicia tempore interregni cessant. 37.

Turbae durante interregno XIV. 180. Post obitum Ioa. III. 269. Electo Rege Aug. II. 225.

Turcorum Imperatoris consensu Regem eligendum esse praetendit legatus eius. 140.

V.

Vchanskium Archiep. Gnesn ut Regem eligant Poloni commendat Turcorum Imp. 120.
Sequitur partes Maximiliani Imp. electi R. P. 135.

Venceslaus Boh. Dux terram Cracov. & Sandomir.

INDEX.

- domir. a Gryphina sibi dono datam occu-
pare conatur. 90. Eligitur Rex. 92.
Venda in Vistulam se præcipitem agit. 21, 75.
Vicarii Imperii Rom. Germ. 4.
Vilaenses impetrant ius suffragii in electione
Regis. 45, 166.
Vladislaus Cuiaviae Dux iam Monachus in Pol.
venit occupaturus regnum. 97, 98.
Vladislaus Jagello coniugium Hedvigis expetit.
107. Fit Christianus. 109. Creatur Rex.
ibid. Lithvaniam Poloniae iure sempi-
terno adiungit, ibid.
Vladislaus Jagellonides a Patre adhuc vivo de-
signatur successor. 13.
Vladislaus Lothicus vi thronum occupaturus
infectis rebus discedit. 87, 88. Utut po-
stea Rex electus fuerit, tamen exutus est
ea dignitate. 91. Iterum Rex creatur.
ibid.
Vladislaus opera fratrum suorum Rex eligitur.
162.
Vnctionis formula 58.
Vniversales quid? 33.

W.

- Wilhelmus Austriacus Hedwigen Reg. in ma-
trimonium ducere cupit. 108.
Woievoda vid. Palatinus.

Zala-

INDEX.

Z.

Zaluski concio laudatur. 207.

Zamoscius a Zborovii in conventu acriter perstringitur, 137. Vindicat famam suam ab inimicorum calumniis. 139. Conditionibus in Conventu Varfav. ab omnibus probatis subscribere recusat. 141. Cum copiis venit ad Comitia Varfav. electionis. ibid. Competitor regni. 143. Profligat copias Maximiliani, 150. 151. Quem capit, 151.

Zborovius Zamoscio resistit 64. Cui ademta est dignitas Mareschalci. 137.

Ziemovitus Masoviorum Dux bellis vexat remp. 103. Rex creatur. 101.

FINIS.

